

Bhikkhupātimokkhapāliyā ceva

Bhikkhunipātimokkhapāliyā ca

Samvannanābhūtā

Bhadantamahābuddhaghosatherena katā

# KAṄKHĀVITARANĪ-ATṬHAKATHĀ

---



Romanized from Myanmar version published in 1994

© Buddhasāsana Society

Aṭṭhakathā Series 05

First published in 2008 by Ministry of Religious Affairs  
Yangon, Myanmar

THE PĀLI ALPHABET  
IN BURMESE AND ROMAN CHARACTERS

---

VOWELS

အ a	အာ ā	အိ i	အို ī	အု u	အုု ū	ဧ e	ဧု o
-----	------	------	-------	------	-------	-----	------

CONSONANTS WITH VOWEL "A"

အ ka	ဧ kha	ဧ ga	အ gha	ဧ ၃ na			
ဧ ca	ဧ cha	ဧ ja	ဧ jha	ဧ ၃ ŋa			
ဧ ၃ ta	ဧ ၃ tha	ဧ ၃ da	ဧ ၃ dha	ဧ ၃ ၃ na			
အ ta	ဧ tha	ဧ ၃ da	ဧ ၃ dha	ဧ ၃ ၃ na			
ဧ pa	ဧ pha	ဧ ba	ဧ bha	ဧ ၃ ma			
အ ya	ဧ ra	အ la	ဧ va	အ sa	ဧ ha	ဧ ၃ ၃ la	ဧ ၃ ၃ m

VOWELS IN COMBINATION

၁ အ = a	၁ ဧ = ī	၁ ဗ = ဗ	၁ ဗု = ဗု	၁ ဗုု = ဗုု	ဧ = e	ဧ ၁ = o
---------	---------	---------	-----------	-------------	-------	---------

အ ka	အာ kā	ဧ ki	ဧ kī	ဧ ku	ဧ kū	ဧ ke	အော ko
ဧ kha	ဧ khā	ဧ khi	ဧ khī	ဧ khu	ဧ khū	ဧ khe	ဧ khø ...

CONJUNCT-CONSONANTS

အိ kka	ဧိ ၃ ngħa	ဧိ ဗ̄ ၃ nħha	ဧ ဗ̄ ၃ dhya	ဧ ဗ̄ ၃ pla	ဧ ဗ̄ lla
ဧ ဗ̄ kkha	ဧ ဗ̄ cca	ဧ ဗ̄ ဗ̄ ဗ̄ nda	ဧ ဗ̄ ဗ̄ dhva	ဧ ဗ̄ ဗ̄ pba	ဧ ဗ̄ ဗ̄ lyā
ဧ ဗ̄ kya	ဧ ဗ̄ ccha	ဧ ဗ̄ ဗ̄ ဗ̄ nna	ဧ ဗ̄ ဗ̄ nta	ဧ ဗ̄ ဗ̄ bbha	ဧ ဗ̄ ဗ̄ lha
ဧ ဗ̄ kri	ဧ ဗ̄ jja	ဧ ဗ̄ ဗ̄ ဗ̄ nħa	ဧ ဗ̄ ဗ̄ ntva	ဧ ဗ̄ ဗ̄ bya	ဧ ဗ̄ ဗ̄ vha
ဧ ဗ̄ kla	ဧ ဗ̄ jjha	ဧ ဗ̄ tta	ဧ ဗ̄ ntha	ဧ ဗ̄ bra	ဧ ဗ̄ sta
ဧ ဗ̄ kva	ဧ ဗ̄ ñña	ဧ ဗ̄ ttha	ဧ ဗ̄ nda	ဧ ဗ̄ mpa	ဧ ဗ̄ stra
ဧ ဗ̄ khya	ဧ ဗ̄ ñħa	ဧ ဗ̄ tva	ဧ ဗ̄ ndra	ဧ ဗ̄ mpha	ဧ ဗ̄ sna
ဧ ဗ̄ khva	ဧ ဗ̄ ñca	ဧ ဗ̄ tya	ဧ ဗ̄ ndha	ဧ ဗ̄ mba	ဧ ဗ̄ sya
ဧ ဗ̄ gga	ဧ ဗ̄ ñcha	ဧ ဗ̄ tra	ဧ ဗ̄ nna	ဧ ဗ̄ mbha	ဧ ဗ̄ ssa
ဧ ဗ̄ ggha	ဧ ဗ̄ ñja	ဧ ဗ̄ dda	ဧ ဗ̄ nya	ဧ ဗ̄ mma	ဧ ဗ̄ sma
ဧ ဗ̄ gya	ဧ ဗ̄ ñjha	ဧ ဗ̄ ddha	ဧ ဗ̄ nha	ဧ ဗ̄ mya	ဧ ဗ̄ sva
ဧ ဗ̄ gra	ဧ ဗ̄ tħa	ဧ ဗ̄ dya	ဧ ဗ̄ ppa	ဧ ဗ̄ mha	ဧ ဗ̄ hma
ဧ ဗ̄ ñka	ဧ ဗ̄ tħha	ဧ ဗ̄ dra	ဧ ဗ̄ ppha	ဧ ဗ̄ yya	ဧ ဗ̄ hva
ဧ ဗ̄ ñkha	ဧ ဗ̄ dħa	ဧ ဗ̄ dva	ဧ ဗ̄ pya	ဧ ဗ̄ yha	ဧ ဗ̄ lha
ဧ ဗ̄ ñga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

# Dvemātikāpāli

---

Mātikā

Pitṭhanāka

## Bhikkhupātimokkhapāli

Nidānuddesa	...	...	1
Pārājikuddesa	...	...	2
Samghādisesuddesa	...	...	3
Aniyatuddesa	...	...	7
Nissaggiyapācittiya	...	...	8
Suddhapācittiya	...	...	14
Pāṭidesanīya	...	...	27
Sekhiya	...	...	28
Adhikaraṇasamatha	...	...	35

## Bhikkhunīpātimokkhapāli

Nidānuddesa	...	...	37
Pārājikuddesa	...	...	38
Samghādisesuddesa	...	...	40
Nissaggiyapācittiya	...	...	46
Suddhapācittiya	...	...	52
Pāṭidesanīya	...	...	73
Sekhiya	...	...	74
Adhikaraṇasamatha	...	...	81

# Kaṅkhāvitaranī-aṭṭhakathā

Mātikā	Pitṭhanika	
Ganthārambhakathā	...	...
Nidānavanapāṇā	...	84
<b>Pārājikakaṇḍa</b>		
1. Paṭhamapārājikavāṇṇanā	...	104
2. Dutiyapārājikavāṇṇanā	...	115
3. Tatiyapārājikavāṇṇanā	...	120
4. Catutthapārājikavāṇṇanā	...	124
<b>Samghādisesakaṇḍa</b>		
1. Sukkavissaṭṭhisikkhāpadavaṇṇanā	...	127
2. Kāyasamsaggasikkhāpadavaṇṇanā	...	128
3. Duṭṭhullavācāsikkhāpadavaṇṇanā	...	129
4. Attakāmasikkhāpadavaṇṇanā	...	130
5. Sañcarittasikkhāpadavaṇṇanā	...	131
6. Kuṭikārasikkhāpadavaṇṇanā	...	133
7. Vihārakārasikkhāpadavaṇṇanā	...	136
8. Duṭṭhadosasikkhāpadavaṇṇanā	...	136
9. Aññabhāgīyasikkhāpadavaṇṇanā	...	139
10. Samghabhedasikkhāpadavaṇṇanā	...	141
11. Bhedānuvattakasikkhāpadavaṇṇanā	...	142
12. Dubbacasikkhāpadavaṇṇanā	...	143
13. Kuladūsakasikkhāpadavaṇṇanā	...	143
Nigamanavaṇṇanā	...	144

Mātikā	Piṭṭhaṇka
<b>Aniyatakanḍa</b>	
1. Paṭhamāniyatasisikkhāpadavaṇṇanā	...      ...      150
2. Dutiyāniyatasisikkhāpadavaṇṇanā	...      ...      151
<b>Nissaggyakanḍa</b>	
<b>1. Cīvaravagga</b>	
1. Kathinasikkhāpadavaṇṇanā	...      ...      152
2. Udositasikkhāpadavaṇṇanā	...      ...      158
3. Akālacīvarasiskhāpadavaṇṇanā	...      ...      159
4. Purāṇacīvarasiskhāpadavaṇṇanā	...      ...      163
5. Cīvarappaṭiggahaṇasiskhāpadavaṇṇanā	...      ...      165
6. Aññātakaviññattisiskhāpadavaṇṇanā	...      ...      165
7. Tatuttarisiskhāpadavaṇṇanā	...      ...      166
8. Upakkhaṭasiskhāpadavaṇṇanā	...      ...      167
9. Dutiya-upakkhaṭasiskhāpadavaṇṇanā	...      ...      168
10. Rājasiskhāpadavaṇṇanā	...      ...      169
<b>2. Elakalomavagga</b>	
1. Kosiyasiskhāpadavaṇṇanā	...      ...      172
2. Suddhakālakasiskhāpadavaṇṇanā	...      ...      172
3. Dvebhāgasiskhāpadavaṇṇanā	...      ...      173
4. Chabbassasiskhāpadavaṇṇanā	...      ...      173
5. Nisīdanasiskhāpadavaṇṇanā	...      ...      173
6. Elakalomasiskhāpadavaṇṇanā	...      ...      174
7. Elakalomadhvāpanasiskhāpadavaṇṇanā	...      ...      175
8. Jātarūpasiskhāpadavaṇṇanā	...      ...      175
9. Rūpiyasamvohārasiskhāpadavaṇṇanā	...      ...      176
10. Kayavikkayasiskhāpadavaṇṇanā	...      ...      177

## Mātikā

## Pitṭhaṇka

**3. Pattavagga**

1. Pattasikkhāpadavaṇṇanā	...	...	178
2. Īnapañcabandhanasikkhāpadavaṇṇanā	...	...	179
3. Bhesajjasikkhāpadavaṇṇanā	...	...	181
4. Vassikasātikasikkhāpadavaṇṇanā	...	...	182
5. Cīvara-acchindanasikkhāpadavaṇṇanā	...	...	184
6. Suttaviññattisikkhāpadavaṇṇanā	...	...	184
7. Mahāpesakārasikkhāpadavaṇṇanā	...	...	185
8. Accekacīvarasikkhāpadavaṇṇanā	...	...	186
9. Sāsaṅkasikkhāpadavaṇṇanā	...	...	187
10. Pariṇatasikkhāpadavaṇṇanā	...	...	188

**Pācittiyaakaṇḍa****1. Musāvādavagga**

1. Musāvādasikkhāpadavaṇṇanā	...	...	190
2. Omasavādasikkhāpadavaṇṇanā	...	...	190
3. Pesuññasikkhāpadavaṇṇanā	...	...	191
4. Padasodhammasikkhāpadavaṇṇanā	...	...	192
5. Paṭhamasahaseyyasikkhāpadavaṇṇanā	...	...	192
6. Dutiyasahaseyyasikkhāpadavaṇṇanā	...	...	193
7. Dhammadesanāsikkhāpadavaṇṇanā	...	...	194
8. Bhūtārocanasikkhāpadavaṇṇanā	...	...	195
9. Duṭṭhullārocanasikkhāpadavaṇṇanā	...	...	195
10. Pathavīkhaṇanasikkhāpadavaṇṇanā	...	...	196

**2. Bhūtagāmavagga**

1. Bhūtagāmasikkhāpadavaṇṇanā	...	...	197
2. Aññavādakasikkhāpadavaṇṇanā	...	...	199
3. Ujjhāpanakasikkhāpadavaṇṇanā	...	...	200

Mātikā	Pitṭhaṇka		
4. Paṭhamasenāsanasikkhāpadavaṇṇanā	...	...	201
5. Dutiyasenāsanasikkhāpadavaṇṇanā	...	...	202
6. Anupakhajjasikkhāpadavaṇṇanā	...	...	204
7. Nikkadḍhanasikkhāpadavaṇṇanā	...	...	205
8. Vehāsakutisikkhāpadavaṇṇanā	...	...	206
9. Mahallakavihārasikkhāpadavaṇṇanā	...	...	207
10. Sappāṇakasikkhāpadavaṇṇanā	...	...	208

### 3. Ovādavagga

1. Ovādasikkhāpadavaṇṇanā	...	...	209
2. Atthaṅgatasikkhāpadavaṇṇanā	...	...	210
3. Bhikkhunupassayasikkhāpadavaṇṇanā	...	...	211
4. Āmisasikkhāpadavaṇṇanā	...	...	211
5. Cīvaradānasikkhāpadavaṇṇanā	...	...	212
6. Cīvarasibbanasikkhāpadavaṇṇanā	...	...	212
7. Saṃvidhānasikkhāpadavaṇṇanā	...	...	213
8. Nāvābhīruhanasikkhāpadavaṇṇanā	...	...	214
9. Paripācitasikkhāpadavaṇṇanā	...	...	214
10. Rahonisajjasikkhāpadavaṇṇanā	...	...	215

### 4. Bhojanavagga

1. Āvasathasikkhāpadavaṇṇanā	...	...	215
2. Gaṇabhojanasikkhāpadavaṇṇanā	...	...	216
3. Paramparabhojanasikkhāpadavaṇṇanā	...	...	217
4. Kāṇamātāsikkhāpadavaṇṇanā	...	...	218
5. Paṭhamapavāraṇāsikkhāpadavaṇṇanā	...	...	219
6. Dutiyapavāraṇāsikkhāpadavaṇṇanā	...	...	224
7. Vikālabhojanasikkhāpadavaṇṇanā	...	...	225

Mātikā	Pitṭhaṇka	
8. Sannidhikārakasikkhāpadavaṇṇanā	...	225
9. Pañītabhojanasikkhāpadavaṇṇanā	...	227
10. Dantaponasikkhāpadavaṇṇanā	...	229

### 5. Acelakavagga

1. Acelakasikkhāpadavaṇṇanā	...	232
2. Uyyojanasikkhāpadavaṇṇanā	...	233
3. Sabhojanasikkhāpadavaṇṇanā	...	233
4-5. Rahopatičchannarahonisajjasikkhāpadavaṇṇanā	...	234
6. Cārittasikkhāpadavaṇṇanā	...	234
7. Mahānāmasikkhāpadavaṇṇanā	...	235
8. Uyyuttasenāsikkhāpadavaṇṇanā	...	236
9. Senāvāsasikkhāpadavaṇṇanā	...	237
10. Uyyodhikasikkhāpadavaṇṇanā	...	237

### 6. Surāpānavagga

1. Surāpānasikkhāpadavaṇṇanā	...	238
2. Aṅgulipatodakasikkhāpadavaṇṇanā	...	238
3. Hasadhammasikkhāpadavaṇṇanā	...	239
4. Anādariyasikkhāpadavaṇṇanā	...	239
5. Bhimsāpanasikkhāpadavaṇṇanā	...	240
6. Jotisikkhāpadavaṇṇanā	...	240
7. Nahānasikkhāpadavaṇṇanā	...	241
8. Dubbaṇṇakaraṇasikkhāpadavaṇṇanā	...	242
9. Vikappanasikkhāpadavaṇṇanā	...	242
10. Apanidhānasikkhāpadavaṇṇanā	...	244

### 7. Sappāṇakavagga

1. Sañciccasikkhāpadavaṇṇanā	...	245
2. Sappāṇakasikkhāpadavaṇṇanā	...	245

Mātikā	Pitṭhaṇka		
3. Ukkotanasikkhāpadavaṇṇanā	...	...	245
4. Duṭṭhullasikkhāpadavaṇṇanā	...	...	246
5. Ěnavīsativassasikkhāpadavaṇṇanā	...	...	247
6. Theyyasatthasikkhāpadavaṇṇanā	...	...	248
7. Saṃvidhānasikkhāpadavaṇṇanā	...	...	248
8. Ariṭṭhasikkhāpadavaṇṇanā	...	...	248
9. Ukkhittasambhogasikkhāpadavaṇṇanā	...	...	249
10. Kaṇṭakasikkhāpadavaṇṇanā	...	...	250

## 8. Sahadhammīkavagga

1. Sahadhammikasikkhāpadavaṇṇanā	...	...	251
2. Vilekhanasikkhāpadavaṇṇanā	...	...	252
3. Mohanasikkhāpadavaṇṇanā	...	...	252
4. Pahārasikkhāpadavaṇṇanā	...	...	253
5. Talasattikasikkhāpadavaṇṇanā	...	...	253
6. Amūlakasikkhāpadavaṇṇanā	...	...	254
7. Sañciccasikkhāpadavaṇṇanā	...	...	254
8. Upassutisikkhāpadavaṇṇanā	...	...	255
9. Kammappaṭibāhanasikkhāpadavaṇṇanā	...	...	255
10. Chandamadatvāgamanasikkhāpadavaṇṇanā	...	...	259
11. Dubbalasikkhāpadavaṇṇanā	...	...	260
12. Pariṇāmanasikkhāpadavaṇṇanā	...	...	265

## 9. Ratanavagga

1. Antepurasikkhāpadavaṇṇanā	...	...	265
2. Ratanasikkhāpadavaṇṇanā	...	...	266
3. Vikālagāmappavesanasikkhāpadavaṇṇanā	...	...	268
4. Sūcigharasikkhāpadavaṇṇanā	...	...	269

Mātikā	Piṭṭhaṇka
5. Mañcapīṭhasikkhāpadavaṇṇanā	... ... 269
6. Tūlonaddhasikkhāpadavaṇṇanā	... ... 270
7. Niśidanasikkhāpadavaṇṇanā	... ... 270
8. Kaṇḍuppaṭicchādisikkhāpadavaṇṇanā	... ... 271
9. Vassikasāṭikasikkhāpadavaṇṇanā	... ... 271
10. Nandasikkhāpadavaṇṇanā	... ... 271
<b>Pāṭidesanīyakaṇḍa</b>	
1. Paṭhamapāṭidesanīyasikkhāpadavaṇṇanā	... ... 272
2. Dutiyapāṭidesanīyasikkhāpadavaṇṇanā	... ... 272
3. Tatiyapāṭidesanīyasikkhāpadavaṇṇanā	... ... 273
4. Catutthapāṭidesanīyasikkhāpadavaṇṇanā	... ... 274
<b>Sekhiyakaṇḍa</b>	
1. Parimaṇḍalasikkhāpadavaṇṇanā	... ... 276
2. Dutiyaparimaṇḍalasikkhāpadavaṇṇanā	... ... 278
3-4. Suppaṭicchannasikkhāpadavaṇṇanā	... ... 279
5-6. Susamvutasikkhāpadavaṇṇanā	... ... 279
7-8. Okkhittacakkhusikkhāpadavaṇṇanā	... ... 279
9-10. Ukkhittakasikkhāpadavaṇṇanā	... ... 279
11-12. Ujjagghikasikkhāpadavaṇṇanā	... ... 279
13-14. Uccasaddasikkhāpadavaṇṇanā	... ... 280
15-20. Kāyappacālakādisikkhāpadavaṇṇanā	... ... 280
21-22. Khambhakatasikkhāpadavaṇṇanā	... ... 280
23-24. Oguṇṭhitasikkhāpadavaṇṇanā	... ... 280
25. Ukkutikasikkhāpadavaṇṇanā	... ... 280
26. Pallatthikasikkhāpadavaṇṇanā	... ... 281
27. Sakkaccapaṭiggahaṇasikkhāpadavaṇṇanā	... ... 281
28. Pattasaññipaṭiggahaṇasikkhāpadavaṇṇanā	... ... 281

Mātikā	Pitṭhaṇka	
29. Samasūpakapaṭiggahaṇasikkhāpadavaṇṇanā	...	281
30-32. Samatittikasikkhāpadavaṇṇanā	...	281
33-34. Sapadānasikkhāpadavaṇṇanā	...	282
35. Thūpakatasikkhāpadavaṇṇanā	...	382
36. Odanappaṭicchādanasikkhāpadavaṇṇanā	...	282
37. Sūpodanaviññattisikkhāpadavaṇṇanā	...	282
38. Ujjhānasaññīsikkhāpadavaṇṇanā	...	282
39. Kabaḷasikkhāpadavaṇṇanā	...	282
40. Ālopasikkhāpadavaṇṇanā	...	283
41-42. Anāhaṭasikkhāpadavaṇṇanā	...	283
43. Sakabaḷasikkhāpadavaṇṇanā	...	283
44. Piṇḍukkhepakasikkhāpadavaṇṇanā	...	283
45. Kabaḷāvacchedakasikkhāpadavaṇṇanā	...	283
46. Avagaṇḍakārakasikkhāpadavaṇṇanā	...	283
47. Hatthaniddhunakasikkhāpadavaṇṇanā	...	283
48. Sitthāvakārakasikkhāpadavaṇṇanā	...	284
49. Jivhānicchārakasikkhāpadavaṇṇanā	...	284
50-51. Capucapukārakasikkhāpadavaṇṇanā	...	284
52-54. Hatthanillehakādisikkhāpadavaṇṇanā	...	284
55. Sāmisasikkhāpadavaṇṇanā	...	284
56. Sasitthakasikkhāpadavaṇṇanā	...	284
57. Chattapāṇisikkhāpadavaṇṇanā	...	285
58-59. Daṇḍapāṇisikkhāpadavaṇṇanā	...	285
60. Āvudhapāṇisikkhāpadavaṇṇanā	...	285
61-62. Pādukasikkhāpadavaṇṇanā	...	285
63. Yānasikkhāpadavaṇṇanā	...	286
64. Sayanasikkhāpadavaṇṇanā	...	286
65. Pallatthikasikkhāpadavaṇṇanā	...	286

Mātikā	Pitṭhaṇka	
66. Veṭhitasikkhāpadavaṇṇanā	...	286
67. Oguṇṭhitasikkhāpadavaṇṇanā	...	286
68. Chamāsikkhāpadavaṇṇanā	...	287
69. Nīcāsanasikkhāpadavaṇṇanā	...	287
70. Ṭhitasikkhāpadavaṇṇanā	...	287
71. Pacchatogamanasikkhāpadavaṇṇanā	...	287
72. Uppathenagamanasikkhāpadavaṇṇanā	...	287
73. Ṭhito-uccārasikkhāpadavaṇṇanā	...	287
74. Harite-uccārasikkhāpadavaṇṇanā	...	287
75. Udake-uccārasikkhāpadavaṇṇanā	...	288
Adhikaraṇasamathavaṇṇanā	...	289

# Bhikkhunīpātimokkhavannanā

Mātikā

Pitṭhaṇka

## Pārājikakaṇḍa

### Sādhāraṇapārājika

1-4. Methunasikkhāpadavaṇṇanā	...	...	293
-------------------------------	-----	-----	-----

### Asādhāraṇapārājika

5. Ubbhajāṇumaṇḍalikāsikkhāpadavaṇṇanā	...	294
6. Vajjappaticchādikāsikkhāpadavaṇṇanā	...	295
7. Ukkhittānuvattikāsikkhāpadavaṇṇanā	...	295
8. Aṭṭhavatthukāsikkhāpadavaṇṇanā	...	296

### Saṅghādisesakaṇḍa

1. Ussayavādikāsikkhāpadavaṇṇanā	...	...	298
2. Corivuṭṭhāpikāsikkhāpadavaṇṇanā	...	...	299
3. Ekagāmantaragamanasikkhāpadavaṇṇanā	...	...	300
4. Ukkhittaka-osāraṇasikkhāpadavaṇṇanā	...	...	301
5. Bhojanappaṭiggahaṇapaṭhamasikkhāpadavaṇṇanā	...	...	302
6. Bhojanappaṭiggahaṇadutiyasikkhāpadavaṇṇanā	...	...	302
7-9. Sañcarittādisikkhāpadavaṇṇanā	...	...	303
10. Sikkhaṇpaccācikkhaṇasikkhāpadavaṇṇanā	...	...	303
11. Adhikaraṇakupitasikkhāpadavaṇṇanā	...	...	303
12. Pāpasamācārapaṭhamasikkhāpadavaṇṇanā	...	...	304
13. Pāpasamācāradutiyasikkhāpadavaṇṇanā	...	...	304
14. Saṅghabhedakādisikkhāpadavaṇṇanā	...	...	305

**Mātikā****Piṭṭhaṇka****Nissaggiyakaṇḍa**

1. Pattasannicayasikkhāpadavaṇṇanā	...	...	308
2. Akālacīvarasikkhāpadavaṇṇanā	...	...	308
3. Cīvaraparivattanasikkhāpadavaṇṇanā	...	...	309
4. Aññaviññāpanasikkhāpadavaṇṇanā	...	...	309
5. Aññacetāpanasikkhāpadavaṇṇanā	...	...	310
6. Paṭhamasamghikacetāpanasikkhāpadavaṇṇanā	...	...	310
7. Dutiyasamghikacetāpanasikkhāpadavaṇṇanā	...	...	310
8. Paṭhamagaṇikacetāpanasikkhāpadavaṇṇanā	...	...	311
9. Dutiyagaṇikacetāpanasikkhāpadavaṇṇanā	...	...	311
10. Puggalikacetāpanasikkhāpadavaṇṇanā	...	...	311
11. Garupāvuraṇasikkhāpadavaṇṇanā	...	...	311
12. Lahupāvuraṇasikkhāpadavaṇṇanā	...	...	312

**Pācittiyyakaṇḍa****1. Lasuṇavagga**

1. Lasuṇasikkhāpadavaṇṇanā	...	...	313
2. Sambādhalomasikkhāpadavaṇṇanā	...	...	313
3. Talaghātakasikkhāpadavaṇṇanā	...	...	314
4. Jatumatṭhakasikkhāpadavaṇṇanā	...	...	314
5. Udakasuddhikasikkhāpadavaṇṇanā	...	...	314
6. Upatiṭṭhanasikkhāpadavaṇṇanā	...	...	315
7. Āmakadhaññinasikkhāpadavaṇṇanā	...	...	315
8. Paṭhama-uccārachaddanasikkhāpadavaṇṇanā	...	...	316
9. Dutiya-uccārachaddanasikkhāpadavaṇṇanā	...	...	316
10. Naccagītasikkhāpadavaṇṇanā	...	...	317

**2. Rattandhakāravagga**

1. Rattandhakārasikkhāpadavaṇṇanā	...	...	318
2. Paṭicchannokāsasikkhāpadavaṇṇanā	...	...	318

Mātikā	Pitṭhaṇka		
3. Ajjhokāsallasappaṇasikkhāpadavaṇṇanā	...	...	319
4. Dutiyika-uyyojanasikkhāpadavaṇṇanā	...	...	319
5. Anāpucchāpakkamanasikkhāpadavaṇṇanā	...	...	319
6. Anāpucchā-abhinisīdanasikkhāpadavaṇṇanā	...	...	320
7. Anāpucchāsantharaṇasikkhāpadavaṇṇanā	...	...	320
8. Para-ujjhāpanakasikkhāpadavaṇṇanā	...	...	321
9. Para-abhisapanasikkhāpadavaṇṇanā	...	...	321
10. Rodanasikkhāpadavaṇṇanā	...	...	321

### 3. Naggavagga

1. Naggasikkhāpadavaṇṇanā	...	...	322
2. Udakasatikasikkhāpadavaṇṇanā	...	...	322
3. Cīvarasibbanasikkhāpadavaṇṇanā	...	...	322
4. Saṅghāticārasikkhāpadavaṇṇanā	...	...	323
5. Cīvarasaṅkamanīyasikkhāpadavaṇṇanā	...	...	324
6. Gaṇacīvarasikkhāpadavaṇṇanā	...	...	324
7. Paṭibāhanasikkhāpadavaṇṇanā	...	...	325
8. Cīvaradānasikkhāpadavaṇṇanā	...	...	325
9. Kāla-atikkamanasikkhāpadavaṇṇanā	...	...	325
10. Kathinuddhārasikkhāpadavaṇṇanā	...	...	326

### 4. Tuvaṭṭavagga

1. Ekamañcatuvaṭṭanasikkhāpadavaṇṇanā	...	...	327
2. Ekattharaṇatuvaṭṭanasikkhāpadavaṇṇanā	...	...	327
3. Aphāsukaraṇasikkhāpadavaṇṇanā	...	...	327
4. Na-upaṭṭīhāpanasikkhāpadavaṇṇanā	...	...	328
5. Nikkadḍhanasikkhāpadavaṇṇanā	...	...	328
6. Saṁsaṭṭhasikkhāpadavaṇṇanā	...	...	329

Mātikā	Pitṭhaṇka	
7. Antoratṭhasikkhāpadavaṇṇanā	...	329
8. Tiroratṭhasikkhāpadavaṇṇanā	...	329
9. Antovassasikkhāpadavaṇṇanā	...	330
10. Cārikanapakkamanasikkhāpadavaṇṇanā	...	330
<b>5. Cittāgāravagga</b>		
1. Rājāgārasikkhāpadavaṇṇanā	...	330
2. Āsandiparibhuñjanasikkhāpadavaṇṇanā	...	331
3. Suttakantanasikkhāpadavaṇṇanā	...	331
4. Gihiveyyāvaccasikkhāpadavaṇṇanā	...	332
5. Adhikaraṇasikkhāpadavaṇṇanā	...	332
6. Bhojanadānasikkhāpadavaṇṇanā	...	333
7. Āvasathacīvarasikkhāpadavaṇṇanā	...	333
8. Āvasathavihārasikkhāpadavaṇṇanā	...	334
9. Tiracchānavijjāpariyāpuṇanasikkhāpadavaṇṇanā	...	334
10. Tiracchānavijjāvācanasikkhāpadavaṇṇanā	...	334
<b>6. Ārāmavagga</b>		
1. Ārāmapavisanasikkhāpadavaṇṇanā	...	335
2. Bhikkhu-akkosanasikkhāpadavaṇṇanā	...	335
3. Gaṇaparibhāsanasikkhāpadavaṇṇanā	...	336
4. Pavāritasikkhāpadavaṇṇanā	...	336
5. Kulamaccharinīsikkhāpadavaṇṇanā	...	337
6. Abhikkhukāvāśasikkhāpadavaṇṇanā	...	337
7. Apavāraṇāsikkhāpadavaṇṇanā	...	338
8. Ovādasikkhāpadavaṇṇanā	...	340
9. Ovādūpasaṅkamanasikkhāpadavaṇṇanā	...	340
10. Pasākhejātasikkhāpadavaṇṇanā	...	341

Mātikā	Pitṭhaṇka	
<b>7. Gabbhinīvagga</b>		
1. Gabbhinīsikkhāpadavaṇṇanā	...	342
2. Pāyantīsikkhāpadavaṇṇanā	...	342
3. Paṭhamasikkhamānasikkhāpadavaṇṇanā	...	342
4. Dutiyasikkhamānasikkhāpadavaṇṇanā	...	343
5. Paṭhamagihigatasikkhāpadavaṇṇanā	...	343
6-7. Dutiyatatiyagihigatasikkhāpadavaṇṇanā	...	343
8. Paṭhamasahajīvinisikkhāpadavaṇṇanā	...	344
9. Nānubandhanasikkhāpadavaṇṇanā	...	344
10. Dutiyasahajīvinisikkhāpadavaṇṇanā	...	344
<b>8. Kumāribhūtavagga</b>		
1-3. Paṭhamakumāribhūtādisikkhāpadavaṇṇanā	...	345
4. Īnadvādasavassasikkhāpadavaṇṇanā	...	345
5. Paripuṇṇadvādasavassasikkhāpadavaṇṇanā	...	346
6. Khīyanadhammasikkhāpadavaṇṇanā	...	346
7-8. Sikkhamāna na vuṭṭhāpanapaṭhamadutiyasikkhāpadavaṇṇanā	...	346
9. Sokāvāsasikkhāpadavaṇṇanā	...	347
10. Ananuññātasikkhāpadavaṇṇanā	...	347
11. Pāriyāsikasikkhāpadavaṇṇanā	...	348
12. Anuvassasikkhāpadavaṇṇanā	...	349
13. Ekavassasikkhāpadavaṇṇanā	...	349
<b>9. Chattupāhanavagga</b>		
1. Chattupāhanasikkhāpadavaṇṇanā	...	350
2. Yānasikkhāpadavaṇṇanā	...	350
3. Saṅghāṇisikkhāpadavaṇṇanā	...	350
4. Itthālaṅkārasikkhāpadavaṇṇanā	...	351

Mātikā	Piṭṭhaṇka	
5. Gandhavaṇṇakasikkhāpadavaṇṇanā	...	351
6. Vāsitakasikkhāpadavaṇṇanā	...	351
7. Bhikkhuni-ummaddāpanasikkhāpadavaṇṇanā	...	351
8-10. Sikkhamāna-ummaddāpanādisikkhāpadavaṇṇanā	...	352
11. Anāpucchāsikkhāpadavaṇṇanā	...	352
12. Pañhāpucchanasikkhāpadavaṇṇanā	...	352
13. Asaṅkaccikasikkhāpadavaṇṇanā	...	353
<b>10-16. Musāvādādivagga</b>		
Musāvādādisikkhāpadavaṇṇanā	...	353
<b>Pāṭidesanīyakaṇḍa</b>		
1. Sappiviññāpanasikkhāpadavaṇṇanā	...	355
2. Telaviññāpanādisikkhāpadavaṇṇanā	...	355
1. Parimaṇḍalādisikkhāpadavaṇṇanā	...	356
Nigamanakathā	...	356

**Kaṅkhāvitaranī-āṭṭhakathāya mātikā niṭṭhitā.**

# Dvemātikāpāli

---

## Bhikkhupātimokkhapāli

Namo tassa Bhagavato Arahato Sammāsambuddhassa.

Pubba karaṇa 4

Sammajjanī padīpo ca, udakam āsanena ca.  
Uposathassa etāni, “**pubbakaraṇan**”ti vuccati.

Pubba kicca 5

Chandapārisuddhi-utukkhānam, bhikkhugaṇanā ca ovādo.  
Uposathassa etāni, “**pubbakiccan**”ti vuccati.

Pattakalla aṅgā 4

Uposatho yāvatikā ca bhikkhū kammappattā,  
Sabhāgāpattiyo ca na vijjanti,  
Vajjanīyā ca puggalā tasmin na honti, “**pattakallan**”ti vuccati.

Pubbakaraṇapubbakiccāni samāpetvā desitāpattikassa samaggassa  
bhikkhusaṅghassa anumatiyā pātimokkham uddisitum ārādhanam karoma.

### Nidānuddesa

Suṇātu me bhante saringho, ajjuposatho pannaraso, yadi saringhassa  
pattakallam, samgho uposatham kareyya, pātimokkham uddiseyya.

Kim samghassa pubbakiccam? Pārisuddhim āyasmanto ārocetha,  
pātimokkham uddissāmi. Tam sabb’eva santā sādhukam suṇoma manasi  
karoma. Yassa siyā āpatti, so āvikareyya, asantiyā āpattiyā tuṇhī<sup>1</sup>  
bhavitabbam. Tuṇhībhāvena kho pan’āyasmante “parisuddhā”ti vedissāmi.

Yathā kho pana paccekapuṭṭhassa veyyākaraṇam hoti, evamevaṁ evarūpāya parisāya yāvatatiyam anusāvitam hoti. Yo pana bhikkhu yāvatatiyam anusāviyamāne saramāno santim āpattim nāvikareyya, sampajānamusāvāda’ssa hoti. Sampajānamusāvādo kho pan’āyasmanto antarāyiko dhammo vutto Bhagavatā, tasmā saramānenā bhikkhunā āpannena visuddhāpekkhena santī āpatti āvikātabbā. Āvikatā hi’ssa phāsu hoti.

Uddiṭṭham khoti āyasmanto nidānam. Tath’āyasmante pucchāmi kacci’ttha parisuddhā? Dutiyampi pucchāmi kacci’ttha parisuddhā? Tatiyampi pucchāmi kacci’ttha parisuddhā? Parisuddh’etth’āyasmanto, tasmā tuṇhī, evametam dhārayāmīti.

Nidānam niṭṭhitam.

---

### Pārājikuddesa

Tatr’ime cattāro pārājikā dhammā uddesam āgacchanti.

Methunadhamma sikkhāpada

1. Yo pana bhikkhu bhikkhūnam sikkhāsājīvasamāpanno sikkham appaccakkhāya dubbalyam anāvikatvā methunam dhammam paṭiseveyya, antamaso tiracchānagatāyapi, pārājiko hoti asamvāso.

Adinnādāna sikkhāpada

2. Yo pana bhikkhu gāmā vā araññā vā adinnam theyyasañkhātam ādiyeyya, yathārūpe adinnādāne rājāno coram gahetvā haneyyum vā bandheyyum vā pabbājeyyum vā “coro’si bālo’si mūlho’si theno’si”ti, tathārūpam bhikkhu adinnam ādiyamāno ayampi pārājiko hoti asamvāso.

Manussa viggaha sikkhāpada

3. Yo pana bhikkhu sañcicca manussaviggaham jīvitā voropeyya, satthahārakam vā’ssa pariyeseyya, maraṇavaṇṇam vā samvaṇṇeyya, maraṇāya vā samādapeyya “ambho purisa kim tuyh’iminā pāpakena dujjīvitena,

matam te jīvitā seyyo”ti, iti cittamano cittasaṅkappo anekapariyāyena maraṇavaṇṇam vā saṁvaṇṇeyya, maraṇāya vā samādapeyya, ayampi pārājiko hoti asaṁvāso.

Uttari manussadhamma sikkhāpada

4. Yo pana bhikkhu anabhijānam uttarimanussadhammam attupanāyikam alamariyañāṇadassanam samudācareyya “iti jānāmi, iti passāmi”ti. Tato aparena samayena samanuggāhīyamāno vā asamanuggāhīyamāno vā āpanno visuddhāpekkho evam vadeyya “ajānamevam āvuso avacām jānāmi, apassām passāmi, tucchām musā vilapin”ti, aññatra adhimānā, ayampi pārājiko hoti asaṁvāso.

Uddiṭṭhā kho āyasmanto cattāro pārājikā dhammā. Yesam bhikkhu aññataram vā aññataram vā āpajjitvā na labhati bhikkhūhi saddhim saṁvāsam yathā pure, tathā pacchā, pārājiko hoti asaṁvāso. Tatth’āyasmante pucchāmi kacci’ttha parisuddhā? Dutiyampi pucchāmi, kacci’ttha parisuddhā? Tatiyampi pucchāmi, kacci’ttha parisuddhā? Parisuddh’eth’āyasmanto, tasmā tuṇhī, evametam dhārayāmīti.

Pārājikam niṭṭhitam.

---

### Saṅghādisesuddesa

Ime kho pan’āyasmanto terasa saṅghādisesā dhammā uddesam āgacchanti.

Sukkavissaṭṭhi sikkhāpada.

1. \* Sañcetanikā sukkavissaṭṭhi aññatra supinantā saṅghādiseso.

Kāya samsagga sikkhāpada

2. \* Yo pana bhikkhu otiṇo vipariṇatena cittena mātugāmena saddhim kāyasamāsaggam samāpajjeyya hatthaggāham vā veṇiggāham vā aññatarassa vā aññatarassa vā aṅgassa parāmasanam, saṅghādiseso.

---

\* Iminā lakkhanena dassitasikkhāpadāni Bhikkhunivibhaṅge natti.

Duṭṭhullavācā sikkhāpada

3. \* Yo pana bhikkhu otinño vipariṇatena cittena mātugāmam  
duṭṭhullāhi vācāhi obhāseyya yathā tam yuvā yuvatim methunupasamhitāhi,  
saṅghādiseso.

Attakāma pāricariya sikkhāpada

4. \* Yo pana bhikkhu otinño vipariṇatena cittena mātugāmassa santike  
attakāmapāricariyāya vaṇṇam bhāseyya, “etadaggam bhagini pāricariyānam  
yā mādisam sīlavantam kalyāṇadhammam brahmacārim etena dhammena  
paricareyyā”ti methunupasamhitena, saṅghādiseso.

Sañcaritta sikkhāpada

5. Yo pana bhikkhu sañcarittam samāpajjeyya itthiyā vā purisamatim  
purisassa vā itthimatim jāyattane vā jārattane vā, antamaso tañkhaṇikāyapi,  
saṅghādiseso.

Kuṭikāra sikkhāpada

6. \* Saññācikāya pana bhikkhunā kuṭim kārayamānena assāmikam  
attuddesam pamāṇikā kāretabbā, tatr’idam pamāṇam, dīghaso dvādasam  
vidatthiyo Sugatavidatthiyā, tiriyaṁ sattantarā. Bhikkhū abhinetabbā  
vatthudesanāya, tehi bhikkhūhi vatthu desetabbam anārambhām  
saparikkamanam. Sārambhe ce bhikkhu vatthusmim aparikkamane  
saññācikāya kuṭim kāreyya, bhikkhū vā anabhineyya vatthudesanāya,  
pamāṇam vā atikkāmeyya, saṅghādiseso.

Vihārakāra sikkhāpada

7. \* Mahallakam pana bhikkhunā vihāram kārayamānena sassāmikam  
attuddesam bhikkhū abhinetabbā vatthudesanāya, tehi bhikkhūhi vatthu  
desetabbam anārambhām saparikkamanam. Sārambhe ce bhikkhu  
vatthusmim aparikkamane mahallakam vihāram kāreyya, bhikkhū vā  
anabhineyya vatthudesanāya, saṅghādiseso.

Duṭṭhadosa sikkhāpada

8. Yo pana bhikkhu bhikkhum duṭṭho doso appatīto amūlakena  
pārājikena dhammena anuddhamseyya “app’eva nāma nam imamhā  
brahmacariyā

cāveyyan”ti. Tato aparena samayena samanuggāhīyamāno vā asamanuggāhīyamāno vā amūlakañc’eva tam adhikaraṇam hoti, bhikkhu ca dosam patiṭṭhāti, saṅghādiseso.

#### Aññabhāgiya sikkhāpada

9. Yo pana bhikkhu bhikkhum duṭṭho doso appatīto aññabhāgīyassa adhikaraṇassa kiñci desam lesamattam upādāya pārājikena dhammena anuddhamseyya “app’eva nāma naṁ imamhā brahmacariyā cāveyyan”ti. Tato aparena samayena samanuggāhīyamāno vā asamanuggāhīyamāno vā aññabhāgīyañc’eva tam adhikaraṇam hoti koci deso lesamatto upādinno, bhikkhu ca dosam patiṭṭhāti, saṅghādiseso.

#### Samghabhedā sikkhāpada

10. Yo pana bhikkhu samaggassa saṅghassa bhedāya parakkameyya, bhedanasamvattanikam vā adhikaraṇam samādāya paggayha tiṭṭheyya, so bhikkhu bhikkhūhi evamassa vacanīyo “m’āyasmā samaggassa saṅghassa bhedāya parakkami, bhedanasamvattanikam vā adhikaraṇam samādāya paggayha atṭhāsi, samet’āyasmā saṅghena. Samaggo hi saṅgho sammodamāno avivadamāno ekuddeso phāsu viharatī”ti, evañca so bhikkhu bhikkhūhi vuccamāno tath’eva paggaṇheyya, so bhikkhu bhikkhūhi yāvatatiyam samanubhāsitabbo tassa paṭinissaggāya, yāvatatiyañce samanubhāsiyamāno tam paṭinissajjeyya, icc’etam kusalam, no ce paṭinissajjeyya, saṅghādiseso.

#### Bhedānuvattaka sikkhāpada

11. Tass’eva kho pana bhikkhussa bhikkhū honti anuvattakā vaggavādakā eko vā dve vā tayo vā, te evam vadeyyum “m’āyasmanto etam bhikkhum kiñci avacuttha, dhammadvādī c’eso bhikkhu, vinayavādī c’eso bhikkhu, amhākañc’eso bhikkhu chandañca ruciñca ādāya voharati, jānāti, no bhāsatī, amhākamp’etam khamatī”ti. Te bhikkhū bhikkhūhi evamassu vacanīyā “m’āyasmanto evam avacuttha, na c’eso bhikkhu dhammadvādī, na c’eso bhikkhu vinayavādī. M’āyasmantānampi samghabhedo ruccittha, samet’āyasmantānam saṅghena. Samaggo hi saṅgho sammodamāno avivadamāno ekuddeso phāsu

viharatī”ti, evañca te bhikkhū bhikkhūhi vuccamānā tath’eva paggañheyyum, te bhikkhū bhikkhūhi yāvatatiyam samanubhāsitabbā tassa pañinissaggāya, yāvatatiyañce samanubhāsiyamānā tam pañinissajjeyyum, icc’etam kusalam, no ce pañinissajjeyyum, sañghādiseso.

Dubbaca sikkhāpada

12. Bhikkhu pan’eva dubbacajātiko hoti uddesapariyāpannesu sikkhāpadesu bhikkhūhi sahadhammikam vuccamāno attānam avacanīyam karoti “mā mam āyasmanto kiñci avacuttha kalyāṇam vā pāpakam vā, ahampāyasmante na kiñci vakkhāmi kalyāṇam vā pāpakam vā, viramatāyasmanto mama vacanāyā”ti. So bhikkhu bhikkhūhi evamassa vacanīyo “m’āyasmā attānam avacanīyam akāsi, vacanīyamev’āyasmā attānam karoti, āyasmāpi bhikkhū vadatu sahadhammena, bhikkhūpi āyasmantam vakkhanti sahadhammena. Evam sañvaddhā hi tassa Bhagavato parisā yadidam aññamaññavacanena aññamaññavuṭṭhāpanenā”ti. Evañca so bhikkhu bhikkhūhi vuccamāno tath’eva paggañheyya, so bhikkhu bhikkhūhi yāvatatiyam samanubhāsitabbo tassa pañinissaggāya, yāvatatiyañce samanubhāsiyamānā tam pañinissajjeyya, icc’etam kusalam, no ce pañinissajjeyya, sañghādiseso.

Kuladūsaka sikkhāpada

13. Bhikkhu pan’eva aññataram gāmañ vā nigamam vā upanissāya viharati kuladūsako pāpasamācāro, tassa kho pāpakā samācārā dissanti c’eva suyyanti ca, kulāni ca tena duṭṭhāni dissanti c’eva suyyanti ca, so bhikkhu bhikkhūhi evamassa vacanīyo “āyasmā kho kuladūsako pāpasamācāro, āyasmato kho pāpakā samācārā dissanti c’eva suyyanti ca, kulāni c’āyasmatā duṭṭhāni dissanti c’eva suyyanti ca, pakkamat’āyasmā imamhā āvāsā, alam te idha vāsenā”ti. Evañca so bhikkhu bhikkhūhi vuccamāno te bhikkhū evam vadeyya “chandagāmino ca bhikkhū dosagāmino ca bhikkhū mohagāmino ca bhikkhū bhayagāmino ca bhikkhū tādisikāya āpattiyā ekaccam pabbājenti, ekaccam na pabbājentī”ti. So bhikkhu bhikkhūhi evamassa vacanīyo “m’āyasmā evam avaca, na ca bhikkhū chandagāmino, na ca bhikkhū dosagāmino, na ca bhikkhū mohagāmino, na ca bhikkhū bhayagāmino. Āyasmā kho kuladūsako pāpasamācāro,

āyasmato kho pāpakā samācārā dissanti c'eva suyyanti ca, kulāni c'āyasmatā duṭṭhāni dissanti c'eva suyyanti ca, pakkamatāyasmā imamhā āvāsā, alām te idha vāsenā”ti. Evañca so bhikkhu bhikkhūhi vuccamāno tath'eva paggañheyya, so bhikkhu bhikkhūhi yāvatatiyam samanubhāsitabbo tassa pañinissaggāya, yāvatatiyāñce samanubhāsiyamāno tam pañinissajjeyya, icc'etam kusalam, no ce pañinissajjeyya, samghādiseso.

Udditthā kho āyasmanto terasa samghādisesā dhammā nava pañhamāpattikā, cattāro yāvatatiyakā. Yesam bhikkhu aññataram vā aññataram vā āpajjivā yāvatīham jānam pañicchādeti, tāvatīham tena bhikkhunā akāmā parivatthabbam. Parivutthaparivāsena bhikkhunā uttari chārattam bhikkhumānattāya pañipajjitabbam. Ciṇṇamānatto bhikkhu yattha siyā vīsatigaño bhikkhusamgho, tattha so bhikkhu abbhetabbo. Ekenapi ce ūno vīsatigaño bhikkhusamgho tam bhikkhum abbheyya, so ca bhikkhu anabbhito, te ca bhikkhū gārayhā. Ayam tattha sāmīci. Tatth'āyasmante pucchāmi, kacci'ttha parisuddhā? Dutiyampi pucchāmi, kacci'ttha parisuddhā? Tatiyampi pucchāmi, kacci'ttha parisuddhā?

Parisuddh'eth'āyasmanto, tasmā tuṇhī, evametam dhārayāmīti.

Samghādiseso niṭṭhito.

---

### Aniyatuddesa

Ime kho pan'āyasmanto dve Aniyatā dhammā  
uddesam āgacchanti.

Pañhama aniyata sikkhāpada

1. \* Yo pana bhikkhu mātugāmena saddhim eko ekāya raho pañicchanne āsane alamkammaniye nisajjam kappeyya, tamenam saddheyyavacasā upāsikā disvā tiṇḍam dhammānam aññatarena vadeyya pārājikena vā samghādisesena vā pācittiyena vā, nisajjam bhikkhu pañijānamāno tiṇḍam dhammānam aññatarena kāretabbo pārājikena vā samghādisesena vā

pācittiyena vā, Yena vā sā saddheyyavacasā upāsikā vadeyya, tena so bhikkhu kāretabbo, ayam dhammo aniyato.

Dutiya aniyata sikkhāpada

2. \* Na h'eva kho pana paṭicchannam āsanam hoti n'ālariñkammaniyam, alañca kho hoti mātugāmam duṭṭhullāhi vācāhi obhāsitum. Yo pana bhikkhu tathārūpe āsane mātugāmena saddhim eko ekāya raho nisajjam kappeyya, tamenam saddheyyavacasā upāsikā disvā dvinnam dhammānam aññatarena vadeyya samghādisesena vā Pācittiyena vā, nisajjam bhikkhu paṭijānamāno dvinnam dhammānam aññatarena kāretabbo samghādisesena vā pācittiyena vā. Yena vā sā saddheyyavacasā upāsikā vadeyya, tena so bhikkhu kāretabbo, ayampi dhammo aniyato.

Uddiṭṭhā kho āyasmanto dve aniyatā dhammā. Tatth'āyasmante pucchāmi, kacci'ttha parisuddhā? Dutiyampi pucchāmi, kacci'ttha parisuddhā? Tatiyampi pucchāmi kacci'ttha parisuddhā.  
Parisuddh'eth'āyasmanto, tasmā tuṇhī, evametam dhārayāmīti.

Aniyato niṭṭhito.

---

### Nissaggiya pācittiya

Ime kho panāyasmanto tīrīsa nissaggiyā pācittiyyā  
dhammā uddesam āgacchanti.

Kathina sikkhāpada

1. Niṭṭhitacīvaraśmim bhikkhunā ubbhataśmim kathine dasāhaparamam atirekacīvaraṁ dhāretabbam, tam atikkāmayato nissaggiyam pācittiyan.

Udosita sikkhāpada

2. Niṭṭhitacīvaraśmim bhikkhunā ubbhataśmim kathine ekarattampi ce bhikkhu ticīvarena vippavaseyya, aññatra bhikkhusammutiyā nissaggiyam pācittiyan.

## Akālacīvara sikkhāpada

3. Niṭṭhitacīvarasmim bhikkhunā ubbhataśmim kathine bhikkhuno pan'eva akālacīvaraṁ uppajjeyya, ākaṅkhamānena bhikkhunā paṭiggahetabbam, paṭiggahetvā khippameva kāretabbam, no c'assa pāripūri, māsaparamam tena bhikkhunā tam cīvaraṁ nikhipitabbam ūnassa pāripūriyā satiyā paccasāya. Tato ce uttari nikhipeyya satiyāpi paccasāya, nissaggiyam pācittiym.

## Purāṇa cīvara sikkhāpada

4. \* Yo pana bhikkhu aññātikāya bhikkhuniyā purāṇacīvaraṁ dhovāpeyya vā rajāpeyya vā ākoṭāpeyya vā, nissaggiyam pācittiym.

## Cīvara patiggahaṇa sikkhāpada

5. \* Yo pana bhikkhu aññātikāya bhikkhuniyā hatthato cīvaraṁ paṭiggaṇheyya aññatra pārivattakā, nissaggiyam pācittiym.

## Aññātaka viññatti sikkhāpada

6. Yo pana bhikkhu aññātakam gahapatim vā gahapatāniṁ vā cīvaraṁ viññāpeyya aññatra samayā, nissaggiyam pācittiym. Tatth'āyam samayo, acchinnacīvaro vā hoti bhikkhu, naṭṭhacīvaro vā, ayam tattha samayo.

## Tatuttari sikkhāpada

7. Tañce aññātako gahapati vā gahapatānī vā bahūhi cīvarehi abhihaṭṭhum pavāreyya, santaruttaraparamam tena bhikkhunā tato cīvaraṁ sāditabbam. Tato ce uttari sādiyeyya, nissaggiyam pācittiym.

## Paṭhama upakkhaṭa sikkhāpada

8. Bhikkhum pan'eva uddissa aññātakassa gahapatissa vā gahapatāniyā vā cīvaracetāpannam upakkhaṭam hoti “iminā cīvaracetāpannena cīvaraṁ cetāpetvā itthannāmam bhikkhum cīvarena acchādēssāmī”ti. Tatra ce so bhikkhu pubbe appavārito upasaṅkamitvā cīvare vikappam āpajjeyya “sādhū vata mam āyasmā iminā cīvaracetāpannena evarūpam vā evarūpam vā cīvaraṁ cetāpetvā acchādehī”ti kalyāṇakamyatam upādāya, nissaggiyam pācittiym.

Dutiya upakkhaṭa sikkhāpada

9. Bhikkhum pan'eva uddissa ubhinnam aññatakānam gahapatīnam vā gahapatānīnam vā paccekacīvaracetāpannāni upakkhaṭāni honti "imehi mayam paccekacīvaracetāpannehi paccekacīvarāni cetāpetvā itthannāmam bhikkhuṁ cīvarehi acchādēssāmā"ti. Tatra ce so bhikkhu pubbe appavārito upasaṅkamitvā cīvare vikappam āpajjeyya "sādu vata mām āyasmanto imehi paccekacīvaracetāpannehi evarūpam vā evarūpam vā cīvaraṁ cetāpetvā acchādetha ubho'va santā ekenā"ti kalyāṇakamyataṁ upādāya, nissaggiyam pācittiyyam.

Rāja sikkhāpada

10. Bhikkhum pan'eva uddissa rājā vā rājabhoggo vā brāhmaṇo vā gahapatiko vā dūtena cīvaracetāpannam pahiṇeyya "iminā cīvaracetāpannena cīvaraṁ cetāpetvā itthannāmam bhikkhum cīvarena acchādehi"ti. So ce dūto tam bhikkhum upasaṅkamitvā evam vadeyya "idam kho bhante āyasmantaṁ uddissa cīvaracetāpannam ābhataṁ, paṭiggaṇhātu āyasmā cīvaracetāpannan"ti. Tena bhikkhunā so dūto evamassa vacanīyo "na kho mayam āvuso cīvaracetāpannam paṭiggaṇhāma, cīvarañca kho mayam paṭiggaṇhāma kālena kappiyā"ti. So ce dūto tam bhikkhum evam vadeyya "atthi pan'āyasmato koci veyyāvaccakaro"ti. Cīvaratthikena bhikkhave bhikkhunā veyyāvaccakaro niddisitabbo ārāmiko vā upāsako vā "eso kho āvuso bhikkhūnam veyyāvaccakaro"ti. So ce dūto tam veyyāvaccakaram saññāpetvā tam bhikkhum upasaṅkamitvā evam vadeyya "yam kho bhante āyasmā veyyāvaccakaram niddisi, saññatto so mayā, upasaṅkamat'āyasmā kālena, cīvarena tam acchādessaṭī"ti. Cīvaratthikena bhikkhave bhikkhunā veyyāvaccakaro upasaṅkamitvā dvattikkhattum codetabbo sāretabbo "attho me āvuso cīvarenā"ti. Dvattikkhattum codayamāno sārayamāno tam cīvaraṁ abhinippahādeyya, icc'etam kusalam, no ce abhinippahādeyya, catukkhattum pañcakkhattum chakkhattuparamam tuṇhībhūtena uddissa ṭhātabbam. Catukkhattum pañcakkhattum chakkhattuparamam tuṇhībhūto uddissa tiṭṭhamāno tam cīvaraṁ abhinippahādeyya, icc'etam kusalam, tato ce uttari vāyamamāno tam cīvaraṁ abhinippahādeyya, nissaggiyam pācittiyyam.

no ce abhinipphādeyya, yat'assa cīvaracetāpannam ābhatarām, tattha sāmam vā gantabbām, dūto vā pāhetabbo “yām kho tumhe āyasmanto bhikkhum uddissa cīvaracetāpannam pahiṇittha, na tam tassa bhikkhuno kiñci attham anubhoti, yuñjant'āyasmanto sakam, mā vo sakam vinassā”ti, ayaṁ tattha sāmīci.

### Kathinavaggo paṭhamo.

---

Kosiya sikkhāpada

11. \* Yo pana bhikkhu kosiyamissakam santhataṁ kārāpeyya, nissaggiyam pācittiyan.

Suddha kālaka sikkhāpada

12. \* Yo pana bhikkhu suddhakālakānam eļakalomānam santhataṁ kārāpeyya, nissaggiyam pācittiyan.

Dvebhāga sikkhāpada

13. \* Navam pana bhikkhunā santhataṁ kārayamānenā dve bhāgā suddhakālakānam eļakalomānam ādātabbā tatiyam odātānam catuttham gocariyānam. Anādā ce bhikkhu dve bhāge suddhakālakānam eļakalomānam tatiyam odātānam catuttham gocariyānam navam santhataṁ kārāpeyya, nissaggiyam pācittiyan.

Chabbassa sikkhāpada

14. \* Navam pana bhikkhunā santhataṁ kārāpetvā chabbassāni dhāretabbām. Orena ce channam vassānam tam santhataṁ vissajjetvā vā avissajjetvā vā aññam navam santhataṁ kārāpeyya aññatra bhikkhusammutiyā, nissaggiyam pācittiyan.

Nisidana santhata sikkhāpada

15. \* Nisidanasanthataṁ pana bhikkhunā kārayamānenā purāṇasanthatassa sāmantā Sugatavidatthi ādātabbā dubbaṇṇakaraṇāya. Anādā ce bhikkhu

purāṇasanthā tassa sāmantā Sugatavidatthim navam nisīdanasanthataṁ kārāpeyya, nissaggyam pācittiyam.

Elaka loma sikkhāpada

16. \* Bhikkuno pan'eva addhānamaggappaṭipannassa eļakalomāni uppajjeyyūm, ākaṇkhamānenā bhikkhunā paṭiggahetabbāni, paṭiggahetvā tiyojanaparamam sahatthā haritabbāni asante hārake. Tato ce uttari hareyya, asantepi hārake, nissaggyam pācittiyam.

Elaka loma dhovāpana sikkhāpada

17. \* Yo pana bhikkhu aññātikāya bhikkhuniyā eļakalomāni dhovāpeyya vā rajāpeyya vā vijaṭāpeyya vā, nissaggyam pācittiyam.

Rūpiya sikkhāpada

18. Yo pana bhikkhu jātarūparajatam uggaṇheyya vā uggaṇhāpeyya vā upanikkhittam vā sādiyeyya, nissaggyam pācittiyam.

Rūpiya samvohāra sikkhāpada

19. Yo pana bhikkhu nānappakārakam rūpiyasamvohāram samāpajjeyya, nissaggyam pācittiyam.

Kaya vikkaya sikkhāpada

20. Yo pana bhikkhu nānappakārakam kayavikkayam samāpajjeyya, nissaggyam pācittiyam.

Kosiyavaggo dutiyo.

---

Patta sikkhāpada

21. \* Dasāhaparamam atirekapatto dhāretabbo, tam atikkāmayato nissaggyam pācittiyam.

Ūna pañcabandhana sikkhāpada

22. Yo pana bhikkhu ūnapañcabandhanena pattena aññam navam pattam cetāpeyya, nissaggyam pācittiyam. Tena bhikkhunā so patto bhikkhuparisāya

nissajjitaro, yo ca tassā bhikkhuparisāya patta-pariyanto, so tassa bhikkhuno padātaro “ayam te bhikkhu patto yāva bheda-nāya dhāretarbo”ti, ayam tattha sāmīci.

Bhesajja sikkhāpada

23. Yāni kho pana tāni gilānañānam bhikkhūnañām paṭisāyanīyāni bhesajjāni, seyyathidam, sappi navanītam telam madhu phāṇitam, tāni paṭiggahetvā sattāha-paramañām sannidhikārakam paribhuñjitabbāni, tam atikkāmayato nissaggiyam pācittiyan.

Vassika sātika sikkhāpada

24. \* “Māso seso gimhānan”ti bhikkhunā vassikasātikacīvarañā pariyesitabbam, “addhamāso seso gimhānan”ti katvā nivāsetabbam. Orena ce “māso seso gimhānan”ti vassikasātikacīvarañā pariye seyya, orena “ddhamāso seso gimhānan”ti katvā nivāseyya, nissaggiyam pācittiyan.

Cīvara acchindana sikkhāpada

25. Yo pana bhikkhu bhikkhussa sāmañā cīvarañā datvā kupo anattamano acchindeyya vā acchindāpeyya vā, nissaggiyam pācittiyan.

Sutta viññatti sikkhāpada

26. Yo pana bhikkhu sāmañā suttam viññāpetvā tantavāyehi cīvarañā vāyāpeyya, nissaggiyam pācittiyan.

Mahā pesakāra sikkhāpada

27. Bhikkhum pan’eva uddissa aññātako gahapati vā gahapatānī vā tantavāyehi cīvarañā vāyāpeyya, tatra ce so bhikkhu pubbe appavārito tantavāye upasaṅkamitvā cīvare vikappañā āpajjeyya “idañā kho āvuso cīvarañā māñā uddissa viyyati, āyatañca karotha, vitthatañca appitañca suvītañca suppavāyitañca suvilekhitañca suvitacchitañca karotha, app’eva nāma mayampi āyasmantānām kiñcimattam anupadajjeyyāmā”ti. Evañca so bhikkhu vatvā kiñcimattam anupadajjeyya antamaso piñḍapātamattampi, nissaggiyam pācittiyan.

Acceka cīvara sikkhāpada

28. Dasāhānāgatam kattikatemāsikapuṇṇamam bhikkhuno pan'eva acceka cīvara m uppajjeyya, acceka m maññamānena bhikkhunā paṭiggaheṭabbam, paṭiggaheṭvā yāva cīvarakālasamaya m nikhipitabbam. Tato ce uttari nikhipeyya, nissaggiyam pācittiyan.

Sāsaṅka sikkhāpada

29. \* Upavassam kho pana kattikapuṇṇamam yāni kho pana tāni āraññakāni senāsanāni sāsaṅkasammatañi sappaṭibhayāni, tathārūpesu bhikkhu senāsanēsu viharanto ākañkhamāno tiṇñam cīvarānam aññataram cīvara m antaraghare nikhipeyya, siyā ca tassa bhikkhuno kocidēva paccayo tena cīvarena vippavāsāya, chārattaparamam tena bhikkhunā tena cīvarena vippavasitabbam. Tato ce uttari vippavaseyya aññatra bhikkhusammutiyā, nissaggiyam pācittiyan.

Pariññata sikkhāpada

30. Yo pana bhikkhu jānam samghikam lābhām pariññata m attano pariññameyya, nissaggiyam pācittiyan.

Pattavaggo tatiyo.

Uddiṭṭhā kho āyasmanto tiṁsa nissaggiyā pācittiyan dhammā.  
Tatth'āyasmante pucchāmi, kacci'ttha parisuddhā? Dutiyampi pucchāmi,  
kacci'ttha parisuddhā? Tatiyampi pucchāmi, kacci'ttha parisuddhā?  
Parisuddh'eth'āyasmanto, tasmā tuṇhī, evametam dhārayāmīti.

Nissaggiyapācittiyan niṭṭhitā.

---

### **Suddha pācittiya**

Ime kho pan'āyasmanto dvenavuti pācittiyan  
dhammā uddesam āgacchanti.

Musāvāda sikkhāpada

1. Sampajānamusāvāde pācittiyan.

Omasavāda sikkhāpada

2. Omasavāde pācittiyan.

Pesuñña sikkhāpada

3. Bhikkhupesuññe pācittiyam.

Padaso dhamma sikkhāpada

4. Yo pana bhikkhu anupasampannam̄ padaso dhammam̄ vāceyya, pācittiyam̄.

Pañhama sahaseyya sikkhāpada

5. Yo pana bhikkhu anupasampannena uttaridirattatirattam̄ sahaseyyam̄ kappeyya, pācittiyam̄.

Dutiya sahaseyya sikkhāpada

6. Yo pana bhikkhu mātugāmena sahaseyyam̄ kappeyya, pācittiyam̄.

Dhamma desanā sikkhāpada

7. Yo pana bhikkhu mātugāmassa uttarichappañcavācāhi dhammam̄ deseyya aññatra viññunā purisaviggahena, pācittiyam̄.

Bhūtārocana sikkhāpada

8. Yo pana bhikkhu anupasampannassa uttarimanussadhammam̄ āroceyya, bhūtasmim̄ pācittiyam̄.

Duṭṭhullārocana sikkhāpada

9. Yo pana bhikkhu bhikkhussa duṭṭhullaṁ āpattiṁ anupasampannassa āroceyya aññatra bhikkhusammutiyā, pācittiyam̄.

Pathavī khaṇana sikkhāpada

10. Yo pana bhikkhu pathavim̄ khaṇeyya vā khaṇapeyya vā pācittiyam̄.

Musāvādavaggo pañhamo.

---

Bhūtagāma sikkhāpada

11. Bhūtagāmapātabyatāya pācittiyam̄.

Aññavādaka sikkhāpada

12. Aññavādake vihesake pācittiyam̄.

Ujjhāpanaka sikkhāpada

13. Ujjhāpanake khiyyanake pācittiyam.

Paṭhama senāsana sikkhāpada

14. Yo pana bhikkhu saṅghikam mañcam vā pīṭham vā bhisim vā koccham vā ajjhokāse santharitvā vā santharāpetvā vā tam pakkamanto n'eva uddhareyya, na uddharāpeyya, anāpuccham vā gaccheyya, pācittiyam.

Dutiya senāsana sikkhāpada

15. Yo pana bhikkhu saṅghike vihāre seyyam santharitvā vā santharāpetvā vā tam pakkamanto n'eva uddareyya na uddharāpeyya, anāpuccham vā gaccheyya, pācittiyam.

Anupakhajja sikkhāpada

16. Yo pana bhikkhu saṅghike vihāre jānam pubbupagataṁ bhikkhum anupakhajja seyyam kappeyya “yassa sambādho bhavissati, so pakkamissatī”ti etadeva paccayam karitvā anaññam, pācittiyam.

Nikkadḍhana sikkhāpada

17. Yo pana bhikkhu bhikkhum kupito anattamano saṅghikā vihārā nikkadḍheyya vā nikkadḍhāpeyya vā, pācittiyam.

Vehāsakuṭi sikkhāpada

18. Yo pana bhikkhu saṅghike vihāre uparivehāsakuṭiyā āhaccapādakam mañcam vā pīṭham vā abhinisīdeyya vā abhinipajjeyya vā, pācittiyam.

Mahallaka vihāra sikkhāpada

19. Mahallakam pana bhikkhunā vihāram kārayamānena yāva dvārakosā aggalatthapanāya ālokasandhiparikammāya dvatticchadanassa pariyāyam appahārite ṭhitena adhiṭṭhabbam, tato ce uttari appaharitepi ṭhito adhiṭṭhaheyya, pācittiyam.

Sappāṇaka sikkhāpada

20. Yo pana bhikkhu jānam sappāṇakam udakam tiṇam vā mattikam vā siñceyya vā siñcāpeyya vā, pācittiyam.

Bhūtagāmavaggo dutiyo.

Ovāda sikkhāpada

21. \* Yo pana bhikkhu asammato bhikkhuniyo ovadeyya, pācittiyam.

Atthaṅgata sikkhāpada

22. \* Sammatopi ce bhikkhu atthaṅgate sūriye bhikkhuniyo ovadeyya, pācittiyam.

Bhikkhunupassaya sikkhāpada

23. \* Yo pana bhikkhu bhikkhunupassayaṁ upasaṅkamitvā bhikkhuniyo ovadeyya aññatra samayā, pācittiyam. Tatth'āyam samayo, gilānā hoti bhikkhunī, ayam tattha samayo.

Āmisa sikkhāpada

24. \* Yo pana bhikkhu evam vadeyya “āmisahetu therā bhikkhū bhikkhuniyo ovadantī”ti, pācittiyam.

Cīvara dāna sikkhāpada

25. \* Yo pana bhikkhu aññatikāya bhikkhuniyā cīvaram dadeyya aññatra pārivattakā, pācittiyam.

Cīvara sibbana sikkhāpada

26. \* Yo pana bhikkhu aññatikāya bhikkhuniyā cīvaram sibbeyya vā sibbāpeyya vā, pācittiyam.

Saṁvidhāna sikkhāpada

27. \* Yo pana bhikkhu bhikkhuniyā saddhiṁ saṁvidhāya ekaddhānamaggam paṭipajjeyya antamaso gāmantarampi aññatra samayā, pācittiyam. Tatth'āyam samayo, satthagamanīyo hoti maggo sāsaṅkasammato sappaṭibhayo, ayam tattha samayo.

Nāvābhiruhana sikkhāpada

28. \* Yo pana bhikkhu bhikkhuniyā saddhiṁ saṁvidhāya ekam nāvam abhiruheyya uddhamgāminim vā adhogāminim vā aññatra tiriyam taranāya, pācittiyam.

Paripācita sikkhāpada

29. \* Yo pana bhikkhu jānam bhikkhuniparipācitam piṇḍapātam bhuñjeyya aññatra pubbe gihisamārambhā, pācittiyam.

Raho nisajja sikkhāpada

30. \* Yo pana bhikkhu bhikkhuniyā saddhiṁ eko ekāya raho nisajjam kappeyya, pācittiyam.

Ovādavaggo tatiyo.

---

Āvasatha piṇḍa sikkhāpada

31. Agilānenā bhikkhunā eko āvasathapiṇḍo bhuñjitabbo. Tato ce uttari bhuñjeyya, pācittiyam.

Gaṇa bhojana sikkhāpada

32. Gaṇabhojane aññatra samayā pācittiyam. Tatth'āyam samayo, gilānasamayo cīvaradānasamayo cīvarakārasamayo addhānagamanasamayo nāvābhruhanasamayo mahāsamayo samaṇabhattasamayo, ayam tattha samayo.

Parampara bhojana sikkhāpada

33. \* Paramparabhojane aññatra samayā pācittiyam. Tatth'āyam samayo, gilānasamayo, cīvaradānasamayo, cīvarakārasamayo, ayam tattha samayo.

Kāṇa mātu sikkhāpada

34. Bhikkhum pan'eva kularūpū upagataṁ pūvehi vā manthehi vā abhihaṭṭhum pavāreyya, ākaṅkhamānenā bhikkhunā dvattipattapūrā paṭiggahetabbā. Tato ce uttari paṭiggaṇheyya, pācittiyam. Dvattipattapūre paṭiggahetvā tato nīharitvā bhikkhūhi saddhiṁ samvibhajitabbam, ayam tattha sāmīci.

Paṭhama pavāraṇā sikkhāpada

35. \* Yo pana bhikkhu bhuttāvī pavārito anatirittam khādanīyam vā bhojanīyam vā khādeyya vā bhuñjeyya vā, pācittiyam.

Dutiya pavāraṇā sikkhāpada

36. \* Yo pana bhikkhu bhikkhum bhuttāvīm pavāritam anatirittenā khādanīyena vā bhojanīyena vā abhihaṭṭhum pavāreyya, “handa bhikkhu khāda vā bhuñja vā”ti jānam āsādanāpekkho, bhuttasmim pācittiyam.

Vikāla bhojana sikkhāpada

37. Yo pana bhikkhu vikale khādanīyam vā bhojanīyam vā khādeyya vā bhuñjeyya vā, pācittiyam.

Sannidhikāraka sikkhāpada

38. Yo pana bhikkhu sannidhikārakam khādanīyam vā bhojanīyam vā khādeyya vā bhuñjeyya vā, pācittiyam.

Pañīta bhojana sikkhāpada

39. \* Yāni kho pana tāni pañītabhojanāni, seyyathidam, sappi navanītam telam madhu phānītam maccho mañsam khīram dadhi. Yo pana bhikkhu evarūpāni pañītabhojanāni agilāno attano atthāya viññāpetvā bhuñjeyya, pācittiyam.

Dantapona sikkhāpada

40. Yo pana bhikkhu adinnaṁ mukhadvāram āhāram āhareyya aññatra udakadantaponā, pācittiyam.

Bhojanavaggo catuttho.

---

Acelaka sikkhāpada

41. \* Yo pana bhikkhu acelakassa vā paribbājakassa vā paribbājikāya vā sahatthā khādanīyam vā bhojanīyan vā dadeyya, pācittiyam.

Uyyājana sikkhāpada

42. Yo pana bhikkhu bhikkhum “eh’āvuso gāmam vā nigamam vā piṇḍāya pavisissāmā”ti tassa dāpetvā vā adāpetvā vā uyyojeyya “gacch’āvuso na me tayā saddhiṁ kathā vā nisajjā vā phāsu hoti, ekakassa me kathā vā nisajjā vā phāsu hotī”ti etadeva paccayam karitvā anaññam, pācittiyam.

Sabhojana sikkhāpada

43. Yo pana bhikkhu sabhojane kule anupakhajja nisajjam kappeyya, pācittiyam.

Raho paṭicchanna sikkhāpada

44. Yo pana bhikkhu mātugāmena saddhim raho paṭicchanne āsane nisajjam kappeyya, pācittiyam.

Raho nisajja sikkhāpada

45. Yo pana bhikkhu mātugāmena saddhim eko ekāya raho nisajjam kappeyya, pācittiyam.

Cāritta sikkhāpada

46. Yo pana bhikkhu nimantito sabhatto samāno santam bhikkhum anāpucchā purebhattam vā pacchābhattam vā kulesu cārittam āpajeyya aññatra samayā, pācittiyam. Tatth'āyam samayo, cīvaradānasamayo cīvarakārasamayo. Ayam tattha samayo.

Mahānāma sikkhāpada

47. Agilānenā bhikkhunā catumāsappaccayapavāraṇā sāditabbā aññatra punapavāraṇāya aññatra niccapavāraṇāya. Tato ce uttari sādiyeyya, pācittiyam.

Uyyutta senā sikkhāpada

48. Yo pana bhikkhu uyyuttam senam dassanāya gaccheyya aññatra tathārūpappaccayā, pācittiyam.

Senāvāsa sikkhāpada

49. Siyā ca tassa bhikkhuno kocideva paccayo senam gamanāya, dirattatirattam tena bhikkhunā senāya vasitabbam. Tato ce uttari vaseyya, pācittiyam.

Uyyodhika sikkhāpada

50. Dirattatirattam ce bhikkhu senāya vasamāno uyyodhikam vā balaggam vā senābyūham vā anīkadassanam vā gaccheyya, pācittiyam.

Acelakavaggo pañcamo.

Surāpāna sikkhāpada

51. Surāmerayapāne pācittiyam.

Aṅguli patodaka sikkhāpada

52. Aṅgulipatodake pācittiyam.

Hasadhamma sikkhāpada

53. Udake hasadhamme pācittiyam.

Anādariya sikkhāpada

54. Anādariye pācittiyam.

Bhiṁśāpana sikkhāpada

55. Yo pana bhikkhu bhikkhum bhiṁśāpeyya, pācittiyam.

Joti sikkhāpada

56. Yo pana bhikkhu agilāno visibbanāpekkho jotiṁ samādaheyya vā samādahāpeyya vā aññatra tathārūpappaccayā, pācittiyam.

Nahāna sikkhāpada

57. Yo pana bhikkhu oren'addhamāsaṁ nahāyeyya aññatra samayā, pācittiyam. Tatth'āyam samayo "diyadḍho māso seso gimhānan"ti "vassānassa paṭhamo māso" icc'ete aḍḍhateyyamāsā uṇhasamayo pariļāhasamayo gilānasamayo kammasamayo addhānagamanasamayo vātavuṭṭisamayo, ayam tattha samayo.

Dubbaṇṇa karaṇa sikkhāpada

58. Navam pana bhikkhunā cīvaralābhena tiṇṇam dubbaṇṇakaraṇānam aññataram dubbaṇṇakaraṇam ādātabbam nīlam vā kaddamam vā kālasāmam vā. Anādā ce bhikkhu tiṇṇam dubbaṇṇakaraṇānam aññataram dubbaṇṇakaraṇam navam cīvaram paribhuñjeyya, pācittiyam.

Vikappana sikkhāpada

59. Yo pana bhikkhu bhikkhussa vā bhikkhuniyā vā sikkhamānāya vā sāmaṇerassa vā sāmaṇeriyā vā sāmaṇam cīvaram vikappetvā appaccuddhāraṇam paribhuñjeyya, pācittiyam.

Apanidhāna sikkhāpada

60. Yo pana bhikkhu bhikkhussa pattam vā cīvaraṁ vā nisīdanam vā sūcigharam vā kāyabandhanam vā apanidheyya vā apanidhāpeyya vā antamaso hasāpekkhopi, pācittiyam.

Surāpānavaggo chaṭṭho.  
—

Sañcicca sikkhāpada

61. Yo pana bhikkhu sañcicca pāṇam jīvitā voropeyya, pācittiyam.

Sappāṇaka sikkhāpada

62. Yo pana bhikkhu jānam sappāṇakam udakam paribhuñjeyya, pācittiyam.

Ukkoṭana sikkhāpada

63. Yo pana bhikkhu jānam yathādhammam nihatādhikaraṇam punakammāya ukkoṭeyya, pācittiyam.

Duṭṭhulla sikkhāpada

64. \* Yo pana bhikkhu bhikkhussa jānam duṭṭhullam āpattim paṭicchādeyya, pācittiyam.

Ūna vīsativassa sikkhāpada

65. \* Yo pana bhikkhu jānam ūnavīsativassam puggalam upasampādeyya, so ca puggalo anupasampanno, te ca bhikkhū gārayhā. Idam tasmim pācittiyam.

Theyyasattha sikkhāpada

66. Yo pana bhikkhu jānam theyyasatthena saddhim saṁvidhāya ekaddhānamaggam paṭipajjeyya antamaso gāmantarampi, pācittiyam.

Saṁvidhāna sikkhāpada

67. \* Yo pana bhikkhu mātugāmena saddhim samvidhāya ekaddhānamaggam paṭipajjeyya antamaso gāmantarampi, pācittiyam.

## Ariṭṭha sikkhāpada

68. Yo pana bhikkhu evam vadeyya “tath’āham Bhagavatā dhammam desitam ājānāmi, yathā ye’me antarāyikā dhammā vuttā Bhagavatā, te paṭisevato n’ālam antarāyāyā”ti. So bhikkhu bhikkhūhi evamassa vacanīyo “m’āyasmā evam avaca, mā Bhagavantam abbhācikkhi, na hi sādhu Bhagavato abbhakkhānam, na hi Bhagavā evam vadeyya.

Anekapariyāyen’āvuso antarāyikā dhammā antarāyikā vuttā Bhagavatā, alañca pana te paṭisevato antarāyāyā”ti. Evañca so bhikkhu bhikkhūhi vuccamāno tath’eva paggañheyya, so bhikkhu bhikkhūhi yāvatatiyam samanubhāsitabbo tassa paṭinissaggāya. Yāvatatiyañce samanubhāsiyamāno tam paṭinissajjeyya, icc’etam kusalam. No ce paṭinissajjeyya, pācittiyam.

## Ukkhitta sambhoga sikkhāpada

69. Yo pana bhikkhu jānam tathāvādinā bhikkhunā akaṭānudhammena tam diṭṭhim appaṭinissaṭṭhena saddhim sambhuñjeyya vā samvaseyya vā saha vā seyyam kappeyya, pācittiyam.

## Kaṇṭaka sikkhāpada

70. Samaṇuddesopi ce evam vadeyya “tath’āham Bhagavatā dhammam desitam ājānāmi, yathā ye’me antarāyikā dhammā vuttā Bhagavatā, te paṭisevato n’ālam antarāyāyā”ti. So samaṇuddeso bhikkhūhi evamassa vacanīyo “m’āvuso samaṇuddesa evam avaca, mā Bhagavantam abbhācikkhi, na hi sādhu Bhagavato abbhakkhānam, na hi Bhagavā evam vadeyya. Anekapariyāyen’āvuso samaṇuddesa antarāyikā dhammā antarāyikā vuttā Bhagavatā, alañca pana te paṭisevato antarāyāyā”ti, evañca so samaṇuddeso bhikkhūhi vuccamāno tath’eva paggañheyya, so samaṇuddeso bhikkhūhi evamassa vacanīyo “ajjatagge te āvuso samaṇuddesa na c’eva so Bhagavā Satthā apadisitabbo, yampi c’aññe samaṇuddesā labhanti bhikkhūhi saddhim dirattatirattam sahaseyyam, sāpi te n’atthi, cara pire, vinassā”ti. Yo pana bhikkhu jānam tathānāsitam samaṇuddesam upalāpeyya vā upaṭṭihāpeyya vā sambhuñjeyya vā saha vā seyyam kappeyya, pācittiyam.

Sappāṇakavaggo sattamo.

## Sahadhammika sikkhāpada

71. Yo pana bhikkhu bhikkhūhi sahadhammikam vuccamāno evam vadeyya “na tāv’āham āvuso etasmīm sikkhāpade sikkhissāmi, yāva na aññam bhikkhum byattam vinayadharām paripucchāmī”ti, pācittiyam. Sikkhamānena bhikkhave bhikkhunā aññātabbam paripucchitabbam paripañhitabbam, ayam tattha sāmīci.

## Vilekhana sikkhāpada

72. Yo pana bhikkhu pātimokkhe uddissamāne evam vadeyya “kim pan’imehi khuddānukhuddakehi sikkhāpadehi uddiṭṭhehi, yāvadeva kukkuccāya vihesāya vilekhāya saṁvattantī”ti, sikkhāpadavivāṇake pācittiyam.

## Mohana sikkhāpada

73. Yo pana bhikkhu anvaddhamāsam pātimokkhe uddissamāne evam vadeyya “idān’eva kho aham jānāmi, ayampi kira dhammo suttāgato suttapariyāpanno anvaddhamāsam uddesam āgacchatī”ti. Tañce bhikkhum aññe bhikkhū jāneyyūm nisinnapabbam iminā bhikkhunā dvattikkhattum pātimokkhe uddissamāne, ko pana vādo bhiyyo, na ca tassa bhikkhuno aññāñakena mutti atthi, yañca tattha āpattiṁ āpanno, tañca yathādhammo kāretabbo, uttari ca’ssa moho āropetabbo “tassa te āvuso alābhā, tassa te dulladdham, yam tvam pātimokkhe uddissamāne na sādhukam aṭṭhim katvā manasi karosi”ti, idam tasmim mohanake pācittiyam.

## Pahāra sikkhāpada

74. Yo pana bhikkhu bhikkhussa kupito anattamano pahāram dadeyya, pācittiyam.

## Talasattika sikkhāpada

75. Yo pana bhikkhu bhikkhussa kupito anattamano talasattikam uggiyeyya, pācittiyam.

## Amūlaka sikkhāpada

76. Yo pana bhikkhu bhikkhum amūlakena samghādisesena anuddhamseyya, pācittiyam.

Sañcicca sikkhāpada

77. Yo pana bhikkhu bhikkhussa sañcicca kukkuccam upadaheyya “iti’ssa muhuttampi aphāsu bhavissati”ti etadeva paccayam karitvā anaññam, pācittiyam.

Upassuti sikkhāpada

78. Yo pana bhikkhu bhikkhūnam bhaṇḍanajātānam kalahajātānam vivādāpannānam upassutim tiṭṭheyya “yam ime bhaṇissanti, tam sossāmī”ti etadeva paccayam karitvā anaññam, pācittiyam.

Kammappaṭibāhana sikkhāpada

79. Yo pana bhikkhu dhammikānam kammānam chandam datvā pacchā khīyanadhammadam āpajjeyya, pācittiyam.

Chandam adatvā gamana sikkhāpada

80. Yo pana bhikkhu samghe vinicchayakathāya vattamānāya chandam adatvā uṭṭhayāsanā pakkameyya, pācittiyam.

Dubbala sikkhāpada

81. Yo pana bhikkhu samaggena samghena cīvaraṁ datvā pacchā khīyanadhammadam āpajjeyya “yathāsanthutam bhikkhū samghikam lābhām pariṇāmentī”ti, pācittiyam.

Pariṇāmana sikkhāpada

82. Yo pana bhikkhu jānam samghikam lābhām pariṇataṁ puggalassa pariṇāmeyya, pācittiyam.

Sahadhammikavaggo atṭhamo.

---

Antepura sikkhāpada

83. \* Yo pana bhikkhu rañño khattiyassa muddhābhisittassa anikkhantarājake aniggataratanake pubbe appaṭisamvidito indakhīlam atikkāmeyya, pācittiyam.

## Ratana sikkhāpada

84. Yo pana bhikkhu ratanam vā ratanasammataṁ vā aññatra ajjhārāmā vā ajjhāvasathā vā uggaṇheyya vā uggaṇhāpeyya vā, pācittiyaṁ. Ratanam vā pana bhikkhunā ratanasammataṁ vā ajjhārāme vā ajjhāvasathe vā uggahetvā vā uggaḥāpetvā vā nikhipitabbam “yassa bhavissati, so harissatī”ti, ayam tattha sāmīci.

## Vikāla gāmappavesana sikkhāpada

85. \* Yo pana bhikkhu santam bhikkhum anāpucchā vikale gāmam paviseyya aññatra tathārūpā accāyikā karaṇiyā, pācittiyaṁ.

## Sūcighara sikkhāpada

86. Yo pana bhikkhu aṭṭhimayaṁ vā dantamayaṁ vā visāṇamayaṁ vā sūcigharam kārāpeyya, bhedanakam pācittiyaṁ.

## Mañcapīṭha sikkhāpada

87. Navam pana bhikkhunā mañcam vā pīṭham vā kārayamānena atthaṅgulapādakam kāretabbam Sugataṅgulena aññatra hetṭhimāya aṭaniyā. Tam atikkāmayato chedanakam pācittiyaṁ.

## Tūlonaddha sikkhāpada

88. Yo pana bhikkhu mañcam vā pīṭham vā tūlonaddham kārāpeyya, uddālanakam pācittiyaṁ.

## Nisīdana sikkhāpada

89. \* Nisīdanam pana bhikkhunā kārayamānena pamāṇikam kāretabbam, tatr' idam pamāṇam, dīghaso dve vidatthiyo Sugatavidatthiyā, tiriyam diyaḍḍham, dasā vidatthi. Tam atikkāmayato chedanakam pācittiyaṁ.

## Kaṇḍuppaṭicchādi sikkhāpada

90. Kaṇḍuppaṭicchādim pana bhikkhunā kārayamānena pamāṇikā kāretabbā, tatr' idam pamāṇam, dīghaso catasso vidatthiyo Sugatavidatthiyā, tiriyam dve vidatthiyo. Tam atikkāmayato chedanakam pācittiyaṁ.

Vassika sāṭika sikkhāpada

91. \* Vassikasāṭikam pana bhikkhunā kārayamānena pamāṇikā kāretabbā, tatr’idam pamāṇam, dīghaso cha vidatthiyo Sugatavidatthiyā, tiriyam addhateyyā. Tam atikkāmayato chedanakam pācittiyam.

Nanda sikkhāpada

92. Yo pana bhikkhu Sugatacīvarappamāṇam cīvaram kārāpeyya, atirekam vā, chedanakam pācittiyam. Tatr’idam Sugatassa Sugatacīvarappamāṇam, dīghaso nava vidatthiyo Sugatavidatthiyā, tiriyam cha vidatthiyo, idam Sugatassa Sugatacīvarappamāṇanti.

Ratanavaggo navamo.

Uddiṭṭhā kho āyasmanto dvenavuti pācittiyā dharmā. Taṭṭh’āyasmante pucchāmi kacci’ttha parisuddhā? Dutiyampi pucchāmi, kacci’ttha parisuddhā? Tatiyampi pucchāmi kacci’ttha parisuddhā? Parisuddh’eth’āyasmanto, tasmā tuṇhi, evametam dhārayāmīti.

Pācittiyā niṭṭhitā.

---

### Pāṭidesanīya

Ime kho pan’āyasmanto cattāro pāṭidesanīyā dharmā uddesam āgacchanti.

Paṭhama pāṭidesanīya sikkhāpada

1. \* Yo pana bhikkhu aññāṭikāya bhikkhuniyā antaragharam pavitthāya hatthato khādanīyam vā bhojanīyam vā sahatthā paṭiggahetvā khādeyya vā bhuñjeyya vā, paṭidesetabbam tena bhikkhunā “gārayham āvuso dharmam āpajjim asappāyam pāṭidesanīyam, tam paṭidesemī”ti.

Dutiya pāṭidesanīya sikkhāpada

2. \* Bhikkhū pan’eva kulesu nimantitā bhuñjanti, tatra ce sā bhikkhunī vosāsamānarūpā ṭhitā hoti “idha sūpam detha, idha odanam dethā”ti. Tehi bhikkhūhi sā bhikkhunī apasādetabbā “apasakka tāva bhagini,

yāva bhikkhū bhuñjantī”ti. Ekassapi ce bhikkhuno na paṭibhāseyya tam bhikkhuniṁ apasādetum “apasakka tāva bhagini, yāva bhikkhū bhuñjantī”ti, paṭidesetabbam tehi bhikkhūhi “gārayham āvuso dhammam āpajjimhā asappāyam pāṭidesanīyam, tam paṭidesemā”ti.

Tatiya pāṭidesanīya sikkhāpada

3. \* Yāni kho pana tāni sekkhasammatāni kulāni, yo pana bhikkhu tathārūpesu sekkhasammatesu kulesu pubbe animantito agilāno khādanīyam vā bhojanīyam vā sahatthā paṭiggahetvā khādeyya vā bhuñjeyya vā, paṭidesetabbam tena bhikkhunā “gārayham āvuso dhammam āpajjim asappāyam pāṭidesanīyam, tam paṭidesemī”ti.

Catuttha pāṭidesanīya sikkhāpada

4. \* Yāni kho pana tāni āraññakāni senāsanāni sāsaṅkasammatāni sappaṭibhayāni, yo pana bhikkhu tathārūpesu senāsaneshu pubbe appaṭisamviditam khādanīyam vā bhojanīyam vā ajjhārāme sahatthā paṭiggahetvā agilāno khādeyya vā bhuñjeyya vā, paṭidesetabbam tena bhikkhunā “gārayham āvuso dhammam āpajjim asappāyam pāṭidesanīyam, tam paṭidesemī”ti.

Uddiṭṭhā kho āyasmanto cattāro pāṭidesanīyā dhammā. Tatth’āyasmante pucchāmi kacci’ttha parisuddhā? Dutiyampi pucchāmi kacci’ttha parisuddhā? Tatiyampi pucchāmi kacci’ttha parisuddhā? Parisuddh’eth’āyasmanto, tasmā tuṇhī, evametam dhārayāmīti.

Pāṭidesanīyā niṭṭhitā.

### **Sekhiya**

Ime kho pan’āyasmanto sekhiyā dhammā uddesam āgacchanti.

Parimaṇḍala sikkhāpada

1. \* Parimaṇḍalam nivāsessāmīti sikkhā karaṇīyā,
2. \* Parimaṇḍalam pārupissāmīti sikkhā karaṇīyā.

---

\* Sekhiyasikkhāpadesu iminā lakkhaṇena chabbīsatī sāruppasikkhāpadāni dassitāni.

Suppaṭicchanna sikkhāpada

3. \* Suppaṭicchanno antaraghare gamissāmīti sikkhā karaṇīyā.
4. \* Suppaṭicchanno antaraghare nisīdissāmīti sikkhā karaṇīyā.

Susaṁvuta sikkhāpada

5. \* Susaṁvuto antaraghare gamissāmīti sikkhā karaṇīyā.
6. \* Susaṁvuto antaraghare nisīdissāmīti sikkhā karaṇīyā.

Okkhittacakkhu sikkhāpada

7. \* Okkhittacakkhu antaraghare gamissāmīti sikkhā karaṇīyā.
8. \* Okkhittacakkhu antaraghare nisīdissāmīti sikkhā karaṇīyā.

Ukkhittaka sikkhāpada

9. \* Na ukkhittakāya antaraghare gamissāmīti sikkhā karaṇīyā.
10. \* Na ukkhittakāya antaraghare nisīdissāmīti sikkhā karaṇīyā.

Parimanḍalavaggo paṭhamo.

---

Ujjagghika sikkhāpada

11. \* Na ujjagghikāya antaraghare gamissāmīti sikkhā karaṇīyā.
12. \* Na ujjagghikāya antaraghare nisīdissāmīti sikkhā karaṇīyā.

Uccasadda sikkhāpada

13. \* Appasaddo antaraghare gamissāmīti sikkhā karaṇīyā.
14. \* Appasaddo antaraghare nisīdissāmīti sikkhā karaṇīyā.

Kāyappacālaka sikkhāpada

15. \* Na kāyappacālakam antaraghare gamissāmīti sikkhā karaṇīyā.
16. \* Na kāyappacālakam antaraghare nisīdissāmīti sikkhā karaṇīyā.

Bāhuppacālaka sikkhāpada

17. \* Na bāhuppacālakam antaraghare gamissāmīti sikkhā karaṇīyā.
18. \* Na bāhuppacālakam antaraghare nisīdissāmīti sikkhā karaṇīyā.

Sīsappacālaka sikkhāpada

19. \* Na sīsappacālakam antaraghare gamissāmīti sikkhā karaṇīyā.
20. \* Na sīsappacālakam antaraghare nisīdissāmīti sikkhā karaṇīyā.

Ujjagghikavaggo dutiyo.

---

Khambhakata sikkhāpada

21. \* Na khambhakato antaraghare gamissāmīti sikkhā karaṇīyā.
22. \* Na khambhakato antaraghare nisīdissāmīti sikkhā karaṇīyā.

Oguṇṭhita sikkhāpada

23. \* Na oguṇṭhito antaraghare gamissāmīti sikkhā karaṇīyā.
24. \* Na oguṇṭhito antaraghare nisīdissāmīti sikkhā karaṇīyā.

Ukkuṭika sikkhāpada

25. \* Na ukkuṭikāya antaraghare gamissāmīti sikkhā karaṇīyā.

Pallatthika sikkhāpada

26. \* Na pallatthikāya antaraghare nisīdissāmīti sikkhā karaṇīyā.

Sakkacca paṭiggahaṇa sikkhāpada

27. + Sakkaccam piṇḍapātam paṭiggahessāmīti sikkhā karaṇīyā.

Pattasaññī paṭiggahaṇa sikkhāpada

28. + Pattasaññī piṇḍapātam paṭiggahessāmīti sikkhā karaṇīyā.

Samasūpaka paṭiggahaṇa sikkhāpada

29. + Samasūpakaṁ piṇḍapātam paṭiggahessāmīti sikkhā karaṇīyā.

Samatittika sikkhāpada

30. + Samatittikam piṇḍapātam paṭiggahessāmīti sikkhā karaṇīyā.

Khambhakatavaggo tatiyo.

---

<sup>+</sup> Iminā lakkhaṇena tiṁsa bhojanappatisaranyauttasikkhāpadāni dassitāni.

Sakkacca bhuñjana sikkhāpada

31. + Sakkaccam piñḍapātam bhuñjissāmīti sikkhā karaṇīyā.

Pattasaññī bhuñjana sikkhāpada

32. + Pattasaññī piñḍapātam bhuñjissāmīti sikkhā karaṇīyā.

Sapadāna sikkhāpada

33. + Sapadānam piñḍapātam bhuñjissāmīti sikkhā karaṇīyā.

Samasūpaka sikkhāpada

34. + Samasūpakam piñḍapātam bhuñjissāmīti sikkhā karaṇīyā.

Na thūpakata sikkhāpada

35. + Na thūpakato omadditvā piñḍapātam bhuñjissāmīti sikkhā karaṇīyā.

Odanappaṭicchādāna sikkhāpada

36. + Na sūpam vā byañjanam vā odanena paṭicchādessāmi bhiyyokamyatam upādāyāti sikkhā karaṇīyā.

Sūpodana viññatti sikkhāpada

37. + Na sūpam vā odanam vā agilāno attano atthāya viññāpetvā bhuñjissāmīti sikkhā karaṇīyā.

Ujjhānasaññī sikkhāpada

38. + Na ujjhānasaññī paresam pattam olokessāmīti sikkhā karaṇīyā.

Kabaḷa sikkhāpada

39. + Nātimahantam kabalaṁ karissāmīti sikkhā karaṇīyā.

Ālopa sikkhāpada

40. + Parimaṇḍalam ālopam karissāmīti sikkhā karaṇīyā.

Sakkaccavaggo catuttho.

Anāhaṭa sikkhāpada

41. + Na anāhaṭe kabaṭe mukhadvāram vivarissāmīti sikkhā karaṇīyā.

Bhuñjamāna sikkhāpada

42. + Na bhuñjamāno sabbahattham mukhe pakkhipissāmīti sikkhā karaṇīyā.

Sakabaṭa sikkhāpada

43. + Na sakabaṭena mukhena byāharissāmīti sikkhā karaṇīyā.

Piṇḍukkhepaka sikkhāpada

44. + Na piṇḍukkhepakaṁ bhuñjissāmīti sikkhā karaṇīyā.

Kabaṭāvacchedaka sikkhāpada

45. + Na kabaṭāvacchedakaṁ bhuñjissāmīti sikkhā karaṇīyā.

Avagaṇḍakāraka sikkhāpada

46. + Na avagaṇḍakārakam bhuñjissāmīti sikkhā karaṇīyā.

Hattha niddhunaka sikkhāpada

47. + Na hatthaniddhunakaṁ bhuñjissāmīti sikkhā karaṇīyā.

Sitthāvakāraka sikkhāpada

48. + Na sitthāvakārakam bhuñjissāmīti sikkhā karaṇīyā.

Jivhānicchāraka sikkhāpada

49. + Na jivhānicchārakam bhuñjissāmīti sikkhā karaṇīyā.

Capucapukāraka sikkhāpada

50. + Na capucapukārakam bhuñjissāmīti sikkhā karaṇīyā.

Kabaṭavaggo pañcamo.

---

Surusurukāraka sikkhāpada

51. + Na surusurukārakam bhuñjissāmīti sikkhā karaṇīyā.

Hattha nillehaka sikkhāpada

52. + Na hatthanillehakaṁ bhuñjissāmīti sikkhā karaṇīyā.

Pattanillehaka sikkhāpada

53. + Na pattanillehakam bhuñjissāmīti sikkhā karaṇīyā.

Oṭṭha nillchaka sikkhāpada

54. + Na oṭṭhanillehakam bhuñjissāmīti sikkhā karaṇīyā.

Sāmisā sikkhāpada

55. + Na sāmisena hatthena pānīyathālakam paṭiggahessāmīti sikkhā karaṇīyā.

Sasitthaka sikkhāpada

56. + Na sasitthakam pattadhovanam antaraghare chaḍḍessāmīti sikkhā karaṇīyā.

Chattapāṇi sikkhāpada

57. ++ Na chattapāṇissa agilānassa dhammaṁ desessāmīti sikkhā karaṇīyā.

Daṇḍapāṇi sikkhāpada

58. ++ Na daṇḍapāṇissa agilānassa dhammaṁ desessāmīti sikkhā karaṇīyā.

Satthapāṇi sikkhāpada

59. ++ Na satthapāṇissa agilānassa dhammaṁ desessāmīti sikkhā karaṇīyā.

Āvudhapāṇi sikkhāpada

60. ++ Na āvudhapāṇissa agilānassa dhammaṁ desessāmīti sikkhā karaṇīyā.

Surusuruvaggo chaṭṭho.

<sup>++</sup> Iminā lakkhaṇena ekūnavīsa dhammadesanāpaṭisamyuttasikkhāpadāni dassitāni.

Pāduka sikkhāpada

61. ++ Na pādukāruṇhassa agilānassa dhammaṁ desessāmīti sikkhā karaṇīyā.

Upāhana sikkhāpada

62. ++ Na upāhanāruṇhassa agilānassa dhammaṁ desessāmīti sikkhā karaṇīyā.

Yāna sikkhāpada

63. ++ Na yānagatassa agilānassa dhammaṁ desessāmīti sikkhā karaṇīyā.

Sayana sikkhāpada

64. ++ Na sayanagatassa agilānassa dhammaṁ desessāmīti sikkhā karaṇīyā.

Pallathika sikkhāpada

65. ++ Na pallathikāya nisinnassa agilānassa dhammaṁ desessāmīti sikkhā karaṇīyā.

Veṭhita sikkhāpada

66. ++ Na veṭhitasīsassa agilānassa dhammaṁ desessāmīti sikkhā karaṇīyā.

Oguṇṭhita sikkhāpada

67. ++ Na oguṇṭhitasīsassa agilānassa dhammaṁ desessāmīti sikkhā karaṇīyā.

Chamā sikkhāpada

68. ++ Na chamāyāṁ nisīditvā āsane nisinnassa agilānassa dhammaṁ desessāmīti sikkhā karaṇīyā.

Nīcāsana sikkhāpada

69. ++ Na nīce āsane nisīditvā ucce āsane nisinnassa agilānassa dhammaṁ desessāmīti sikkhā karaṇīyā.

Thita sikkhāpada

70. ++ Na ṭhito nisinnassa agilānassa dhammaṁ desessāmīti sikkhā karaṇīyā.

Pacchato gamana sikkhāpada

71. ++ Na pacchato gacchanto purato gacchantassa agilānassa dhammamā desessāmīti sikkhā karaṇīyā.

Uppathena gamana sikkhāpada

72. ++ Na uppathena gacchanto pathena gacchantassa agilānassa dhammamā desessāmīti sikkhā karaṇīyā.

Thito uccāra sikkhāpada

73. ++ Na ṭhito agilāno uccāram vā passāvam vā karissāmīti sikkhā karaṇīyā.

Harite uccāra sikkhāpada

74. ++ Na harite agilāno uccāram vā passāvam vā kheṭam vā karissāmīti sikkhā karaṇīyā.

Udake uccāra sikkhāpada

75. ++ Na udake agilāno uccāram vā passāvam vā kheṭam vā karissāmīti sikkhā karaṇīyā.

Pādukavaggo sattamo.

Uddiṭṭhā kho āyasmanto sekhiyā dhammā. Tatth'āyasmante pucchāmi, kacci'ttha parisuddhā? Dutiyampi pucchāmi, kacci'ttha parisuddhā? Tatiyampi pucchāmi, kacci'ttha parisuddhā? Parisuddh'etth'āyasmanto, tasmā tuṇhī, evametam dhārayāmīti.

Sekhiyā niṭṭhitā.

### Adhikaraṇasamatha

Ime kho panāyasmanto satta adhikaraṇasamathā  
dhammā uddesam āgacchanti.

Uppannuppannānam adhikaraṇānam samatāya vūpasamāya  
Sammukhāvinayo dātabbo,  
Sativinayo dātabbo,  
Amūlāvinayo dātabbo,

Paṭiññāya kāretabbam,  
 Yebhuyyasikā,  
 Tassapāpiyasikā,  
 Tiṇavatthārakoti.

Uddiṭṭhā kho āyasmanto satta adhikaraṇasamathā dhammā.  
 Tatth'āyasmante pucchāmi, kacci'ttha parisuddhā? Dutiyampi pucchāmi,  
 kacci'ttha parisuddhā? Tatiyampi pucchāmi, kacci'ttha parisuddhā?  
 Parisuddh'etth'āyasmanto, tasmā tuṇhī, evametam dhārayāmīti.

Adhikaraṇasamathā niṭṭhitā.

Uddiṭṭham kho āyasmanto nidānam,  
 Uddiṭṭhā cattāro pārājikā dhammā,  
 Uddiṭṭhā terasa samghādisesā dhammā,  
 Uddiṭṭhā dve aniyatā dhammā,  
 Uddiṭṭhā tiṁsa nissaggyiyā pācittiyā dhammā,  
 Uddiṭṭhā dvenavuti pācittiyā dhammā,  
 Uddiṭṭhā cattāro pāṭidesanīyā dhammā,  
 Uddiṭṭhā sekhiyā dhammā,  
 Uddiṭṭhā satta adhikaraṇasamathā dhammā, ettakan tassa Bhagavato  
 suttāgatam suttapariyāpannam anvaddhamāsam uddesam āgacchati, tattha  
 sabbeh'eva samaggehi sammodamānehi avivadamānehi sikkhitabbanti.

Vitthāruddeso pañcamo.

**Bhikkhupātimokkham niṭṭhitam.**

## Bhikkhunīpātimokkhapāli

---

Namo Tassa Bhagavato Arahato SammāsamBuddhassa.

Pubba karaṇa 4

Sammajjanī padīpo ca, udakam āsanena ca.  
Uposathassa etāni, “**pubbakaraṇan**”ti vuccati.

Pubba kicca 5

Chanda pārisuddhi utukkhānam, bhikkhunigaṇanā ca ovādo.  
Uposathassa etāni, “**pubbakiccan**”ti vuccati.

Pattakalla aṅgā 4

Upasatho, yāvatikā ca bhikkhunī kammappattā,  
Sabhāgāpattiyo ca na vijjanti.  
Vajjanīyā ca puggalā tasmim na honti, “**pattakallan**”ti vuccati.

Pubbakaraṇapubbakiccāni samāpetvā desitāpattikassa samaggassa  
bhikkhunisamghassa anumatiyā pātimokkham uddisitum ārādhanām  
karoma.

### Nidānuddesa

Suṇātu me ayye saṅgho, ajjuposatho pannaraso, yadi saṅghassa  
pattakallam, saṅgho uposatham kareyya, pātimokkham uddiseyya.

Kim saṅghassa pubbakiccam, pārisuddhim ayyāyo ārocetha,  
pātimokkham uddisissāmi, tam sabbā’va santā sādhukam suṇoma manasi  
karoma. Yassā siyā āpatti, sā āvikareyya, asantiyā āpattiyā tuṇhī<sup>1</sup>  
bhavitabbam, tuṇhībhāvena kho pan’āyyāyo “parisuddhā”ti vedissāmi.  
Yathā kho pana paccekapuṭṭhassā veyyākaraṇam hoti, evamevam evarūpāya  
parisāya yāvatatiyam anusāvitam hoti. Yā pana bhikkhunī yāvatatiyam  
anusāviyamāne saramānā santim āpattim n’āvikareyya,  
sampajānamusāvāda’ssā hoti. Sampajānamusāvādo kho pan’āyyāyo  
antarāyiko

dhammo vutto Bhagavatā, tasmā saramānāya bhikkhuniyā āpannāya visuddhāpekkhāya santī āpatti āvikātabbā. Āvikatā hi'ssā phāsu hoti.

Uddittham kho ayyāso nidānam. Tatth'āyyāyo pucchāmi, kacci'ttha parisuddhā? Dutiyampi pucchāmi, kacci'ttha parisuddhā? Tatiyampi pucchāmi, kacci'ttha parisuddhā? Parisuddh'eth'āyyāyo, tasmā tuṇhī, evametam dhārayāmīti.

Nidānam niṭṭhitam.

---

### Pārājikuddesa

Tatr'ime aṭṭha pārājikā dhammā uddesam āgacchanti.

Methuna dhamma sikkhāpada

1. Yā pana bhikkhunī chandaso methunam dhammam paṭiseveyya, antamaso tiracchānagatenapi, pārājikā hoti asaṁvāsā.

Adinnādāna sikkhāpada

2. Yā pana bhikkhunī gāmā vā araññā vā adinnam theyyasāṅkhātam ādiyeyya, yathārūpe adinnādāne rājāno coram gahetvā haneyyum vā bandheyyum vā pabbājeyyum vā “corā’si bālā’si mūlhā’si thenā’si”ti, tathārūpam bhikkhunī adinnam ādiyamānā ayampi pārājikā hoti asaṁvāsā.

Manussa viggaha sikkhāpada

3. Yā pana bhikkhunī sañcicca manussaviggahaṁ jīvitā voropeyya, satthahārakam vā’ssa pariyeseyya, maraṇavaṇṇam vā samvaṇṇeyya, maraṇāya vā samādapeyya “ambho purisa kiṁ tuyhiminā pāpakena dujjīvitena, matam te jīvitā seyyo”ti, iti cittamanā cittasaṅkappā anekapariyāyena maraṇavaṇṇam vā samvaṇṇeyya, maraṇāya vā samādapeyya, ayampi pārājikā hoti asaṁvāsā.

Uttari manussa dhamma sikkhāpada

4. Yā pana bhikkhunī anabhijānam uttarimanussadhammam attupanāyikam alamariyañāṇadassanaṁ samudācareyya “iti jānāmi, iti passāmī”ti,

tato aparena samayena samanuggāhīyamānā vā asamanuggāhīyamānā vā āpannā visuddhāpekkhā evam vadeyya “ajānamevam ayye avacām jānāmi, apassām passāmi, tucchām musā vilapin”ti, aññatra adhimānā, ayampi pārājikā hoti asamvāsā.

Ubbhajāṇumāṇḍalikā sikkhāpada

5. \* Yā pana bhikkhunī avassutā avassutassa purisapuggalassa adhakkhakam ubbhajāṇumāṇḍalam āmasanam vā parāmasanam vā gahaṇam vā chupanam vā paṭipīlanam vā sādiyeyya, ayampi pārājikā hoti asamvāsā ubbhajāṇumāṇḍalikā.

Vajjappaṭicchādikā sikkhāpada

6. \* Yā pana bhikkhunī jānam pārājikam dhammaṁ ajjhāpannam bhikkhuniṁ n’ev’attanā paṭicodeyya, na gaṇassa āroceyya. Yadā ca sā ṭhitā vā assa cutā vā nāsītā vā avassaṭā vā, sā pacchā evam vadeyya “pubbev’āham ayye aññāsim etam bhikkhuniṁ ‘evarūpā ca evarūpā ca sā bhaginī’ti, no ca kho attanā paṭicodessam, na gaṇassa ārocessan”ti, ayampi pārājikā hoti asamvāsā vajjappaṭicchādikā.

Ukkhittānuvattikā sikkhāpada

7. \* Yā pana bhikkhunī samaggena saṅghena ukkhittam bhikkhum dhammena vinayena Satthusāsanena anādarām appaṭikāram akatasahāyam tamanuvatteyya, sā bhikkhunī bhikkhunīhi evamassa vacanīyā “eso kho ayye bhikkhu samaggena saṅghena ukkhitto, dhammena vinayena Satthusāsanena anādaro appaṭikāro akatasahāyo, m’āyye etam bhikkhum anuvatti”ti. Evañca sā bhikkhunī bhikkhunīhi vuccamānā tath’eva paggañheyya, sā bhikkhunī bhikkhunīhi yāvatatiyam samanubhāsitabbā tassa paṭinissaggāya, yāvatatiyam ce samanubhāsiyamānā tam paṭinissajjeyya, icc’etam kusalam, no ce paṭinissajjeyya, ayampi pārājikā hoti asamvāsā ukkhittānuvattikā.

\* Iminā lakkhaṇena dassitasikkhāpadāni Bhikkhuvibhaṅge n’atthi.

Aṭṭhavatthukā sikkhāpada

8. \*Yā pana bhikkhunī avassutā avassutassa purisapuggalassa hatthaggahaṇam vā sādiyeyya saṅghāṭikaṇṇaggahaṇam vā sādiyeyya santiṭheyya vā sallapeyya vā sañketan vā gaccheyya purisassa vā abbhāgamanain sādiyeyya channaṇam vā anupaviseyya kāyaṇam vā tadaṭṭhāya upasāṁhareyya etassa asaddhammassa paṭisevanatthāya, ayampi pārājikā hoti asamvāsā aṭṭhavatthukā.

Uddiṭṭhā kho ayyāyo aṭṭha pārājikā dhammā. Yesam bhikkhunī aññataram vā aññataram vā āpajjitvā na labhati bhikkhunīhi saddhim samvāsam yathā pure, tathā pucchā, pārājikā hoti asamvāsā. Tatth'āyyāyo pucchāmi, kacci'ttha parisuddhā? Dutiyampi pucchāmi, kacci'ttha parisuddhā? Tatiyampi pucchāmi, kacci'ttha parisuddhā? Parisuddh'eth'āyyāyo, tasmā tuṇhī, evametam dhārayāmīti.

Pārājikam niṭṭhitam.

---

### Saṅghādisesuddesa

Ime kho pan'āyyāyo sattarassa saṅghādisesā  
dhammā uddesam āgacchanti.

Ussayavādikā sikkhāpada

1. \* Yā pana bhikkhunī ussayavādikā vihareyya gahapatinā vā gahapatiputta vā dāsena vā kammakārena vā antamaso samaṇaparibbājaken'āpi, ayampi bhikkhunī paṭhamāpattikām dhammām āpannā nissāraṇīyam saṅghādisesam.

Corī vuṭṭhāpikā sikkhāpada

2. \* Yā pana bhikkhunī jānam corim vajjhām viditam anapaloketvā rājānam vā saṅghām vā gaṇam vā pūgam vā seṇim vā aññatra kappa vuṭṭhāpeyya, ayampi bhikkhunī paṭhamāpattikām dhammām āpannā nissāraṇīyam saṅghādisesam.

Eka gāmantara gamana sikkhāpada

3. \* Yā pana bhikkhunī ekā vā gāmantaram gaccheyya, ekā vā nadīpāram gaccheyya, ekā vā rattiṁ vippavaseyya, ekā vā gaṇamhā ohiyeyya, ayampi bhikkhunī paṭhamāpattikam dhammam āpannā nissāraṇīyam saṅghādisesam.

Ukkhittaka osāraṇa sikkhāpada

4. \* Yā pana bhikkhunī samaggena saṅghena ukkhittram bhikkhuniṁ dhammena vinayena Satthusāsanena anapaloketvā kārakasaṅgham anaññāya gaṇassa chandam osāreyya, ayampi bhikkhunī paṭhamāpattikam dhammam āpannā nissāraṇīyam saṅghādisesam.

Bhojana paṭiggahaṇa paṭhama sikkhāpada

5. \* Yā pana bhikkhunī avassutā avassutassa purisapuggalassa hatthato khādanīyam vā bhojanīyam vā sahatthā paṭiggahetvā khādeyya vā bhuñjeyya vā, ayampi bhikkhunī paṭhamāpattikam dhammam āpannā nissāraṇīyam saṅghādisesam.

Bhojana paṭiggahaṇa dutiya sikkhāpada

6. \* Yā pana bhikkhunī evam vadeyya “kim te ayye eso purisapuggalo karissati avassuto vā anavassuto vā, yato tvam anavassutā, iṅgha ayye yam te eso purisapuggalo deti khādanīyam vā bhojanīyam vā, tam tvam sahatthā paṭiggahetvā khāda vā bhuñja vā”ti, ayampi bhikkhunī paṭhamāpattikam dhammam āpannā nissāraṇīyam saṅghādisesam.

Sañcarita sikkhāpada

7. Yā pana bhikkhunī sañcarittam samāpajjeyya itthiyā vā purisamatim purisassa vā itthimatim jāyattane vā jārattane vā antamaso taṅkhanikāyapi, ayampi bhikkhunī paṭhamāpattikam dhammam āpannā nissāraṇīyam saṅghādisesam.

Duṭṭhadosa sikkhāpada

8. Yā pana bhikkhunī bhikkhuniṁ duṭṭhā dosā appatītā amūlakena pārājikena dhammena anuddhamseyya “app’eva nāma nam imamhā brahmacariyā cāveyyan”ti. Tato aparena samayena samanuggāhīyamānā vā asamanuggāhīyamānā vā amūlakañc’eva tam adhikaraṇam hoti, bhikkhunī ca

dosam̄ patiṭṭhāti, ayampi bhikkhunī paṭhamāpattikam̄ dhammaṁ āpannā nissāraṇīyam̄ saṃghādisesam̄.

#### Aññabhāgiya sikkhāpada

9. Yā pana bhikkhunī bhikkhuniṁ duṭṭhā dosā appatītā aññabhāgīyassa adhikaraṇassa kiñcidesam̄ lesamattam̄ upādāya pārājikena dhammena anuddhamseyya “app’eva nāma nam̄ imamhā brahmacariyā cāveyyan”ti. Tato aparena samayena samanuggāhīyamānā vā asamanuggāhīyamānā vā aññabhāgīyañc’eva tam adhikaraṇam̄ hoti. Koci deso lesamatto upādinno, bhikkhunī ca dosam̄ patiṭṭhāti, ayampi bhikkhunī paṭhamāpattikam̄ dhammaṁ āpannā nissāraṇīyam̄ saṃghādisesam̄.

#### Sikkham̄ paccācikkhaṇa sikkhāpada

10. \* Yā pana bhikkhunī kūpitā anattamanā evam̄ vadeyya “Buddham̄ paccācikkhāmi dhammaṁ paccācikkhāmi, saṃgham̄ paccācikkhāmi, sikkham̄ paccācikkhāmi, kinnu’mā’va samaṇiyo yā samaṇiyo Sakyadhītaro, santaññāpi samaṇiyo lajjiniyo kukkuccikā sikkhākāmā, tās’āham̄ santike brahmacariyam̄ carissāmī”ti. Sā bhikkhunī bhikkhunīhi evamassa vacanīyā “m’āyye kūpitā anattamanā evam̄ avaca ‘Buddham̄ paccācikkhāmi, dhammaṁ paccācikkhāmi, saṃgham̄ paccācikkhāmi, sikkham̄ paccācikkhāmi, kinnu’mā’va samaṇiyo yā samaṇiyo Sakyadhītaro, santaññāpi samaṇiyo lajjiniyo kukkuccikā sikkhākāmā, tās’āham̄ santike brahmacariyam̄ carissāmī’ti. Abhiram’āyye, svākkhāto dhammo, cara brahmacariyam̄ sammā dukkhassa antakiriyāyā”ti. Evañca sā bhikkhunī bhikkhunīhi vuccamānā tath’eva paggaṇheyya, sā bhikkhunī bhikkhunīhi yāvatatiyam̄ samanubhāsitabbā tassa paṭinissaggāya, yāvatatiyañce samanubhāsiyamānā tam paṭinissajjeyya, icc’etam̄ kusalam̄, no ce paṭinissajjeyya, ayampi bhikkhunī yāvatatiyakam̄ dhammaṁ āpannā nissāraṇīyam̄ saṃghādisesam̄.

#### Adhikaraṇa kūpita sikkhāpada

11. \* Yā pana bhikkhunī kismiñcideva adhikaraṇe paccākatā kūpitā anattamanā evam̄ vadeyya “chandagāminiyo ca bhikkhuniyo dosagāminiyo ca bhikkhuniyo mohagāminiyo ca bhikkhuniyo bhayagāminiyo ca bhikkhuniyo”ti. Sā bhikkhunī bhikkhunīhi evamassa vacanīyā “m’āyye kismiñcideva adhikaraṇe paccākatā kūpitā anattamanā evam̄ avaca

‘Chandagāminiyō ca bhikkhuniyo dosagāminiyō ca bhikkhuniyo, mohagāminiyō ca bhikkhuniyo, bhayagāminiyō ca bhikkhuniyo’ti, ayyā kho chandāpi gaccheyya, dosāpi gaccheyya, mohāpi gaccheyya, bhayāpi gaccheyyā’ti. Evañca sā bhikkhunī bhikkhunīhi vuccamānā tath’eva pagaṇheyya, sā bhikkhunī bhikkhunīhi yāvatatiyam samanubhāsitabbā tassa paṭinissaggāya, yāvatatiyañce samanubhāsiyamānā tam paṭinissajjeyya, icc’etam kusalam, no ce paṭinissajjeyya, ayampi bhikkhunī yāvatatiyakam dhammañ āpannā nissāraṇīyam saṅghādisesam.

Pāpasamācāra paṭhama sikkhāpada

12. \* Bhikkhuniyo pan’eva saṁsaṭṭhā viharanti pāpācārā pāpasaddā pāpasilokā bhikkhunisamghassa vihesikā aññamaññissā vajjappaṭicchādikā, tā bhikkhuniyo bhikkhunīhi evamassu vacanīyā “bhaginiyo kho saṁsaṭṭhā viharanti pāpācārā pāpasaddā pāpasilokā bhikkhunisamghassa vihesikā aññamaññissā vajjappaṭicchādikā, viviccath’āyye, vivekaññeva bhaginīnam saṁgho vaṇṇeti”ti. Evañca tā bhikkhuniyo bhikkhunīhi vuccamānā tath’eva pagaṇheyyum, tā bhikkhuniyo bhikkhunīhi yāvatatiyam samanubhāsitabbā tassa paṭinissaggāya, yāvatatiyañce samanubhāsiyamānā tam paṭinissajjeyum, icc’etam kusalam, no ce paṭinissajjeyum, imāpi bhikkhuniyo yāvatatiyakam dhammañ āpannā nissāraṇīyam saṅghādisesam.

Pāpasamācāra dutiya sikkhāpada

13. \* Yā pana bhikkhunī evam vadeyya “saṁsaṭṭhā’va ayye tumhe viharatha, mā tumhe nānā viharittha. Santi samghe aññāpi bhikkhuniyo evācārā evaṁsaddā evaṁsilokā bhikkhunisamghassa vihesikā aññamaññissā vajjappaṭicchādikā, tā saṁgho na kiñci āha tumhaññeva saṁgho uññāya paribhavena akkhantiyā vebhassiyā dubbalyā evamāha ‘Bhaginiyo kho saṁsaṭṭhā viharanti pāpācārā pāpasaddā pāpasilokā bhikkhunisamghassa vihesikā aññamaññissā vajjappaṭicchādikā, viviccath’āyye, vivekaññeva bhaginīnam saṁgho vaṇṇeti’ti’. Sā bhikkhunī bhikkhunīhi evamassa vacanīyā “m’āyye evam avaca saṁsaṭṭhā’va ayye tumhe viharatha, mā tumhe nānā viharittha, santi samghe aññāpi bhikkhuniyo evācārā evaṁsaddā evaṁsilokā bhikkhunisamghassa vihesikā aññamaññissā vajjappaṭicchādikā,

tā samgho na kiñci āha, tumhaññeva samgho uññāya paribhavena akkhantiyā vebhassiyā dubbalyā evamāha ‘Bhaginiyo kho samsatthā viharanti pāpācārā pāpasaddā pāpasilokā bhikkhunisaṁghassa vihesikā aññamaññissā vajjappaṭicchādikā, viviccath’āyye, vivekaññeva bhaginīnam samgho vanetī’ti”. Evañca sā bhikkhunī bhikkhunīhi vuccamānā tath’eva paggañheyya, sā bhikkhunī bhikkhunīhi yāvatatiyam samanubhāsitabbā tassa pañinissaggāya, yāvatatiyañce samanubhāsiyamānā tam pañinissajjeyya, icc’etam kusalam, no ce pañinissajjeyya, ayampi bhikkhunī yāvatatiyakam dhammam āpannā nissāraṇīyam samghādisesam.

#### Samghabhedaka sikkhāpada

14. Yā pana bhikkhunī samaggassa samghassa bhedāya parakkameyya, bhedanasamvattanikam vā adhikaraṇam samādāya paggayha tiṭṭheyya, sā bhikkhunī bhikkhunīhi evamassa vacanīyā “m’āyyā samaggassa samghassa bhedāya parakkami, bhedanasamvattanikam vā adhikaraṇam samādāya paggayha aṭṭhāsi, samet’āyyā samghena. Samaggo hi samgho sammodamāno avivadamāno ekuddeso phāsu viharatī”ti. Evañca sā bhikkhunī bhikkhunīhi vuccamānā tath’eva paggañheyya, sā bhikkhunī bhikkhunīhi yāvatatiyam samanubhāsitabbā tassa pañinissaggāya, yāvatatiyañce samanubhāsiyamānā tam pañinissajjeyya, icc’etam kusalam. No ce pañinissajjeyya, ayampi bhikkhunī yāvatatiyakam dhammam āpannā nissāraṇīyam samghādisesam.

#### Bhedānuvattaka sikkhāpada

15. Tassā yeva kho pana bhikkhuniyā bhikkhuniyo honti anuvattikā vaggavādikā ekā vā dve vā tisso vā, tā evam vadeyyum “m’āyyāyo etam bhikkhuniṁ kiñci avacuttha, dhammavādinī c’esā bhikkhunī, vinayavādinī c’esā bhikkhunī, amhākañc’esā bhikkhunī chandañca ruciñca ādāya voharati, jānāti, no bhāsatī, amhākampetam khamatī”ti. Tā bhikkhuniyo bhikkhunīhi evamassu vacanīyā “m’āyyāyo evam avacuttha, na c’esā bhikkhunī dhammavādinī, na c’esā bhikkhunī vinayavādinī, m’āyyānampi samghabhedo ruccittha, samet’āyyānam samghena. Samaggo hi samgho sammodamāno avivadamāno ekuddeso phāsu viharatī”ti. Evañca tā bhikkhuniyo bhikkhunīhi vuccamānā tath’eva paggañheyyum, tā bhikkhuniyo

bhikkhunīhi yāvatatiyam̄ samanubhāsitabbā tassa paṭinissaggāya,  
yāvatatiyañce samanubhāsiyamānā tam paṭinissajjeyyūm. Icc’etam kusalam.  
No ce paṭinissajjeyyūm, imāpi bhikkhuniyo yāvatatiyakam̄ dhammam̄  
āpannā nissāraṇīyam̄ saṅghādisesam̄.

Dubbaca sikkhāpada

16. Bhikkhunī pan’eva dubbacajātikā hoti uddesapariyāpannesu  
sikkhāpadesu bhikkhunīhi sahadhammikam̄ vuccamānā attānam̄ avacanīyam̄  
karoti “mā maṁ ayyāyo kiñci avacuttha kalyāṇam̄ vā pāpakam̄ vā,  
ahamp’āyyāyo na kiñci vakkhāmi kalyāṇam̄ vā pāpakam̄ vā,  
viramat̄āyyāyo mama vacanāyā”ti. Sā bhikkhunī bhikkhunīhi evamassa  
vacanīyā “m’āyyā attānam̄ avacanīyam̄ akāsi, vacanīyameva ayyā attānam̄  
karotu, ayyāpi bhikkhuniyo vadatu sahadhammena, bhikkhuniyopi ayyam̄  
vakkhanti sahadhammena. Evam̄ saṁvaddhā hi tassa Bhagavato parisā  
yadidam̄ aññamaññavacanena aññamaññavuṭṭhāpanenā”ti. Evañca sā  
bhikkhunī bhikkhunīhi vuccamānā tath’eva paggaṇheyya, sā bhikkhunī  
bhikkhunīhi yāvatatiyam̄ samanubhāsitabbā tassa paṭinissaggāya,  
yāvatatiyañce samanubhāsiyamānā tam paṭinissajjeyya, icc’etam kusalam.  
No ce paṭinissajjeyya, ayampi bhikkhunī yāvatatiyakam̄ dhammam̄ āpannā  
nissāraṇīyam̄ saṅghādisesam̄.

Kuladūsaka sikkhāpada

17. Bhikkhunī pan’eva aññataram̄ gāmam̄ vā nigamam̄ vā upanissāya  
viharati kuladūsikā pāpasamācārā, tassā kho pāpakā samācārā dissanti c’eva  
suyyanti ca, kulāni ca tāya duṭṭhāni dissanti c’eva suyyanti ca, sā bhikkhunī  
bhikkhunīhi evamassa vacanīyā “ayyā kho kuladūsikā pāpasamācārā,  
ayyāya kho pāpakā samācārā dissanti c’eva suyyanti ca, kulāni cā’yyāya  
duṭṭhāni dissanti c’eva suyyanti ca, pakkamat̄āyyā imamhā āvāsā, alam̄ te  
idha vāsenā”ti. Evañca sā bhikkhunī bhikkhunīhi vuccamānā tā bhikkhuniyo  
evam̄ vadeyya “chandagāminiyo ca bhikkhuniyo, dosagāminiyo ca  
bhikkhuniyo, mohagāminiyo ca bhikkhuniyo, bhayagāminiyo ca  
bhikkhuniyo, tādisikāya āpattiyā ekaccam̄ pabbājenti ekaccam̄ na  
pabbājentī”ti. Sā bhikkhunī bhikkhunīhi evamassa vacanīyā “m’āyyā evam̄  
avaca, na ca bhikkhuniyo chandagāminiyo na ca bhikkhuniyo

dosagāminiyo na ca bhikkhuniyo mohagāminiyo na ca bhikkhuniyo bhayagāminiyo. Ayyā kho kuladūsikā pāpasamācārā, ayyāya kho pāpakā samācārā dissanti c'eva suyyanti ca, kulāni cā'yyāya duṭṭhāni dissanti c'eva suyyanti ca, pakkamat'āyyā imamhā āvāsā alam te idha vāsenā"ti. Evañca sā bhikkhunī bhikkhunīhi vuccamānā tath'eva paggaṇheyya, sā bhikkhunī bhikkhunīhi yāvatatiyam samanubhāsitabbā tassa paṭinissaggāya, yāvatatiyānce samanubhāsiyamānā tam paṭinissajjeyya, icc'etam kusalam. No ce paṭinissajjeyya, ayampi bhikkhunī yāvatatiyakam dhammaṁ āpannā nissāraṇyam samghādisesam.

Uddiṭṭhā kho ayyāyo sattarasa samghādisesā dhammā nava paṭhamāpattikā, aṭṭha yāvatatiyakā, yesam bhikkhunī aññataram vā aññataram vā āpajjati, tāya bhikkhuniyā ubhatosamghe pakkhamānattam caritabbaṁ. Ciṇṇamānattā bhikkhunī yattha siyā vīsatigaṇo bhikkhunisamgho, tattha sā bhikkhunī abbhetaṭṭabā. Ekāyapi ce ūno vīsatigaṇo bhikkhunisamgho tam bhikkhuniṁ abbheyya, sā ca bhikkhunī anabbhitā, tā ca bhikkhuniyo gārayhā. Ayam tattha sāmīci. Tatth'āyyāyo pucchāmi, kacci'ttha parisuddhā? Dutiyampi pucchāmi, kacci'ttha parisuddhā? Tatiyampi pucchāmi, kacci'ttha parisuddhā? Parisuddh'eth'āyyāyo, tasmā tuṇhī, evametam dhārayāmīti.

Samghādiseso niṭṭhito.

---

### Nissaggiya pācittiya

Ime kho pan'āyyāyo timsa nissaggiyā pācittiya  
dhammā uddesam āgacchanti.

Pattasannicaya sikkhāpada

1. \* Yā pana bhikkhunī pattasannicayam kareyya, nissaggiyam pācittiyan.

Akāla cīvarabhājana sikkhāpada

2. \* Yā pana bhikkhunī akālacīvaraṁ "kālacīvaraṇ"ti adhiṭṭhahitvā bhājapeyya, nissaggiyam pācittiyan.

Cīvara parivattana sikkhāpada

3. \* Yā pana bhikkhunī bhikkhuniyā saddhim cīvaram parivattetvā sā pacchā evam vadeyya “hand’āyye tuyham cīvaram, āhara m’etam cīvaram, yam tuyham tuyhamev’etam, yam mayham mayhamev’etam, āhara m’etam cīvaram, sakam paccāhara”ti acchindeyya vā acchindāpeyya vā, nissaggiyam pācittiyam.

Aññaviññāpana sikkhāpada

4. \* Yā pana bhikkhunī aññam viññāpetvā aññam viññāpeyya, nissaggiyam pācittiyam.

Aññacetāpana sikkhāpada

5. \* Yā pana bhikkhunī aññam cetāpetvā aññam cetāpeyya, nissaggiyam pācittiyam.

Paṭhama samghika cetāpana sikkhāpada

6. \* Yā pana bhikkhunī aññadatthikena parikkhārena aññuddisikena samghikena aññam cetāpeyya, nissaggiyam pācittiyam.

Dutiya samghika cetāpana sikkhāpada

7. \* Yā pana bhikkhunī aññadattikena parikkhārena aññuddisikena samghikena saññācikena aññam cetāpeyya, nissaggiyam pācittiyam.

Paṭhama gaṇika cetāpana sikkhāpada

8. \* Yā pana bhikkhunī aññadatthikena parikkhārena aññuddisikena mahājanikena aññam cetāpeyya, nissaggiyam pācittiyam.

Dutiya gaṇika cetāpana sikkhāpada

9. \* Yā pana bhikkhunī aññadatthikena parikkhārena aññuddisikena mahājanikena saññācikena aññam cetāpeyya, nissaggiyam pācittiyam.

Puggalika cetāpana sikkhāpada

10. \* Yā pana bhikkhunī aññadatthikena parikkhārena aññuddisikena puggalikena saññācikena aññam cetāpeyya, nissaggiyam pācittiyam.

Pattavaggo paṭhamo.

Garupāvuraṇa sikkhāpada

11. \* Garupāvuraṇam pana bhikkhuniyā cetāpentiyā catukkam̄saparamam̄ cetāpetabbam̄. Tato ce uttari cetāpeyya, nissaggyam̄ pācittiyam̄.

Lahupāvuraṇa sikkhāpada

12. \* Lahupāvuraṇam pana bhikkhuniyā cetāpentiyā ad̄dhatteyyakam̄saparamam̄ cetāpetabbam̄. Tato ce uttari cetāpeyya, nissaggyam̄ pācittiyam̄.

Kathina sikkhāpada

13. Niṭṭhitacīvarasmim̄ bhikkhuniyā ubbhatasmim̄ kathine dasāhaparamam̄ atirekacīvaraṁ dhāretabbam̄. Tam̄ atikkāmentiyā, nissaggyam̄ pācittiyam̄.

Udosita sikkhāpada

14. Niṭṭhitacīvarasmim̄ bhikkhuniyā ubbhatasmim̄ kathine ekarattampi ce bhikkhunī ticīvarena vippavaseyya, aññatra bhikkhunisammutiyā nissaggyam̄ pācittiyam̄.

Akālacīvara sikkhāpada

15. Niṭṭhitacīvarasmim̄ bhikkhuniyā ubbhatasmim̄ kathine bhikkhuniyā pan’eva akālacīvaraṁ uppajjeyya, ākaṇkhamānāya bhikkhuniyā paṭiggahetabbam̄, paṭiggahetvā khippameva kāretabbam̄. No c’assa pāripūri, māsaparamam̄ tāya bhikkhuniyā tam̄ cīvaraṁ nikhipitabbam̄ ūnassa pāripūriyā satiyā paccāsāya. Tato ce uttari nikhipeyya satiyāpi paccāsāya, nissaggyam̄ pācittiyam̄.

Aññātaka viññatti sikkhāpada

16. Yā pana bhikkhunī aññātakam̄ gahapatim̄ vā gahapatānim̄ vā cīvaraṁ viññāpeyya aññatra samayā, nissaggyam̄ pācittiyam̄. Tatth’āyam̄ samayo, acchinnačīvarā vā hoti bhikkhunī naṭṭhacīvarā vā. Ayam̄ tattha samayo.

Tatuttari sikkhāpada

17. Tañce aññātako gahapati vā gahapatānī vā bahūhi cīvarehi abhihaṭṭhum̄ pavāreyya, santaruttaraparamam̄ tāya bhikkhuniyā tato cīvaraṁ sāditabbam̄. Tato ce uttari sādiyeyya, nissaggyam̄ pācittiyam̄.

Paṭhama upakkhaṭa sikkhāpada

18. Bhikkhuniṁ pan’eva uddissa aññātakassa gahapatissa vā  
gahapatāniyā vā cīvaracetāpannam upakkhaṭam hoti “iminā  
cīvaracetāpannena cīvaraṁ cetāpetvā itthannāmaṁ bhikkhuniṁ cīvarena  
acchādessāmī”ti. Tatra c’esā bhikkhunī pubbe appavāritā upasaṅkamitvā  
cīvare vikappam āpajjeyya “sādhū vata mām āyasmā iminā  
cīvaracetāpannena evarūpam vā evarūpam vā cīvaraṁ cetāpetvā  
acchādehī”ti kalyāṇakamyatam upādāya, nissaggiyam pācittiyan.

Dutiya upakkhaṭa sikkhāpada

19. Bhikkhuniṁ pan’eva uddissa ubhinnam aññātakānam gahapatīnam  
vā gahapatānīnam vā paccekacīvaracetāpannāni upakkhaṭāni honti “imehi  
mayam paccekacīvaracetāpannehi paccakacīvarāni cetāpetvā itthannāmaṁ  
bhikkhuniṁ cīvarehi acchādessāmā”ti. Tatra c’esā bhikkhunī pubbe  
appavāritā upasaṅkamitvā cīvare vikappam āpajjeyya “sādhū vata mām  
āyasmanto imehi paccekacīvaracetāpannehi evarūpam vā evarūpam vā  
cīvaraṁ cetāpetvā acchādetha ubhova santā ekenā”ti kalyāṇakamyatam  
upādāya, nissaggiyam pācittiyan.

Rāja sikkhāpada

20. Bhikkhuniṁ pan’eva uddissa rājā vā rājabhoggo vā brāhmaṇo vā  
gahapatiko vā dūtena cīvaracetāpannam pahiṇeyya “iminā  
cīvaracetāpannena cīvaraṁ cetāpetvā itthannāmaṁ bhikkhuniṁ cīvarena  
acchādehī”ti. So ce dūto tam bhikkhuniṁ upasaṅkamitvā evam vadeyya  
“idam kho ayye ayyam uddissa cīvaracetāpannam ābhataṁ,  
paṭiggaṇhāt’āyyā cīvaracetāpannan”ti. Tāya bhikkhuniyā so dūto evamassa  
vacanīyo “na kho mayam āvuso cīvaracetāpannam paṭiggaṇhāma, cīvarañca  
kho mayam paṭiggaṇhāma kālena kappiyā”ti. So ce dūto tam bhikkhuniṁ  
evam vadeyya “atthi pan’āyyāya koci veyyāvaccakaro”ti. Cīvaratthikāya  
bhikkhave bhikkhuniyā veyyāvaccakaro niddisitabbo ārāmiko vā upāsako vā  
“eso kho āvuso bhikkhunīnam veyyāvaccakaro”ti. So ce dūto tam  
veyyāvaccakaram saññāpetvā tam bhikkhuniṁ upasaṅkamitvā evam  
vadeyya “yam kho ayye ayyā veyyāvaccakaram niddisi, saññatto so mayā,

upasaṅkamatāyyā kālena, cīvarena tam acchādessatī”ti. Cīvarathikāya bhikkhave bhikkhuniyā veyyāvaccakaro upasaṅkamitvā dvattikkhattum codetabbo sāretabbo “attho me āvuso cīvarenā”ti, dvattikkhattum codayamānā sārayamānā tam cīvaraṁ abhinippahādeyya, icc’etam kusalam, no ce abhinippahādeyya, catukkhattum pañcakkhattum chakkhattuparamam tuṇhībhūtāya uddissa ṭhātabbam, catukkhattum pañcakkhattum chakkhattuparamam tuṇhībhūtā uddissa tiṭṭhamānā tam cīvaraṁ abhinippahādeyya, icc’etam kusalam. Tato ce uttari vāyamamānā tam cīvaraṁ abhinippahādeyya, nissaggyam pācittiyam. No ce abhinippahādeyya, yat’assā cīvaracetāpannam ābhataṁ, tattha sāmam vā gantabbam, dūto vā pāhetabbo “yam kho tumhe āyasmanto bhikkhuniṁ uddissa cīvaracetāpannam pahiṇittha, na tam tassā bhikkhuniyā kiñci attham anubhoti, yuñjantāyasmanto sakam, mā vo sakam vinassā”ti, ayam tattha sāmīci.

Cīvaravaggo dutiyo.

---

Rūpiya sikkhāpada

21. Yā pana bhikkhunī jātarūparajataṁ uggan̄heyya vā uggan̄hāpeyya vā upanikkhittam vā sādiyeyya, nissaggyam pācittiyam.

Rūpiya samvohāra sikkhāpada

22. Yā pana bhikkhunī nānappakārakam rūpiyasamvohāram samāpajjeyya, nissaggyam pācittiyam.

Kayavikkaya sikkhāpada

23. Yā pana bhikkhunī nānappakārakam kayavikkayam samāpajjeyya, nissaggyam pācittiyam.

Ūna pañcabandhana sikkhāpada

24. Yā pana bhikkhunī ūnapañcabandhanena pattena aññam navam pattam cetāpeyya, nissaggyam pācittiyam. Tāya bhikkhuniyā so patto bhikkhuniparisāya nissajjitabbo, yo ca tassā bhikkhuniparisāya pattapariyanto, so tassā bhikkhuniyā padātabbo “ayam te bhikkhuni patto yāva bhedanāya dhāretabbo”ti, ayam tattha sāmīci.

Bhesajja sikkhāpada

25. Yāni kho pana tāni gilānānam bhikkhunīnam paṭisāyanīyāni bhesajjāni, seyyathidaṁ? Sappi navanītaṁ telāṁ madhu phāṇitāṁ, tāni paṭiggahetvā sattāhaparamām sannidhikārakam paribhuñjitabbāni. Tam atikkāmentiyā, nissaggiyam pācittiyaṁ.

Cīvara acchindana sikkhāpada

26. Yā pana bhikkhunī bhikkhuniyā sāmaṁ cīvaraṁ datvā kūpitā anattamanā acchindeyya vā acchindāpeyya vā, nissaggiyam pācittiyaṁ.

Suttaviññatti sikkhāpada

27. Yā pana bhikkhunī sāmaṁ suttam viññāpetvā tantavāyehi cīvaraṁ vāyāpeyya, nissaggiyam pācittiyaṁ.

Mahāpesakāra sikkhāpada

28. Bhikkhuniṁ pan’eva uddissa aññātako gahapati vā gahapatānī vā tantavāyehi cīvaraṁ vāyāpeyya, tatra c’esā bhikkhunī pubbe appavāritā tantavāye upasaṅkamitvā cīvare vikappaṁ āpajjeyya “idaṁ kho āvuso cīvaraṁ maṁ uddissa viyyati, āyatañca karotha, vitthatañca appitañca suvītañca suppavāyitañca suvilekhitañca suvitacchitañca karotha, app’eva nāma mayampi āyasmantānam kiñcimattam anupadajjeyyāmā”ti. Evañca sā bhikkhunī vatvā kiñcimattam anupadajjeyya antamaso piṇḍapātamattampi, nissaggiyam pācittiyaṁ.

Acceka cīvara sikkhāpada

29. Dasāhānāgatam Kattikatemāsikapuṇṇamam bhikkhuniyā pan’eva accekacīvaraṁ uppajjeyya, accekam maññamānāya bhikkhuniyā paṭiggahettabbām, paṭiggahetvā yāva cīvarakālasamayaṁ nikhipitabbām. Tato ce uttari nikhipeyya, nissaggiyam pācittiyaṁ.

Pariṇata sikkhāpada

30. Yā pana bhikkhunī jānarām saṃghikam lābhām pariṇataṁ attano pariṇāmeyya, nissaggiyam pācittiyaṁ.

Pattavaggo tatiyo.

Udditthā kho ayyāyo tiṁsa nissaggiyā pācittiyā dhammā. Tatth'āyyāyo pucchāmi, kacci'ttha parisuddhā? Dutiyampi pucchāmi, kacci'ttha parisuddhā? Tatiyampi pucchāmi, kacci'ttha parisuddhā? Parisuddh'eth'āyyāyo, tasmā tuṇhī, Evametam dhārayāmīti.

Nissaggiyapācittiyā niṭṭhitā.

---

### Suddha pācittiya

Ime kho pan'āyyāyo chasaṭṭhisatā pācittiyā dhammā uddesam āgacchanti.

Lasuṇa sikkhāpada

1. \* Yā pana bhikkhunī lasuṇam khādeyya pācittiyam.

Sambādha loma sikkhāpada

2. \* Yā pana bhikkhunī sambādhe lomam saṁharāpeyya pācittiyam.

Talaghātaka sikkhāpada

3. \* Talaghātake pācittiyam.

Jatumaṭṭhakasikkhāpada

4. \* Jatumaṭṭhake pācittiyam.

Udaka suddhika sikkhāpada

5. \* Udkasuddhikam pana bhikkhuniyā ādiyamānāya dvaṅgulapabbaparamam ādātabbam. Tam atikkāmentiyā pācittiyam.

Upatiṭṭhana sikkhāpada

6. \* Yā pana bhikkhunī bhikkhussa bhuñjantassa pānīyena vā vidhūpanena vā upatiṭṭheyya, pācittiyam.

Āmaka dhañña sikkhāpada

7. \* Yā pana bhikkhunī āmakadhañnam viññatvā vā viññāpetvā vā bhajjītvā vā bhajjāpetvā vā koṭṭetvā vā koṭṭāpetvā vā pacitvā vā pacāpetvā vā bhuñjeyya, pācittiyam.

Paṭhama uccārachaḍḍana sikkhāpada

8. \* Yā pana bhikkhunī uccāram vā passāvam vā saṅkāram vā vighāsam vā tirokuṭṭe vā tiropākāre vā chaḍḍeyya vā chaḍḍāpeyya vā, pācittiyam.

Dutiya uccārachaḍḍana sikkhāpada

9. \* Yā pana bhikkhunī uccāram vā passāvam vā saṅkāram vā vighāsam vā harite chaḍḍeyya vā chaḍḍāpeyya vā, pācittiyam.

Nacca gīta sikkhāpada

10. \* Yā pana bhikkhunī naccam vā gītam vā vāditam vā dassanāya gaccheyya, pācittiyam.

Lasuṇavaggo paṭhamo.

---

Rattandhakāra sikkhāpada

11. \* Yā pana bhikkhunī rattandhakāre appadīpe purisena saddhim eken'ekā santiṭṭheyya vā sallapeyya vā, pācittiyam.

Paṭicchannokāsa sikkhāpada

12. \* Yā pana bhikkhunī paṭicchanne okāse purisena saddhim eken'ekā santiṭṭheyya vā sallapeyya vā, pācittiyam.

Ajjhokāsa sallapana sikkhāpada

13. \* Yā pana bhikkhunī ajjhokāse purisena saddhim eken'ekā santiṭṭheyya vā sallapeyya vā, pācittiyam.

Dutiyika uyyojana sikkhāpada

14. \* Yā pana bhikkhunī rathikāya vā byūhe vā siṅghāṭake vā purisena saddhim eken'ekā santiṭṭheyya vā sallapeyya vā nikaṇṇikam vā jappeyya dutiyikam vā bhikkhuniṁ uyyojeyya, pācittiyam.

Anāpucchā pakkamana sikkhāpada

15. \* Yā pana bhikkhunī purebhattam kulāni upasaṅkamitvā āsane nisīditvā sāmike anāpucchā pakkameyya, pācittiyam.

Anāpucchā abhinisīdana sikkhāpada

16. \* Yā pana bhikkhunī pacchābhattam kulāni upasaṅkamitvā sāmike anāpucchā āsane abhinisīdeyya vā abhinipajjeyya vā, pācittiyam.

Anāpucchā santharaṇa sikkhāpada

17. \* Yā pana bhikkhunī vikāle kulāni upasaṅkamitvā sāmike anāpucchā seyyam santharāpetvā vā santharāpetvā vā abhinisīdeyya vā abhinipajjeyya vā, pācittiyam.

Para ujjhāpanaka sikkhāpada

18. \* Yā pana bhikkhunī duggahitena dūpadhāritena param ujjhāpeyya, pācittiyam.

Para abhisapana sikkhāpada

19. \* Yā pana bhikkhunī attānam vā param vā nirayena vā brahmaçariyena vā abhisapeyya, pācittiyam.

Rodana sikkhāpada

20. \* Yā pana bhikkhunī attānam vadhitvā vadhitvā rodeyya, pācittiyam.

Rattandhakāravaggo dutiyo.

---

Nagga sikkhāpada

21. \* Yā pana bhikkhunī naggā nahāyeyya, pācittiyam.

Udaka sātika sikkhāpada

22. \* Udkasātiķam pana bhikkhuniyā kārayamānāya pamāṇikā kāretabbā. Tat'ridam pamāṇam, dīghaso catasso vidatthiyo Sugatavidatthiyā, tiriyam dve vidatthiyo. Tam atikkāmentiyā chedanakaṁ pācittiyam.

Cīvara sibbana sikkhāpada

23. \* Yā pana bhikkhunī bhikkhuniyā cīvaram visibbetvā vā visibbāpetvā vā sā pacchā anantarāyikinī n'eva sibbeyya, na sibbāpanāya ussukkam kareyya aññatra catūhapañcāhā, pācittiyam.

Saṅghāticāra sikkhāpada

24. \* Yā pana bhikkhunī pañcāhikam saṅghāticāram atikkāmeyya, pācittiyam.

Cīvara saṅkamanīya sikkhāpada

25. \* Yā pana bhikkhunī cīvarasaṅkamanīyam dhāreyya, pācittiyam.

Gaṇacīvara sikkhāpada

26. \* Yā pana bhikkhunī gaṇassa cīvaralābhām antarāyam kareyya, pācittiyam.

Paṭibāhana sikkhāpada

27. \* Yā pana bhikkhunī dhammikam cīvaravibhaṅgam paṭibāheyya, pācittiyam.

Cīvaradāna sikkhāpada

28. \* Yā pana bhikkhunī agārikassa vā paribbājakassa vā paribbājikāya vā samaṇacīvaraṁ dadeyya, pācittiyam.

Kāla-atikkamana sikkhāpada

29. \* Yā pana bhikkhunī dubbalacīvarapaccāsāya cīvarakālasamayam atikkāmeyya, pācittiyam.

Kathinuddhāra sikkhāpada

30. \* Yā pana bhikkhunī dhammikam kathinuddhāram paṭibāheyya, pācittiyam.

Naggavaggo tatiyo.

---

Ekamañca tuvaṭṭana sikkhāpada

31. \* Yā pana bhikkhuniyo dve ekamañce tuvaṭṭeyyum, pācittiyam.

Ekattharaṇa tuvaṭṭana sikkhāpada

32. \* Yā pana bhikkhuniyo dve ekattharaṇapāvuraṇā tuvaṭṭeyum, pācittiyam.

Aphāsukaraṇa sikkhāpada

33. \* Yā pana bhikkhunī bhikkhuniyā sañcicca aphāsum kareyya, pācittiyam.

Na upaṭṭhāpana sikkhāpada

34. \* Yā pana bhikkhunī dukkhitam sahajīviniṁ n'eva upaṭṭhaheyya, na upaṭṭhāpanāya ussukkam kareyya, pācittiyam.

Nikkadḍhana sikkhāpada

35. \* Yā pana bhikkhunī bhikkhuniyā upassayaṁ datvā kupitā anattamanā nikkaḍḍheyya vā nikkaḍḍhāpeyya vā, pācittiyam.

Saṁsaṭṭha sikkhāpada

36. \* Yā pana bhikkhunī saṁsaṭṭhā vihareyya gahapatinā vā gahapatiputtēna vā, sā bhikkhunī bhikkhunīhi evamassa vacanīyā “m’āyye saṁsaṭṭhā vihari gahapatināpi gahapatiputtenāpi, vivicca’āyye vivekaññeva bhaginiyā saṁgho vanṇetī”ti. Evañca sā bhikkhunī bhikkhunīhi vuccamānā tath’eva pagaṇheyya, sā bhikkhunī bhikkhunīhi yāvatatiyam samanubhāsitabbā tassa paṭinissaggāya, yāvatatiyañce samanubhāsiyamānā tam paṭinissajjeyya, icc’etam kusalam. No ce paṭinissajjeyya, pācittiyam.

Antoraṭṭha sikkhāpada

37. \* Yā pana bhikkhunī antoraṭṭhe sāsaṅkasammate sappaṭibhaye asatthikā cārikam careyya, pācittiyam.

Tiroraṭṭha sikkhāpada

38. \* Yā pana bhikkhunī tiroraṭṭhe sāsaṅkasammate sappaṭibhaye asatthikā cārikam careyya, pācittiyam.

Antovassa sikkhāpada

39. \* Yā pana bhikkhunī antovassam cārikam careyya, pācittiyam.

Cārika na pakkamana sikkhāpada

40. \* Yā pana bhikkhunī vassamvuṭṭhā cārikam na pakkameyya antamaso chappañcayojanānipi, pācittiyam.

Tuvatṭavaggo catuttho.

Rājāgāra sikkhāpada

41. \* Yā pana bhikkhunī rājāgāram vā cittāgāram vā ārāmam vā uyyānam vā pokkharaṇim vā dassanāya gaccheyya, pācittiyan.

Āsandiparibhuñjana sikkhāpada

42. \* Yā pana bhikkhunī āsandim vā pallaṅkam vā paribhuñjeyya, pācittiyan.

Suttakantana sikkhāpada

43. \* Yā pana bhikkhunī suttam kanteyya, pācittiyan.

Gihiveyyāvacca sikkhāpada

44. \* Yā pana bhikkhunī gihiveyyāvaccaṁ kareyya, pācittiyan.

Adhikaraṇa sikkhāpada

45. \* Yā pana bhikkhunī bhikkhuniyā “eh’āyye imam adhikaraṇam vūpasamehī”ti vuccamānā “sādhū”ti paṭissuṇitvā sā pacchā anantarāyikinī n’eva vūpasameyya na vūpasamāya ussukkam kareyya, pācittiyan.

Bhojanadāna sikkhāpada

46. \* Yā pana bhikkhunī agārikassa vā paribbājakassa vā paribbājikāya vā sahatthā khādanīyam vā bhojanīyam vā dadeyya, pācittiyan.

Āvasatha cīvara sikkhāpada

47. \* Yā pana bhikkhunī āvasathacīvaraṁ anissajjetvā paribhuñjeyya, pācittiyan.

Āvasatha vihāra sikkhāpada

48. \* Yā pana bhikkhunī āvasatham anissajjitvā cārikam pakkameyya, pācittiyan.

Tiracchānavijjā pariyāpuṇana sikkhāpada

49. \* Yā pana bhikkhunī tiracchānavijjam pariyāpuṇeyya, pācittiyan.

Tiracchānavijjā vācana sikkhāpada

50. \* Yā pana bhikkhunī tiracchānavijjam vāceyya, pācittiyan.

Cittāgāravaggo pañcamo.

Ārāma pavisana sikkhāpada

51. \* Yā pana bhikkhunī jānam sabhikkukam ārāmaṁ anāpucchā paviseyya, pācittiyam.

Bhikkhu akkosana sikkhāpada

52. \* Yā pana bhikkhunī bhikkhum akkoseyya vā paribhāseyya vā, pācittiyam.

Gaṇaparibhāsana sikkhāpada

53. \* Yā pana bhikkhunī caṇḍikatā gaṇam paribhāseyya, pācittiyam.

Pavārita sikkhāpada

54. \* Yā pana bhikkhunī nimantitā vā pavāritā vā khādanīyam vā bhojanīyam vā khādeyya vā bhuñjeyya vā, pācittiyam.

Kulamaccharinī sikkhāpada

55. \* Yā pana bhikkhunī kulamaccharinī assa, pācittiyam.

Abhikkhukāvāsa sikkhāpada

56. \* Yā pana bhikkhunī abhikkhuke āvāse vassam vaseyya, pācittiyam.

Apavāraṇā sikkhāpada

57. \* Yā pana bhikkhunī vassamvuṭṭhā ubhatosamghe tīhi ṭhānehi na pavāreyya diṭṭhena vā sutena vā parisaṅkāya vā, pācittiyam.

Ovāda sikkhāpada

58. \* Yā pana bhikkhunī ovādāya vā saṁvāsāya vā na gaccheyya, pācittiyam.

Ovādūpasaṅkamana sikkhāpada

59. \* Anvaddhamāsaṁ bhikkhuniyā bhikkhusamghato dve dhammā paccasīsitaabbā uposathapucchakañca ovādūpasaṅkamanañca. Tam atikkāmentiyā pācittiyam.

Pasākhe jāta sikkhāpada

60. \* Yā pana bhikkhunī pasākhe jātam gaṇḍam vā rudhitam vā anapaloketvā saṅgham vā gaṇam vā purisena saddhiṁ eken'ekā bhedāpeyya

vā phālāpeyya vā dhovāpeyya vā ālimpāpeyya vā bandhāpeyya vā  
mocāpeyya vā, pācittiyam.

Ārāmavaggo chaṭṭho.

---

Gabbhinī sikkhāpada

61. \* Yā pana bhikkhunī gabbhinim vuṭṭhāpeyya, pācittiyam.

Pāyantī sikkhāpada

62. \* Yā pana bhikkhunī pāyantim vuṭṭhāpeyya, pācittiyam.

Paṭhama sikkhamāna sikkhāpada

63. \* Yā pana bhikkhunī dve vassāni chasu dhammesu  
asikkhitasikkham sikkhamānam vuṭṭhāpeyya, pācittiyam.

Dutiya sikkhamāna sikkhāpada

64. \* Yā pana bhikkhunī dve vassāni chasu dhammesu sikkhitasikkham  
sikkhamānam saṅghena asammataṁ vuṭṭhāpeyya, pācittiyam.

Paṭhama gihigata sikkhāpada

65. \* Yā pana bhikkhunī ūnadvādasavassam gihigataṁ vuṭṭhāpeyya,  
pācittiyam.

Dutiya gihigata sikkhāpada

66. \* Yā pana bhikkhunī paripuṇṇadvādasavassam gihigataṁ dve  
vassāni chasu dhammesu asikkhitasikkham vuṭṭhāpeyya, pācittiyam.

Tatiya gihigata sikkhāpada

67. \* Yā pana bhikkhunī paripuṇṇadvādasavassam gihigataṁ dve  
vassāni chasu dhammesu sikkhitasikkham saṅghena asammataṁ  
vuṭṭhāpeyya, pācittiyam.

Paṭhama sahajīvinī sikkhāpada

68. \* Yā pana bhikkhunī sahajīvinim vuṭṭhāpetvā dve vassāni n'eva  
anuggaṇheyya na anuggaṇhāpeyya, pācittiyam.

Pavattinī nānubandhana sikkhāpada

69. \* Yā pana bhikkhunī vuṭṭhāpitam pavattiniṁ dve vassāni  
nānubandheyya, pācittiyam.

Dutiya sahajīvinī sikkhāpada

70. \* Yā pana bhikkhunī sahajīvinim vuṭṭhāpetvā n’eva vūpakāseyya na vūpakāsāpeyya antamaso chappañcayojanānipi, pācittiyam.

Gabbhinivaggo sattamo.

---

Paṭhama kumāribhūta sikkhāpada

71. \* Yā pana bhikkhunī ūnavīsativassam kumāribhūtam vuṭṭhāpeyya, pācittiyam.

Dutiya kumāribhūta sikkhāpada

72. \* Yā pana bhikkhunī paripuṇṇavīsativassam kumāribhūtam dve vassāni chasu dhammesu asikkhitasikkham vuṭṭhāpeyya, pācittiyam.

Tatiya kumāribhūta sikkhāpada

73. \* Yā pana bhikkhunī paripuṇṇavīsativassam kumāribhūtam dve vassāni chasu dhammesu sikkhitasikkham saṅghena asammataṁ vuṭṭhāpeyya, pācittiyam.

Ūna dvādasavassa sikkhāpada

74. \* Yā pana bhikkhunī ūnadvādasavassā vuṭṭhāpeyya, pācittiyam.

Paripuṇṇa dvādasavassa sikkhāpada

75. \* Yā pana bhikkhunī paripuṇṇadvādasavassā saṅghena asammataṁ vuṭṭhāpeyya, pācittiyam.

Khiyyana dhamma sikkhāpada

76. \* Yā pana bhikkhunī “alam tāva te ayye vuṭṭhāpitena”ti vuccamānā “sādhū”ti paṭissuṇitvā sā pacchā khiyyanadhammaṁ āpajjeyya, pācittiyam.

Paṭhama sikkhamāna navuṭṭhāpana sikkhāpada

77. \* Yā pana bhikkhunī sikkhamānam “sace me tvam ayye cīvaraṁ dassasi, ev’āham tam vuṭṭhāpessāmī”ti vatvā sā pacchā anantarāyikinī n’eva vuṭṭhāpeyya na vuṭṭhāpanāya ussukkam kareyya, pācittiyam.

Dutiya sikkhamāna navuṭṭhāpana sikkhāpada

78. \* Yā pana bhikkhunī sikkhamānam “sace mām tvam ayye dve vassāni anubandhissasi, ev’āham tam vuṭṭhāpessāmī”ti vatvā sā pacchā anantarāyikinī n’eva vuṭṭhāpeyya na vuṭṭhāpanāya ussukkam kareyya, pācittiyam.

Sokāvāsa sikkhāpada

79. \* Yā pana bhikkhunī purisasaṁsaṭṭham kumārakasasaṁsaṭṭham caṇḍim sokāvāsam sikkhamānam vuṭṭhāpeyya, pācittiyam.

Ananuññāta sikkhāpada

80. \* Yā pana bhikkhunī mātāpitūhi vā sāmikena vā ananuññātam sikkhamānam vuṭṭhāpeyya, pācittiyam.

Pārivāsika sikkhāpada

81. \* Yā pana bhikkhunī pārivāsikachandadānena sikkhamānam vuṭṭhāpeyya, pācittiyam.

Anuvassa sikkhāpada

82. \* Yā pana bhikkhunī anuvassam vuṭṭhāpeyya, pācittiyam.

Ekavassa sikkhāpada

83. \* Yā pana bhikkhunī ekam vassam dve vuṭṭhāpeyya, pācittiyam.

Kumāribhūtavaggo aṭṭhamo.

---

Chattupāhana sikkhāpada

84. \* Yā pana bhikkhunī agilānā chattupāhanam dhāreyya, pācittiyam.

Yāna sikkhāpada

85. \* Yā pana bhikkhunī agilānā yānenā yāyeyya, pācittiyam.

Saṅghāṇi sikkhāpada

86. \* Yā pana bhikkhunī saṅghāṇim dhāreyya, pācittiyam.

Itthālaṅkāra sikkhāpada

87. \* Yā pana bhikkhunī itthālaṅkāram dhāreyya, pācittiyam.

Gandhavaṇṇaka sikkhāpada

88. \* Yā pana bhikkhunī gandhavaṇṇakena nahāyeyya, pācittiyam.

Vāsitaka sikkhāpada

89. \* Yā pana bhikkhunī vāsitakena piññākena nahāyeyya, pācittiyam.

Bhikkhuni ummaddāpana sikkhāpada

90. \* Yā pana bhikkhunī bhikkhuniyā ummaddāpeyya vā  
parimaddāpeyya vā, pācittiyam.

Sikkhamāna ummaddāpana sikkhāpada

91. \* Yā pana bhikkhunī sikkhamānāya ummaddāpeyya vā  
parimaddāpeyya vā, pācittiyam.

Sāmaṇerī ummaddāpana sikkhāpada

92. \* Yā pana bhikkhunī sāmaṇeriyā ummaddāpeyya vā  
parimaddāpeyya vā, pācittiyam.

Gihini ummaddāpana sikkhāpada

93. \* Yā pana bhikkhunī gihiniyā ummaddāpeyya vā parimaddāpeyya  
vā, pācittiyam.

Anāpucchā sikkhāpada

94. \* Yā pana bhikkhunī bhikkhussa purato anāpucchā āsane nisīdeyya,  
pācittiyam.

Pañhā pucchana sikkhāpada

95. \* Yā pana bhikkhunī anokāsakatam bhikkhum pañham puccheyya,  
pācittiyam.

Asamkaccika sikkhāpada

96. \* Yā pana bhikkhunī asamkaccikā gāmam paviseyya, pācittiyam.

Chattupāhanavaggo navamo.

Musāvāda sikkhāpada

97. Sampajānamusāvāde pācittiyam.

Omasavāda sikkhāpada

98. Omasavāde pācittiyam.

Pesuñña sikkhāpada

99. Bhikkhunipesuññe pācittiyam.

Padasodhamma sikkhāpada

100. Yā pana bhikkhunī anupasampannam padaśo dhammam vāceyya, pācittiyam.

Paṭhama sahaseyya sikkhāpada

101. Yā pana bhikkhunī anupasampannāya uttaridirattatirattam sahaseyyam kappeyya, pācittiyam.

Dutiya sahaseyya sikkhāpada

102. Yā pana bhikkhunī purisena sahaseyyam kappeyya, pācittiyam.

Dhammadesanā sikkhāpada

103. Yā pana bhikkhunī purisassa uttarichappañcavācāhi dhammam deseyya aññatra viññunā itthiviggahena, pācittiyam.

Bhūtārocana sikkhāpada

104. Yā pana bhikkhunī anupasampannāya uttarimanussadhammam āroceyya, bhūtasmiṁ pācittiyam.

Duṭṭhullārocana sikkhāpada

105. Yā pana bhikkhunī bhikkhuniyā duṭṭhullam āpattim anupasampannāya āroceyya aññatra bhikkhunisammutiyā, pācittiyam.

Pathavīkhaṇana sikkhāpada

106. Yā pana bhikkhunī pathavim khaṇeyya vā khaṇāpeyya vā, pācittiyam.

Musāvādavaggo dasamo.

Bhūtagāma sikkhāpada

107. Bhūtagāmapātabyatāya pācittiyam.

Aññavādaka sikkhāpada

108. Aññavādake vihesake pācittiyam.

Ujjhāpanaka sikkhāpada

109. Ujjhāpanake khiyyanake pācittiyam.

Pāthamasenāsana sikkhāpada

110. Yā pana bhikkhunī samghikam mañcam vā pīṭham vā bhisim vā koccham vā ajjhokāse santharitvā vā santharāpetvā vā tam pakkamantī n'eva uddhareyya na uddharāpeyya, anāpuccham vā gaccheyya, pācittiyam.

Dutiya senāsana sikkhāpada

111. Yā pana bhikkhunī samghike vihāre seyyam santharitvā vā santharāpetvā vā tam pakkamantī n'eva uddareyya, na uddharāpeyya, anāpuccham vā gaccheyya, pācittiyam.

Anupakhajja sikkhāpada

112. Yā pana bhikkhunī samghike vihāre jānam pubbupagatam bhikkhuniṁ anupakhajja seyyam kappeyya “yassā sambādho bhavissati, sā pakkamissatī”ti etadeva paccayam karitvā anaññam, pācittiyam.

Nikkadḍhana sikkhāpada

113. Yā pana bhikkhunī bhikkhuniṁ kūpitā anattamanā samghikā vihārā nikkadḍheyya vā nikkadḍhāpeyya vā, pācittiyam.

Vehāsakuṭi sikkhāpada

114. Yā pana bhikkhunī samghike vihāre uparivehāsakuṭiyā āhaccapādakam mañcam vā pīṭham vā abhinisideyya vā abhinipajjeyya vā, pācittiyam.

Mahallaka vihāra sikkhāpada

115. Mahallakam pana bhikkhuniyā vihāram kārayamānāya yāva dvārakosā aggalaṭṭhapanāya ālokasandhiparikammāya dvatticchadanassa pariyāyam appaharite ṛhitāya adhiṭṭhātabbam. Tato ce uttari appaharitepi ṛhitā adhiṭṭhaheyya, pācittiyam.

Sappāṇaka sikkhāpada

116. Yā pana bhikkhunī jānam sappāṇakam udakam tiṇam vā mattikam vā siñceyya vā siñcāpeyya vā, pācittiyam.

Bhūtagāmavaggo ekādasamo.

---

Āvasatha piṇḍa sikkhāpada

117. Agilānāya bhikkhuniyā eko āvasathapiṇḍo bhuñjitabbo. Tato ce uttari bhuñjeyya, pācittiyam.

Gaṇabhojana sikkhāpada

118. Gaṇabhojane aññatrat samayā pācittiyam. Tatth'āyam samayo, gilānasamayo cīvaradānasamayo cīvarakārasamayo addhānagamanasamayo nāvābhruhanasamayo mahāsamayo samaṇabhattasamay, ayam tattha samayo.

Kāṇamātu sikkhāpada

119. Bhikkhuniṁ pan'eva kulaṁ upagataṁ pūvehi vā manthehi vā abhihaṭṭhum pavāreyya, ākaṇkhamānāya bhikkhuniyā dvattipattapūrā paṭiggahetabbā. Tato ce uttari patiggaṇheyya, pācittiyam. Dvattipattapūre paṭiggahetvā tato nīharitvā bhikkhunīhi saddhiṁ samvibhajitabbam. Ayam tattha sāmīci.

Vikāla bhojana sikkhāpada

120. Yā pana bhikkhunī vikāle khādanīyam vā bhojanīyam vā khādeyya vā bhuñjeyya vā, pācittiyam.

Sannidhikāraka sikkhāpada

121. Yā pana bhikkhunī sannidhikārakam khādanīyam vā bhojanīyam vā khādeyya vā bhuñjeyya vā, pācittiyam.

Dantapona sikkhāpada

122. Yā pana bhikkhunī adinnaṁ mukhadvāram āhāram āhareyya aññatrat udakadantaponā, pācittiyam.

Uyyojana sikkhāpada

123. Yā pana bhikkhunī bhikkhuniṁ “eh’āyye, gāmaṁ vā nigamam vā piṇḍāya pavisissāmā”ti tassā dāpetvā vā adāpetvā vā uyyojeyya “gacch’āyye, na me tayā saddhiṁ kathā vā nisajjā vā phāsu hoti, ekikāya me kathā vā nisajjā vā phāsu hoti”ti etadeva paccayam karitvā anaññam, pācittiyan.

Sabhojana sikkhāpada

124. Yā pana bhikkhunī sabhojane kule anupakhajja nisajjam kappeyya, pācittiyan.

Raho paṭicchanna sikkhāpada

125. Yā pana bhikkhunī purisena saddhiṁ raho paṭicchanne āsane nisajjam kappeyya, pācittiyan.

Raho nisajja sikkhāpada

126. Yā pana bhikkhunī purisena saddhiṁ eken’ekā raho nisajjam kappeyya, pācittiyan.

Bhojanavaggo dvādasamo.

---

Cāritta sikkhāpada

127. Yā pana bhikkhunī nimantitā sabhattā samānā santim bhikkhuniṁ anāpucchā purebhattariṁ vā pacchābhattariṁ vā kulesu cārittariṁ āpajjeyya aññatra samayā, pācittiyan. Tatth’āyam samayo, cīvaradānasamayo cīvarakārasamayo. Ayam tattha samayo.

Mahānāma sikkhāpada

128. Agilānāya bhikkhuniyā catumāsappaccayapavāraṇā sāditabbā aññatra punapavāraṇāya aññatra niccapavāraṇāya. Tato ce uttari sādiyeyya, pācittiyan.

Uyyutta senā sikkhāpada

129. Yā pana bhikkhunī uyyuttam senam dassanāya gaccheyya aññatra tathārūpappaccayā, pācittiyan.

Senāvāsa sikkhāpada

130. Siyā ca tassā bhikkhuniyā kocideva paccayo senam̄ gamanāya, dirattatirattam̄ tāya bhikkhuniyā senāya vasitabbam̄. Tato ce uttari vaseyya, pācittiyam̄.

Uyyodhika sikkhāpada

131. Dirattatirattam̄ ce bhikkhunī senāya vasamānā uyyodhikam̄ vā balaggam̄ vā senābyūham̄ vā anīkadassanam̄ vā gaccheyya, pācittiyam̄.

Surāpāna sikkhāpada

132. Surāmerayapāne pācittiyam̄.

Aṅguli patodaka sikkhāpada

133. Aṅgulipatodake pācittiyam̄.

Hasadhamma sikkhāpada

134. Udake hasadhamme pācittiyam̄.

Anādariya sikkhāpada

135. Anādariye pācittiyam̄.

Bhiṁśāpana sikkhāpada

136. Yā pana bhikkhunī bhikkhunim̄ bhiṁśāpeyya, pācittiyam̄.

### Cārittavaggo terasamo.

---

Joti sikkhāpada

137. Yā pana bhikkhunī agilānā visibbanāpekkhā jotiṁ samādaheyya vā samādahāpeyya vā aññatra tathārūpappaccayā, pācittiyam̄.

Nahāna sikkhāpada

138. Yā pana bhikkhunī oren'addhamāsam̄ nahāyeyya aññatra samayā, pācittiyam̄. Tatth'āyam̄ samayo "diyadḍho māso seso gimhānan"ti "vassānassa paṭhamo māso"icc'ete adḍhateyyamāsā uṇhasamayo pariṇāhasamayo gilānasamayo kammasamayo addhānagamanasamayo vātavutṭhisamayo, ayam tattha samayo.

Dubbaṇṇa karaṇa sikkhāpada

139. Navam pana bhikkhuniyā cīvaralābhāya tiṇṇam  
dubbaṇṇakaraṇānam aññataram dubbaṇṇakaraṇām ādātabbam nīlam vā  
kaddamam vā kālaśāmam vā. Anādā ce bhikkhunī tiṇṇam  
dubbaṇṇakaraṇānam aññataram dubbaṇṇakaraṇām navam cīvaraṁ  
paribhuñjeyya, pācittiyaṁ.

Vikappana sikkhāpada

140. Yā pana bhikkhunī bhikkhussa vā bhikkhuniyā vā sikkhamānāya  
vā sāmañerassa vā sāmañeriyyā vā sāmām cīvaraṁ vikappetvā<sup>1</sup>  
apaccuddhāraṇām paribhuñjeyya, pācittiyaṁ.

Apanidhāpana sikkhāpada

141. Yā pana bhikkhunī bhikkhuniyā pattam vā cīvaraṁ vā nisīdanam  
vā sūcigharam vā kāyabandhanam vā apanidheyya vā apanidhāpeyya vā  
antamaso hasāpekkhāpi, pācittiyaṁ.

Sañcicca sikkhāpada

142. Yā pana bhikkhunī sañcicca pāṇam jīvitā voropeyya, pācittiyaṁ.

Sappāṇaka sikkhāpada

143. Yā pana bhikkhunī jānam sappāṇakam udakam paribhuñjeyya,  
pācittiyaṁ.

Ukkotana sikkhāpada

144. Yā pana bhikkhunī jānam yathādhammarām nihatādhikaraṇām  
punakammāya ukkoteyya, pācittiyaṁ.

Theyyasattha sakkhāpada

145. Yā pana bhikkhunī jānam theyyasatthena saddhim samvidhāya  
ekaddhānamaggam paṭipajjeyya antamaso gāmantarampi, pācittiyaṁ.

Ariṭṭha sikkhāpada

146. Yā pana bhikkhunī evam vadeyya “tath’āhaṁ Bhagavatā  
dhammarām desitam ājānāmi, yathā ye’me antarāyikā dhammā vuttā  
Bhagavatā, te paṭisevato n’ālam antarāyāyā”ti. Sā bhikkhunī bhikkhunīhi  
evamassa vacanīyā “m’āyye evam avaca, mā Bhagavantam abbhācikkhi, na  
hi sādhu Bhagavato abbhakkhānam, na hi Bhagavā evam vadeyya.  
Anekapariyāyen’āyye antarāyikā dhammā antarāyikā vuttā Bhagavatā,  
alañca pana te

paṭisevato antarāyāyā”ti. Evañca sā bhikkhunī bhikkhunīhi vuccamānā tath’eva paggañheyya, sā bhikkhunī bhikkhunīhi yāvatatiyam samanubhāsitabbā tassa paṭinissaggāya. Yāvatatiyānce samanubhāsiyamānā tam paṭinissajjeyya, icc’etam kusalam. No ce paṭinissajjeyya, pācittiyam.

Jotivaggo cuddasamo.

---

Ukkhitta sambhoga sikkhāpada

147. Yā pana bhikkhunī jānam tathāvādiniyā bhikkhuniyā akaṭānudhammāya tam diṭṭhim appaṭinissaṭṭhāya saddhim sambhuñjeyya vā, samvaseyya vā, saha vā seyyam kappeyya, pācittiyam.

Kaṇṭaka sikkhāpada

148. Samaṇuddesāpi ce evam vadeyya “tath’āham Bhagavatā dhammam desitam ājānāmi, yathā ye’me antarāyikā dhammā vuttā Bhagavatā, te paṭisevato n’ālam antarāyāyā”ti. Sā samaṇuddesā bhikkhunīhi evamassa vacanīyā “m’āyye samaṇuddese evam avaca, mā Bhagavantam abbhācikkhi, na hi sādu Bhagavato abbhakkhānam, na hi Bhagavā evam vadeyya. Anekapariyāyen’āyye samaṇuddese antarāyikā dhammā antarāyikā vuttā Bhagavatā, alañca pana te paṭisevato antarāyāyā”ti. Evañca sā samaṇuddesā bhikkhunīhi vuccamānā tath’eva paggañheyya, sā samaṇuddesā bhikkhunīhi evamassa vacanīyā “ajjatagge te ayye samaṇuddese na c’eva so Bhagavā satthā apadisitabbo, yampi c’aññā samaṇuddesā labhanti bhikkhunīhi saddhim dirattatirattam sahaseyyam, sāpi te n’atthi, cara pire, vinassā’ti. Yā pana bhikkhunī jānam tathānāsitam samaṇuddesam upalāpeyya vā upaṭṭhāpeyya vā sambhuñjeyya vā saha vā seyyam kappeyya, pācittiyam.

Sahadhammika sikkhāpada

149. Yā pana bhikkhunī bhikkhunīhi sahadhammikam vuccamānā evam vadeyya “na tāv’āham ayye etasmim sikkhāpade sikkhissāmi, yāva na aññām bhikkhunim byattam vinayadharam paripucchāmī”ti, pācittiyam. Sikkhamānāya bhikkhave bhikkuniyā aññātabbam paripucchitabbam paripañhitabbam, ayam tattha sāmīci.

## Vilekhana sikkhāpada

150. Yā pana bhikkhunī pātimokkhe uddissamāne evam vadeyya “kim pan’imehi khuddānukhuddakehi sikkhāpadehi udditthehi, yāvadeva kukkuccāya vihesāya vilekhāya samvattantī”ti, sikkhāpadavivāṇake pācittiyam.

## Mohana sikkhāpada

151. Yā pana bhikkhunī anvaddhamāsam pātimokkhe uddissamāne evam vadeyya ‘idān’eva kho aham ayye jānāmi ayampi kira dhammo Suttāgato Suttapariyāpanno anvaddhamāsam uddesam āgacchatī’ti. Tañce bhikkhuniṁ aññā bhikkhuniyo jāneyyūm nisinnapubbaṁ imāya bhikkhuniyā dvattikkhattum pātimokkhe uddissamāne, ko pana vādo bhiyyo, na ca tassā bhikkhuniyā aññāṇakena mutti atthi, yañca tattha āpattim āpannā, tañca yathādhammo kāretabbo, uttari c’assā moho āropetabbo “tassā te ayye alābhā, tassā te dulladdham, yam tvam pātimokkhe uddissamāne na sādhukam aṭṭhim katvā manasi karosi”ti, idam tasmiṁ mohanake pācittiyam.

## Pahāra sikkhāpada

152. Yā pana bhikkhunī bhikkhuniyā kupitā anattamanā pahāram dadeyya, pācittiyam.

## Talasattika sikkhāpada

153. Yā pana bhikkhunī bhikkhuniyā kupitā anattamanā talasattikam uggireyya, pācittiyam.

## Amūlaka sikkhāpada

154. Yā pana bhikkhunī bhikkhuniṁ amūlakena samghādisesena anuddhamseyya, pācittiyam.

## Sañcicca sikkhāpada

155. Yā pana bhikkhunī bhikkhuniyā sañcicca kukuccam upadaheyya “iti’ssā muhuttampi aphāsu bhavissati”ti etadeva paccayam karitvā anaññam, pācittiyam.

Upassuti sikkhāpada

156. Yā pana bhikkhunī bhikkhunīnam bhaṇḍanajātānam kalahajātānam vivādāpannānam upassutim tiṭṭheyya “yam imā bhaṇissanti, tam sossāmī”ti etadeva paccayam karitvā anaññam, pācittiyam.

Diṭṭhivaggo pannarasamo.

---

Kammappaṭibāhana sikkhāpada

157. Yā pana bhikkhunī dhammikānam kammānam chandam datvā pacchā khīyanadhammam āpajjeyya, pācittiyam.

Chandam adatvā gamana sikkhāpada

158. Yā pana bhikkhunī saṅghe vinicchayakathāya vattamānāya chandam adatvā uṭṭhāyāsanā pakkameyya, pācittiyam.

Dubbala sikkhāpada

159. Yā pana bhikkhunī samaggena saṅghena cīvaraṁ datvā pacchā khīyanadhammam āpajjeyya “yathāsanthutam bhikkhuniyo saṅghikam lābhām pariṇāmentī”ti, pācittiyam.

Pariṇāmana sikkhāpada

160. Yā pana bhikkhunī jānam saṅghikam lābhām pariṇatam puggalassa pariṇāmeyya, pācittiyam.

Ratana sikkhāpada

161. Yā pana bhikkhunī ratanam vā ratanasammataṁ vā aññatra ajjhārāmā vā ajjhāvasathā vā uggaṇheyya vā uggaṇhāpeyya vā, pācittiyam. Ratanaṁ vā pana bhikkhuniyā ratanasammataṁ vā ajjhārāme vā ajjhāvasathe vā uggaḥetvā vā uggaḥāpetvā vā nikhipitabbam “yassa bhavissati, so harissatī”ti, ayam tattha sāmīci.

Sūcighara sikkhāpada

162. Yā pana bhikkhunī aṭṭhimayam vā dantamayam vā visāṇumayam vā sūcigharam kārāpeyya, bhedanakam pācittiyam.

Mañcapīṭha sikkhāpada

163. Navam pana bhikkhuniyā mañcam vā pīṭham vā kārayamānāya aṭṭhaṅgulapādakam kāretabbam Sugataṅgulena aññatra heṭṭhimāya aṭaniyā. Tam atikkāmentiyā chedanakam pācittiyam.

Tūlonaddha sikkhāpada

164. Yā pana bhikkhunī mañcam vā pīṭham vā tūlonaddham kārāpeyya, uddālanakam pācittiyam.

Kaṇḍuppaṭicchādi sikkhāpada

165. Kaṇḍuppaṭicchādim pana bhikkhuniyā kārayamānāya pamāṇikā kāretabbā, tatr'idaṁ pamāṇam, dīghaso catasso vidatthiyo Sugatavidatthiyā, tiriyam dve vidatthiyo. Tam atikkāmentiyā chedanakam pācittiyam.

Nanda sikkhāpada

166. Yā pana bhikkhunī Sugatacīvarappamāṇam cīvaraṁ kārāpeyya, atirekam vā, chedanakam pācittiyam. Tatr'idaṁ Sugatassa Sugatacīvarappamāṇam, dīghaso nava vidatthiyo Sugatavidatthiyā, tiriyam cha vidatthiyo, idam Sugatassa Sugatacīvarappamāṇanti.

Dhammadikavaggo solasamo.

Uddiṭṭhā kho ayyāso chasaṭṭhisatā pācittiyā dhammā. Tatth'āyyāyo pucchāmi, kacci'ttha parisuddhā? Dutiyampi pucchāmi kacci'ttha parisuddhā? Tatiyampi pucchāmi kacci'ttha parisuddhā? Parisuddh'eth'āyyāyo, tasmā tuṇhī, evametam dhārayāmīti.

Pācittiyā niṭṭhitā.

### Pāṭidesanīya

Ime kho pan'āyyāyo aṭṭha pāṭidesanīyā  
dhammā uddesam āgacchanti.

Sappi viññāpana sikkhāpada

1. \* Yā pana bhikkhunī agilānā sappim viññāpetvā bhuñjeyya,  
paṭidesetabbam tāya bhikkhuniyā “gārayham ayye dhammam āpajjim  
asappāyam pāṭidesanīyam, tam paṭidesemī”ti.

Tela viññāpana sikkhāpada

2. \* Yā pana bhikkhunī agilāno telam viññāpetvā bhuñjeyya -pa- tam  
paṭidesemī”ti.

Madhu viññāpana sikkhāpada

3. \* Yā pana bhikkhunī agilānā madhum viññāpetvā bhuñjeyya -pa- tam  
paṭidesemī”ti.

Phāṇita viññāpana sikkhāpada

4. \* Yā pana bhikkhunī agilānā phāṇitam viññāpetvā bhuñjeyya -pa-  
tam paṭidesemī”ti.

Maccha viññāpana sikkhāpada

5. \* Yā pana bhikkhunī agilānā maccham viññāpetvā bhuñjeyya -pa-  
tam paṭidesemī”ti.

Mamsa viññāpana sikkhāpada

6. \* Yā pana bhikkhunī agilānā māṁsaṁ viññāpetvā bhuñjeyya -pa-  
tam paṭidesemī”ti.

Khīra viññāpana sikkhāpada

7. \* Yā pana bhikkhunī agilānā khīram viññāpetvā bhuñjeyya -pa- tam  
paṭidesemī”ti.

Dadhi viññāpana sikkhāpada

8. \* Yā pana bhikkhunī agilānā dadhim viññāpetvā bhuñjeyya,  
paṭidesetabbam tāya bhikkhuniyā “gārayham ayye dhammam āpajjim  
asappāyam pāṭidesanīyam, tam paṭidesemī”ti.

Udditthā kho ayyāyo aṭṭha pāṭidesanīyā dhammā. Tatth'āyyāyo pucchāmi kacci'ttha parisuddhā? Dutiyampi pucchāmi kacci'ttha parisuddhā? Tatiyampi pucchāmi kacci'ttha parisuddhā? Parisuddh'eth'āyyāyo, tasmā tuṇhi, evametam dhārayāmīti.

Pāṭidesanīyā niṭhitā.

---

### Sekhiya

Ime kho pan'āyyāyo sekhiyā dhammā uddesam āgacchanti.

Parimanḍala sikkhāpada

1. \* Parimanḍalam nivāsessāmīti sikkhā karaṇīyā.
2. \* Parimanḍalam pārupissāmīti sikkhā karaṇīyā.

Suppaṭicchanna sikkhāpada

3. \* Suppaṭicchannā antaraghare gamissāmīti sikkhā karaṇīyā.
4. \* Suppaṭicchannā antaraghare nisidissāmīti sikkhā karaṇīyā.

Susamvuta sikkhāpada

5. \* Susamvutā antaraghare gamissāmīti sikkhā karaṇīyā.
6. \* Susamvutā antaraghare nisidissāmīti sikkhā karaṇīyā.

Okkhittacakku sikkhāpada

7. \* Okkhittacakkhunī antaraghare gamissāmīti sikkhā karaṇīyā.
8. \* Okkhittacakkhunī antaraghare nisidissāmīti sikkhā karaṇīyā.

Ukkhittaka sikkhāpada

9. \* Na ukkhittakāya antaraghare gamissāmīti sikkhā karaṇīyā.
10. \* Na ukkhittakāya antaraghare nisidissāmīti sikkhā karaṇīyā.

Parimanḍalavaggo paṭhamo.

---

\* Sekhiyasikkhāpadesu iminā lakkhaṇena chabbīsatī sāruppasikkhāpadāni dassitāni.

Ujjagghika sikkhāpada

11. \* Na ujjagghikāya antaraghare gamissāmīti sikkhā karaṇīyā.
12. \* Na ujjagghikāya antaraghare nisīdissāmīti sikkhā karaṇīyā.

Uccasadda sikkhāpada

13. \* Appasaddā antaraghare gamissāmīti sikkhā karaṇīyā.
14. \* Appasaddā antaraghare nisīdissāmīti sikkhā karaṇīyā.

Kāyappacālaka sikkhāpada

15. \* Na kāyappacālakam antaraghare gamissāmīti sikkhā karaṇīyā.
16. \* Na kāyappacālakam antaraghare nisīdissāmīti sikkhā karaṇīyā.

Bāhuppacālaka sikkhāpada

17. \* Na bāhuppacālakam antaraghare gamissāmīti sikkhā karaṇīyā.
18. \* Na bāhuppacālakam antaraghare nisīdissāmīti sikkhā karaṇīyā.

Sīsappacālaka sikkhāpada

19. \* Na sīsappacālakam antaraghare gamissāmīti sikkhā karaṇīyā.
20. \* Na sīsappacālakam antaraghare nisīdissāmīti sikkhā karaṇīyā.

Ujjagghikavaggo dutiyo.

---

Khambhakata sikkhāpada

21. \* Na khambhakatā antaraghare gamissāmīti sikkhā karaṇīyā.
22. \* Na khambhakatā antaraghare nisīdissāmīti sikkhā karaṇīyā.

Oguṇṭhitā sikkhāpada

23. \* Na oguṇṭhitā antaraghare gamissāmīti sikkhā karaṇīyā.
24. \* Na oguṇṭhitā antaraghare nisīdissāmīti sikkhā karaṇīyā.

Ukkuṭika sikkhāpada

25. \* Na ukkuṭikāya antaraghare gamissāmīti sikkhā karaṇīyā.

Pallatthika sikkhāpada

26. \* Na pallatthikāya antaraghare nisīdissāmīti sikkhā karaṇīyā.

Sakkacca paṭiggahaṇa sikkhāpada

27. + Sakkaccam piṇḍapātam paṭiggahessāmīti sikkhā karaṇīyā.

Pattasaññinī paṭiggahaṇa sikkhāpada

28. + Pattasaññinī piṇḍapātam paṭiggahessāmīti sikkhā karaṇīyā.

Samasūpaka paṭiggahaṇa sikkhāpada

29. + Samasūpakam piṇḍapātam paṭiggahessāmīti sikkhā karaṇīyā.

Samatittika sikkhāpada

30. + Samatittikam<sup>1</sup> piṇḍapātam paṭiggahessāmīti sikkhā karaṇīyā.

Khambhakatavaggo tatiyo.

---

Sakkacca bhuñjana sikkhāpada

31. + Sakkaccam piṇḍapātam bhuñjissāmīti sikkhā karaṇīyā.

Pattasaññinī bhuñjana sikkhāpada

32. + Pattasaññinī piṇḍapātam bhuñjissāmīti sikkhā karaṇīyā.

Sapadāna sikkhāpada

33. + Sapadānam piṇḍapātam bhuñjissāmīti sikkhā karaṇīyā.

Samasūpaka sikkhāpada

34. + Samasūpakam piṇḍapātam bhuñjissāmīti sikkhā karaṇīyā.

Thūpakata sikkhāpada

35. + Na thūpakato omadditvā piṇḍapātam bhuñjissāmīti sikkhā karaṇīyā.

Odanappaṭicchādana sikkhāpada

36. + Na sūpam vā byañjanam vā odanena paṭicchādēssāmi bhiyyokamyatam upādāyātī sikkhā karaṇīyā.

---

1. Samatithikam (Ka)

+ Iminā lakkhaṇena timsa bhojanappaṭisaṁyuttasikkhāpadāni dassitāni.

Sūpodana viññatti sikkhāpada

37. + Na sūpam vā odanam vā agilānā attano atthāya viññāpetvā bhuñjissāmīti sikkhā karaṇīyā.

Ujjhānasaññinī sikkhāpada

38. + Na ujjhānasaññinī paresam pattam olokessāmīti sikkhā karaṇīyā.

Kabaḷa sikkhāpada

39. + N'ātimahantam kabaḷam karissāmīti sikkhā karaṇīyā.

Ālopa sikkhāpada

40. + Parimaṇḍalam ālopam karissāmīti sikkhā karaṇīyā.

Sakkaccavaggo catuttho.

---

Anāhaṭa sikkhāpada

41. + Na anāhaṭe kabaṭe mukhadvāram vivarissāmīti sikkhā karaṇīyā.

Bhuñjamāna sikkhāpada

42. + Na bhuñjamānā sabbhattham mukhe pakkhipissāmīti sikkhā karaṇīyā.

Sakabaḷa sikkhāpada

43. + Na sakabalena mukhena byāharissāmīti sikkhā karaṇīyā.

Piṇḍukkhepaka sikkhāpada

44. + Na piṇḍukkhepakam bhuñjissāmīti sikkhā karaṇīyā.

Kabaḷāvacchedaka sikkhāpada

45. + Na kabaḷāvacchedakam bhuñjissāmīti sikkhā karaṇīyā.

Avagaṇḍakāraka sikkhāpada

46. + Na avagaṇḍakārakam bhuñjissāmīti sikkhā karaṇīyā.

Hattha niddhunaka sikkhāpada

47. + Na hatthaniddhunakam bhuñjissāmīti sikkhā karaṇīyā.

Sitthāvakāraka sikkhāpada

48. + Na sitthāvakārakam bhuñjissāmīti sikkhā karaṇīyā.

Jivhānicchāraka sikkhāpada

49. + Na jivhānicchārakam bhuñjissāmīti sikkhā karaṇīyā.

Capucapukāraka sikkhāpada

50. + Na capucapukārakam bhuñjissāmīti sikkhā karaṇīyā.

Kabaļavaggo pañcamo.

---

Surusurukāraka sikkhāpada

51. + Na surusurukārakam bhuñjissāmīti sikkhā karaṇīyā.

Hattha nillehaka sikkhāpada

52. + Na hatthanillehakam bhuñjissāmīti sikkhā karaṇīyā.

Patta nillehaka sikkhāpada

53. + Na pattanillehakam bhuñjissāmīti sikkhā karaṇīyā.

Oṭṭha nillehaka sikkhāpada

54. + Na oṭṭhanillehakam bhuñjissāmīti sikkhā karaṇīyā.

Sāmisā sikkhāpada

55. + Na sāmisena hatthena pānīyathālakam paṭiggaheśāmīti sikkhā karaṇīyā.

Sasitthaka sikkhāpada

56. + Na sasitthakam pātadhovanam antaraghare chāḍḍessāmīti sikkhā karaṇīyā.

Chattapāṇi sikkhāpada

57. ++ Na chattapāṇissa agilānassa dhammaṁ desessāmīti sikkhā karaṇīyā.

Daṇḍapāṇi sikkhāpada

58. ++ Na daṇḍapāṇissa agilānassa dhammaṁ desessāmīti sikkhā karaṇīyā.

---

++ Iminā lakkhaṇena ekūnavīsa dammadesanāpaṭisamāyuttasikkhāpadāni dassitāni.

Satthapāṇī sikkhāpada

59. ++ Na satthapāṇissa agilānassa dhammam desessāmīti sikkhā karaṇīyā.

Āvupoṇī sikkhāpada

60. ++ Na āvudhapāṇissa agilānassa dhammam desessāmīti sikkhā karaṇīyā.

Surusuruvaggo chaṭṭho.  
—

Pāduka sikkhāpada

61. ++ Na pādukāruṇhassa agilānassa dhammam desessāmīti sikkhā karaṇīyā.

Upāhana sikkhāpada

62. ++ Na upāhanāruṇhassa agilānassa dhammam desessāmīti sikkhā karaṇīyā.

Yāna sikkhāpada

63. ++ Na yānagatassa agilānassa dhammam desessāmīti sikkhā karaṇīyā.

Sayana sikkhāpada

64. ++ Na sayanagatassa agilānassa dhammam dhesessāmīti sikkhā karaṇīyā.

Pallathika sikkhāpada

65. ++ Na pallathikāya nisinnassa agilānassa dhammam desessāmīti sikkhā karaṇīyā.

Vēhitā sikkhāpada

66. ++ Na vēhitasīsassa agilānassa dhammam desessāmīti sikkhā karaṇīyā.

Oguṇthita sikkhāpada

67. ++ Na oguṇthitasīsassa agilānassa dhammam desessāmīti sikkhā karaṇīyā.

Chamā sikkhāpada

68. ++ Na chamāyam nisiditvā āsane nisinnassa agilānassa dhammam desessāmīti sikkhā karaṇīyā.

Nicāsana sikkhāpada

69. ++ Na nice āsane nisiditvā ucce āsane nisinnassa agilānassa dhammam desessāmīti sikkhā karaṇīyā.

Thitā sikkhāpada

70. ++ Na ṭhitā nisinnassa agilānassa dhammam desessāmīti sikkhā karaṇīyā.

Pacchato gacchantī sikkhāpada

71. ++ Na pacchato gacchantī purato gacchantassa agilānassa dhammam desessāmīti sikkhā karaṇīyā.

Uppathena gacchantī sikkhāpada

72. ++ Na uppathena gacchantī pathena gacchantassa agilānassa dhammam desessāmīti sikkhā karaṇīyā.

Thitā uccāra sikkhāpada

73. ++ Na ṭhitā agilānā uccāram vā passāvam vā karissāmīti sikkhā karaṇīyā.

Harite uccāra sikkhāpada

74. ++ Na harite agilānā uccāram vā passāvam vā kheṭam vā karissāmīti sikkhā karaṇīyā.

Udake uccāra sikkhāpada

75. ++ Na udake agilānā uccāram vā passāvam vā kheṭam vā karissāmīti sikkhā karaṇīyā.

Pādukavaggo sattamo.

Uddiṭṭhā kho ayyāyo sekhiyā dhammā. Tatth'āyyāyo pucchāmi, kacci'ttha parisuddhā? Dutiyampi pucchāmi, kacci'ttha parisuddhā? Tatiyampi pucchāmi, kacci'ttha parisuddhā? Parisuddh'etth'āyyāyo, tasmā tuṇhī, evametam dhārayāmīti.

Sekhiyā niṭṭhitā.

### Adhikaraṇasamatha

Ime kho pan'āyyāyo satta adhikaraṇasamathā  
dhammā uddesam āgacchanti.

Uppannuppannānam adhikaraṇānam samathāya vūpasamāya  
Sammukhāvinayo dātabbo,  
Sativinayo dātabbo,  
Amūlāvinayo dātabbo,  
Paṭiññāya kāretabbam,  
Yebhuyyasikā,  
Tassapāpiyasikā,  
Tiṇavatthārakoti.

Uddīṭhā kho ayyāyo satta adhikaraṇasamathā dhammā. Tatthāyyāyo pucchāmi, kaccittha parisuddhā, dutiyampi pucchāmi, kaccittha parisuddhā, tatiyampi pucchāmi, kaccittha parisuddhā, parisuddhetthāyyāyo, tasmā tuṇhī, evametam dhārayāmīti.

Adhikaraṇasamathā niṭṭhitā.

Uddīṭham kho ayyāyo nidānam,  
Uddīṭhā aṭṭha pārājikā dhammā,  
Uddīṭhā sattarasa saṅghādisesā dhammā,  
Uddīṭhā tiṁsa nissaggyā pācittiyā dhammā,  
Uddīṭhā chasaṭṭhi satā pācittiyā dhammā,  
Uddīṭhā aṭṭha pāṭidesanīyā dhammā,  
Uddīṭhā sekhiyā dhammā,

Uddīṭhā satta adhikaraṇasamathā dhammā. Ettakam tassa Bhagavato suttāgatam suttapariyāpannam anvaddhamāsam uddesam āgacchat, tattha sabbāh'eva samaggāhi sammodamānāhi avivadamānāhi sikkhitabbanti.

Vitthāruddeso catuttho.

**Bhikkhunipātimokkham niṭṭhitam.**



# Kaṅkhāvitaranī-atṭhakathā

---

Namo Tassa Bhagavato Arahato SammāsamBuddhassa.

## Ganthārambhakathā

Buddham dhammañca saṅghañca, vippasannena cetasā.

Vanditvā vandanāmāna, pūjāsakkārabhājanam.

Theravarānsappadīpānam, thirānam vinayakkame.

Pubbācariyasīhānam, namo katvā katañjalī.

Pāmokkham anavajjānam, dhammānam yam Mahesinā.

Mukham mokkhappavesāya, pātimokkham pakāsitam.

Sūratena nivātena, sucisallekhavuttinā.

Vinayācārayuttena, **Sonattherena** yācito.

Tattha sañjātakaṅkhānam, bhikkhūnam tassa vaṇṇanam.

Kaṅkhāvitaranātthāya, paripuṇṇavinicchayam.

Mahāvihāravāsīnam, vācanāmagganissitam.

Vattayissāmi<sup>1</sup> nāmena, **Kaṅkhāvitaranīm** subhanti.

---

1. Kathayissāmi (Sī), vaṇṇayissāmi (Ka)

### Nidānavanṇanā

Tattha **pātimokkhanti** pa-atimokkham atipamokkham atisetham ati-uttamanti attho. Iti iminā vacanatthena ekavidhampi sīlaganthabhedato duvidham hoti. Tathā hi “pātimokkhasaṁvarasamvuto viharatī”ti<sup>1</sup> ca “ādīmetam mukhametam pamukhametam kusalānam dhammānam, tena vuccati pātimokkhan”ti<sup>2</sup> ca ādīsu sīlam pātimokkhanti vuccati, “ubhayāni kho pan’assa pātimokkhāni vitthārena svāgatāni hontī”ti-ādīsu<sup>3</sup> gantho pātimokkhanti vuccati. Tattha **sīlam** yo nam pāti rakkhati, tam mokkheti mocayati āpāyikādīhi dukkhehi, attānuvādādīhi vā bhayehīti pātimokkham. **Gantho** pana tassa<sup>4</sup> pātimokkhassa jotakattā pātimokkhanti vuccati. Ādimhi pana vutto vacanattho ubhinnampi sādhāraṇo hoti.

Tatth’āyāri vaṇṇanā sīlapātimokkhass’āpi yujjati ganthapātimokkhass’āpi, ganthe hi vaṇṇite tassa attho vaṇṇito’va hoti. Tam pan’etam ganthapātimokkham Bhikkhupātimokkham Bhikkhunipātimokkhanti duvidham hoti. Tattha “suṇātu me bhante samgho”ti-ādikam<sup>5</sup> pañcahi uddesaparicchedehi vavatthitam **Bhikkhupātimokkham**, “suṇātu me ayye samgho”ti-ādikam catūhi uddesaparicchedehi vavatthitam **Bhikkhunipātimokkham**. Tattha Bhikkhupātimokkhe pañca uddesā nāma Nidānuddeso, Pārājikuddeso, Samghādisesuddeso, Aniyatuddeso, Vitthāruddesoti. Tattha nidānuddeso tāva<sup>6</sup> “suṇātu me bhante saṅgho -pa- āvikatā hi’ssa phāsu hoti. Tatth’āyasmante pucchāmi, kacci’ttha parisuddhā? Dutiyampi pucchāmi, kacci’ttha parisuddhā? Tatiyampi pucchāmi, kacci’ttha parisuddhā? Parisuddh’eth’āyasmanto, tasmā tuṇhī. Evametam dhārayāmī”ti vatvā “uddiṭṭham kho āyasmanto nidānan”ti-ādinā nayena avasese sutena sāvite uddiṭṭho hoti. Pārājikuddesādīnam paricchedā nidānassa ādito patṭhaya pārājikādīni osāpetvā yojetabbā. Vitthāro

1. Ma 1. 43; Ma 3. 53; Abhi 2. 253 piṭṭhādīsu.

2. Vi 3.141 piṭṭhe.

3. Vi 2. 74; Arī 3. 106, 312 piṭṭhesu.

4. Pan’assa (Syā)

5. Vi 3. 140 piṭṭhe.

6. Nidānuddeso nāma (Sī), nidānuddeso (Ka)

vitthāro yeva. “Avasesam sutena sāvetabban”ti<sup>1</sup> vacanato pana Pārājikuddesādīsu yasmim vippakate antarāyo uppajjati, tena saddhim avasesam sutena sāvetabbam. Nidānuddese pana aniṭhithe sutena sāvetabbam nāma n’atthi. Bhikkhunipātimokkhe pana aniyatuddeso parihāyati, sesam vuttanayameva. Evametesam pañcahi c’eva catūhi ca uddesaparicchedehi vavatthitānam dvinnampi pātimokkhānam ayaṁ vaṇṇanā bhavissati. Yasmā pan’ettha bhikkhupātimokkham paṭhamam, tasmā tassa tāva vaṇṇanathamidam vuccati.

“Suṇātu me”ti-ādīnam, padānam atthanicchayaṁ.

Bhikkhavo sīlasampannā, sikkhākāmā suṇantu meti.

Ettha hi **suṇatūti** idam savanāṇattivacanam. **Meti** yo sāveti, tassa attaniddesavacanam. **Bhanteti** sagāravasappatissavacanam. **Samghoti** puggalasamūhavacanam. Sabbameva c’etam pātimokkhuddesakena paṭhamam<sup>2</sup> vattabbavacanam. Bhagavatā hi pātimokkhuddesam anujānantena Rājagahe vuttam tasmā yo pātimokkham uddisati, tena sace samghatthero hoti, “āvuso”ti vattabbam. Sace navakataro hoti, Pāliyam<sup>3</sup> āgatanayen’eva “bhante”ti vattabbam, samghatthero vā hi pātimokkham uddiseyya “therādhikam pātimokkhan”ti vacanato<sup>4</sup>, navakataro vā “anujānāmi bhikkhave yo tattha bhikkhu byatto paṭibalo, tass’ādheyayam pātimokkhan”ti vacanato<sup>5</sup>.

“Samgho”ti iminā pana padena kiñcāpi avisesato puggalasamūho vutto, atha kho so dakkhiṇeyyasamgho, sammutisamgho cāti duvidho hoti. Tattha **dakkhiṇeyyasamghoti** atṭha Ariyapuggalasamūho vuccati, **sammutisamghoti** avisesena bhikkhusamūho, so idha adhippeto. So pan’esa kammavasena pañcavidho<sup>6</sup> hoti catuvaggo pañcavaggo dasavaggo vīsativaggo atirekavīsativaggoti. Tattha **catuvaggena** ṭhapetvā upasampadapavāraṇa-abbhānāni sabbam samghakammam kātum vaṭṭati, **pañcavaggena** ṭhapetvā majjhimesu janapadesu upasampadañca abbhānakammañca sabbam samghakammam

1. Vi 3. 151; Vi 5. 235 piṭṭhesu.

2. Pātimokkhuddesakena (Ka)

3. Vi 3. 140 piṭṭhe.

4. Vi 3. 155 piṭṭhe (Therādhneyyam sabbattha)

5. Vi 3. 156 piṭṭhe.

6. Vi 3. 439 piṭṭhe.

kātum vaṭṭati, **dasavaggena** abbhānakammamattam ṭhapetvā sabbam samghakammam kātum vaṭṭati, **vīsativaggena** na kiñci samghakammam kātum na vaṭṭati, tathā **atirekavīsativaggena**, so pana catuvaggādinā samghena kattabbaṁ kammaṁ ūnakatarena kātum na vaṭṭati, atirekena pana vaṭṭatīti dassanattham vutto. Imasmim pan’atthe catuvaggam upādāya sabbopi sammutisamgho adhippeto.

**Ajj’uposathoti** aja uposathadivaso, etena anuposathadivasam paṭikkhipati. **Pannarasoti** iminā aññam uposathadivasam paṭikkhipati. Divasavasena hi tayo uposathā cātuddasiko pannarasiko sāmaggi-uposathoti evam tayo uposathā vuttā. Tattha hemantagimhavassānānam tiṇam utūnam tatiyasattamapakkhesu dve dve katvā cha **cātuddasikā**, avasesā aṭṭhārasa **pannarasikāti** evam ekasamānvacchare catuvīsati uposathā. Idam tāva pakaticārittam. “Anujānāmi bhikkhave sakiṁ pakkhassa cātuddase vā pannarase vā pātimokkhaṁ uddisitun”ti<sup>1</sup> vacanato pana “āgantukehi āvāsikānam anuvattitabban”ti-ādivacanato<sup>2</sup> ca tathārūpapaccaye sati aññasmimpi cātuddase uposatham kātum vaṭṭati, purimavassamvuṭṭhānam pana pubbakattikapuṇṇamā vā, tesam yeva sacce bhaṇḍanakārakehi upaddutā pavāraṇam paccukkaddhanti, atha pubbakattikamāsassa kālapakkhacātuddaso vā, pacchimakattikapuṇṇamā vā, pacchimavassamvuṭṭhānañca Pacchimakattikapuṇṇamā evāti<sup>3</sup> ime tayo pavāraṇādivasāpi honti. Idampi pakaticārittameva. Tathārūpapaccaye pana sati dvinnam kattikapuṇṇamānam purimesu cātuddasesupi pavāraṇam kātum vaṭṭati. Yadā pana Kosambakkhandhake<sup>4</sup> āgatanayena bhinne samghe osārite tasmim bhikkhusmim samgho tassa vatthussa vūpasamāya samghassa sāmaggiṁ karoti, tadā “tāvadeva uposatho kātabbo, pātimokkhaṁ uddisitabban”ti vacanato<sup>5</sup> ṭhapetvā cātuddasapannarase aññopi yo koci divaso **sāmaggi-uposathadivaso** nāma hoti, purimavassamvuṭṭhānam pana kattikamāsabbhantare ayameva sāmaggipavāraṇādivaso nāma hoti. Iti imesu tīsu divasesu “pannaraso”ti iminā aññam uposathadivasam paṭikkhipati. Tasmā yv’āyam “ajj’uposatho”ti vacanena

1. Vi 3. 142 piṭṭhe. 2. Vi 3. 184 piṭṭhe. 3. Pacchimakattikapuṇṇamā eva vā (Ka)

4. Vi 3. 480 piṭṭhe.

5. Vi 3. 507 piṭṭhe.

anuposathadivaso paṭikkhitto, tasmīm uposatho na kātabbo yeva. Yo pan’āyam añño uposathadivaso<sup>1</sup>, tasmīm uposatho kātabbo. Karontena pana sace cātuddasiko hoti, “ajj’uposatho cātuddaso”ti vattabbam. Sace pannarasiko hoti, “ajj’uposatho pannaraso”ti vattabbam. Sace sāmaggi-uposatho hoti, “ajj’uposatho sāmaggī”ti vattabbam.

**Yadi saṅghassa pattakallanti** ettha patto kālo imassa kammassāti pattakālam, pattakālameva pattakallam. Tadetam idha catūhi aṅgehi saṅgahitam. Yath’āhu Aṭṭhakathācariyā—

“Upasatho yāvatikā ca bhikkhū kammappattā,  
Sabhāgāpattiyo ca na vijjanti.  
Vajjanīyā ca puggalā tasmīm na honti,  
**‘Pattakallan’ti vuccatī’ti**<sup>2</sup>.

Tattha **uposathoti** tīsu uposathadivesu aññatara-uposathadivaso. Tasmin hi sati idam saṅghassa uposathakammaṁ pattakallam nāma hoti, n’āsati. Yath’āha “na ca bhikkhave anuposathe uposatho kātabbo, yo kareyya, āpatti dukkaṭassā”ti<sup>3</sup>.

**Yāvatikā ca bhikkhū kammappattāti** yattakā bhikkhū tassa uposathakammassa pattā yuttā anurūpā, sabbantimena paricchedena cattāro pakatattā<sup>4</sup>, te ca kho hatthapāsam avijahitvā ekasīmāyaṁ ṛhitā.

Sīmā ca nām’esā baddhasīmā abaddhasīmāti duvidhā hoti. Tattha ekādasa vipattisīmāyo atikkamitvā tividhasampattiyuttā nimittena nimittam sambandhitvā sammatā sīmā **baddhasīmā** nāma. “Atikhuddakā, atimahatī, khanḍanimittā, chāyānimittā, animittā, bahisīme ṛhitasammatā, nadiyā sammatā, samudde sammatā, jātassare sammatā, sīmāya sīmam sambhindantena sammatā, sīmāya sīmam ajjhottarantena sammatā”ti imā hi “ekādasahi ākārehi sīmato kammāni vipajjantī”ti<sup>5</sup> vacanato ekādasa vipattisīmāyo nāma. Tattha **atikhuddakā** nāma yattha ekavīsatī bhikkhū nisīditum na

1. Uposathadivaso nāma hoti (Sī)    2. Vi-Tīha 3. 344 piṭṭhe.    3. Vi 3. 190 piṭṭhe.

4. Cattāro bhikkhū pakatattā (Syā, Kam)

5. Vi 5. 381 piṭṭhe.

sakkonti. **Atimahatī** nāma, yā antamaso kesaggamatten’āpi tiyojanam atikkamitvā sammatā. **Khaṇḍanimittā** nāma aghaṭitanimittā vuccati, puratthimāya disāya nimittam kittetvā anukkamen’eva dakkhiṇāya pacchimāya uttarāya disāya kittetvā puna puratthimāya disāya pubbakittitam paṭikittetvā ṭhapetū vatṭati, evam akkhaṇḍanimittā hoti. Sace pana anukkamena āharitvā uttarāya disāya nimittam kittetvā tatth’eva ṭhapani, khaṇḍanimittā nāma hoti. Aparāpi **khaṇḍanimittā** nāma yā animittupagam tacasārarakkham vā khāṇukam vā paṁsupuñjavālukapuñjānam vā aññataram antarā ekam nimittam katvā sammatā. **Chāyānimittā** nāma pabbatacchāyādīnam yam kiñci chāyam nimittam katvā sammatā. **Animittā** nāma sabbena sabbam nimittāni akittetvā sammatā. **Bahisīme ṭhitasammatā** nāma nimittāni kittetvā nimittānam bahi ṭhitena sammatā. **Nadiyā samudde jātassare sammatā** nāma etesu nadi-ādīsu sammatā. Sā hi evam sammatāpi “sabbā bhikkhave nadī asīmā, sabbo samuddo asīmo, sabbo jātassaro asīmo”ti vacanato<sup>1</sup> asammatā’va hoti. **Sīmāya sīmām sambhindantena sammatā** nāma attano sīmāya paresam sīmām sambhindantena sammatā. Sace hi porāṇakassa vihārassa puratthimāya disāya ambo c’eva jambū cāti dve rukkhā aññamaññam saṁsaṭṭhaviṭapā honti, tesu ambassa pacchimadisābhāge jambū, vihārasīmā ca jambūm anto katvā ambam kittetvā baddhā hoti, atha pacchā tassa vihārassa puratthimāya disāya vihāre kate sīmām bandhantā bhikkhū tam ambam anto katvā jambūm kittetvā bandhanti, sīmāya sīmām sambhinnā hoti. **Sīmāya sīmām ajjhotharantena sammatā** nāma attano sīmāya paresam sīmām ajjhōtharantena sammatā. Sace hi paresam baddhasīmām sakalam vā tassā padesam vā anto katvā attano sīmām sammannati, sīmāya sīmām ajjhōtharitā nāma hoti. Iti imā ekādasa vipattisīmāyo atikkamitvā sammatā.

**Tividhasampattiuyuttāti** nimittasampattiyyā parisāsampattiyyā kammavācāsampattiyyā ca yuttā. Tattha **nimittasampattiyyā yuttā** nāma pabbatanimittam, pāsāṇanimittam, vananimittam, rukkhanimittam, magganimittam, vammikanimittam, nadinimittam, udakanimittanti evam vuttesu aṭṭhasu nimittesu tasmim tasmiṁ disābhāge

1. Vi 3. 150 piṭṭhe.

yathāladdhāni nimittupagāni nimittāni “puratthimāya disāya kiṁ nimittam, pabbato bhante, eso pabbato nimittan”ti-ādinā nayena sammā kittetvā sammatā. Tatr’evam saṅkhepato nimittupagatā veditabbā— suddhaparīmsusuddhapāsāṇa-ubhayamissakavasena hi tividhopi **pabbato** hatthippamāṇato paṭīlhāya uddham nimittupago, tato omakataro na vaṭṭati. **Pāsāṇanimitte** ayoguļampi<sup>1</sup> pāsāṇasaṅkhameva gacchatī, tasmā yo koci pāsāṇo ukkamsavasena hatthippamāṇato omakataram ādīm katvā heṭṭhimaparicchedena dvattimsapalagulapiṇḍaparimāṇo nimittupago, na tato khuddakataro. Piṭṭhipāsāṇo pana atimahantopi vaṭṭati. **Vananimitte** antosārehi vā antosāramissakehi vā rukkhehi catupañcarukkhamattampi vanam nimittupagam, tato ūnakataram na vaṭṭati. **Rukkho** jīvanto yeva antosāro bhūmiyām patiṭṭhito, antamaso ubbedhato aṭṭhaṅgulo, pariṇāhato sūcidaṇḍakappamāṇopī nimittupago, tato omakataro na vaṭṭati. **Maggio** jaṅghamaggo vā hotu sakaṭamaggo vā, yo vinivijjhītvā dve tīṇi gāmakhetṭāni gacchatī, tādiso jaṅghasatthasakaṭasatthehi valañjiyamāno yeva nimittupago, avalañjito<sup>2</sup> na vaṭṭati. **Vammiko** pana heṭṭhimaparicchedena tamdivasamījāto aṭṭhaṅgulubbedho govisāṇamattopī vammiko nimittupago, tato omakataro na vaṭṭati. Yam pana abaddhasīmālakkhaṇe **nādiṁ** vakkhāma, sā nimittupagā, aññā na vaṭṭati. **Udakam** yam asandamānam āvāṭapokkharaṇītalākajātassaraloṇisamuddādīsu ṭhitam, tam ādīm katvā antamaso taṇkhaṇe yeva pathaviyam khaṇite āvāṭake ghaṭehi āharitvā pūritampi yāva kammavacāpariyosānā saṇṭhamānakam<sup>3</sup> nimittupagam, itaram sandamānam vā vuttparicchedakālam atiṭṭhantam vā bhājanagataṁ vā na vaṭṭatī.

**Parisāsampatti� yuttā** nāma sabbantimena paricchedena catūhi bhikkhūhi sannipatitvā yāvatikā tasmiṁ gāmakhette baddhasīmam vā nadisamuddajātassare vā anokkamitvā ṭhitā bhikkhū, te sabbe hatthapāse vā katvā chandam vā āharitvā sammatā.

1. Ayagūtham (Sī, Syā, Kam), ayaguļo (Vi-Tīha 3. 319 piṭṭhe.)

2. Avalañjo (Sī), avalañjiyamāno (Syā)

3. Saṇṭhanakam (Sī)

**Kammavācāsampattiya yuttā** nāma “suṇātu me bhante samgho, yāvatā samantā nimittā kittitā”ti-ādinā<sup>1</sup> nayena vuttāya parisuddhāya ḡattidutiyakammavācāya sammatā. Evam ekādasa vipattisimāyo atikkamitvā tividhasampattiuttā nimittena nimittam sambandhitvā sammatā sīmā “baddhasimā”ti veditabbā. **Khaṇḍasimā samānasamvāsasimā** avippavāsasimāti tassā yeva pabhedo.

**Abaddhasimā** pana gāmasimā, sattabbhantarasimā, udakukkhepasimāti tividhā. Tattha yāvatā ekam gāmakkhettam, ayam **gāmasimā** nāma. Agāmake araññe samantā sattabbhantarā **sattabbhantarasimā** nāma. Tattha **agāmakam** nāma **araññam** viñjhātavi-ādīsu<sup>2</sup> vā samuddamajjhe vā macchabandhānam agamanapathesu dīpakesu labbhati. **Samantā sattabbhantarāti** majjhe ḡhitānam sabbadisāsu sattabbhantarā vinibbedhena cuddasa honti. Tattha ekam abbhantaram aṭṭhavīsatihatthappamāṇam hoti, ayañca sīmā parisāvasena vaḍḍhati, tasmā samantā parisāpariyantato paṭṭhāya abbhantaraparicchedo<sup>3</sup> kātabbo. Sace pana dve saṅghā visum uposatham karonti, dvinnam sattabbhantarānam antare aññamekaṁ sattabbhantaram upacāratthāya ḡhapetabbarā. Yā pan’esa “sabbā bhikkhave nadī asimā”ti-ādinā<sup>4</sup> nayena nadi-ādīnam sīmabhāvam paṭikkhipitvā puna “nadiyā vā bhikkhave samudde vā jātassare vā yam majjhimassa purisassa samantā udakukkhepā, ayam tattha samānasamvāsā ekūposathā”ti<sup>4</sup> vuttā ayam **udakukkhepasimā** nāma. Tattha yassā dhammikānam rājūnam kāle anvaḍḍhamāsam anudasāham anupañcāham anatikkamitvā deve vassante valāhakesu vigatamattesu sotam pacchijjati, ayam nadisaṅkhyam na gacchati. Yassā pana īdise suvuṭṭhikāle vassānassa catumāse sotam na pacchijjati, yattha titthena vā atitthena vā Sikkhākaraṇīye āgatalakkhaṇena timaṇḍalam paṭicchādetvā antaravāsakam anukkhipitvā uttarantiyā bhikkhuniyā ekadvaṅgulamattampi antaravāsako temiyati, ( )<sup>5</sup> ayam samuddam vā pavisatu taṭākam vā, pabhavato paṭṭhāya **nadī** nāma. **Samuddo** pākaṭo yeva. Yo pana kenaci khaṇitvā akato sayamjāto sobbho samantato āgatena

1. Vi 3. 144 piṭṭhe.

2. Vijjhātavi-ādīsu (Ka)

3. Sattabbhantaraparicchedo (Kam)

4. Vi 3. 150 piṭṭhe.

5. (Ayam nadisaṅkhyam gacchati) Syā-Kam-potthakesu dissati.

udakena pūrito tiṭṭhati, yattha nadiyam vuttappakāre vassakāle udakam santiṭṭhati, ayam **jātassaro** nāma. Yopi nadim vā samuddam vā bhinditvā nikkhanta-udakena khato sobheto etam lakkhaṇam pāpuṇāti, ayampi **jātassaro** yeva.

**Yam majjhimassa purisassa samantā udakukkhepāti** yaṁ ṭhānam thāmamajjhimassa purisassa samantato udakukkhepena paricchinnam, tattha yathā akkhadhattā dāruguļam khipanti, evam udakam vā vālukam vā hatthena gahetvā majjhima purisena sabbathāmena khipitabbam, tattha yattha evam khittam udakam vā vālukam vā patati, ayam **udakukkhepo** nāma.

**Ayam tattha samānasamvāsā ekūposathāti** ayam tesu nadi-ādīsu udakukkhepaparicchinnā sīmā samānasamvāsā c'eva ekūposathā ca. Ayam pana etesam nadi-ādīnam anto yeva labbhati, na bahi. Tasmā nadiyā vā jātassare vā yattakam padesam pakativassakāle catūsu māsesu udakam ottharati, samudde yasmiṁ padese pakativīciyo ottharitvā<sup>1</sup> saṇṭhahanti, tato paṭṭhāya kappiyabhūmi, tattha ṭhatvā uposathādikammam kātum vaṭṭati. Dubbuṭhikāle vā gimhe vā nadijātassaresu sukkhesupi sā eva kappiyabhūmi. Sace pana sukkhe jātassare vāpim vā khaṇanti, vappam vā karonti, tam ṭhānam gāmakkhettam hoti. Yā pan'esā "kappiyabhūmī"ti vuttā, tato bahi udakukkhepasīmā na gacchatī, anto yeva gacchatī, tasmatē tesam anto parisāpariyantato paṭṭhāya samantā udakukkhepaparicchedo kātabbo. Sace pana dve samghā visum visum uposathādikammam karonti, dvinnam udakukkhepānam antare añño eko udakukkhepo upacāratthāya ṭhapetabbo. Ayam hi sattabhbhantarāsīmā ca udakukkhepasīmā ca bhikkhūnam ṭhitokāsato paṭṭhāya labbhati, paricchedabbhantare hatthapāsam vijahitvā ṭhitopi paricchedato bahi aññam tattakam yeva paricchedam anatikkamitvā ṭhitopi kamman kopeti. Idam sabba-aṭṭhakathāsu<sup>2</sup> sanniṭṭhānam. Evam **abaddhasīmā** veditabbā. Iti imam baddhasīmā'baddhasīmāvasena duvidham sīmam sandhāy'etam vuttam "te ca kho hatthapāsam avijahitvā ekasīmāyam ṭhitā"ti. Tesu hi catūsu bhikkhūsu ekasīmāyam hatthapāsam avijahitvā

1. Otaritvā (Ka), osaritvā (Sī, Syā, Kam) Vi-Tṭha 3. 336 piṭṭhe passitabbam.

2. Vi-Tṭha 3. 334 piṭṭhe.

ṭhitesv'ev'etam saṅghassa uposathakammam pakkallam nāma hoti, na itarathā. Yathāha “anujānāmi bhikkhave catunnām pātimokkham uddisitun”ti<sup>1</sup>.

**Sabhāgāpattiyo ca na vijjantīti** ettha yam sabbo saṅgho vikālabhojanādinā sabhāgavatthunā lahukāpattim āpajjati, evarūpā vatthusabhāgā “sabhāgā”ti vuccati, vikālabhojanapaccayā āpannam pana āpattisabhāgam anatirittabhojanapaccayā āpannassa santike desetum vatṭati. Sabhāgāpattiya pana sati tehi bhikkhūhi eko bhikkhu sāmantā āvāsā sajjukām pāhetabbo “gacch’āvuso, tam āpattim paṭikaritvā āgaccha, mayam te santike āpattim paṭikarissāmā”ti. Evam c’etam labhetha, icc’etam kusalam, no ce labhetha, byattena bhikkhunā paṭibalena saṅgho nāpetabbo “suṇātu me bhante saṅgho, ayam sabbo saṅgho sabhāgam āpattim āpanno, yadā aññam bhikkhum suddham anāpattikām passissati, tadā tassa santike tam āpattim paṭikarissatī”ti<sup>2</sup> vatvā uposatho kātabbo. Sace pana vematiko hoti, “suṇātu me bhante saṅgho, ayam sabbo saṅgho sabhāgāya āpattiya vematiko, yadā nibbematiko bhavissati, tadā tam āpattim paṭikarissatī”ti<sup>2</sup> vatvā uposatho kātabbo. Sace pan’ettha koci tam sabhāgam āpattim desetum vatṭatīti maññamāno ekassa santike deseti, desitā sudesitā’va. Aññam pana desanāpaccayā desako, paṭiggahaṇapaccayā paṭiggāhako cāti ubhopi dukkaṭam āpajjanti, tam nānāvatthukām hoti, tasmā aññamaññam desetabbam. Ettāvatā te dve<sup>3</sup> nirāpattikā honti, tesam santike sesehi sabhāgāpattiyo desetabbā vā ārocetabbā vā. Sace te evam akatvā uposatham karonti, “pārisuddhim āyasmanto ārocethā”ti-ādinā<sup>4</sup> nayena sāpattikassa uposathakaraṇe paññattam dukkaṭam āpajjanti. Sace sabbo saṅgho sabhāgāpattiya sati vuttavidhim akatvā uposatham karoti, vuttanayen’eva sabbo saṅgho āpattim āpajjati, tasmā sabhāgāpattiya sati saṅghassa

1. Vi 3. 167 piṭṭhe.

3. Te (Sī, Syā), dve (Kam)

2. Vi 3. 170 piṭṭhe.

4. Vi 3. 140 piṭṭhe.

pattakallam nāma na hoti. Tena vuttam “sabhāgāpattiyo ca na vijjantī”ti. Etāsu hi sabhāgāpattīsu avijjamānāsu visabhāgāpattīsu vijjamānāsupi pattakallam hoti yeva.

**Vajjanīyā ca puggalā tasmīm na hontīti** “na bhikkhave sagahaṭṭhāya parisāya pātimokkham uddisitabbam, yo uddiseyya āpatti dukkaṭassā”ti vacanato<sup>1</sup> gahaṭṭho, “na bhikkhave bhikkhuniyā nisinnaparisāya pātimokkham uddisitabban”ti-ādinā<sup>2</sup> nayena vuttā bhikkhunī, sikkhamānā, sāmaṇero, sāmaṇerī, sikkhāpaccakkhātako, antimavatthu-ajjhāpannako, āpattiyā adassane ukkhittako, āpattiyā appaṭikamme ukkhittako, pāpikāya diṭṭhiyā appaṭinissagge ukkhittako, paṇḍako, theyyasamvāsako, titthiyapakkantako, tiracchānagato, mātughātako, pitughātako, arahantaghātako, bhikkhunidūsako, saṅghabhedako, lohituppādako, ubhatobyañjanakoti ime vīsatī cāti ekavīsatī puggalā vajjanīyā nāma, te hatthapāsato bahikaraṇavasena vajjetabbā. Etesu hi tividhe ukkhittake sati uposatham karonto saṅgho pācittiyam āpajjati, sesesu dukkaṭam. Ettha ca **tiracchānagatoti** yassa upasampadā paṭikkhittā, titthiyā gahaṭṭhen’eva saṅgahitā. Etepi hi vajjanīyā nāma. Evam pattakallam imehi catūhi aṅgehi saṅgahitanti veditabbam.

**Saṅgho uposatham kareyyāti** iminā ye te aparepi tayo uposathā saṅghe uposatho, gaṇe uposatho, puggale uposathoti evam kārakavasena tayo uposathā vuttā, tesu itare dve paṭikkhipitvā saṅghe uposathameva dīpeti. **Pātimokkham uddiseyyāti** iminā ye te aparepi tayo uposathā suttuddeso, pārisuddhi-uposatho, adhiṭṭhāna-uposathoti evam kattabbākāravasena tayo uposathā vuttā, tesu itare dve paṭikkhipitvā suttuddesameva dīpeti.

**Suttuddeso** nāma pātimokkhuddeso vuccati, so duvidho ovādapātimokkhuddeso ca āṇāpātimokkhuddeso ca. Tattha

1. Vi 3. 155 piṭṭhe.

2. Vi 3. 189 piṭṭhe.

“Khantī paramam̄ tapo titikkhā -pa-.  
 Sabbapāpassa akaraṇam̄ -pa-.  
 Anūpavādo anūpaghāto”ti-ādinā<sup>1</sup>

nayena vuttā tisso gāthāyo **ovādapātimokkham** nāma, tam Buddhā eva uddisanti, na sāvakā. “Suṇātu me bhante samigho”ti-ādinā<sup>2</sup> nayena vuttam̄ **āṇapātimokkham** nāma, tam sāvakā eva uddisanti, na Buddhā. Idameva ca<sup>3</sup> imasmim̄ atthe “pātimokkhan”ti adhippetam̄.

Ye pana itare dve uposathā, tesu **pārisuddhi-uposatho** tāva aññesañca santike, aññamaññañca ārocanavasena duvidho. Tattha yv’āyam̄ aññesam̄ santike karīyati, sopi pavāritānañca appavāritānañca santike karaṇavasena duvidho. Tattha mahāpavāraṇāya pavāritānam̄ santike pacchimikāya upagatena vā anupagatena vā chinnavassena vā cātumāsiniyam̄ pana pavāritānam̄ santike purimikāya upagatena vā anupagatena vā chinnavassena vā kāyasāmaggim̄ datvā “parisuddho aham̄ bhante ‘Parisuddho’ti mām̄ dhārethā”ti<sup>4</sup> tikkhattum vatvā kātabbo. Ṭhapetvā ca pana pavāraṇādivasam̄ aññasmim̄ kāle āvāsikehi uddiṭṭhamatte pātimokkhe avuṭṭhitāya vā ekaccāya vuṭṭhitāya vā sabbāya vā vuṭṭhitāya parisāya ye aññe samasamā vā thokatarā vā āgacchanti, tehi tesam̄ santike vuttanayen’eva pārisuddhi ārocetabbā. Yo pan’āyam̄ aññamaññam̄ ārocanavasena karīyati, so ñattim̄ ṭhapetvā ca aṭṭhapetvā ca karaṇavasena duvidho. Tattha yasminm̄ āvāse tayo bhikkhū viharanti, tesu uposathadivase sannipatitesu ekena bhikkhunā “suṇantu me āyasmantā aji”uposatho cātuddaso”ti vā “pannaraso”ti vā vatvā “yadāyasmantānam̄ pattakallam̄ mayam̄ aññamaññam̄ pārisuddhi-uposatham̄ kareyyāmā”ti<sup>4</sup> ñattiyā ṭhapitāya therena bhikkhunā ekaṁsam̄ uttarāsaṅgam̄ karitvā ukkuṭikam̄ nisīditvā añjalim̄ paggahetvā “parisuddho aham̄ āvuso ‘Parisuddho’ti mām̄ dhārethā”ti<sup>4</sup> tikkhattum vattabbam̄. Itarehi “bhante”ti vatvā evameva vattabbam̄. Evam̄ ñattim̄ ṭhapetvā kātabbo. Yattha pana dve bhikkhū viharanti,

1. Dī 2. 42; Khu 1. 41 piṭṭhesu.

3. Idameva (Sī, Syā, Kam)

2. Vi 3. 140 piṭṭhe.

4. Vi 3. 167 piṭṭhe.

tatra ñattim aṭṭhapetvā vuttanayen’eva pārisuddhi ārocetabbāti ayam  
pārisuddhi-uposatho.

Sace pana eko’va bhikkhu hoti, sabbam pubbakaraṇīyam katvā aññesam anāgamanam ñatvā “ajja me uposatho cātuddaso”ti vā “pannaraso”ti vā vatvā “adhiṭṭhāmī”ti vattabbam. Ayam **adhiṭṭhānuposathoti** evam kattabbākāravasena tayo uposathāti veditabbā. Ettāvatā **nava uposathā** dīpitā honti. Tesu divasavasena pannarasiko, kārakavasena samghuposatho, kattabbākāravasena suttudesoti evam tilakkhaṇasampanno uposatho idha nidditthoti veditabbo. Tasmim pavattamāne uposatham akatvā tadahuposathe aññam abhikkhukam nānāsamvāsakehi vā sabhikkhukam āvāsam vā anāvāsam vā vāsatthāya aññatra samghena, aññatra antarāyā gacchantassa dukkaṭam hoti.

**Kim samghassa pubbakiccati** “samgho uposatham kareyyā”ti evam uposathakaraṇasambandhen’eva vuttassa samghassa uposathe kattabbe yam tam “anujānāmi bhikkhave uposathāgāram sammajjitun”ti-ādinā<sup>1</sup> nayena Pāliyam āgataṁ, Aṭṭhakathāsu ca—

“Sammajjanī padipo ca, udakam āsanena ca,  
Uposathassa etāni, ‘Pubbakaraṇ’ti vuccati.

Chandapārisuddhi-utukkhānam, bhikkhugaṇanā ca ovādo,  
Uposathassa etāni, ‘Pubbakiccan’ti vuccati”ti<sup>2</sup>.

evam dvīhi nāmehi navavidham pubbakiccam dassitam, kiṁ tam katan?ti pucchati. Na hi tam akatvā uposatham kātum vattati, tasmā therena āṇattena agilānena bhikkhunā uposathāgāram sammajjitabbam, pānīyam paribhojanīyam upaṭṭhāpetabbam, āsanam paññāpetabbam, padipo kātabbo, akaronto dukkaṭam āpajjati, theren’āpi patirūpam ñatvā āṇāpetabbam.

**Chandapārisuddhīti** ettha uposathakaraṇattham sannipatite samghe bahi uposatham katvā āgatena sannipatitaṭṭhānam gantvā kāyasāmaggim

1. Vi 3. 158 piṭṭhe.

2. Vi-Tīha 3. 344 piṭṭhe.

adentena chando dātabbo, yopi gilāno vā hoti kiccappasuto vā, ten’āpi pārisuddhim dentena chandopi dātabbo. Katham dātabbo? Ekassa bhikkhuno santike “chandam dammi, chandam me hara, chandam me ārocehī”ti<sup>1</sup> ayam attho kāyena vā vācāya vā ubhayena vā viññāpetabbo, evam dinno hoti chando. Akatūposathena pana gilānena vā kiccappasutena vā pārisuddhi dātabbā. Katham dātabbā? Ekassa bhikkhuno santike “pārisuddhim dhammi, pārisuddhim me hara, pārisuddhim me ārocehī”ti<sup>2</sup> ayam attho kāyena vā vācāya vā ubhayena vā viññāpetabbo, evam dinnā hoti pārisuddhi, tam pana dentena chandopi dātabbo. Vuttañh’etam Bhagavatā “anujānāmi bhikkhave tadauposathe pārisuddhim dentena chandampi dātum, santi saṅghassa karaṇīyan”ti<sup>3</sup>. Tattha pārisuddhidānam saṅghassapi attanopi uposathakaraṇam sampādeti, na avasesam saṅghakiccam. Chandadānam saṅghass’eva uposathakaraṇañca sesakiccañca sampādeti, attano pana uposatho akato yeva hoti. Tasmā pārisuddhim dentena chandopi dātabbo. Pubbe vuttañam pana suddhikacchandam vā imam vā chandapārisuddhim ekena bahūnampi āharitum vaṭṭati. Sace pana so antarāmagge aññam bhikkhuñ passitvā yesam tena chando vā pārisuddhi vā gahitā, tesañca attano ca chandapārisuddhim deti, tass’eva sā āgacchat, itarā pana **bilālasaṅkhalikā chandapārisuddhi** nāma hoti, sā n’āgacchat. Tasmā sayameva sannipatitaṭṭhānam gantvā ārocetabbam. Sace pana sañcicca n’āroceti, dukkaṭam āpajjati. Chandapārisuddhi pana tasmim hatthapāsam upagatamatte yeva āgatā hoti.

**Utukkhānanti** hemantādīnam<sup>4</sup> utūnam “ettakam atikkantam, ettakam avasiṭṭhan”ti evam utūnam ācikkhanañam. **Bhikkhugaṇanāti** “ettakā bhikkhū uposathagge sannipatitā”ti bhikkhūnam gaṇanā. Idampi hi ubhayam katvā’va uposatho kātabbo. **Ovādoti** bhikkhunovādo. Na hi bhikkhunihi yācitam ovādam anārocetvā uposatham kātum vaṭṭati. Bhikkhuniyo hi sve uposathoti āgantvā “ayam uposatho cātuddaso pannaraso”ti pucchitvā puna uposathadivase āgantvā “bhikkhunisaṅgho ayya

1. Vi 3. 163 piṭṭhe.

2. Vi 3. 161 piṭṭhe.

3. Vi 3. 164 piṭṭhe.

4. Hemantādīnam tiṇñam (Sī, Ka)

bhikkhusamghassa pāde vandati, ovādūpasaṅkamanañca yācati, labhatu kira ayya bhikkhunisamgho ovādūpasaṅkamanan”ti<sup>1</sup> evam ovādam yācanti, tam ṭhapetvā bālagilānagamiye añño sacepi āraññiko hoti, apaṭiggahetuṁ na labhati. Tasmā yena so paṭiggahito, tena bhikkhunā uposathagge pātimokkhuddesako bhikkhu evam vattabbo “bhikkhunisamgho bhante bhikkhusamghassa pāde vandati, ovādūpasaṅkamanañca yācati, labhatu kira bhante bhikkhunisamgho ovādūpasaṅkamanan”ti. Pātimokkhuddesakena vattabbam “atthi koci bhikkhu bhikkhunovādako sammato”ti. Sace hoti koci bhikkhu bhikkhunovādako sammato, tato tena so vattabbo “itthannāmo bhikkhu bhikkhunovādako sammato, tam bhikkhunisamgho upasaṅkamatū”ti<sup>2</sup>. Sace n’atthi, tato tena pucchitabbam “ko āyasmā ussahati bhikkhuniyo ovaditun”ti. Sace koci ussahati, sopi ca aṭṭhahi aṅgehi samannāgato, tam tath’eva sammannitvā ovādapaṭiggāhako vattabbo “itthannāmo bhikkhu bhikkhunovādako sammato, tam bhikkhunisamgho upasaṅkamatū”ti<sup>3</sup>. Sace pana koci na ussahati, pātimokkhuddesakena vattabbam “n’atthi koci bhikkhu bhikkhunovādako sammato, pāsādikena bhikkhunisamgho sampādetū”ti<sup>3</sup>. Ettāvatā hi sikkhattayasaṅgahitaṁ sakalaṁ sāsanam ārocitam hoti. Tena bhikkhunā “sādhū”ti sampaṭicchitvā pāṭipadadivase bhikkhunīnam ārocetabbam.

Bhikkhunisamghen’āpi tā bhikkhuniyo pesetabbā “gacchatha ayyā, pucchatha ‘kim ayya labhati bhikkhunisamgho ovādūpasaṅkamanan”ti. Tāhi “sādhū ayye”ti sampaṭicchitvā tam bhikkhum upasaṅkamitvā evam vattabbam “kim ayya labhati bhikkhunisamgho ovādūpasaṅkamanan”ti. Tena vattabbam “n’atthi koci bhikkhu bhikkhunovādako sammato, pāsādikena bhikkhunisamgho sampādetū”ti<sup>3</sup>. Tāhi “sādhū ayyā”ti sampaṭicchitabbam. Idañca ekato āgatānam dvinnam tiṇṇam vā vasena vuttam. Tāsu pana ekāya bhikkhuniyā vattabbañc’eva sampaṭicchitabbañca, itarā tassā sahāyikā. Sace pana bhikkhusamgho vā bhikkhunisamgho vā na pūrati, ubhayatopi vā gaṇamattameva puggalamattam vā hoti.

1. Vi 4. 455 piṭhe.

2. Vi 4. 455, 456 piṭhesu.

3. Vi 4. 456 piṭhe.

Tatr'āyam vacanakkamo “bhikkhuniyo ayya bhikkhusamghassa pāde vandanti, ovādūpasaṅkamanañca yācanti, labhantu kira ayya bhikkhuniyo ovādūpasaṅkamanan”ti, “ahaṁ ayya bhikkhusamghassa pāde vandāmi, ovādūpasaṅkamanañca yācāmi, labhām’ahaṁ ayya ovādūpasaṅkamanan”ti, “bhikkhunisamgho ayyā ayyānam pāde vandati, ovādūpasaṅkamanañca yācati, labhatu kira ayyā bhikkhunisamgho ovādūpasaṅkamanan”ti.

“Bhikkhuniyo ayyā ayyānam pāde vandanti, ovādūpasaṅkamanañca yācanti, labhantu kira ayyā bhikkhuniyo ovādūpasaṅkamanan”ti, “ahaṁ ayyā ayyānam pāde vandāmi, ovādūpasaṅkamanañca yācāmi, labhām’ahaṁ ayyā ovādūpasaṅkamanan”ti, “bhikkhunisamgho ayya ayyassa pāde vandati, ovādūpasaṅkamanañca yācati, labhatu kira ayya bhikkhunisamgho ovādūpasaṅkamanan”ti. “Bhikkhuniyo ayya ayyassa pāde vandanti, ovādūpasaṅkamanañca yācanti, labhantu kira ayya bhikkhuniyo ovādūpasaṅkamanan”ti, “ahaṁ ayya ayyassa pāde vandāmi, ovādūpasaṅkamanañca yācāmi, labhām’ahaṁ ayya ovādūpasaṅkamanan”ti. Ten’āpi bhikkhunā uposathakāle evam vattabbam “bhikkhuniyo bhante bhikkhusamghassa pāde vandanti, ovādūpasaṅkamanañca yācanti, labhantu kira bhante bhikkhuniyo ovādūpasaṅkamanan”ti, “bhikkhunī bhante bhikkhunī ovādūpasaṅkamanan”ti. “Bhikkhunisamgho bhante, bhikkhuniyo bhante, bhikkhunī bhante āyasmantānam pāde vandati, vandanti, vandati, ovādūpasaṅkamanañca yācati, yācanti, yācati, labhatu kira bhante bhikkhunisamgho, labhantu kira bhante bhikkhuniyo, labhatu kira bhante bhikkhunī ovādūpasaṅkamanan”ti. Uposathaggepi pātimokkhuddesakena vā ūttīṭhapakena vā itarena vā bhikkhunā sace sammato bhikkhu atthi, purimanayen’eva “tam bhikkhunisamgho, tam bhikkhuniyo, tam bhikkhunī upasaṅkamatu, upasaṅkamantu, upasaṅkamatū”ti vattabbam. Sace n’atthi, “pāsādikena bhikkhunisamgho, bhikkhuniyo, bhikkhunī sampādetu, sampādentu, sampādetū”ti vattabbam. Ovādappaṭigāhakena pāṭipade tam paccāharitvā tath’eva vattabbam. Ayamettha saṅkhepavinicchayo. Evaṁ bhikkhunīhi yācitam ovādam ārocetvā uposatho kātabbo. Tena vuttam—

“Chandapārisuddhi-utukkhānam, bhikkhugaṇanā ca ovādo,  
Uposathassa etāni, ‘pubbakiccan’ti vuccatī”ti.

**Pārisuddhim āyasmanto ārocethāti** attano parisuddhabhāvam ārocetha, “pātimokkham uddisissāmī”ti idam pārisuddhi-ārocanassa kāraṇavacanam. “Na ca bhikkhave sāpattikena<sup>1</sup> pātimokkham sotabbam, yo suṇeyya āpatti dukkaṭassā”ti hi vacanato<sup>2</sup> aparisuddhehi pātimokkham sotum na vaṭṭati. Tena vuttam “pārisuddhim āyasmanto ārocetha, pātimokkham uddisissāmī”ti. Ettha siyā “saṅgho uposathaṁ kareyya, pātimokkham uddiseyyā”ti<sup>3</sup> vuttattā idh’api “pātimokkham uddisissatī”ti vattabbam, evañhi sati pubben’āparam sandhiyatīti. Vuccate, vacanamattamev’etam na sandhiyati, lakkhaṇato pana sameti. saṅghassa sāmaggiyā, gaṇassa sāmaggiyā, puggalassa uddesā saṅghassa uddiṭṭham hoti pātimokkhanti idañh’ettha lakkhaṇam, tasmā “pātimokkham uddisissāmī”ti idamev’ettha vattabbaṁ.

**Tam sabb’eva santā sādhukam suṇoma manasi karomāti tanti pātimokkham. Sabb’eva santāti yāvatikā tassā parisāya therā ca navā ca majjhimā ca. Sādhukam suṇomāti atṭhim kātā manasi karitvā sotadvāravasena sabbacetasaṁ samannāharāma. Manasi karomāti ekaggacittā hutvā citte ṭhapeyyāma. Ettha ca kiñcāpi “pātimokkham uddisissāmī”ti vuttattā “suṇotha manasi karothā”ti vattum yuttam viya dissati, “saṅgho uposathaṁ kareyyā”ti iminā pana na sameti. Samaggassa hi saṅghass’etam uposathakaraṇam, pātimokkhuddesako ca saṅghapariyāpanno’va, icc’assa saṅghapariyāpannattā “suṇoma manasi karomā”ti idameva vattum yuttam.**

Idāni yam vuttam “pārisuddhim āyasmanto ārocethā”ti, tattha yathā parisuddhi-ārocanam hoti, tam dassetum **yassa siyā āpatti, so āvikareyyāti** āha. Tattha **yassa siyāti** yassa channam ākārānam aññatarena<sup>4</sup> āpann’āpatti bhaveyya. Āpattim

1. Sāpattikena bhikkhunā (Ka)

2. Vi 4. 424 piṭṭhe.

3. Vi 3. 140 piṭṭhe.

4. Aññatarena ākārena (Sī)

hi āpajjanto alajjitā, aññāṇatā, kukkuccappakatata, akappiyekappiyasaññitā, kappiyekappiyasaññitā, satisammosati imehi<sup>1</sup> chahākārehi āpajjati.

Katham alajjitāya āpajjati? Akappiyabhāvam jānanto yeva madditvā vītikkamam karoti.

Vuttampi c'etam—

“Sañcicca āpattim āpajjati, āpattim parigūhati,  
Agatigamanañca gacchati, ediso vuccati alajjipuggalo”ti<sup>2</sup>.

Katham aññāṇatāya āpajjati? Aññāṇapuggalo hi mando momūho kattabbākattabbam ajānanto akattabbam karoti, kattabbam virādheti. Evam aññāṇatāya āpajjati.

Katham kukkuccappakatataya āpajjati? Kappiyākappiyam nissāya kukkucce uppanne vinayadharam pucchitvā kappiyam ce, kattabbam siyā, akappiyam ce, na kattabbam, ayaṁ pana “vaṭṭatī”ti madditvā vītikkamati yeva. Evam kukkuccappakatataya āpajjati.

Katham akappiyekappiyasaññitāya āpajjati? Acchamāmsam “sūkaramāmsan”ti khādati, vikāle kālasaññāya<sup>3</sup> bhuñjati. Evam akappiyekappiyasaññitāya āpajjati.

Katham kappiyekappiyasaññitāya āpajjati? Sūkaramāmsam “acchamāmsan”ti khādati, kāle vikālasaññāya bhuñjati. Evam kappiyekappiyasaññitāya āpajjati.

Katham satisammosā āpajjati? Sahaseyyacīvaravippavāsādīni satisammosā āpajjati. Iti imesam channam ākārānam aññatarena ākārena āpānnā yassa siyā sattannam āpattikkhandhānam aññatarā āpatti therassa vā navassa vā majjhimassa vāti attho.

**So āvikareyyāti** so tam āpattim desetu vā pakāsetu vāti vuttam hoti.  
**Asantiyā āpattiyāti** yassa pana evam anāpānnā vā

1. Vi 5. 184 piṭṭhe.

2. Vi 5. 279 piṭṭhe.

3. Kālasaññitāya (Syā, Kam), Vi-Tīha 3. 142 piṭṭhe pana passitabbam.

āpattim āpajjivā ca pana vuṭṭhitā vā desitā vā ārocitā vā āpatti, tassa sā āpatti asantī nāma hoti, evam asantiyā āpattiyā tuṇhī bhavitabbam.

**Tuṇhībhāvena** kho pan’āyasmante “parisuddhā”ti vedissāmīti tuṇhībhāven’āpi hi kāraṇena aham āyasmante “parisuddhā”icc’eva jānissāmīti. **Yathā** kho pana paccekapuṭṭhassa veyyākaraṇam hotīti yathā eken’eko puṭṭho byākareyya, yathā eken’eko paccekapuṭṭho “mam esa pucchatī”ti ñatvā byākareyyāti vuttam hoti.

**Evamevarī<sup>1</sup>** evarūpāya parisāya yāvatatiyam anusāvitam hotīti ettha ekacce tāva ācariyā evam vadanti “evamevam imissāya bhikkhuparisāya yadetam ‘yassa siyā āpatti, so āvikareyya, asantiyā āpattiyā tuṇhī bhavitabbam, tuṇhībhāvena kho panāyasmante parisuddhāti vedissāmīti tikkhattum anusāvitam, tam ekamekena ‘mam esa pucchatī’ti evam jānitabbam hotīti attho”ti. Tam na yujjati, kasmā? Atthabyañjanabhedato. Anussāvanam hi nāma atthato ca byañjanato ca abhinnam hoti “dutiyampi etamattham vadāmī”ti-ādīsu<sup>2</sup> viya. “Yassa siyā”ti-ādivacanattayam pana atthatopi byañjanatopi bhinnam, ten’assa anussāvanattayam na yujjati. Yadi c’etam yāvatatiyānussāvanam siyā, Nidānuddese aniṭṭhithepi āpatti siyā. Na ca yuttam anāpattikkhette āpattim āpajjituṁ.

Apare “anusāvitan”tipadassa anusāvetabbanti attham vikappetvā “yāvatatiyan”ti idam upari uddesāvasāne “kacci’ttha parisuddhā -patatiyampi pucchāmī”ti etam sandhāya vuttanti āhu. Tampi na yujjati, kasmā? Thayuttinam abhāvato. Idam hi padam keci “anusāvitan”ti sajjhāyanti, keci “anusāvetan”ti, tam ubhayam vāpi atītakālameva dīpeti, na anāgatam. Yadi c’assa ayaṁ attho siyā, “anusāvitam hessati”ti vadeyya, evam tāva atthābhāvato na yujjati. Yadi c’etam uddesāvasāne vacanam sandhāya vuttam siyā, “na āvikarissāmī”ti cittam uppādentassa Nidāne samattepi vuttamusāvādo na siyā, kasmā? “Yāvatatiyam anussāviyamāne”tivacanato<sup>3</sup> “yāvatatiyan”ti idam

1. Evameva (Ka)

2. Vi 3. 72; Vi 4. 4 piṭṭhādīsu.

3. Vi 3. 141 pitthe.

vacanameva niratthakam siyā. Kasmā? Nidānuddese yāvatatiyānussāvanassa abhāvatoti evam yutti-abhāvato tampi na yujjati. “Yāvatatiyām anusāvitam hotī”ti idam pana lakkhaṇavacanamattam, tena imamattham dasseti—idam pātimokkham nāma yāvatatiyām anussāviyati, tasmim yāvatatiyām anussāviyamāne yo saramāno santim āpattim n’āvikaroti, tassa yāvatatiyānussāvanāvasāne sampajānamusāvādo hotīti.

Tadetaṁ yathā anusāvitam yāvatatiyām anusāvitam nāma hoti, tam dassetum **tath’āyasmante pucchāmīti**-ādi vuttam. Tam pan’etam pārājikādīnam avasāne dissati, na nidānāvasāne. Kiñcapi na dissati, atha kho uddesakāle “āvikatā hi’ssa phāsu hotī”ti vatvā “uddiṭṭham kho āyasmanto nidānam, tath’āyasmante pucchāmī”ti-ādinā nayena vattabbameva. Evaṁ hi nidānam su-uddiṭṭham hoti, aññathā du-uddiṭṭham. Imameva ca attham sandhāya Uposathakkhandhake vuttam “yāvatatiyām anusāvitam hotīti sakimpi anusāvitam hoti, dutiyampi anusāvitam hoti, tatiyampi anusāvitam hotī”ti<sup>1</sup>. Ayamettha ācariyaparamparābhato vinicchayo.

**Yo pana bhikkhu -pa- sampajānamusāvād’assa hotīti**  
 sampajānamusāvādo assa hoti, ten’assa dukkaṭāpatti hoti. Sā ca kho pana na musāvādalakkhaṇena, “sampajānamusāvāde kim hoti? Dukkaṭam hotī”ti iminā<sup>2</sup> pana Bhagavato vacanena vacīdvāre akiriyasamuṭṭhānāpatti hotīti veditabbo.

Vuttampi c’etam—

“Anālapanto manujena kenaci,  
 Vācāgiram no ca pare bhaṇeyya.  
 Āpajjeyya vācasikam, na kāyikam,  
 Pañhāmesā kusalehi cintitā”ti<sup>3</sup>.

1. Vi 3. 141 piṭṭhe.

2. Vi 3. 142 piṭṭhe.

3. Vi 5. 374 piṭṭhe.

**Antarāyikoti** vippaṭisāravatthutāya pāmojjādisambhavam nivāretvā paṭhamajjhānādīnam adhigamāya antarāyam karoti<sup>1</sup>. **Tasmāti** yasmā ayam anāvikaraṇasaṅkhāto sampajānamusāvādo antarāyiko hoti, tasmā.

**Saramānenāti** attani santim āpattim jānantena. **Visuddhāpekkhenāti** vuṭṭhātukāmena visujjhitukāmena. **Santī āpattī** āpajjītvā avuṭṭhitā āpatti. **Āvikātabbāti** samghamajjhē vā gaṇamajjhē vā ekapuggale vā pakāsetabbā, antamaso anantarass’āpi bhikkhuno “aham āvuso itthannāmam āpattim āpanno, ito vuṭṭhahitvā tam āpattim paṭikarissāmī”ti<sup>2</sup> vattabbam. Sacepi vematiiko hoti, “aham āvuso itthannāmāya āpattiyā vematiiko, yadā nibbematiiko bhavissāmi, tadā tam āpattim paṭikarissāmī”ti<sup>2</sup> vattabbam. **Āvikatā hi’ssa phāsu hotīti** etha āvikatāti kāvikatāya, pakāsitāyāti attho. Alajjitatī-ādīsu<sup>3</sup> viya hi idampi karaṇatthe paccattavacanaṁ. **Hi**ti nipātamattam. **Assāti** etassa bhikkhuno. **Phāsu hotīti** paṭhamajjhānādīnam adhigamāya phāsu hoti, avippaṭisāramūlakānam pāmojjādīnam vasena sukappaṭipadā sampajjatīti attho.

Iti Kaṅkhāvitaranīyā pātimokkhavaṇṇanāya

Nidānavaññanā niṭṭhitā.

---

1. Antarāya karo (Sī-Ka)

2. Vi 3. 169 piṭṭhe.

3. Vi 5. 184 piṭṭhe.

## Pārājikakanḍa

Idāni yadetam nidānānantaram Tatr'ime cattāroti-ādi Pārājikakanḍam. Tattha **tatrāti** tasmim “pātimokkham uddisissāmī”ti evam vutte pātimokkhe. Imeti idāni vattabbānam abhimukhīkaraṇam. **Cattāroti** gaṇanaparicchedo. **Pārājikāti** evamnāmakā. **Dhammadī** āpattiyo. **Uddesamī** āgacchantīti sarūpena uddisitabbatam āgacchanti, na nidāne viya “yassa siyā āpatti”ti sādhāraṇavacanamattena.

### 1. Paṭhamapārājikavaṇṇanā

**Yo panāti** rassadīghādinā liṅgādibhedena yo koci. **Bhikkhūti** ehibhikkhu-upasampadā saraṇagamanūpasampadā ovādappaṭiggahaṇūpasampadā pañhābyākaraṇūpasampadā atīthagaruḍhammappaṭiggahaṇūpasampadā dūtenūpasampadā atīhavācikūpasampadā nātticatutthakammūpasampadāti imāsu atīhasu upasampadāsu nātticatutthena upasampadākammena akuppena ṭhanārahena upasampanno. Tassa pana kammassa vatthuñatti-anussāvanasimāparisāsampattivasesa akuppatā veditabbā.

Tattha **vatthūti** upasampadāpekkho puggalo, so ṭhapetvā ūnavīsativassari antimavatthu-ajjhāpannapubbari, paṇḍakādayo ca ekādasa abhabba puggale veditabbo. Tattha **ūnavīsativasso** nāma paṭisandhiggaṇato paṭīhāya aparipuṇṇavīsativasso. **Antimavatthu-ajjhāpannapubbo** nāma catunnam pārājikānam aññataram ajjhāpannapubbo. **Paṇḍakādayo** vajjanīyapuggalakathāyam vuttā. Tesu āsittapaṇḍakañca usūyapaṇḍakañca ṭhapetvā opakkamikapaṇḍako napumṣakapaṇḍato paṇḍakabhāvapakkhe ṭhito pakkhapaṇḍako ca idha adhippeto.

**Theyyasamvāsako** pana tividho liṅgatthenako samvāsatthenako ubhayatthenakoti. Tattha yo sayam pabbajitvā na bhikkhuvassāni gaṇeti, na yathāvudḍham bhikkhūnam vā sāmaṇerānam vā vandanam sādiyati, na āsanena paṭibāhati, na uposathādīsu sandissati, ayaṁ asuddhacittatāya liṅgamattass'eva thenitattā **liṅgatthenako** nāma. Yo pana bhikkhūhi pabbajito sāmaṇero samāno kāsāyāni apanetvā tesu

sa-ussāho'va methunam dhammam paṭisevitvā puna nivāsetvā sāmaṇerabhāvam paṭijānāti, ayam bhikkhūhi dinnalingassa apariccattattā na liṅgatthenako, na liṅgānurūpassa samvāsassa sāditattā n'āpi samvāsatthenako<sup>1</sup>. Antimavatthu-ajjhāpannakepi es'eva nayo. Yo ca kho sāmaṇero samāno videsam gantvā bhikkhuvassāni gaṇeti, yathāvuḍḍham vandanam sādiyati, āsanena paṭibāhati, uposathādīsu sandissati, ayam samvāsamattass'eva thenitattā **samvāsatthenako** nāma.

Bhikkhuvassagaṇanādiko hi sabbopi kiriyahedo imasmim atthe "samvāso"ti veditabbo. Sikkham paccakkhāya "na mām koci jānātī"ti puna evam paṭipajjanterpi es'eva nayo. Yo pana sayam pabbajitvā vihāram gantvā yathāvuḍḍham vandanam sādiyati, āsanena paṭibāhati, bhikkhuvassāni gaṇeti, uposathādīsu sandissati, ayam liṅgassa c'eva samvāsassa ca thenitattā **ubhayatthenako** nāma. Dhuranikkhepavasena kāsāyāni apanetvā antimavatthum ajjhāpajjivitvā puna tāni acchādetvā evam paṭipajjanterpi es'eva nayo. Ayaṁ tividhopi theyyasamvāsako idha adhippeto. Ṭhāpetvā pana imam tividham

"Rājadubbhikkhakantāra-rogaverībhayena vā.  
Cīvarāharaṇattham vā, liṅgam ādiyat'īdha yo.  
Samvāsam n'ādhivāseti, yāva so suddhamānasō.  
**Theyyasamvāsako** nāma, tāva esa na vuccatī"ti<sup>2</sup>.

Yo pana upasampanno titthiyabhāvam patthayamāno sayam vā kusacirādikam titthiyalingam ādiyati, tesam vā santike pabbajati, naggo vā hutvā ājīvakānam santikam gantvā tesam vatāni<sup>3</sup> ādiyati, ayam **titthiyapakkantako** nāma. Ṭhāpetvā pana manussajātikam avaseso sabbopi **tiracchānagato** nāma. Yena manussajātikā janetti sayampi manussabhūten'eva sañcicca jīvitā voropitā, ayam **mātughātako** nāma. **Pitughātakēpi** es'eva nayo. Yena antamaso gihilinge ṭhitopi manussajātiko khīṇāsavo sañcicca jīvitā voropito, ayam **arahantaghātako** nāma. Yo pana pakatattam bhikkhunim tiṇam maggānam

1. Na samvāsatthenako nāma (Syā, Kām)

2. Vi-Tītha 3. 299 piṭhe.

3. Vattāni (Syā, Kām)

aññatarasmiṁ magge dūseti, ayam **bhikkhunidūsako** nāma. Yo Devadatto viya sāsanam uddhammam ubbinayam katvā catunnam kammānam aññataravasena samgham bhindati, ayam **samghabhedako** nāma. Yo Devadatto viya duṭṭhacittra vad hakacittra Tathāgatassa jīvamānakasarīre khuddakamakkhikāya pivanamattampi lohitam uppādeti, ayam **lohituppādako** nāma. Yassa ithinimittuppādanakammato ca purisanimittuppādanakammato ca ubhato duvidhampi byañjanam atthi, ayam **ubhatobyāñjanako** nāma. Iti ime terasa puggalā upasampadāya avathū. Ime pana ṭhapetvā aññasmīm upasampadāpekkhe sati upasampadākammam vatthusampattivasena akuppaṁ hoti.

Katham ñattisampattivasena akuppaṁ hoti?

Vatthusamghapuggalañattinam aparāmasanāni, pacchā ñattiṭṭhapanāñcāti ime tāva pañca ñattidosā. Tattha “ayaṁ itthannāmo”ti upasampadāpekkhassa akittanam **vatthu-aparāmasanam** nāma. “Suṇātu me bhante samgho”ti ettha “suṇātu me bhante”ti vatvā “samgho”ti abhañanam **saṅgha-aparāmasanam** nāma. “Itthannāmassa upasampadāpekkho”ti upajjhāyassa akittanam **puggala-aparāmasanam** nāma. Sabbena sabbam ñattiyā anuccāraṇam **ñatti-aparāmasanam** nāma. Paṭhamam kammavācam niṭṭhāpetvā “esā ñatti”ti vatvā “khamati saṅghassā”ti evam ñattikittanam **pacchā ñattiṭṭhapanam** nāma. Iti imehi dosehi vimuttāya ñattiyā sampannam ñattisampattivasena akuppaṁ hoti.

**Anussāvanavasena** akuppatāyapi vatthusamghapuggalānam aparāmasanāni, sāvanāya hāpanam, akāle sāvananti ime pañca anussāvanadosā. Tattha vatthādīnam aparāmasanāni ñattiyam vuttasadisān’eva. Tīsu pana anussāvanāsu yattha katthaci etesam aparāmasanam aparāmasanameva. Sabbena sabbam pana kammavācam avatvā catukkhattum ñattikittanameva, atha vā pana kammavācābbhantare akkharassa vā padassa vā anuccāraṇam vā duruccāraṇam vā **sāvanāya hāpanam** nāma. Sāvanāya anokāse paṭhamam ñattim aṭṭhapetvā anussāvanakaraṇam **akāle sāvanam** nāma. Iti imehi dosehi vimuttāya anussāvanāya sampannam anussāvanasampattivasena akuppaṁ hoti.

Pubbe vuttam vipattisīmālakkhaṇam samatikkantāya pana simāya kataṁ **sīmāsampattivasena** akuppaṁ hoti. Yāvatikā bhikkhū kammappattā,

tesam anāgamanam, chandārahānam chandassa anāharanam,  
 sammukhībhūtānam pātikkosananti ime pana tayo parisādosā, tehi vimuttāya  
 parisāya katam **parisāsampattivasena** akuppam hoti. Kāraṇārahattā pana  
 Satthu sāsanārahattā **ṭhānārahām** nāma hoti. Iti yo iminā evam akuppena  
 ṭhānārahena ñatticatuñthena upasampadākammaṇa upasampanno, ayam idha  
 “bhikkhū”ti adhippeto. Paññattivajjesu pana aññepi saṅgham gacchanti.

**Bhikkhūnam sikkhāsajīvasamāpannoti** yā bhikkhūnam adhisīlasaṅkhātā  
 sikkhā, tañca, yattha c’ete saha jīvanti, ekajīvikā sabhāgavuttino honti, tam  
 Bhagavatā paññattam sikkhāpadasaṅkhātam sājīvañca, tattha  
 sikkhanabhāvena samāpannoti bhikkhūnam sikkhāsajīvasamāpanno.  
**(Samāpannoti)<sup>1</sup>** sikkhañca paripūrento sājīvañca avītikkamanto hutvā  
 tadubhayam upagatoti attho. **Sikkham apaccakkhāya dubbalyarī**  
**anāvīkatvāti** yam sikkham samāpanno, tam apatīkkhipitvā, yañca sājīvarī  
 samāpanno, tasmim dubbalabhbāvam appakāsetvā. Tattha  
 cittakhettakālapayogapuggalavijānanavasena sikkhāya paccakkhānam ñatvā  
 tadabhāvena apaccakkhānam veditabbam. Katham? Upasampannabhāvato  
 cavitukāmatācitteñeva hi sikkhāpaccakkhānam hoti, na davā vā ravā vā  
 bhanantassa. Evam **cittavasena** sikkhāpaccakkhānam hoti, na tadabhāvena.  
 Tathā “buddham paccakkhāmi, dhammam paccakkhāmi, saṅgham  
 paccakkhāmi, sikkham, vinayam, pātimokkham, uddesam, upajjhāyam,  
 ācariyam, saddhivihārikam, antevāsikam, samānupajjhāyakam,  
 samānācariyakam, sabrahmacārim paccakkhāmī”ti<sup>2</sup> evam vuttānam  
 Buddhādīnam cuddasannam, “gihīti mañ dhārehi, upāsako, ārāmiko,  
 sāmañero, titthiyo, titthiyasāvako, asamaño, ‘asakyaputtiyo’ti mañ  
 dhārehī”ti<sup>2</sup> evam vuttānam gihi-ādīnam aṭṭhannañcāti imesañ dvāvīsatiyā  
 khettapadānam yassa kassaci savevacanassa vasena tesu yamkiñci  
 vattukāmassa yamkiñci vadato sikkhāpaccakkhānam hoti, na rukkhādīnam  
 aññatarassa nāmam gahetvā paccācikkhantassa. Evam **khettavasena**  
 paccakkhānam hoti, na tadabhāvena.

Tattha yadetañ “paccakkhāmī”ti ca, “mañ dhārehī”ti<sup>2</sup> ca vuttam  
 vattamānakālavacanam, yāni ca “alañ me Buddhena, Kiñ nu me Buddhena?  
 Na mam’attho

1. ( ) Ethantare Pāli Sīhaṇa-potthake n’atthi.

2. Vi 1. 32 piñthe.

Buddhena, Sumutt'āham Buddhañā"ti-ādinā<sup>1</sup> nayena ākhyātavasena kālam anāmasitvā purimehi cuddasahi padehi saddhim yojetvā vuttāni “alam me”ti-ādīni cattāri padāni, tesam yeva ca savevacanānam vasena paccakkhānam hoti, na “paccakkhāsin”ti vā “paccakkhissan”ti vā “mam dhāresī”ti vā “mam dhāressatī”ti vā “yam nūn'āham paccakkheyyan”ti vāti-ādīni<sup>2</sup> atītānāgataparikappavacanāni bhaṇtantassa. Evam vattamānakālavasena c'eva anāmaṭṭhakālavasena ca paccakkhānam hoti, na tadabhāvena.

**Payogo** pana duvidho kāyiko ca vācasiko ca. Tattha “buddham paccakkhāmī”ti-ādinā<sup>1</sup> nayena yāya kāyaci bhāsāya vacībhedam katvā vācasikappayogen'eva paccakkhānam hoti, na akkharalikhanam vā hatthamuddādidassanam vā kāyappayogam karontassa. Evam vācasikappayogen'eva paccakkhānam hoti, na tadabhāvena.

**Puggalo** pana duvidho—yo ca paccakkhāti, yassa ca paccakkhāti. Tattha yo paccakkhāti, so sace ummattakakhittacittavedanāṭṭānam aññataro na hoti. Yassa pana paccakkhāti, so sace manussajātiko hoti, na ca ummattakādīnam aññataro, sammukhībhūto ca<sup>3</sup> sikkhāpaccakkhānam hoti. Na hi asammukhībhūtassa dūtena vā paññena vā ārocanam ruhati. Evam yathāvuttapuggalavasena paccakkhānam hoti, na tadabhāvena.

**Vijānanampi** niyamit'āniyamitavasena duvidham. Tattha yassa yesam vā niyametvā “imassa, imesam vā ārocemī”ti vadati, sace te yathā pakatiyā loke manussā vacanam sutvā āvajjanasamaye jānanti, evam tassa vacanānantarameva tassa “ayam ukkanṭhito”ti vā “gihibhāvam patthayatī”ti vā yena kenaci ākārena sikkhāpaccakkhānabhāvam jānanti, paccakkhātā'va hoti sikkhā. Atha aparabhāge “kim iminā vuttan”ti cintetvā jānanti, aññe vā jānanti, apaccakkhātā'va hoti sikkhā. Aniyametvā ārocentassa pana sace vuttanayena yo koci manussajātiko vacanathām jānāti, paccakkhātā'va hoti sikkhā. Evam vijānanavasena paccakkhānam hoti, na tadabhāvena. Yo pana antamaso davāyapi paccakkhāti, tena apaccakkhātā'va hoti sikkhā. Iti imesam

---

1. Vi 1. 32 piṭṭhe.

2. Vi 1. 29 piṭṭhe.

3. Sammukhībhūto yeva (Syā)

vuttappakārānam cittādīnam vā vasena, sabbaso vā pana apaccakkhānena sikkham apaccakkhāya sikkhāpaccakkhānass'eva ca atthabhūtam ekaccam dubbalyam anāvikatvā.

**Methunam dhammam paṭiseveyyāti** ettha **methunam dhammanti** rāgapariyuṭṭhānena sadisānam ubhinnam dhammam. **Paṭiseveyyāti** paṭiseveyya ajjhāpajjeyya. **Antamasoti** sabbantimena paricchedena. **Tiracchānagatāya pīti** paṭisandhivasena tiracchānesu gatāyapi, ayamettha anupaññatti. **Pārājiko hotīti** parājito<sup>1</sup> hoti, parājayam āpanno. **Asamvāsotī** pakatattā bhikkhū saha vasanti etthāti ekakammādiko'va tividhopi vidhi samvāso<sup>2</sup> nāma, so tena saddhiṁ n'atthīti asamvāso. Samghakammesu hi esa gaṇapūrakopi na hoti. Ayam tāva padavaṇṇanā.

Ayam pan'ettha vinicchayo—manussā'manussatiracchānagatavasena hi tisso itthiyo, tāsam vaccamaggapassāvamaggamukhamaggavasena tayo tayo katvā nava maggā, tathā ubhatobyāñjanakānam. Purisānam pana vaccamaggamukhamaggavasena dve dve katvā cha maggā, tathā pañḍakānanti evam tiṁsa maggā. Tesu attano vā paresam vā yassa kassaci maggassa santhatassa vā asanthatassa vā, paresam pana matānampi akkhāyitassa vā yebhuyyena akkhāyitassa vā pakativātena asamphuṭhe allokāse yo bhikkhu ekatilabījamattampi attano aṅgajātam santhatam vā asanthatam vā sevanacittena paveseti, parena vā pavesiyamāne pavesanapaviṭṭhaṭṭhita-uddharaṇesu yamkiñci sādiyati, ayam pārājikāpattim āpanno nāma hoti. Ayam tāv'ettha asādhāraṇavinicchayo.

Sabbasikkhāpadānam pana sādhāraṇavinicchayattham ayam mātikā—

Nidānam puggalam vatthum, paññattividhimeva ca,  
Āṇattā'patti'nāpatti-vipattim aṅgameva ca,  
Samuṭṭhānavidhim kiriyā-saññācittehi nānattam,  
Vajjakammappabhedañca, tikadvayavidhim tathā,  
Lakkhaṇam **sattarasadhā**, ṭhitam sādhāraṇam idam.  
Ñatvā yojeyya medhāvī, tattha tattha yathārahanti.

1. Parājitova (Ka) Mahāṭīkā passitabbā.

2. Ekakammādiko vidhi (Syā, Kaṁ), ekakammādiko tividho (Sī)

Tattha **nidānam** nāma Vesālirājagahasāvatthi-ālavikosambisaggabhaggānam vasena sattavidham paññattiṭṭhānam, idam hi sabbasikkhāpadānam nidānam. **Puggalo** nāma yam yam ārabbha tam tam sikkhāpadam paññattam. **Vatthu** nāma tassa tassa puggalassa ajjhācāro vuccati. **Paññattividhīnti** paññatti-anupaññatti-anuppannapaññattisabbatthapaññattipadesapaññattisādhāraṇapaññatti-asādhāraṇapaññatti-ekatopaññatti-ubhatopaññattivasena navavidhā paññatti. Tattha **anuppannapaññatti** nāma anuppanne dose paññattā, sā aṭṭhagarudhammappaṭīgahaṇavasena<sup>1</sup> bhikkhunīnam yeva āgatā, aññatra n’atthi. Vinayadharapañcamena<sup>2</sup> gaṇena upasampadā, gaṇaṅgaṇūpāhanā<sup>3</sup> dhuvanhānam<sup>4</sup> cammattharaṇanti<sup>5</sup> etesām vasena catubbidhā **padesapaññatti** nāma. Majjhimadese yeva hi etehi āpatti hoti, tesupi dhuvanhānam paṭikkhepamattameva pātimokkhe āgataṁ. Tato aññā padesapaññatti nāma n’atthi. Sabbāni **sabbatthapaññatti** yeva honti, **sādhāraṇapaññattidukañca** **ekatopaññattidukañca** atthato ekam, tasmā anuppannapaññattiñca sabbatthapaññattidukañca ekatopaññattidukañca ṭhapetvā sesānam catassannam paññattinam vasena sabbattha vinicchayo veditabbo. **Āṇattā’patti’nāpattivipattinti** ettha **āṇattīti** āṇapanā vuccati. **Āpattīti** pubbappayogādivasena āpattibhedo. **Anāpattīti** ajānanādivasena anāpatti. **Vipattīti** sīla-ācāradīṭṭhi-ājīvavipattinam aññatarā. Iti imāsamānāṇattādīnampi vasena sabbattha vinicchayo veditabbo. **Aṅganti** sabbasikkhāpadesu āpattinam aṅgam veditabbam.

**Samuṭṭhānavidhīnti** sabbāpattinam kāyo vācā kāyavācā kāyacittam vācācittam kāyavācācittanti imāni ekaṅgikavaṅgikativāṅgikāni cha samuṭṭhānāni nāma yāni “sikkhāpadasamuṭṭhānānī”tipi vuccanti. Tattha purimāni tīṇi acittakāni, pacchimāni sacittakāni. Tesu ekena vā dvīhi vā tīhi vā catūhi vā chahi vā samuṭṭhānehi āpattiyo samuṭṭhahanti, pañcasamuṭṭhānā nāma n’atthi. Tattha **ekasamuṭṭhānā** nāma catutthena ca pañcamena ca chaṭṭhena ca samuṭṭhānena samuṭṭhāti, na aññena. **Dvisamuṭṭhānā** nāma paṭhamacatutthehi ca dutiyapañcamahi ca tatiyachaṭṭhehi ca catutthachaṭṭhehi ca pañcamachaṭṭhehi ca samuṭṭhānehi, samuṭṭhāti, na aññehi. **Tisamuṭṭhānā** nāma

1. Vi 4. 444 piṭṭhe.

2. Vi 3. 287-288 piṭṭhesu.

3. Vi 3. 288 piṭṭhe.

4. Vi 1. 156 piṭṭhe.

5. Vi 3. 288 piṭṭhe.

paṭhamehi ca tīhi, pacchimehi ca tīhi samuṭṭhānehi samuṭṭhāti, na aññehi.

**Catusamuṭṭhānā** nāma paṭhamatatiyacatutthachaṭṭhehi ca dutiyatatiyapañcamachaṭṭhehi ca samuṭṭhānehi samuṭṭhāti, na aññehi. **Cha samuṭṭhānā** nāma chahipi samuṭṭhāti.

Evaṁ—

Tidhā **ekasamuṭṭhānā**, pañcadhā **dvisamuṭṭhitā**.

Dvidhā **ticaturo thānā**, ekadhā **chasamuṭṭhitātī**.

Samuṭṭhānavasena sabbā'va terasa āpattiyo honti<sup>1</sup>, tā paṭhamapaññattisikkhāpadavasena samuṭṭhānato terasa nāmāni labhanti paṭhamapārājikasamuṭṭhānā adinnādāna sañcaritta samanubhāsana kathina eļakaloma padasodhamma addhāna theyyasattha dhammadesanā bhūtārocana corivuṭṭhāpana ananuññātasamuṭṭhānāti. Taṭtha yā kāyacittato samuṭṭhāti, ayam **paṭhamapārājikasamuṭṭhānā** nāma. Yā sacittakehi tīhi samuṭṭhānehi samuṭṭhāti, ayam **adinnādānasamuṭṭhānā** nāma. Yā chahipi samuṭṭhāti, ayam **sañcarittasamuṭṭhānā** nāma. Yā chaṭṭhen'eva samuṭṭhāti, ayam **samanubhāsanasamuṭṭhānā** nāma. Yā tatiyachaṭṭhehi samuṭṭhāti, ayam **kathinasamuṭṭhānā** nāma. Yā paṭhamacatutthehi samuṭṭhāti, ayam eļakalomasamuṭṭhānā nāma. Yā dutiyapañcamehi samuṭṭhāti, ayam padasodhammasamuṭṭhānā nāma. Yā paṭhamatatiyacatutthachaṭṭhehi samuṭṭhāti, ayam **addhānasamuṭṭhānā** nāma. Yā catutthachaṭṭhehi samuṭṭhāti, ayam **theyyasatthasamuṭṭhānā** nāma. Yā pañcamen'eva samuṭṭhāti, ayam **dhammadesanāsamuṭṭhānā** nāma. Yā acittakehi tīhi samuṭṭhānehi samuṭṭhāti, ayam **bhūtārocanasamuṭṭhānā** nāma. Yā pañcamachaṭṭhehi samuṭṭhāti, ayam **corivuṭṭhāpanasamuṭṭhānā** nāma. Yā dutiyatatiyapañcamachaṭṭhehi samuṭṭhāti, ayam **ananuññātasamuṭṭhānā** nāmāti. Iti imassa samuṭṭhānavidhinopi vasena sabbattha vinicchayo veditabbo.

**Kiryāsaññācittehi nānattanti** etehi kiriyādīhi sabbāpattīnam nānābhāvam ñatvā sabbattha vinicchayo veditabbo. Sabbāpattiyo hi kiriyāvasena pañcavidhā honti. Seyyathidam? Atth'āpatti kiriyato

---

1. Vi 5. 158 piṭṭhādīsu vitthāro.

samuṭṭhāti atthi akiriyato atthi kiriyākiriyato atthi siyā kiriyato siyā akiriyato atthi siyā kiriyato siyā kiriyākiriyatoti. Tattha yā kāyena vā vācāya vā pathavikhaṇanādīsu<sup>1</sup> viya vītikkamaṁ karontassa hoti, ayam **kiriyato samuṭṭhāti** nāma. Yā kāyavācāhi kattabbam akarontassa hoti paṭhamakathināpatti<sup>2</sup> viya, ayam **akiriyato samuṭṭhāti** nāma. Yā karontassa ca akarontassa ca hoti aññātikāya bhikkhuniyā hatthato cīvarappaṭiggahaṇāpatti<sup>3</sup> viya, ayam **kiriyākiriyato samuṭṭhāti** nāma. Yā siyā karontassa ca, siyā akarontassa ca hoti rūpiyappaṭiggahaṇāpatti<sup>4</sup> viya, ayam **siyā kiriyato siyā akiriyato samuṭṭhāti** nāma. Yā siyā karontassa ca siyā karontā karontassa ca hoti kuṭikārāpatti<sup>5</sup> viya, ayam **siyā kiriyato siyā kiriyākiriyato samuṭṭhāti** nāma.

Sabbāpattiyo ca saññāvasena duvidhā honti—saññāvimokkhā nosaññāvimokkhāti. Tattha yato vītikkamasaññāya abhāvena muccati, ayam **saññāvimokkhā**, itarā **nosaññāvimokkhā**. Puna ca sabbāpi cittavasena duvidhā honti sacittakā acittakā cāti. Tattha yā sacittakasamuṭṭhānavasen’eva samuṭṭhāti ayam **sacittakā**. Yā acittakena vā sacittakamissakena vā samuṭṭhāti ayam **acittakā**.

**Vajjakammappabhedanti** ettha sabbāpattiyo vajjavasena duvidhā honti lokavajjā paṇṇattivajjā cāti. Tattha yassā sacittakapakkhe cittam akusalameva hoti, ayam **lokavajjā**, sesā **paṇṇattivajjā**. Sabbā ca kāyakammavacīkammata dubhayavasena tividhā honti. Tattha kāyadvāre āpajjitabbā **kāyakammanti** vuccati, vacīdvāre āpajjitabbā **vacīkammanti** vuccati, ubhayattha āpajjitabbā **kāyakammam** **vacīkammañcāti**, manodvāre āpatti nāma n’atthi. Iti iminā vajjakammappabheden’āpi sabbattha vinicchayo veditabbo.

**Tikadvayavidhīnti** kusalattikavedanāttikavidhim. Āpattim āpajjamāno hi akusalacitto vā āpajjati kusalābyākatacitto vā, tathā

1. Vi 2. 49 piṭṭhe.

2. Vi 1. 294 piṭṭhe.

3. Vi 1. 310 piṭṭhe.

4. Vi 1. 345 piṭṭhe.

5. Vi 1. 223 piṭṭhe.

dukkhavedanāsamaṅgī vā itaravedanādvayasamaṅgī vā. Evam̄ santepi sabbasikkhāpadesu akusalacittavasena ekam̄ cittam̄, kusalābyākatacittavasena dve cittāni, sabbesam̄ vasena tīṇi cittāni. Dukkhavedanāvasena ekā vedanā, sukha-upekkhāvasena dve, sabbāsam̄ vasena tisso vedanāti. Ayameva pabhedo labbhati, na añño.

**Lakkhaṇam̄ sattarasadhā, ṭhitam̄ sādhāraṇam̄ idam̄, nītvāti idam̄** nidānādivedanāttikapariyosānam̄ sattarasappakāram̄ lakkhaṇam̄ jānitvā yojeyya medhāvī. **Tattha tattha yathārahanti paṇḍito bhikkhu tasmim̄** tasmim̄ sikkhāpade idam̄ lakkhaṇam̄ yathānurūpam̄ yojeyyāti attho. Tam̄ pana ayojitaṁ dubbijānam̄ hoti, tasmā nam̄ sabbasikkhāpadānam̄ asādhāraṇavinicchayapariyosāne imam̄ mātikam̄ anuddharitvā'va yojetvā dassayissāma.

Idha pan’assa ayam̄ yojanā—idam̄ Vesāliyam̄ Sudinnattheram̄ ārabbha methunavītikkamavatthusmiṁ paññattam̄. “Methunam̄ dhammam̄ paṭiseveyyā”ti ayamettha paññatti, “sikkham̄ apaccakkhāyā”ti ca “antamaso tiracchānagatāyapī”ti ca dve anupaññattiyo. **Anupaññatti** ca nām’esā āpattikarā ca hoti aññavādakasikkhāpadādīsu<sup>1</sup> viya, anāpattikarā ca aññatra supinantāti-ādīsu<sup>2</sup> viya, āpatti-upatthambhakarā ca adinnādānādīsu<sup>3</sup> viya. Idha pana upatthambhakarāti veditabbā. Ito param̄ pana yattha anupaññatti atthi, tattha “ayam̄ anupaññatti”ti ettakameva dassayissāma. Ḍhapetvā pana anupaññattim̄ avasesā paññattiyevāti sabbattha vinicchayo veditabbo. Bhikkhum̄ ārabbha uppannavatthusmiṁ yeva “yā pana bhikkhunī chandaso methunam̄ dhammam̄ paṭiseveyyā”ti evam̄ bhikkhunīnampi paññattito sādhāraṇapaññatti. Āñattiyā anāpajjanato anāñattikam̄. Bhikkhum̄ pana āñāpento akappiyasamādānāpattito na muccati, methunarāgena kāyasam̄sagge dukkaṭam̄, jīvamānakasarīrassa vuttappakāre magge sacepi tacādīni anavasesetvā sabbaso chinne nimittasañṭhānamattarā paññāyati, tattha antamaso aṅgajāte uṭṭhitam̄ anaṭṭhakāyappasādaṁ pīlakam̄ vā cammakhilam̄ vā pavesentass’āpi sevanacitte sati pārājikam̄, naṭṭhakāyappasādaṁ sukkhapīlakam̄ vā matacammaṁ vā lomaṁ vā pavesentassa dukkaṭam̄, sace nimittasañṭhānamattampi anavasesetvā sabbaso maggo uppāṭito, tattha upakkamato

1. Vi 2. 54-55 piṭṭhesu.

2. Vi 1. 153 piṭṭhe.

3. Vi 1. 56 piṭṭhe.

vaṇasaṅkhepavasena thullaccayam, tathā manussānam  
akkhināsākaṇṇacchiddavatthikosesu satthakena katavane vā, hatthi-  
assādīnañca tiracchānānam vatthikosanāsāpuṭesu thullaccayam.  
Tiracchānānam pana akkhikaṇṇanāsāvañesu ahimacchādīnam  
pavesanappamāṇavirahite aṇunimitte<sup>1</sup> sabbesañca upakacchakādīsu  
sesasarīresu dukkaṭam. Matasarīre nimitte upaḍḍhakkhāyitato paṭṭhāya yāva  
na kuthitam hoti, tāva thullaccayam. Kuthite dukkaṭam, tathā vaṭṭakate  
mukhe acchupantam aṅgajātarī pavesentassa dukkaṭam. Ottihato bahi  
nikkhantajivhāya vā dantesu vā thullaccayam. Nimittato bahi  
patitamarīsapesiyam dukkaṭanti ayamettha āpattibhedo.

Ajānantassa asādiyatassa ummattakassa khittacittassa vedanāṭṭassa  
ādikammikānañca anāpatti. Ettha pana yo niddam okkantattā<sup>2</sup> parena  
katampi upakkamam na jānāti, so ajānanto. Yo jānitvāpi na sādiyati, so  
asādiyanto. Yo pittavasena atekiccham ummādam patto, so ummattako.  
Yakkhehi katacittavikkhepo khittacitto. Dvinnampi ca etesam  
aggisuvaṇṇagūthacandanādīsu samappavattibhāvena ajānanabhāvo'va  
pamāṇam. Yo adhimattavedanāya āturattā kiñci na jānāti, so vedanāṭṭo. Yo  
tasmiñc tamusmiñc vatthusmiñc ādibhūto, so ādikammiko. Ayam pana anāpatti<sup>3</sup>.  
Catūsu vipattīsu sīlapipatti. Tassā dve aṅgāni sevanacittañca maggena  
maggapaṭipādanañcāti. Samuṭṭhānādito idam sikkhāpadam  
paṭhamapārājikasamuṭṭhānam, kiriyam, saññāvimokkham, sacittakam,  
lokavajjam, kāyakammam, akusalacittam, dvivedananti, imāni ca  
samuṭṭhānādīni nāma āpattiyā honti, na sikkhāpadassa. Vohārasukhattham  
pana sabbaṭṭhakathāsu sikkhāpadasīsenā desanā āgatā, tasmā aññesupi  
evarūpesu ṭhānesu byañjane ādaram akatvā adhippetameva gahetabbam.

Attham hi nātho sarañam avoca,  
Na byañjanam lokahito Mahesī.  
Tasmā akatvā ratimakkharesu,  
Atthe niveseyya matim mutimāti.

Paṭhamapārājikavaṇṇanā niṭṭhitā.

1. Anunimitte (Mahāṭīkā)

2. Okkamantattā (Syā, Kam)

3. Ayañc anāpatti (Syā, Kam), ayañc panāpatti (Sī)

## 2. Dutiyapārājikavaṇṇanā

Dutiye **gāmā** vā **araññā** vāti ettha sabbopi ekakuṭikādibhedo parikkhitto vā aparikkhitto vā samanusso vā amanusso vā antamaso atirekacātumāsanivittho yo koci satthopi “gāmo”ti veditabbo. Ṭhapetvā gāmañca gāmūpacārañca avasesam̄ araññam̄ nāma. Tattha asammohattham̄ gharam̄ gharūpacāro gāmo gāmūpacāroti ayam̄ vibhāgo veditabbo. Nibbakosassa hi udakapatanaṭṭhānabbhantaram̄ **gharam̄** nāma. Yam pana dvāre ṭhito mātugāmo bhājanadhovana-udakam̄ chadḍeti, tassa patanaṭṭhānañca mātugāmen’eva antogehe ṭhitena pakatiyā bahi khittassa suppassa vā saimūñjaniyā vā patanaṭṭhānañca gharassa purato dvīsu koñesu<sup>1</sup> sambandhitvā majjhe rukkhasūcidvāram̄ Ṭhapetvā gorūpānam̄ pavesanānivāraṇattham̄ kataparikkhepo ca, ayam̄ sabbopi **gharūpacāro** nāma. Yam pana sabbantimam̄ gharam̄ hoti, tassa gharassa tādise gharūpacāre ṭhitassa thāmamajjhimassa purisassa yathā taruṇamanussā attano balam̄ dassento bāhum̄ pasāretvā ledḍum̄ khipanti, evam̄ khittassa ledḍussa patanaṭṭhānabbhantaram̄ **gāmo** nāma. Tato aññassa ledḍupātassa abbhantaram̄ **gāmūpacāro** nāma. Patitassa pana ledḍuno pavattitvā gataṭṭhānam̄ na gahetabbam̄. Parikkhittassa pana gāmassa parikkhepo yeva gāmassa paricchedo, tassa sacce dve indakhilā honti abbhantarime indakhile ṭhitassa ledḍupātabbhantaram̄ **gāmūpacāro** nāma. Padabhājane pi<sup>2</sup> hi iminā’va nayena attho veditabbo. Tattha yv’āyam̄ aparikkhittassa gāmassa upacāro dassito, tassa vasena vikāle gāmappavesanādīsu āpatti paricchinditabbā. Iti imam̄ Ṭhapetvā gāmañca gāmūpacārañca avasesam̄ imasmim̄ sikkhāpade araññam̄ nāma. Desanāmattameva c’etam̄ “gāmā vā araññā vā”ti. Ye pana imesam̄ paricchedadassanattham̄ gharaghārūpacāragāmūpacārā vuttā, tatopi pārājikavatthum̄ avaharantassa pārājikam̄ hoti yeva.

**Adinnanti** aññassa manussajātikassa santakam̄. **Theyyasaṅkhātanti** ettha **thenoti** coro, thenassa bhāvo theyyam̄, avaharaṇacittass’etam̄ nāmam̄. Saṅkhā saṅkhātanti atthato ekam̄, koṭhāsass’etam̄ nāmam̄

1. Kaṇñesu (Sī), Vi-Ṭṭha 1. 259 piṭṭhe pana passitabbam̄.

2. Vi 1. 56 piṭṭhe.

“saññānidānā hi papañcasāṅkhā”ti<sup>1</sup> ādīsu viya. Theyyañca tam saṅkhātañcāti theyyasaṅkhātam, theyyacittasaṅkhāto eko cittakotthāsoti attho. Karaṇatthe c’etam paccattavacanam, tasmā theyyasaṅkhātenāti atthato daṭṭhabbam. Yo ca theyyasāṅkhātena ādiyati, so yasmā theyyacitto hoti, tasmā byañjanam anādiyitvā atthameva dassetum “theyyacitto avaharaṇacitto”ti<sup>2</sup> evamassa padabhājanam vuttanti veditabbam.

Ādiyeyyāti pañcavīsatiyā avahārānam aññataravasena hareyya. Te pana avahārā pañca pañcakāni samodhānetvā sādhukam sallakkhetabbā. Pañca pañcakāni nāma nānābhāṇḍapañcakam ekabhaṇḍapañcakam sāhatthikapañcakam pubbapayogapañcakam theyyāvahārapañcakanti. Tattha purimāni dve pañcakāni etass’eva padassa padabhājane vuttānam “ādiyeyya hareyya avahareyya iriyāpatham vikopeyya ṭhānā cāveyyā”ti<sup>2</sup> imesam padānam vasena labbhanti. Tattha nānābhāṇḍapañcakam saviññāṇakāviññāṇakavasena daṭṭhabbam, itaram saviññāṇakavasen’eva. Katham? Ādiyeyyāti ārāmam abhiyuñjati, āpatti dukkaṭassa. Sāmikassa vimatim uppādeti, āpatti thullaccayassa. Sāmiko “na mayham bhavissatī”ti dhuram nikhipati, āpatti pārājikassa. **Hareyyāti** aññassa bhaṇḍam haranto sīse bhāram theyyacitto āmasati, dukkaṭam. Phandāpeti, thullaccayam. Khandham oropeti, pārājikam. **Avahareyyāti** upanikkhittam bhaṇḍam “dehi me bhaṇḍan”ti vuccamāno “n’āham gaṇhāmī”ti bhaṇati, dukkaṭam. Sāmikassa vimatim uppādeti, thullaccayam. Sāmiko “na mayham bhavissatī”ti dhuram nikhipati, pārājikam. **Iriyāpatham vikopeyyāti** “saha bhaṇḍahārakam nessāmī”ti pathamaṁ pādaṁ atikkāmeti, thullaccayam. Dutiyam pādaṁ atikkāmeti, pārājikam. **Ṭhānā cāveyyāti** thalaṭṭham bhaṇḍam theyyacitto āmasati, dukkaṭam. Phandāpeti, thullaccayam. Ṭhānā cāveti, pārājikam. Evam tāva **nānābhāṇḍapañcakam** veditabbam. Sasāmikassa pana dāsassa vā tiracchānagatassa vā yathāvuttena abhiyogādinā nayena ādiyanaharaṇa-avaharaṇa-iriyāpathavikopanaḥānācāvanavasena **ekabhaṇḍapañcakam** veditabbam.

Katamam **sāhatthikapañcakam?** Sāhatthiko āṇattiko nissaggiyo atthasādhako dhuranikkhepoti. Tattha **sāhatthiko** nāma parassa

1. Khu 1. 414; Khu 7. 217 piṭṭhesu.

2. Vi 1. 57 piṭṭhe.

bhaṇḍam sahatthā avaharati. **Āṇattiko** nāma “asukassa bhaṇḍam avaharā”ti aññam āṇāpeti. **Nissaggiyo** nāma suṅkaghātakaparikappitokāsānam anto ṛthatvā bahi pāhanaṁ. **Atthasādhako** nāma “asukassa bhaṇḍam yadā sakkoti, tadā tam avaharā”ti aññam āṇāpeti. Tattha sace paro anantarāyiko hutvā tam avaharati, āṇāpakassa āṇattikkhaṇe yeva pārājikaṁ. Parassa vā pana telakumbhiyā pādagghanakatelaṁ avassam pivanakāni upāhanādīni pakhipati, hatthato muttamatte yeva pārājikam. **Dhuranikkhepo** pana ārāmābhīyoga-upanikkhittabhaṇḍavasena veditabbo.

Tāvakālikabhaṇḍadeyyāni adentass’āpi es’evanayoti idam sāhatthikapañcakam.

Katamam **pubbapayogapañcakam**? Pubbapayogo sahapayogo sañvidhāvahāro saṅketakammaṁ nimittakammanti. Tattha āṇattivasena **pubbapayogo** veditabbo. Thānā cāvanavasena, khilādīni saṅkāmetvā khettādiggahaṇavasena ca **sahapayogo** veditabbo. **Sañvidhāvahāro** nāma “asukam nāma bhaṇḍam avaharissāmā”ti sañvidahitvā sañmantayitvā avaharaṇam. Evam sañvidahitvā gatesu hi ekenāpi tasmim bhaṇḍe thānā cāvite sabbesam avahārā honti. **Saṅketakammam** nāma sañjānanakammam. Sace hi purebhāttādīsu yamkiñci kālam paricchinditvā “asukasmim kāle itthannāmam bhaṇḍam avaharā”ti vutto saṅketato apacchā apure tam avaharati, saṅketakārakassa saṅketakaraṇakkhaṇe yeva avahāro.

**Nimittakammam** nāma saññuppādanathām akkhinikkhaṇādinimittakaraṇam. Sace hi evam katanimittato apacchā apure “yaṁ avaharā”ti vutto, tam avaharati, nimittakārakassa nimittakaraṇakkhaṇe yeva avahāroti idam pubbapayogapañcakam.

Katamam **theyyāvahārapañcakam**? Theyyāvahāro pasayhāvahāro parikappāvahāro paṭicchannāvahāro kusāvahāroti. Tattha yo sandhicchedādīni katvā adissamāno avaharati, kūṭamānakūṭakahāpaṇādīhi vā vañcetvā gaṇhāti, tass’evam gaṇhato avahāro **theyyāvahāroti** veditabbo. Yo pana pasayha balakkārena paresam santakam gaṇhāti gāmaghātakādayo viya, attano pattabalito vā vuttanayen’eva adhikam gaṇhāti rājabhaṭādayo viya, tass’evam gaṇhato

avahāro **pasayhāvahāroti** veditabbo. Parikappetvā gahaṇam pana **parikappāvahāro** nāma. So bhaṇḍokāsavasena duvidho. Tatr'āyam **bhaṇḍaparikappo**—sāṭakatthiko antogabbham pavisitvā “sace sāṭako bhavissati, gaṇhissāmi, sace suttam, na gaṇhissāmī”ti parikappetvā andhakāre pasibbakam gaṇhāti, tatra ce sāṭako hoti, uddhāre yeva pārājikam. Suttam ce hoti, rakkhati. Bahi nīharitvā muñcivtā “suttan”ti ñatvā puna āharitvā ṭhabeti, rakkhati yeva. “Suttan”ti ñatvāpi “yam laddham, tam gahetabban”ti gacchati, padavārena kāretabbo. Bhūmiyam ṭhabetvā<sup>1</sup> gaṇhāti, uddhāre pārājikam. “Coro coro”ti anubandho chaṭṭetvā palāyati, rakkhati. Sāmikā disvā gaṇhanti, rakkhati yeva. Añño<sup>2</sup> ce koci gaṇhāti, bhaṇḍadeyyam. Sāmikesu nivattesu sayam disvā paṁsukūlasaññāya “pagev’etam mayā gahitam, mama dāni santakan”ti gaṇhantass’āpi bhaṇḍadeyyameva<sup>3</sup>. Tattha yv’āyam “sace sāṭako bhavissati, gaṇhissāmī”ti-ādinā nayena pavatto parikappo, ayam bhaṇḍaparikappo nāma.

**Okāsaparikappo** pana evam veditabbo—ekacco pana parapariveñādīni paviṭṭho kiñci lobhaneyyam bhaṇḍam disvā gabbhadvārapamukhahetṭhāpāsādadadvārakoṭṭhakarukkhamūlādivasena paricchedam katvā “sace mam etthantare passissanti, daṭṭhukāmatāya gahetvā vicaranto viya dassāmi, no ce passissanti, harissāmī”ti parikappeti, tassa tam<sup>4</sup> ādāya parikappitaparicchedam atikkantamatte avahāro hoti. Iti yv’āyam vuttanayen’eva pavatto parikappo, ayam okāsaparikappo nāma. Evamimesam dvinnampi parikappānam vasena parikappetvā gaṇhato avahāro “parikappāvahāro”ti veditabbo.

Paṭicchādetvā pana avaharaṇam **paṭicchānnāvahāro** nāma. So evam veditabbo—yo bhikkhu uyyānādīsu paresam omuñcivtā ṭhapaṭṭāngulimuddikādīni disvā “pacchā gaṇhissāmī”ti paṁsunā vā paññena vā paṭicchādeti, tassa ettāvatā uddhāro n’atthīti na tāva avahāro

1. Thapetvā puna (Syā, Kam)

2. Yo koci (Sī)

3. Bhaṇḍadeyyamevāti (Ka)

4. Tam bhaṇḍam (Syā, Kam)

hoti. Yadā pana sāmikā vicinantā apassitvā “sve jānissāmā”ti sālayā’va gatā honti, athassa tam uddharato uddhāre avahāro. Paṭicchannakāle yeva “etam mama santakan”ti sakasaññāya vā “gatā dāni te, chaḍḍitabhaṇḍam idan”ti paṁsukūlasaññāya vā gaṇhantassa pana bhaṇḍadeyyam. Tesu dutiyatatiyadivase āgantvā vicinitvā adisvā dhuranikkhepam katvā gatesupi gahitam bhaṇḍadeyyameva. Pacchā ñatvā codiyamānassa adadato sāmikānam dhuranikkhepe avahāro hoti. Kasmā? Yasmā tassa payogena tehi na diṭṭham. Yo pana tathārūpam bhaṇḍam yathāṭhāne ṛhitam yeva appaṭicchādetvā theyyacitto pādena akkamitvā kaddame vā vālukāya vā paveseti, tassa pavesitamatte yeva avahāro.

Kusam saṅkāmetvā pana avaharapam **kusāvahāro** nāma. Sopi evam veditabbo—yo bhikkhu vilīvamayam vā tālapanṇamayam vā katasaññānam yam kiñci kusam pātetevā cīvare bhājīyamāne attano koṭṭhāsassa samīpe ṛhitam appagghataram vā mahagghataram vā samasamaṁ vā agghena parassa koṭṭhāsam haritukāmo attano koṭṭhāse patitam kusam parassa koṭṭhāse pāteturāmatāya uddharati, rakkhati tāva. Parassa koṭṭhāse pātite rakkhat’eva. Yadā pana tasmim patite parassa koṭṭhāsato parassa kusam<sup>1</sup> uddharati, uddhatamatte avahāro. Sace paṭhamataram parakoṭṭhāsato parassa kusam uddharati, attano koṭṭhāse pāteturāmatāya uddhāre rakkhati, pātanepi rakkhati, attano koṭṭhāsato pana attano kusam uddharato uddhāre yeva rakkhati, tam uddharitvā parakoṭṭhāse pātentassa hatthato muttamatte avahāro. Ayam kusāvahāro. Iti yam vuttam “ādiyeyyāti pañcavīsatiyā avahārānam aññataravasena hareyyā”ti, tassattho pakāsito hoti.

**Yathārūpeti** yādise. **Adinnādāneti** adinnassa parasantakassa gahaṇe. **Rōjānoti** idam Bimbisāram yeva sandhāya vuttam, aññe pana tathā kareyyum vā na kareyyum vāti te nappamāṇam<sup>2</sup>. **Haneyyūm** vāti hatthādīhi vā potheyyūm, satthena vā chindeyyūm. **Bandheyyūm** vāti

1. Īsakam (Ka)

2. Nappamāṇā (Si)

rajjubandhanādīhi bandheyyum vā. **Pabbājeyyumi** vāti nīhareyyum vā. Coro’si bālo’si mūlho’si theno’sīti imehi vacanehi paribhāseyyum. Kīdisassa pana adinnassa ādāne rājāno evam karonti? Pādassa vā pādārahassa vā. **Tathārūpam bhikkhu adinnam ādiyamānoti** tādisam bhikkhu porāṇakassa kahāpaṇassa pādam vā pādāraham vā bhaṇḍam adinnam bhūmi-ādīsu yattha katthaci ṭhitam yamkiñci sajīvanijjivam vuttappakārānam avahārānam yena kenaci avahārena avaharanto pārājiko hoti, ko pana vādo tato atirekatarasminti.

Rājagahe Dhaniyattheram ārabbha rañño dārūni adinnam ādiyanavatthusmīm paññattam, “gāmā vā araññā vā”ti ayamettha anupaññatti, sādhāraṇapaññatti, sāṇattikam, haraṇatthāya gamanādike pubbappayoge dukkaṭam, āmasane dukkaṭam, pārājikavatthuno phandāpane thullaccayam. Ādiyantassa māsake vā ūnamāsake vā dukkaṭam, atirekamāsake vā ūnapañcamāsake vā thullaccayam, pañcamāsake vā atirekapañcamāsake vā pārājikam. Sabbattha<sup>1</sup> gahaṇakālavasena ca gahaṇadesavasena ca paribhogabhājanaparivattanādīhi ca parihīn’āparihīnavasena vinicchayo veditabbo. Sakasaññissa, vissāsaggāhe, tāvakālike, petapariggahe, tiracchānagatapariggahe, paṁsukūlasaññissa, ummattakādīnañca anāpatti. Sīlavipatti. Aññassa manussajātikassa vasena parapariggahitam, parapariggahitasaññitā, garuparikkhāro, theyyacittam, vuttappakārānam avahārānam vasena avaharaṇañcāti imān’ettha pañca aṅgāni. Adinnādānasamuṭṭhānam, kiriyaṁ, saññāvimokkham, sacittakam, lokavajjam, kāyakammaṁ, vacīkammaṁ, akusalacittam, tivedananti.

Dutiyapārājikavaṇṇanā niṭṭhitā.

### 3. Tatiyapārājikavaṇṇanā

Tatiye sañciccāti samcetetvā saddhim cetetvā. “Pāṇo”tisaññāya saddhim yeva “vadhāmi nan”ti vad hakacetanāya cetetvā pakappetvā<sup>2</sup>. Manussaviggahanti kalalato paṭṭhāya jīvamānakamanussajātikasarīram.

---

1. Sabbatthāpi (Syā, Kam)

2. Parikappetvā (Sī)

Jīvitā voropeyyāti kalalakālepi tāpanamaddanehi vā bhesajjasampadānena vā tato vā uddhampi tadanurūpena upakkamena jīvitā viyojeyya. Imassa pan’athassa āvibhāvatthām pāṇo veditabbo, pāṇātipāto veditabbo, pāṇātipātī veditabbo, pāṇātipātassā payogo veditabbo. Tattha pāṇoti vohārato satto, paramathato jīvitindriyam. **Pāṇātipātoti** yaya cetanāya jīvitindriyupacchedakapayogam samuṭṭhāpeti, sā cetanā. **Pāṇātipātī** vuttacetanāya samaṅgipuggalo. **Pāṇātipātassā payogoti** pāṇātipātassā cha payogā sāhatthiko nissaggiyo āṇattiko thāvaro vijjāmayo iddhimayoti. Tattha **sāhatthikoti** sayam mārentassa kāyena vā kāyappaṭibaddhena vā paharaṇam. **Nissaggyoti** dūre ḥitam māretukāmassa kāyena vā kāyappaṭibaddhena vā ususattiyantapāsāṇādīnam nissajjanam. Tattha ekeko uddissānuddissabhedato<sup>1</sup> duvidho. Tattha uddissake<sup>2</sup> yam uddissa paharati, tass’eva maraṇena kammabaddho. “Yo koci maratū”ti evam anuddissake pahārapaccayā yassa kassaci maraṇena kammabaddho. Ubhayatthāpi ca paharitamatte vā maratu, pacchā vā ten’eva rogena<sup>3</sup>, paharitakkhaṇe yeva<sup>4</sup> kammabaddho. **Āṇattikoti** “asukam nāma mārehī”ti aññam āṇāpentassa āṇāpanam.

Tattha—

Vatthu kālo ca okāso, āvudham iriyāpatho.  
Kriyāvisesoti ime, cha āṇattiniyāmakā.

Tattha **vatthūti** puggalo. Yam hi puggalam “mārehī”ti āṇatto sace tameva māreti, āṇāpakassa āpatti. Atha aññam māreti, tam maññamāno vā aññam māreti, āṇāpako muccati. “Imam mārehī”ti āṇatte pana āṇāpakassa dukkaṭam. **Kāloti** purebhattādikālo. Sace hi “purebhattam mārehī”ti āṇatto purebhattameva māreti, āṇāpakassa āpatti. Atha yam purebhattam niyāmitam, tato pacchā vā pure vā māreti, āṇāpako muccati. Iminā nayena sabbattha vinicchayo veditabbo. **Thāvaroti** asaṁhārimena upakaraṇena

1. Uddisakānuddisakabhedato (?)

2. Uddesike (Vi-Tṭha 2. 43 piṭṭhe.)

3. Payogena (Ka)

4. Paharitamatte yeva (Sī, Ka)

māretukāmassa opātakkhaṇanām apassenasamvidhānam asi-ādīnam upanikkhipanām taṭkādīsu visasampayojanām rūpūpahāroti evamādi. Vuttanayen’eva c’etth’āpi uddiss’ānuddissabhedo veditabbo. **Vijjāmayoti** maraṇatthām vijjāparijappanām. **Iddhimayoti** kammavipākajāya iddhiyā payojanām.

**Satthahārakam** v’āssa pariyeseyyāti ettha haratīti hārakam, kim harati? Jīvitam. Atha vā haritabbanti hārakam, upanikkhipitabbanti attho. Satthañca tam hārakañcāti satthahārakam. **Assāti** manussaviggahassa. **Pariyeseyyāti** yathā labhati, tathā kareyya, upanikkhipeyyāti attho. Etena thāvarapayogam dasseti. Itarathā hi pariyitthimatte yeva<sup>1</sup> pārājiko bhavyeyya, na c’etam yuttam. Padabhājane<sup>2</sup> pan’assa byañjanām anādiyitvā yam ettha thāvarapayogasaṅghitam satthām, tadeva dassetum “asim vā”ti-ādi vuttam. **Maraṇavaññām** vā samvañneyyāti vācāya vā tālapaññādīsu likhitvā vā “yo evam marati, so dhanam vā labhati”ti-ādinā nayena maraṇe guṇam pakāseyya. Etena yathā adinnādāne “ādiyeyyā”ti vuttattā pariyāyakathāya muccati, na yidha, evam, “samvañneyyā”ti vacanato pana idha pariyāyakathāyapi na muccatīti ayamattho veditabbo. **Maraṇāya** vā samādapeyyāti “satthām vā āharā”ti-ādinā<sup>2</sup> nayena maraṇatthāya upāyam gāhāpeyya. Etena āṇattikappayogam dasseti. **Ambho** purisāti ālapanametam. **Kim tuyh’imināti-ādi** samvañnanākāranidassanām. **Iti cittamanoti** iti citto iti mano. “Matam te jīvitā seyyo”ti ettha vuttamarañacitto maraṇamanoti attho. Ettha ca “mano”ti idam cittassa atthadīpanatthām vuttam. Ten’ev’assa padabhājane “yam cittam tam mano”ti<sup>3</sup> āha. **Cittasaṅkappoti** vicittasaṅkappo. Etth’āpi iti-saddo āharitabbo. “Saṅkappo”ti ca samvidahanamattass’etam nāmam, na vitakkass’eva. Tañca samvidahanam imasmim atthe saññāacetanādhippāyehi saṅgahām gacchatī, tasmā “iti cittasaṅkappo”ti “matam te jīvitā seyyo”ti ettha vuttamarañasāññī maraṇacetano maraṇādhippāyoti evamettha attho daṭṭhabbo. Padabhājane pi<sup>3</sup> hi ayameva nayo

1. Pariyitthamatten’eva (Vi-Tīha 2. 41 piṭṭhe.)

2. Vi 1. 92 piṭṭhe.

3. Vi 1. 93 piṭṭhe.

dassito. Etena maraṇacittādīhi vinā “ekāham jīvitam seyyo, vīriyamārabhato daļhan”ti-ādinā<sup>1</sup> nayena dhammadām bhāsantassa samvaṇṇanā nāma na hotīti dasseti. **Anekapariyāyenāti** nānappakārena uccāvacena kāraṇena. Puna **maraṇavaṇṇanti-ādi** nigamanavacanam. **Pārājiko hotīti** taṅkhaṇūpappannampi<sup>2</sup> manussaviggahām vuttanayena jīvitā voropento pārājiko hotīti.

Vesāliyam sambahule bhikkhū ārabba aññamaññam jīvitā voropanavatthusmim paññattam, “maraṇavaṇṇam vā”ti ayamettha anupaññatti, sādhāraṇapaññatti, sāṇattikam, māraṇatthāya opātakkhaṇanādīsu dukkaṭam, anodissa khate opāte yassa kassaci patanepi dukkaṭam, yakkhapetatiracchānagatamanussaviggahānam tiracchānagatassa ca dukkhuppattiyaṁ dukkaṭameva, manussajātikassa dukkhuppattiyaṁ thullaccayaṁ, tathā yakkhādīnam maraṇe, tiracchānagatamarāṇe pana pācittiyaṁ, manussamaraṇe pārājikanti. Iminā nayena sabbattha payogabhedavasena āpattibhedo veditabbo. Asañcicca mārentassa ajānantassa namaraṇādhippāyassa ummattakādīnañca anāpatti. Tattha asañciccāti “iminā upakkamena imam māremi”ti acetetvā katena upakkamena musalussāpanavatthusmim<sup>3</sup> viya pare matepi anāpatti.

**Ajānantassāti** “iminā ayaṁ marissatī”ti ajānantassa upakkamena visagatapiṇḍapātavatthusmim<sup>4</sup> viya pare matepi anāpatti.

**Namaraṇādhippāyassāti** maraṇam anicchantassa upakkamena bhesajjavatthusmim<sup>5</sup> viya pare matepi anāpatti. Evam asañciccāti-ādīsu vinicchayo veditabbo. Sīlavipatti, manussajātikapāṇo, pāṇasaññitā, vadhabacittam, upakkamo, tena maraṇanti imān’ettha pañca aṅgāni. Adinnādānasamuṭṭhānam, kiriyam, saññāvimokkham, sacittakam, lokavajjam, kāyakammaṁ, vacīkammaṁ, akusalacittam, dukkhavedananti.

Tatiyapārājikavaṇṇanā niṭṭhitā.

1. Khu 1. 29 piṭhe Dhammapade.

2. Taṅkhaṇūpappannampi (Sī, Syā, Kam)

3. Vi 1. 100 piṭhe.

4. Vi 1. 102 piṭhe.

5. Vi 1. 108 piṭhe.

#### 4. Catutthapārājikavaṇṇanā

Catutthe **anabhijānanti** sakasantāne anuppannattā attani atthibhāvam ajānanto. **Uttarimanussadhammantī** uttarimanussānam jhāyīnañc'eva ariyānañca dhammam. **Attupanāyikanti** attani tam upaneti “mayi atthī”ti samudācaranto, attānam vā tattha upaneti “aham ettha sandissāmī”ti samudācarantoti attupanāyiko, tam attupanāyikam. Evam katvā samudācareyyāti sambandho. **Alamariyañāṇadassananti** ettha mahaggatalokuttarapaññā jānanaṭṭhena ñāṇam, cakkhunā ca diṭṭhamiva dhammam paccakkhakaraṇato dassanatthena dassananti ñāṇadassanam, ariyam visuddham uttamam ñāṇadassananti aryañāṇadassanam, alam pariyattam kilesaviddhamsanasamattham aryañāṇadassanamettha jhānādibhede uttarimanussadhamme, alam vā aryañāṇadassanamassāti alamariyañāṇadassano, tam alamariyañāṇadassanam. **Samudācareyyāti** vuttappakārametam uttarimanussadhammam attupanāyikam katvā kāyena vā vācāya vā tadubhayena vā viññussa manussajātikassa āroceyya. **Iti jānāmi iti passāmīti** samudācarāṇākāradassanametam. Attupanāyikañhi katvā vinā aññāpadesena samudācaranto evam samudācarati, tasmā yv’āyam padabhājane<sup>1</sup> “paṭhamam jhānam samāpajjim, samāpajjāmi, samāpanno”ti-ādibhedo vutto, so sabbo idh’eva saṅgaham gacchatīti veditabbo. “Iti jānāmi iti passāmī”ti hi vadanto na yidam vacanamattameva vadati, atha kho “iminā ca iminā ca kāraṇena ayam dhammo mayi atthī”ti dīpeti. “Samāpajjin”ti-ādīni ca vadantena hi samāpajjanādīhi kāraṇehi atthitā dīpitā hoti, tena vuttam “yv’āyam padabhājane<sup>1</sup> paṭhamam jhānam samāpajjim, samāpajjāmi, samāpannoti-ādibhedo vutto, so sabbo idh’eva saṅgaham gacchatīti. **Tato aparena samayenāti** tato ārocitakālato aññatarasmiṁ kāle. Iti āpattipatijānanakāladassanametam, ayam pana ārocitakkhaṇe’va āpattim āpajjati. Āpattim pana āpanno yasmā parena codito vā acodito vā paṭijānāti, tasmā “samanuggāhīyamāno vā asamanuggāhīyamāno vā”ti vuttam. **Āpannoti** ārocitakkhaṇe yeva pārājikam āpanno.

---

1. Vi 1. 127 piṭṭhādīsu.

**Visuddhāpekkhoti** attano gihibhāvādikam visuddhim apekkhamāno icchamāno. Ayañhi yasmā pārājikam āpanno, tasmā bhikkhubhāve ṭhatvā abhabbo jhānādīni adhigantum, icc’assa bhikkhubhāvo visuddhi nāma na hoti. Yasmā pana gihi vā upāsakārāmikasāmañerānam vā aññataro hutvā dānādīhi saggamaggam vā jhānādīhi mokkhamaggam vā ārādhetum bhabbo hoti, tasm’āssa gihi-ādibhāvo visuddhi nāma hoti. Tena vuttam “gihibhāvādikam visuddhim apekkhamāno”ti. **Evarī vadeyyāti** evam bhaneyya, Katham? “Ajānamevam āvuso”ti-ādim. Tattha **ajānanti** ajānanto. **Apassanti** apassanto. **Tucchaṁ musā vilapinti** aham vacanathavirahato<sup>1</sup> tuccham, vañcanādhippāyato musā vilapiṁ abhañinti vuttam hoti. **Aññatra adhimānāti** yv’āyam tilakkhaṇam āropetvā saṅkhāre sammasantassa āraddhavipassakassa apatte pattasaññitāsaṅkhāto adhimāno uppajjati, tam adhimānam ṭhapetvā kevalam pāpicchatāya yo samudācareyya, ayampi pārājiko hotīti attho.

Vesāliyam Vaggumudātīriye bhikkhū ārabba tesam uttarimanussadhammārocanavatthusmim paññattam, “aññatra adhimānā”ti ayamettha anupaññatti, sādhāraṇapaññatti, anāṇattikam, “paṭhamam jhānam samāpajjin”ti-ādinā nayena vuttappakāram asantam jhānādidhammarām ārocentassa sace yassa kassaci āroceti, so manussajātiko hoti, anantarameva “ayam jhānalābhī”ti vā “ariyo”ti vā yena kenaci ākārena tamattham jānāti, pārājikam. Sace na jānāti, thullaccayam. Sace pana “yo te vihāre vasi, so bhikkhu paṭhamam jhānam samāpajjī”ti-ādinā<sup>2</sup> nayena aññāpadesena ārocentassa jānāti, thullaccayam. Sace na jānāti, dukkaṭam. Adhimānenā ārocentassa, anallapanādhippāyassa, ummattakādīnañca anāpatti. Sīlavipatti, uttarimanussadhammassa attani asantatā pāpicchatāya tassa ārocanam anaññāpadeso yassa āroceti, tassa manussajātikatā taṅkhaṇavijānananti imān’ettha pañca aṅgāni. Samuṭṭhānādīni adinnādāne vuttasadisān’evāti.

Catutthapārājikavaṇṇanā niṭṭhitā.

1. Vacanathavirahitato (Sī)

2. Vi 1. 135 piṭhe.

**Udditthā** kho āyasmanto cattāro pārājikā dhammāti idam idha  
 udditthapārājikaparidīpanameva. Samodhānetvā pana sabbān’eva catuvīsatī  
 pārājikāni veditabbāni. Katamāni catuvīsatī? Pāliyām āgatāni tāva  
 bhikkhūnam cattāri bhikkhunīnam asādhāraṇāni cattārīti atṭha, tāni  
 ekādasannam pañḍakādīnam abhabbabhāvasaṅkhātehi ekādasahi pārājikehi  
 saddhim ekūnavīsatī, gihibhāvām patthayamānāya bhikkhuniyā  
 vibbhantabhāvapārājikena saddhim vīsatī, aparānipi lambī, mudupiṭṭhiko,  
 parassa aṅgajātam mukhena gaṇhāti, parassa aṅgajāte abhinisīdatīti imesam  
 catunnam vasena “cattāri anulomapārājikānī”ti vadanti, iti imāni ca cattāri,  
 purimāni ca vīsatīti samodhānetvā sabbān’eva catuvīsatī pārājikāni  
 veditabbāni. **Na labhati bhikkhūhi saddhim samvāsanti** uposathādibhedam  
 samvāsam bhikkhūhi saddhim na labhati. **Yathā pure, tathā pacchāti** yathā  
 pubbe gihikāle anupasampannakāle ca, pacchā pārājikam āpannopi tath’eva  
 asamvāso hoti, n’atthi tassa bhikkhūhi saddhim uposathādibhedo  
 samvāsoti<sup>1</sup>. **Tatth’āyasmante pucchāmīti** tesu catūsu pārājikesu āyasmante  
 “kaccittha parisuddhā”ti pucchāmi. **Kacci’tthāti** kacci ettha, etesu catūsu  
 pārājikesu kacci parisuddhā?ti attho. Atha vā **kacci’ttha parisuddhā?**ti kacci  
 parisuddhā attha, bhavathāti attho. Sesam sabbattha uttānamevāti.

Kaṅkhāvitaranīyā pātimokkhavaṇṇanāya

Pārājikavaṇṇanā niṭṭhitā.

---

1. Samvāsoti attho (Syā, Kam)

## Samghādisesakaṇḍa

Ime kho panāti idāni vattabbānam abhimukhīkaraṇam. Āyasmantoti sannipatitānam piyavacanena ālapanam. Terasāti gaṇanaparicchedo.

**Samghādisesāti** evamnāmakā. **Dhammāti** āpattiyo. **Uddesam** āgacchantīti sarūpena uddisitabbatām āgacchanti, na Nidāne viya “yassa siyā āpattī”ti sādhāraṇavacanamattena.

### 1. Sukkavissaṭṭhisikkhāpadavaṇṇanā

Samvijjati cetanā assāti sañcetanā, sañcetanā’va sañcetanikā, sañcetanā vā assa atthīti sañcetanikā. **Sukkavissaṭṭhīti**<sup>1</sup> sukkassa vissaṭṭhi, rāgūpatthambhādīsu yena kenaci aṅgajāte kammaññataṁ patte ārogyādīsu yam kiñci apadisitvā ajjhatarūpādīsu yattha katthaci mocanassādacetanāya nimitte upakkamantassa āsayadhātunānattato nīlādivasena<sup>2</sup> dasavidhesu sukkesu yassa cassaci sukkassa ṭhānā cāvanāti attho. **Aññatra supinantāti** yā supine sukkavissaṭṭhi hoti, tam ṭhapetvā. **Samghādisesoti** yā aññatra supinantā sañcetanikā sukkavissaṭṭhi, ayam samghādiseso nāma āpattinikāyoti attho. Vacanattho pan’ettha samgho ādimhi c’eva sese ca icchitabbo assāti samghādiseso. Kim vuttaṁ hoti—imam āpattim āpajjivitvā vuṭṭhātukāmassa yam tam āpattivuṭṭhānam, tassa ādimhi c’eva parivāsadānatthāya, ādito sese majjhe mānattadānatthāya mūlāya paṭikassanena vā saha mānattadānatthāya, avasāne abbhānatthāya ca samgho icchitabbo, na h’ettha ekampi kammaṁ vinā samghena sakkā kātum. Iti samgho ādimhi c’eva sese ca icchitabbo assāti samghādisesoti.

Sāvatthiyam Seyyasakam ārabbha upakkamitvā asucimocanavatthusmim paññattam, “aññatra supinantā”ti ayamettha anupaññatti, asādhāraṇapaññatti, anāñattikam. Sace pana parena attano aṅgajāte upakkamam kāretvā mocāpeti, āpajjati yeva. Cetetvā antamaso ākāse kaṭikampanenapi nimitte upakkamantassa sace na muccati, thullaccayam. Sace pana

---

1. Sukkavissaṭṭhīti (Sī, Syā)

2. Vi 1. 155 piṭhe.

antamaso yam ekā khuddakamakkhikā piveyya, tattakampi ṭhānato muccati, dakasotam anotin̄epi samghādiseso. Ṭhānato pana cutam avassameva dakasotam otarati, tasmā “dakasotam otin̄amatte bahi nikkhante vā anikkhante vā samghādiseso”ti Aṭṭhakathāsu<sup>1</sup> vuttam. Anupakkamantassa ca, amocanādhippāyassa ca, supinam passantassa ca, ummattakādīnañca muttepi anāpatti. Sīlavipatti, cetanā, upakkamo, muccananti imān’etha tīṇi aṅgāni. Samuṭṭhānādīni paṭhamapārājike vuttasadisān’evāti.

Sukkavissaṭṭhisikkhāpadavañṇanā niṭṭhitā.

## 2. Kāyasam̄saggasikkhāpadavañṇanā

Dutiye otin̄oti yakkhādīhi viya sattā anto uppajjantena rāgena vā otin̄o, kūpādīni viya sattā asamapekkhitvā rajjanīye ṭhāne rajjanto sayam vā rāgam otin̄o, kāyasam̄saggarāgasamaṅgiss’etam adhivacanam.

**Vipariṇatena cittenātī** parisuddhabhavaṅgasantatisaṅkhātam pakatim vijahitvā aññathā pavattena, virūpam vā pariṇatena yathā parivattamānam virūpam hoti, evam vuttarāgavasena parivattetvā ṭhitena cittenātī attho.

**Mātugāmena saddhīnti** tadahujātāyapi jīvamānakamanussitthiyā saddhim. **Kāyasam̄saggam samāpajjeyyātī** hatthaggahaṇādikāyasampayogam kāyamissībhāvam samāpajjeyya. **Hatthaggāham vāti-ādi** pan’assa vitthārena atthadassanam. Tattha **hattho** nāma kapparato paṭṭhāya yāva agganakhā.

**Venī** nāma vinandhitvā vā avinandhitvā vā suddhakesehi vā nīlādivañṇasuttakusumakahāpañamālāsuvañṇacīrakamuttāvali-ādīsu aññataramissehi vā katakesakalāpass’etam adhivacanam. Veniggahañena c’ettha kesāpi gahitā yeva saddhim lometi. Iti vuttalakkhañassa hatthassa gahañam hatthaggāho, veniyā gahañam veniggāho. Avasesassa sarīrassa parāmasanam aññatarassa vā aññatarassa vā aṅgassa parāmasanam nāma<sup>2</sup>. Yo tam hatthaggāham vā veniggāham vā aññatarassa vā aññatarassa vā aṅgassa parāmasanam samāpajjeyya, tassa samghādiseso nāma āpattinikāyo hotīti.

1. Vi-Tṭha 2. 107 piṭṭhe.

2. Parāmasanam (Sī)

Sāvatthiyam Udāyittheram ārabbha  
 kāyasamsaggasamāpajjanavathusmīm paññattam, asādhāraṇapaññatti,  
 anānattikam, itthiyā itthisaññino antamaso lomena lomam phusantass'āpi,  
 itthiyā vā phusiyamānassa sevanādhippāyena vāyamitvā phassam  
 patijānantassa samghādiseso. Ekena pana hatthena gahetvā dutiyena  
 hatthena divasampi tattha tattha phusantassa ekāva āpatti, aggahetvā  
 phusanto pana sace sīsato yāva pādā, tāva kāyato hattham amocento yeva  
 phusati, ekāva āpatti, pañcannam aṅgulīnam ekato gahaṇepi ekā yeva. Sace  
 pana nānitthīnam pañcaṅguliyo ekato gaṇhāti, pañca āpattiyo. Itthiyā  
 vematikassa, pañdakapurisatiracchānagatasaññissa ca thullaccayam, tathā  
 kāyena kāyappaṭibaddhena, amanussitthipañḍakehi ca saddhim  
 kāyasamsaggepi. Manussitthiyā pana kāyappaṭibaddhena  
 kāyappaṭibaddhādīsu, purisakāyaphusanādīsu ca dukkaṭam. Itthiyā  
 phusiyamānassa sevanādhippāyass'āpi kāyena avāyamitvā phassam  
 patijānantassa, mokkhādhippāyena itthim phusantassa, asañcicca, assatiyā,  
 ajānantassa, asādiyatassa, ummattakādīnañca anāpatti. Sīlavipatti,  
 manussitthī, itthisaññitā, kāyasamsaggarāgo, tena rāgena vāyāmo,  
 hatthaggāhādisamāpajjananti imān'ettha pañca aṅgāni. Samuṭṭhānādīni  
 paṭhamapārājike vuttasadisān'evātīti.

Kāyasamsaggasikkhāpadavaṇṇanā niṭṭhitā.

---

### 3. Dutṭhullavācāsikkhāpadavaṇṇanā

Tatiye otiṇṇatā ca vipariṇatacittatā ca dutṭhullavācassādarāgavasena  
 veditabbā. **Mātugāmanti** dutṭhullāduṭṭhullasamlakkhaṇasamattham  
 manussitthim. **Dutṭhullāhi vācāhīti** vaccamaggapassāvamagge  
 methunadhammappaṭisaṁyuttāhi vācāhi. **Obhāseyyāti** avabhāseyya,  
 vaṇṇ'āvaṇṇayācana-āyācanapucchana-paṭipucchana-ācikkhaṇ'ānusāsana-  
 akkosanavasena nānappakāram asaddhammavacanam vadeyya. **Yathā** tanti  
 ettha **tanti** nipātamattam, yathā yuvā yuvatinti attho. Etena obhāsane  
 nirāsaṅkabhbāvam dasseti.

**Methunupasamhitāhīti** idam duṭṭhullavācāya sikhāpattalakkhaṇadassanam. **Samghādisesoti** dvinnam maggānam vasena vaṇṇāvaṇṇehi vā methunayācanādīhi vā “sikharanī’si, saṁbhinnā’si, ubhatobyajanakā’si”ti imesu tīsu aññatarena akkosavacanena vā mātugāmam obhāsantassa samghādiseso nāma āpattinikāyo hotīti.

Sāvatthiyam Udāyittheram ārabbha duṭṭhullavācāhi obhāsanavathusmim paññattam, asādhāraṇapaññatti, anāṇattikam, itthiyā itthisaññino antamaso hatthamuddāyapi vuttanayena obhāsantassa sace sā tamattham tasmiṁ yeva khaṇe jānāti, samghādiseso. Paṇḍake thullaccayam. Tasmim yeva itthisaññino dukkaṭam. Punappunaṁ obhāsantassa, sambahulā ca itthiyo ekavācāya obhāsantassa vācāgaṇanāya c’eva itthigaṇanāya ca āpattiyo. Sace yam itthim obhāsati, sā na jānāti, thullaccayam. Adhakkakam ubbhajāṇumāṇḍalam ādissa vaṇṇādibhaṇane pi<sup>1</sup> thullaccayam. Paṇḍake dukkaṭam, ubbhakkakam adhojāṇumāṇḍalam kāyappaṭibaddhañca ādissa vaṇṇādibhaṇane sabbattha dukkaṭam. Atthadhamma-anusāsanipurekkhārānam ummattakādīnañca anāpatti. Sīlavipatti, manussitthī itthisaññitā duṭṭhullavācassādarāgo tena rāgena obhāsanam tañkhaṇavijānananti<sup>2</sup> imān’ettha pañca aṅgāni. Adinnādānasamuṭṭhānam, kiriyam, saññāvimokkham, sacittakam, lokavajjam, kāyakammam, vacīkammam, akusalacittam, dvivedananti.

Duṭṭhullavācāsikkhāpadavaṇṇanā niṭṭhitā.

#### 4. Attakāmasikkhāpadavaṇṇanā

Catutthe otiṇṇatā ca vipariṇatacittatā ca attakāmapāricariyāvasena veditabbā. **Mātugāmassa santiketi** duṭṭhullobhāsane vuttappakārāya itthiyā samīpe. **Attakāmapāricariyāyāti** methunadhammasaṅkhātena kāmena pāricariyā kāmapāricariyā, attano atthāya kāmapāricariyā attakāmapāricariyā, attanā vā kāmitā icchitāti attakāmā, sayam methunarāgavasena patthitāti attho, attakāmā ca sā

1. Vaṇṇādibhaṇane (Ka)

2. Tañkhaṇam vijānananti (Sī, Syā, Kam)

pāricariyā cāti attakāmapāricariyā, tassā attakāmapāricariyāya. **Vaṇṇam** bhāseyyāti guṇam ānisamsam pakāseyya. **Etadagganti-**ādi tassā attakāmapāricariyāya vaṇṇabhbāsanākāranidassanam. Tatr'āyam padasambandhavasen'eva saṅkhepattho—yā mādisam pāṇatipātādīhi virahitattā **sīlavantam** methunadhammā virahitattā **brahmacārim** tadubhayen'āpi **kalyāṇadhammadam** etena **dhammena paricareyya** abhirameyya, tassā evam mādisam paricarantiyā yā ayam pāricariyā nāma, etadaggam pāricariyānanti. **Methunupasamhitena saṅghādisesoti** evam attakāmapāricariyāya vaṇṇam bhāsanto ca “arhasi tvam mayham methunadhammadam dātun”ti-ādinā methunappaṭisamyutten'eva vacanena yo bhāseyya, tassa saṅghādiseso.

Sāvatthiyam Udāyittheram ārabbha attakāmapāricariyāya vaṇṇabhbāsanavatthusmim paññattam, asādhāraṇapaññatti, anāṇattikam, itthiyā itthisaññino antamaso hatthamuddāyapi vuttanayen'eva attakāmapāricariyāya vaṇṇam bhāsantassa sace sā tamattham tasmim yeva khaṇe jānāti, saṅghādiseso. No ce jānāti, thullaccayam. Paṇḍake paṇḍakasaññinopi thullaccayam. Tasmim yeva itthisaññino dukkaṭam. Cīvarādīhi vatthukāmehi pāricariyāya vaṇṇam bhāsantassa ummattakādīnañca anāpatti. Sīlavipatti, manussitthī, itthisaññitā, attakāmapāricariyāya rāgo, tena rāgena vaṇṇabhaṇanam, tañkhaṇavijānananti imān'ettha pañca aṅgāni. Samuṭṭhānādīni duṭṭhullobhbāsane vuttasadisān'evāti.

Attakāmasikkhāpadavaṇṇanā niṭṭhitā.

---

## 5. Sañcarittasikkhāpadavaṇṇanā

Pañcame sañcarittanti itthipurisānam antare sañcaranabhāvam. **Samāpajjeyyāti** sammā paṭiggaṇhanavimāṁsanapaccāharaṇāni karonto āpajjeyya. **Itthiyā vāti-**ādi samāpajjanākāradassanam. Tattha **itthiyā vā purisamatinti** purisena vā tassa mātāpitādīhi vā pesito purisassa matim adhippāyam itthiyā āroceyyāti attho. **Purisassa vā itthimatinti** itthiyā vā tassā mātāpitādīhi vā pesito itthiyā matim adhippāyam

purisassa āroceyyāti attho. **Jāyattane vā jārattane vāti jāyabhāve vā jārabhāve vā.** Purisassa hi matim̄ itthiyā ārocento jāyattane āroceti, itthiyā matim̄ purisassa ārocento jārattane āroceti. Api ca purisass’eva matim̄ itthiyā ārocento jāyattane vā āroceti nibaddhabhariyabhāve, jārattane vā micchācārabhāve, ten’ev’assa padabhājane<sup>1</sup> “jāyattane vāti jāyā bhavissasi, jārattane vāti jārī bhavissasi”ti vuttam̄. Eten’eva upāyena itthiyā matim̄ purisassa ārocanepi “pati bhavissasi, jāro bhavissasi”ti vattabbaṭā veditabbā. **Antamaso taṅkhaṇikāyapīti** sabbantimena paricchedena yā ayam taṅkhaṇe muhuttamatte samvasitabbato “taṅkhaṇikā”ti vuccati, muhuttikāti attho. Tass’api “muhuttikā bhavissasi”ti evam̄ purisassa matim̄ ārocentassa<sup>2</sup> samghādiseso, eten’eva upāyena “muhuttiko bhavissasi”ti evam̄ purisassa itthimatiṁ ārocentopi samghādisesam̄ āpajjatīti veditabbo.

Sāvatthiyaṁ Udāyittheram̄ ārabbha sañcarittasamāpajjanavatthusmiṁ paññattam̄, “antamaso taṅkhaṇikāyapī”ti ayamettha anupaññatti, sādhāraṇapaññatti, “paṭiggaṇhāti, vīmarṣati, antevāsim paccāharāpetī”ti-iminā<sup>3</sup> nayena sāṇattikam̄, aññatra nālamvacaniyāya yāya kāyaci itthiyā antamaso mātuyāpi purisamatim̄ ārocento “hohi kira bhariyā dhanakkītā”ti vattukāmo sacepi chandavāsinī-ādīsu aññatarākārena ārocetvā tāya “sādhū”ti sampaṭicchitepi asampaṭicchitepi puna āgantvā yena pahito, tassa tam̄ pavattim̄ āroceti, samghādisesam̄ āpajjati. Sā pana tassa bhariyā hotu vā, mā vā, akāraṇametam̄. Sacepi yassā santikam̄ pesito, tam̄ adisvā aññatarassa avassārocanakassa “ārocehī”ti vatvā paccāharati, āpajjati yeva. “Māturrakkhitam̄ brūhī”ti pesitassa pana gantvā aññam̄ piturakkhitādīsu aññatarām vadantassa visanketam̄ hoti, purisassa vā itthiyā vā vacanam̄ “sādhū”ti kāyena vā vācāya vā ubhayena vā paṭiggaṇhitvā tassā itthiyā vā purisassa vā ārocetvā vā ārocāpetvā vā puna yena pesito, tassa tam̄ pavattim̄ sayam̄ ārocentassa vā aññena ārocāpentassa vā

1. Vi 1. 202 piṭhe.

2. Itthiyā ārocentassa (Kam)

3. Vi 1. 217 piṭhe.

saṅghādiseso. Ettāvatā hi “paṭiggaṇhāti, vīmaṁsatī, paccāharatī”ti idam aṅgattayam sampāditameva hoti, ito pana yehi kehici dvīhi aṅgehi, pañdake ca aṅgattayenāpi thullaccayam. Ekena dukkaṭam. Samghassa vā cetiyassa vā gilānassa vā kiccena gacchantassa, ummattakādīnañca anāpatti.

Sīlavipatti, yesu sañcarittam samāpajjati, tesam manussajātikatā, na nālamvacanīyatā<sup>1</sup>, paṭiggaṇhanavīmaṁsanapaccāharaṇānīti imān’ettha pañca aṅgāni. Chasamuṭṭhānam, pañṇattim vā alamvacanīyabhāvam vā ajānantassa kāyavikārena sāsanam gahetvā tath’eva vīmaṁsitvā tath’eva paccāharantassa kāyato samuṭṭhāti. “Itthannāmā āgamissati, tassā cittam jāneyyāthā”ti kenaci vutte “sādhū”ti sampaṭicchitvā tam āgataṁ vatvā puna tasmim purise āgate ārocentassa kāyena kiñci akatattā vācato samuṭṭhāti. Vācāya “sādhū”ti sāsanam gahetvā aññena karaṇyena tassā gharām gantvā aññattha vā gamanakāle tam disvā vacībhedenā vīmaṁsitvā punapi aññen’eva kāraṇena tato apakkamma kadācideva tam purisam disvā ārocentass’āpi vācato samuṭṭhāti. Pañṇattim ajānantassa pana khīṇāsavass’āpi pituvacanena gantvā alamvacanīyam mātarampi<sup>2</sup> “ehi me pitaram upaṭṭhāhī”ti vatvā paccāharantassa kāyavācato samuṭṭhāti. Imāni tīni acittakasamuṭṭhānāni. Tadubhayam pana jānitvā eteh’eva tīhi nayehi samāpajjantassa tān’eva tīni tadubhayajānanacittena sacittakāni honti, kiriyaṁ, nosaññāvimokkham, acittakām, pañṇattivajjam, kāyakammam, vacīkammam, kusalādivasena c’ettha tīni cittāni, sukhādivasena tisso vedanāti.

Sañcarittasikkhāpadavaṇṇanā niṭṭhitā.

## 6. Kuṭikārasikkhāpadavaṇṇanā

Chaṭṭhe saññācikāya panāti ettha saññācikā nāma sayam pavattitayācanā vuccati, tasmā saññācikāyāti attano yācanāyāti vuttam hoti, sayam yācitakehi upakaraṇehīti attho. Ettha ca yam kiñci

1. Alamvacanīyatā (Ka)

2. Mātarampi (Syā)

parapariggahitakam mūlacchedavasena yācitum na vaṭṭati, tāvakālikam pana vaṭṭati. Sahāyatthāya kammakaraṇatthāya “purisam dethā”ti vattum vaṭṭati, purisattakarampi yācitum vaṭṭati, **purisattakaro** nāma vadḍhaki-ādinā purisena kātabbam hatthakammam. Tam “purisattakaram dehi”ti vā “hatthakammam dehi”ti vā vatvā yācitum vaṭṭati. Hatthakammam nāma kiñci vatthu na hoti, tasmā “kim<sup>1</sup> bhante āgatathā”ti pucchite vā apucchite vā yācitum vaṭṭati, viññattipaccayā doso n’atthi. Migaluddakādayo pana sakakammam na yācitabbā. **Kuṭinti** ullittādīsu aññataram. Tattha **ullittā** nāma ṭhapetvā thambhatulā piṭṭhasaṅghāṭavātāpanadhūmacchiddādibhedam alepokāsam avasese lepokāse kuṭṭehi saddhim ghaṭetvā chadanassa anto sudhāya vā mattikāya vā littā. **Avalittā** nāma tath’eva vuttanayen’eva chadanassa bahi littā. **Ullittāvalittā** nāma tath’eva chadanassa anto ca bahi ca littā. **Kārayamānenāti** sayam vā karontena, āṇattiya vā kārāpentena. **Asāmikanti** kāretā dāyakena virahitam. **Attuddesanti** “mayham vāsāgāram esā”ti evam attā uddeso etissāti attuddesā, tam attuddesam. **Pamāṇikā** kāretabbāti pamāṇayuttā kāretabbā. **Tatr’idam pamāṇanti** tassā kuṭiyā idam pamāṇam. **Dīghasoti** dīghato. **Dvādasa vidatthiyo Sugatavidatthiyāti** ettha **Sugatavidatthi** nāma idāni majjhimassa purisassa tisso vidatthiyo, vadḍhakihatthena diyadḍho hattho hoti. Minantena pana kuṭiyā bahikuṭṭe paṭhamam dinnam mahāmattikapariyantam aggahetvā thusapiṇḍapariyantena dvādasa vidatthiyo minetabbā, sace thusapiṇḍakena anatthiko hoti, mahāmattikalepen’eva niṭṭhāpeti, sv’eva paricchedo. **Tiriyanti** vitthārato. **Sattantarāti** kuṭṭassa bahi-antam aggahetvā abbhantarimena antena satta Sugatavidatthiyo pamāṇanti vuttam hoti. Ettha ca kesaggamattampi dīghato hāpetvā tiriyam, tiriyato vā hāpetvā dīgham vadḍhetum na vaṭṭati, ko pana vādo ubhatovadḍhane? Yā pana dīghato satṭhihatthāpi hoti, tiriyato tihattā vā ūnakacatuhatthā vā, yattha pamāṇayutto mañco ito c’ito ca na parivaṭṭati, pacchimakoṭiyā catuhatthavitthārā na hoti, ayan kuṭisaṅkhyam na gacchatī, tasmā vaṭṭati.

**Bhikkhū abhinetabbā vatthudesanāyāti** yasmiṁ padese kuṭīm kāretukāmo hoti, tam̄ sodhetvā Padabhājane<sup>1</sup> vuttanayena<sup>2</sup> saṅgham̄ tikkhattum̄ yācītvā sabbe vā saṅghapariyāpannā saṅghena vā sammatā dve tayo bhikkhū tattha vatthudesanatthāya netabbā. **Tehi bhikkhūhi vatthu desetabbam̄ anārambham̄ saparikkamananti** tehi bhikkhūhi kipillikādīnaṁ āsayādīhi terasahi, pubbaṇṇāparaṇṇanissitādīhi soḷasahi upaddavehi virahitattā anārambham̄, dvīhi vā catūhi vā balibaddhehi<sup>3</sup> yuttena sakāṭena ekaṁ cakkam̄ nibbodakapatanaṭṭhāne ekaṁ bahi katvā āvijjhitum̄ sakkueyyatāya saparikkamananti sallakkhetvā sace saṅghapahonakā honti<sup>4</sup>, tath’eva, no ce, saṅghamajjhām gantvā tena bhikkhunā yācītehi ñattidutiyena kammena vatthu desetabbam̄. **Sārambhe ceti-ādi paṭipakkhanayena** veditabbam̄.

Ālaviyam̄ Ālavike<sup>5</sup> bhikkhū ārabbha saññācikāya kuṭikaraṇavatthusmiṁ paññattam̄, asādhāraṇapaññatti, sāṇattikam̄, “adesitavatthukam̄ pamāṇātikkantam̄ kuṭīm kāressāmī”ti upakaraṇattham̄ araññam̄ gamanato paṭṭhāya sabbapayogesu dukkaṭam̄, “idāni dvīhi piṇḍehi niṭṭhānam̄ gamissati”ti tesu paṭhamapiṇḍadāne thullaccayam̄, dutiyadānena lepe ghaṭite sace adesitavatthukā eva vā pamāṇātikkantā eva vā hoti, eko saṅghādiseso, dve ca dukkaṭāni. Ubhayavippannā, dve saṅghādisesā, dve ca dukkaṭāni. Sace pana dvārabandham̄ vā vātappānam̄ vā aṭṭhapetvāva mattikāya limpati, ṭhapite ca tasmīm̄ lepo na ghaṭiyati, rakkhati tāva. Puna limpantassa pana ghaṭitamatte saṅghādiseso. Sace tam̄ ṭhapiyamānam̄ paṭhamadinnalepena saddhiṁ nirantarameva hutvā tiṭṭhati, paṭhamameva saṅghādiseso. Kevalam̄ sārambhāya dukkaṭam̄, tathā aparikkamanāya. Vippakataṁ kuṭīm aññassa dadato ca, bhūmiṁ samāṁ katvā bhindantassa ca, leṇaguhātiṇakuṭipaṇṇacchadanagehesu aññataram̄ kārentassa, kuṭimpi aññassa vāsatthāya, vāsāgāram̄ ṭhapetvā uposathāgārādīsu aññataratthāya kārentassa ca ummattakādīnañca anāpatti. Sīlavipatti, ullittādīnam̄ aññataratā heṭṭhimapamāṇasambhavo adesitavatthukatā pamāṇātikkantatā attuddesikatā,

1. Vi 1. 224 piṭṭhe.

2. Vuttanayen’eva (Syā, Kam̄)

3. Balibaddhehi (Sī)

4. Saṅghapahonako hoti (Syā, Kam̄)

5. Ālavaka (Vi 1. 218 piṭṭhe Pāliyam̄)

vāsāgāratā, lepaghaṭanāti imān’ettha cha vā satta vā aṅgāni. Chasamuṭṭhanām, kiriyañca, kiriyākiriyañca. Idañhi vatthum desāpetvā pamāṇātikkantam vā karoto kiriyato samuṭṭhāti, adesāpetvā karoto kiriyākiriyyato samuṭṭhāti. Sesamettha sañcaritte vuttasadisamevāti.

Kuṭikārasikkhāpadavaṇṇanā niṭṭhitā.

---

### 7. Vihārakārasikkhāpadavaṇṇanā

Sattame **mahallakanti** sasāmikabhāvena saññācitakuṭito mahantabhāvo etassa atthīti mahallako, yasmā vā vatthum desāpetvā pamāṇātikkamen’āpi kātum vaṭṭati, tasmā pamāṇamahantatāyapi mahallako, tam mahallakam. Yasmā pan’assa tam pamāṇamahantattam sasāmikattā’va labbhati, tasmā tadaṭhadassanattham “mahallako nāma vihāro sasāmiko vuccatī”ti evamassa padabhājane<sup>1</sup> vuttam. Sesam sabbam Kuṭikārasikkhāpade vuttasadisam, sasāmikabhāvamattameva hi viseso.

Kosambiyam Channattheram ārabba cetiyarukkham chedāpanavatthusmim paññattabhāvo akiriyamattato samuṭṭhanabhāvo, ekaSaṃghādisesatā ca ettha viseso.

Vihārakārasikkhāpadavaṇṇanā niṭṭhitā.

---

### 8. Dutṭhadosasikkhāpadavaṇṇanā

Aṭṭhame **dutṭho dosoti** dūsito<sup>2</sup> c’eva dūsako ca. Uppanne hi dose puggalo tena dosena dūsito hoti, pakatibhāvam jahāpito, tasmā “dutṭho”ti vuccati. Parañca dūseti vināseti, tasmā “doso”ti vuccati. Iti “dutṭho doso”ti ekass’ev’etam puggalassa ākāranānattena nidassanam. **Appatītoti** nappatīto, pītisukhādīhi vivajjito, na abhisātoti atho. **Amūlakenāti** yam codakena

1. Vi 1. 237 piṭṭhe.

2. Dusito (?)

cuditakamhi puggale adiṭṭhami assutam aparisaṅkitam, idam etesam dassanasavanaparisaṅkāsaṅkhātānam mūlānam abhāvato amūlakam nāma. Tam pana so āpanno vā hotu, anāpanno vā, etam idha appamāṇam. Ettha ca **adiṭṭhami** nāma attano pasādacakkhunā vā dibbacakkhunā vā adiṭṭhami, **assutam** nāma tath’eva kenaci vuccamānam na sutam, **aparisaṅkitam** nāma attano vā parassa vā diṭṭhasutamutavasena cetasā aparisaṅkitam, iti evarūpena amūlakena. **Pārājikenāti** bhikkhuno anurūpesu ekūnavīsatiyā aññatarena, padabhājane<sup>1</sup> pana Pārājikuddese āgatān’eva gahetvā “catunnām aññatarenā”ti vuttam. **Anuddhamseyyāti** dhamseyya viddhamseyya padhamseyya abhibhaveyya. Tam pana anuddhamāsanam yasmā attanā codentopi parena codāpentopi karoti, tasm’āssa padabhājane<sup>1</sup> “codeti vā codāpeti vā”ti vuttam. Tattha vatthusandassanā āpattisandassanā samvāsappaṭikkhepo sāmīcippaṭikkhepoti saṅkhepato catasso codanā. Tāsu **vatthusandassanā** nāma “tvām methunām dhammām paṭisevī”ti-ādinā nayena pavattā. **Āpattisandassanā** nāma “tvām methunadhammāpattim āpanno”ti-ādinā nayena pavattā. **Samvāsappaṭikkhepo** nāma “n’atthi tayā saddhim uposatho vā pavāraṇā vā saṅghakammām vā”ti evam pavatto. Ettāvatā pana sīsam na eti, “assamaṇosī”ti-ādīhi<sup>1</sup> vacanehi saddhim ghaṭite yeva sīsam eti. **Sāmīcippaṭikkhepo** nāma abhivādanapaccuṭṭhāna-añjalikamasāmīcikammabījanikammādīnam akaraṇam, tam paṭipātiyā vandanādīni karoto ekassa akatvā sesānam karaṇakāle veditabbam. Ettāvatā ca codanā nāma hoti, āpatti pana sīsam na eti. “Kasmā mama vandanādīni na karosi”ti pucchite pana<sup>2</sup> “assamaṇo’si”ti-ādivacanehi saddhim ghaṭite yeva sīsam eti, tasmā yo bhikkhu bhikkhum samīpe ṭhatvā “tvām methunām dhammām paṭisevī”ti vā “assamaṇosī”ti vā ādīhi vacanehi hatthamuddāya eva vā etamattham dīpento sayam vā codeti, gahaṭṭhapabbajitesu vā aññatarena codāpeti, ayam anuddhamseti nāma. **App’eva nāma nam imamhā brahmaçariyā cāveyyanti** api eva nāma nam puggalam imamhā setṭhacariyā apaneyyam. “Sādhu vat’assa sac’āham imam puggalam imamhā brahmaçariyā cāveyyan”ti iminā adhippāyena anuddhamseyyāti vuttam hoti.

1. Vi 1. 250 piṭṭhe.

2. Pucchite pana tena (Sī, Kam)

etenā ekam<sup>1</sup> cāvanādhippāyām gahetvā avasesā akkosādhippāyo kammādhippāyo vuṭṭhānādhippāyo uposathaṭṭhapanādhippāyo pavāraṇaṭṭhapanādhippāyo anuvijjanādhippāyo dhammakathādhippāyoti satta adhippāyā paṭikkhittā hoti. **Tato aparena samayenāti** yasmim samaye anuddhamśito hoti, tato aññasmim samaye. **Samanuggāhīyamāno vāti** anuvijjakena “kim te diṭṭhan”ti-ādinā nayena anuvijjiyamāno upaparikkhiyamāno. **Asamanuggāhīyamāno vāti** diṭṭhādīsu kenaci vatthunā vā anuvijjakādīsu yena kenaci<sup>2</sup> puggalena vā avuccamāno. Imesam pana padānam parato “bhikkhu ca dosam patiṭṭhātī”ti iminā sambandho. Idañhi vuttam hoti—evam samanuggāhīyamāno vā asamanuggāhīyamāno vā bhikkhu ca dosam patiṭṭhātī paṭicca tiṭṭhati paṭijānāti, saṅghādisesoti. Idañca amūlakabhāvassa pākaṭakāladassanattham vuttam. Āpattim pana anuddhamśitakkhaṇe yeva āpajjati. **Amūlakañc’eva tam adhikaraṇam hotīti** ettha pana diṭṭhamūlādīnam abhāvena amūlakam, samathehi adhikaraṇīyabhāvena adhikaraṇam. Yañhi adhikicca ārabbha paṭicca sandhāya samathā pavattanti, tam adhikaraṇam. Idha pana pārājikasaṅkhātam āpattādhikaraṇameva adhippetam. Yadi hi tam adhikaraṇam diṭṭhādīhi mūlehi amūlakañc’eva hoti, ayam codetum āgato bhikkhu ca dosam patiṭṭhātī paṭicca tiṭṭhati, “tucchakam mayā bhaṇitan”ti-ādīni<sup>3</sup> vadanto paṭijānāti, tassa bhikkhuno anuddhamśitakkhaṇe yeva saṅghādisesoti, ayam sikkhāpadassa padānukkamena attho.

Rājagahe Mettiyabhbūmajake bhikkhū ārabbha amūlakena pārājikena anuddhamśasanavatthusmim paññattam, sādhāranapaññatti, sāṇattikam, katūpasampadam suddham vā asuddham vā puggalam yena pārājikena codeti, tam “ayam anajjhāpanno”ti ñatvā cāvanādhippāyena “karotu me āyasmā okāsam, aham tam vattukāmo”ti evam okāsam akāretvā codentassa sace so taṅkhaṇe yeva jānāti “mam codetī”ti vācāya vācāya saṅghādiseso c’eva dukkaṭañca. Okāsam kāretvā codentassa saṅghādiseso c’eva dukkaṭañca. Okāsam kāretvā codentassa saṅghādiseso yeva. Hatthamuddāya sammukhā codentassāpi es’eva nayo. Parammukhā codentassa pana sīsam na eti. Attanā samīpe ṛthatvā aññam bhikkhum

---

1. Ekaṁva (Sī)

2. Kena ci (Sī)

3. Vi 1. 250 piṭṭhe.

āñāpeti, so tassa vacanena tam codeti, codāpakass’eva vuttanayena āpattiyo. Atha sopi “mayā diṭṭham sutam atthi”ti<sup>1</sup> codeti, dvinnampi janānam tath’eva āpattiyo. Akkosādhippāyena pana okāsam akāretvā vadantassa vuttanayen’eva pācittiyañc’eva dukkaṭañca. Okāsam kāretvā vadantassa pācittiyyameva. Kammādhippāyena asammukhā sattavidhampi kammam karontassa dukkaṭameva. Vuṭṭhānādhippāyena “tvam itthannāmām āpattim āpanno, tam paṭikarohī”ti vadantassa, uposatham vā pavāraṇam vā ṭhapentassa ca okāsakammam n’atthi, ṭhapanakkhettam pana jānitabbam, anuvijjakass’āpi osaṭe vatthusmim “atth’etam tavā”ti anuvijjanādhippāyena vadantassa okāsakammam n’atthi, dhammadhikass’āpi “yo idañca idañca karoti, ayam assamaṇo”ti-ādinā nayena anodisakam dhammadām kathentassa okāsakammam n’atthi. Sace pana odissa niyametvā “asuko ca asuko ca assamaṇo anupāsako”ti katheti, āsanato oruyha āpattim desetvā gantabbam. Ummattakādīnañca anāpatti, sīlavipatti, yam codeti vā codāpeti vā, tassa “upasampanno”ti saṅkhyupagamanam, tasmin suddhasaññitā, yena pārājikena codeti, tassa diṭṭhādivasena amūlakatā, cāvanādhippāyena sammukhācodanā, tassa tañkhaṇavijānananti imān’ettha pañca aṅgāni. Samuṭṭhānādīni adinnādānasadisāni. Vedanā pan’ettha dukkhāyevāti.

Duṭṭhadosasikkhāpadavaṇṇanā niṭṭhitā.

## 9. Aññabhbāgīyasikkhāpadavaṇṇanā

Navame aññabhbāgīyassāti-ādīsu aññabhbāgassa idam, aññabhbāgo vā assa atthīti aññabhbāgīyam. **Adhikaraṇanti** ādhāro veditabbo, vatthu adhiṭṭhānanti vuttam hoti. Yo hi so atthuppattiyam<sup>2</sup> “dabbo Mallaputto nāmā”ti chagalako vutto. So yv’āyam Āyasmato Dabbassa Mallaputtassa bhāgo koṭṭhāso pakkho manussajāti c’eva bhikkhubhāvo ca, tato aññassa bhāgassa koṭṭhāsassa pakkhassa hoti

1. Mutam atthīti (Sī)

2. Atthuppattiyam (Ka, Kam)

tiracchānajātiyā c’eva chagalakabhāvassa ca, so vā aññabhāgo assa atthi, tasmā aññabhāgiyasañkhyam labhati. Yasmā ca tesam “imam mayam Dabbam Mallaputtam nāma karomā”ti vadantānam tassa nāmakaraṇasaññāya ādhāro vatthu adhiṭṭhānam, tasmā “adhikaraṇam”ti veditabbo. Tañhi sandhāya “saccam kira tumhe bhikkhave Dabbam Mallaputtam aññabhāgiyassa adhikaraṇassā”ti-ādi<sup>1</sup> vuttam. Na vivādādhikaraṇādīsu aññataram. Kasmā? Asambhavato. Na hi Mettiyabhūmajakā catunnam adhikaraṇānam kassaci aññabhāgiyassa adhikaraṇassa kiñci desam lesamattam uppādiyimsu, na ca catunnam adhikaraṇānam lesō nāma atthi. Jātilesādayo hi puggalānam yeva lesā vuttā, na vivādādhikaraṇādīnam. Tañca “Dabbo Mallaputto”ti nāmam tassa aññabhāgīyādhikaraṇabhāve ṭhitassa chagalakassa koci deso hoti theram pārājikena dhammena anuddhamsetum lesamatto. Ettha ca dissati apadissati “assa ayan”ti vohariyatīti **deso**, jāti-ādīsu aññatarakoṭṭhāsass’etam adhivacanam. Aññampi vatthum lissati silissati vohāramatten’eva īsakam allīyatīti **leso**, jāti-ādīnam yeva aññatarakoṭṭhāsass’etam adhivacanam. Padabhājane<sup>2</sup> pana yassa aññabhāgiyassa adhikaraṇassa kiñci desam lesamattam upādāya pārājikena dhammena anuddhamseyya, tam yasmā aṭṭhuppattivasen’eva āvibhūtam, tasmā tam avibhajitvā yāni “adhikaraṇam”ti vacanasāmaññato attuddhāravasena pavattāni cattāri adhikaraṇāni, tesam aññabhāgīyatā ca tabbhāgīyatā ca yasmā apākaṭā, jānitabbā ca vinayadharehi, tasmā tañca avasāne āpattaññabhāgīyena codanañca āvikātum “aññabhāgīyassa adhikaraṇassāti āpattaññabhāgīyam vā hoti adhikaraṇaññabhāgīyam vā”ti-ādi<sup>2</sup> vuttam, sesā vinicchayakathā aṭṭhame vuttasadisā yeva. Ayam pana viseso—idam aññabhāgīyassa adhikaraṇassa kiñci desam lesamattam upādāya pārājikena dhammena anuddhamsanavatthusmīm paññattam, idha ca āpattaññabhāgīyacodanāya tathāsaññinopi anāpatti. Añgesu ca aññabhāgīyassa adhikaraṇassa kiñci desam lesamattam upādiyanatā adhikāti.

Aññabhāgīyasakihkāpadavaṇṇanā niṭṭhitā.

1. Vi 1. 256 piṭṭhe.

2. Vi 1. 257 piṭṭhe.

## 10. Sarīghabhedasikkhāpadavaṇṇanā

Dasame samaggassa samghassāti sahitassa bhikkhusamghassa, cittena ca sarīrena ca aviyuttassāti attho. Ten’evassa padabhājane<sup>1</sup> “samaggo nāma samgho samānasamvāsako samānasīmāyam ṭhito”ti vuttam.

Samānasamvāsako hi samacittatāya cittena aviyutto hoti, samānasīmāyam ṭhito kāyasāmaggidānato sarīrena aviyutto. **Bhedāya parakkameyyāti** “katham nām’āyam bhijjeyyā”ti bhedanatthāya vāyāmeyya<sup>2</sup>.

**Bhedanasamvattanikam** vā adhikaraṇanti bhedanassa samghabhedassa atthāya samvattanikam kāraṇam. Imasmim hi okāse “kāmahetu kāmanidānam kāmādhikaraṇan”ti-ādīsu<sup>3</sup> viya kāraṇam “adhikaraṇan”ti adhippetam. Tam bhedakaravatthuvasesa aṭṭhārasavidham. **Samādāyāti** gahetvā. **Paggayha tiṭṭheyyāti** tam samghabhedassa atthāya samvattanikam samghabhedanibbattisamattham kāraṇam gahetvā dīpeyya c’eva nappaṭinissajjeyya ca. **Bhikkhūhi evamassa vacanīyoti** ye tam paggayha tiṭṭhantam sammukhā passanti, ye vā “asukasmim nāma vihāre”ti suṇanti, tehi sabbantimena paricchedena aḍḍhayojanamattam gantvāpi yv’āyam anantare “m’āyasmā”ti-ādivacanakkamo vutto, evamassa vacanīyo. Disvā vā sutvā vā avadantānam dukkaṭam. Ettha ca mā-iti padam “parakkamī”tipadena “aṭṭhāsi”tipadena<sup>4</sup> ca saddhim “mā parakkami, mā aṭṭhāsi”ti yojetabbam. **Samet’āyasmā samghenāti** Āyasmā samghena saddhim sametu samāgacchatu, ekaladdhiko hotūti attho. Kim kāraṇā? Samaggo hi samgho -pa- viharatīti. Tattha **sammadamānoti** aññamaññasampattiyā suṭṭhu modamāno. **Avivadamānoti** “ayam dhammo, n’āyam dhammo”ti evam na vivadamāno. Eko uddeso assāti **ekuddeso**, ekato pavattapātimokkhuddesoti attho. **Phāsu viharatīti** sukham viharati. Evam visumpi samghamajjhēpi tikkhattum vuccamānassa appaṭinissajjato dukkaṭam. **Evañca soti-ādimhi samanubhāsitabboti** samanubhāsanakammaṁ kātabbam. **Icc’etam kusalanti** iti etam paṭinissajjanam kusalam khemam sotthibhāvo tassa bhikkhuno. **No**

1. Vi 1. 265 piṭṭhe.

2. Vāyameyya (Ka, Kam)

3. Ma 1. 120, 128, 129 piṭṭhesu.

3. Parakkamipadena ca aṭṭhāsipadena ca (Sī)

**ce paṭinissajjeyya, saṅghādisesoti** ettha samanubhāsanakammapariyosāne appaṭinissajjantassa saṅghādiseso. Sesām uttānapadatthameva.

Rājagahe Devadattam ārabbha saṅghabhedāya parakkamanavatthusmiṁ paññattam, sādhāraṇapaññatti, anāṇattikam, samanubhāsanakamme kariyamāne appaṭinissajjantassa ḡattipariyosāne dukkaṭam, dvīhi kammavācāhi dve thullaccayā, “yassa nakkhamati, so bhāseyyā”ti evam **yya-kārapattāya tatiyakammavācāya** tañca dukkaṭam te ca thullaccayā paṭippassambhanti, saṅghādiseso yeva<sup>1</sup> tiṭṭhati. Asamanubhāsiyamānassa ca paṭinissajjantassa ca ummattakādīnañca anāpatti. Sīlavipatti, bhedāya parakkamanam dhammadakammena samanubhāsanam kammavācāpariyosānam appaṭinissajjananti imān’ ettha cattāri aṅgāni. Samanubhāsanasamuṭṭhānam, akiriyam, saññāvimokkham, sacittakam, lokavajjam, kāyakammaṁ, vacīkammaṁ, akusalacittam, dukkhavedananti.

Saṅghabhedasikkhāpadavaṇṇanā niṭṭhitā.

---

### 11. Bhedānuvattakasikkhāpadavaṇṇanā

Ekādasame **tass’eva** **kho panāti** yo saṅghabhedāya parakkamati, **tass’eva**. **Anuvattakāti** tassa dīṭṭhim khantiṁ ruciṁ gahaṇena anupaṭipajjanakā. Vaggam asāmaggipakkhiyavacanam vadantīti **vaggavādakā**. Yasmā pana tiṇam uddham kammārahā na honti. Na hi saṅgho saṅghassa kammaṁ karoti, tasmā “eko vā dve vā tayo vā”ti vuttam. **Jānāti** noti amhākam chandādīni jānāti. **Bhāsatīti** “evam karomā”ti amhehi saddhim bhāsatī. **Amhākamp’etam khamatīti** yam so karoti, etam amhākampi ruccati. **Samet’āyasmantānam** **saṅghenāti** āyasmantānam cittam saṅghena saddhim sametu samāgacchatu, ekībhāvam gacchatūti vuttam hoti. Sesām padatthato uttānameva. Vinicchayakathā p’ettha<sup>2</sup> dasame vuttasadisā yeva.

Ayam pana viseso—idam Rājagahe sambahule bhikkhū ārabbha Devadattassa saṅghabhedāya parakkamantassa anuvattanavatthusmiṁ paññattam, aṅgesu ca yathā tattha parakkamanam, evam idha anuvattanam datṭhabbanti.

Bhedānuvattakasikkhāpadavaṇṇanā niṭṭhitā.

---

1. Saṅghādiseso yeva (Sī)

2. C’ettha (Syā, Kam)

## 12. Dubbacasikkhāpadavaṇṇanā

Dvādasame **dubbacajātikoti** dubbacasabhāvo, vattum asakkueyyoti attho. **Uddesapariyāpannesūti** uddeṣe pariyāpannesu antogadhesu<sup>1</sup>, “yassa siyā āpatti, so āvikareyyā”ti evam saṅgahitattā anto pātimokkhassa vattamānesūti attho. **Sahadhammikam** **vuccamānoti** sahadhammikena vuccamāno, kāraṇatthe c’etam upayogavacanam. Pañcahi sahadhammikehi sikkhitabbattā, tesam vā santakattā “sahadhammikan”ti laddhanāmena Buddhapāññattena sikkhāpadena vuccamānoti attho. **Viramath’āyasmanto mama vacanāyāti** yena vacanena mām vadatha, tato mama vacanato viramatha, mā mām tam vacanam vadathāti vuttam hoti. **Vadatu saha dhammenāti** sahadhammikena sikkhāpadena, sahadhammena vā aññenapi pāsādikabhāvasaṁvattanikena<sup>2</sup> vacanena vadetu. **Yadidanti** vuddhikāraṇadassanatthe nipāto, tena yam idam aññamaññassa hitavacanam, āpattito ca vutṭhāpanam, tena aññamaññavacanena aññamaññavuṭṭhāpanena. Evam saṁvaddhā hi tassa **Bhagavato** parisāti evam parisāya vuddhikāraṇam dassitam hoti. Sesam uttānatthameva. Vinicchayakathāpi dasame vuttasadisā yeva.

Ayam pana viseso—idam Kosambiyam Channattheram ārabbha attānam avacanīyakaraṇavatthusmim paññattam aṅgesu ca yathā tattha parakkamanam, evam idha avacanīyakaraṇatā daṭṭhabbāti.

Dubbacasikkhāpadavaṇṇanā niṭṭhitā.

---

## 13. Kuladūsakasikkhāpadavaṇṇanā

Terasame **gāmam** vā **nigamam** vāti ettha nagarampi gāme antogadhameva. **Upanissāya viharatīti** tattha paṭibaddhacīvaraḍipaccayatāya tam nissāya vasati. Pupphadānādīhi manussānam saddham vināsento kulāni dūsetīti **kuladūsako**. Mālāvaccharopanādayo pāpakā samācārā assāti pāpasamācāro. So bhikkhūti so kuladūsako bhikkhu. **Āyasmā**

---

1. Antogatesu (Sī)

2. Pāsādiyasaṁvattanikena (Sī)

**kho kuladūsako -pa- alam te idha vāsenāti imināssa**  
 pabbājanīyakammārahataṁ dasseti. Pabbājanīyakammakato pan'esa yasmim  
 gāme vā nigame vā kuladūsakakammarām kataṁ, yasmin ca vihāre vasati,  
 n'eva tasmin gāme vā nigame vā caritum labhati, na vihāre vasitum.  
**Evañca so bhikkhūti** ettha **soti** pabbājanīyakammakato adhippeto. Chandena  
 gacchantīti **chandagāmino**, esa nayo sesesu. **So bhikkhūti** so  
 “chandagāmino”ti-ādīni vadāmāno. Tassa vacanassa patinissaggāya evam  
 vacanīyo, na kuladūsananivāraṇatthāya. Kuladūsanakamma hi so  
 āpajjitabbā āpattiyo pubb'eva āpanno, evam pan'assa visumpi  
 samghamajjhēpi vuccamānassa appaṭinissajjato aparam dukkaṭam. **Evañca**  
**soti-ādi** ito pubbe vuttañca avuttañca sabbam uttānatthameva.  
 Vinicchayakathāpi dasame vuttasadisā yeva.

Ayam pana viseso—idam Sāvatthiyam Assajipunabbasuke bhikkhū  
 ārabba chandagāmitādīhi pāpanavatthusmiṁ paññattam, aṅgesu ca yathā  
 tattha parakkamanam, evam, idha chandādīhi pāpanam daṭṭhabbanti.

Kuladūsakasikkhāpadavaṇṇanā niṭṭhitā.

---

### Nigamanavaṇṇanā

**Uddiṭṭhā** **kho -pa-** evametam dhārayāmīti ettha paṭhamam āpatti  
 etesanti **paṭhamāpatti**, paṭhamam vītikkamanakkhaṇe yeva āpajjitabbāti  
 attho. Itare pana yathā tatiye ca catutthe ca divase hotīti ettha “tatiyako,  
 catutthako”ti vuccati, evam yāvatatiye samanubhāsanakamme hontīti  
**yāvatatiyakāti** veditabbā. **Yāvatihanti** yattakāni ahāni. **Jānam** **paticchādetīti**  
 jānanto paṭicchādeti. Tatth'ayam paṭicchādanalakkhaṇassa mātikā—āpatti ca  
 hoti, āpattisaññī ca, pakatatto ca hoti, pakatattasaññī ca, anantarāyiko ca  
 hoti, anantarāyikasaññī ca, pahu ca hoti, pahusaññī ca, chādetukāmo ca hoti,  
 chādeti cāti. Tattha **āpatti** **ca** **hoti**, **āpattisaññī** **cāti** yam āpattim āpanno, sā  
 terasannam aññatarā hoti, sopi ca tattha vatthuvasena vā “idam bhikkhūnam

na vaṭṭatī”ti nāmamattavasena vā “ayam itthannāmā āpattī”ti āpattisaññī yeva hutvā “na dāni nam kassaci ārocessāmī”ti evam chādetukāmo’va dhuram nikhipitvā aruṇam uṭṭhāpeti, channā hoti āpatti. Sace pan’ettha anāpattisaññī vā hoti, aññāpattikkhandhasaññī vā, vematiko vā, acchannā’va hoti. **Pakatattoti** anukkhitto samānasaṁvāsako. So ce pakatattasaññī hutvā vuttanayen’eva chādeti, channā hoti. **Anantarāyikoti** yassa dasasu rājacora-aggi-udakamanussa-amanussavālaśasarīsapajīvitabrahmacariyantarāyesu ekopi n’atthi, so ce anantarāyikasaññī chādeti, channā hoti. **Pahūti** yo sakkoti bhikkhuno santikam gantum c’eva ārocetum ca, so ce pahusaññī hutvā chādeti, channā hoti. **Chādetukāmo ca hoti, chādeti cāti idam uttānameva.** Sacepi hi so sabhāgam disvā “ayam me upajjhāyo vā ācariyo vā”ti lajjaya n’āroceti, channā’va hoti. Upajjhāyādibhāvo hi idha appamāṇam, sabhāgamattameva pamāṇam. Ayam “jānam paṭicchādetī”tipadassa saṅkhepato atthavinicchayo.

**Tāvatīhanti** tattakāni ahāni, paṭicchāditadivasato paṭīhāya yāva ārocitadivaso, tāya divasapakkhamāsasamāvaccharavasena yattako kālo atikkanto, tattakām kālanti attho. **Akāmā parivatthabbanti** na kāmena na vasena, atha kho akāmena avasena parivāsam samādāya vatthabbam. Tattha paṭicchannaparivāso suddhantaparivāso samodhānaparivāso cāti tividho parivāso. Tattha **paṭicchannaparivāso** tāva yathāpaṭicchannāya āpattiyā dātabbo. Kassaci hi ekāhappaṭicchannā āpatti hoti, kassaci dvīhādippaṭicchannā. Kassaci ekā āpatti hoti, kassaci dve vā tisso vā taduttari vā. Tasmā paṭicchannaparivāsam dentena pathamameva vuttanayena paṭicchannabhāvam ñatvā tato paṭicchannadivase ca āpattiyō ca sallakkhetvā sace ekā ekāhappaṭicchannā hoti<sup>1</sup>, “aham bhante ekam āpattim āpajjim sañcetanikam sukkavissaṭṭhim ekāhappaṭicchannan”ti evam parivāsam yācāpetvā Khandhake<sup>2</sup> āgatanayena kammavācam vatvā parivāso dātabbo. Atha dvīhatīhādippaṭicchannā

---

1. Āpatti hoti (Syā, Kam)

2. Vi 4. 104 piṭṭhe.

hoti, dvīhappaṭicchannam tīhappaṭicchannam catūhappaṭicchannam pañcāhappaṭicchannam -pa- cuddasāhappaṭicchannanti evam yāva cuddasadivasāni divasavasena yojanā kātabbā, pañcadasadivasappaṭicchannāyam “pakkhappaṭicchannan”ti yojanā kātabbā. Tato yāva ekūnatimsatimo divaso, tāva “atirekapakkhappaṭicchannan”ti, tato māsappaṭicchannam atirekamāsappaṭicchannam dvemāsappaṭicchannam atirekadvemāsappaṭicchannam temāsappaṭicchannam -pa- atireka-ekādasamāsappaṭicchannanti evam yojanā kātabbā. Saṁvacchare puṇe “ekasamīvaccharappaṭicchannan”ti, tato param atirekasamīvaccharam dvesamīvaccharam evam yāva saṭṭhisamīvacchara- atirekasaṭṭhisamīvaccharappaṭicchannanti, tato vā bhiyyopi vatvā yojanā kātabbā.

Sace pana dve tisso taduttari vā āpattiyo hoti, yathā “ekam āpattin”ti vuttam, evam “dve āpattiyo, tisso āpattiyo”ti vattabbam. Tato param pana satam vā hotu, sahassam vā, “sambahulā”ti vattum vatṭati. Nānāvatthukāsupi “aham bhante sambahulā samghādisesā āpattiyo āpajjim ekam sukkavissaṭṭhim ekam kāyasamīsaggam ekam duṭṭhullavācam ekam attakāmam ekam sañcarittam ekāhappaṭicchannāyo”ti evam gaṇanavasena vā, “aham bhante sambahulā samghādisesā āpattiyo āpajjim nānāvatthukāyo ekāhappaṭicchannāyo”ti evam vatthukittanavasena vā, “aham bhante sambahulā samghādisesā āpattiyo āpajjim ekāhappaṭicchannāyo”ti evam nāmamattavasena vā yojanā kātabbā. Tattha **nāmarām** duvidham sajātisādhāraṇam sabbasādhāraṇañca. Tattha samghādisesoti **sajātisādhāraṇam**, āpattīti **sabbasādhāraṇam**, tasmā “sambahulā āpattiyo āpajjim ekāhappaṭicchannāyo”ti evam sabbasādhāraṇāmavasen’āpi vattum vatṭati. Idañhi parivāsādivinayakammam vatthuvasena gottavasena nāmavasena āpattivasena ca kātum vatṭati yeva. Tattha sukkavissaṭṭhitī **vatthu** c’eva gottañca, samghādisesoti **nāmañc**’eva āpatti ca, tattha “sukkavissaṭṭhim kāyasamīsaggan”ti-ādivacanen’āpi “nānāvatthukāyo”tivacanen’āpi vatthu c’eva gottañca gahitam hoti, “samghādiseso”tivacanen’āpi “āpattiyo”tivacanen’āpi nāmañc’eva āpatti ca gahitā hoti, tasmā etesu yassa kassaci vasena kammavācā kātabbā.

Kammavācāpariyosāne ca sace appabhikkhuko āvāso hoti, sakkā raticchedam anāpajjantena vasitum, tatth'eva “parivāsam samādiyāmi, vattam samādiyāmī”ti tikkhattum vattam samādātabbam, samādiyitvā tatth'eva samghassa ārocetvā puna āgatāgatānam bhikkhūnam ārocentena vattabhedāñca raticchedañca akatvā parivasitabbam. Sace na sakkā hoti parivāsam sodhetum, nikkhittavattena vasitukāmo hoti, tatth'eva samghamajjhe, ekapuggalassa vā santike “parivāsam nikhipāmi, vattam nikhipāmī”ti parivāso nikhipitabbo, ekapaden'api c'ettha nikhitto hoti parivāso, dvīhi pana sunikkhitto yeva, samādānepi es'eva nayo.

Nikkhittakālato paṭṭhāya pakatattaṭṭhāne tiṭṭhati. Ath'ānena paccūsasamaye ekena bhikkhunā saddhim parikkhittassa vihārassa parikkhepato, aparikkhittassa parikkhepārahaṭṭhānato dve ledupāte atikkamitvā mahāmaggato okkamma gumbena vā vatiyā vā paṭicchannatṭhāne nisīditvā anto-aruṇe yeva vattam samādiyitvā ārocetabbam. Yampi aññam bhikkhum passati, tass'api ārocetabbameva. Aruṇe uṭṭhite tassa santike vattam nikhipitvā vihāram gantabbam. Sace so pure aruṇe yeva kenaci karaṇiyena gato, vihāram gantvā yam sabbapaṭhamam bhikkhum passati, tassa ārocetvā nikhipitabbam. Evarū sallakkhetvā yāva rattiyo pūrenti, tāva parivatthabbam. Ayam saṅkhepato paṭicchannaparivāsavinicchayo. Vitthāro pana Samantapāsādikāya Vinayasamvāṇanāya<sup>1</sup> vuttanayen'eva veditabbo.

Itaresu pana dvīsu “āpattipariyantam na jānāti, rattipariyantam na jānātī”ti<sup>2</sup> imasmim vatthusmim Khandhake anuññāto **suddhantaparivāso** nāma, so duvidho **cūla-suddhanto mahā-suddhantoti**. Duvidhopi c'esa rattiparicchedam sakalam vā ekaccam vā<sup>3</sup> ajānantassa ca assarantassa ca tattha vematikassa ca dātabbo. Āpattipariyantam pana “ettikā aham āpattiyo āpanno”ti jānātu vā, mā vā, akāraṇametam. Tassa dānavidhi Khandhake<sup>2</sup> āgato, vinicchayakathā pana vitthārato Samantapāsādikāyam<sup>4</sup> vuttā. Itaro pana **saṃodhāna-parivāso** nāma, so tividho hoti

1. Vi-Tṭha 4. 16 piṭṭhādīsu.

3. Ekadesam vā (Sī, Syā, Kam)

2. Vi 4. 152 piṭṭhe.

4. Vi-Tṭha 4. 25 piṭṭhe.

odhānasamodhāno agghasamodhāno missakasamodhānoti. Tattha **odhānasamodhāno** nāma antarāpattim āpajjivā paṭicchādentassa parivutthadivase odhunitvā makkhetvā purimāya āpattiya mūladivasaparicchede pacchā āpannam āpattim samodahitvā dātabbaparivāso vuccati. **Agghasamodhāno** nāma sambahulāsu āpattisu yā ekā vā dve vā tisso vā sambahulā vā āpattiyo sabbacirappaṭicchannāyo, tāsam agghena samodhāya tāsam rattiparicchedavasena avasesānam ūnatarappaṭicchannānam āpattinam dātabbaparivāso vuccati. **Missakasamodhāno** nāma nānāvatthukāyo āpattiyo ekato katvā dātabbaparivāso vuccati. Ayam tividhepi samodhānaparivāse saṅkhepakathā, vitthāro pana Samantapāsādikāyam<sup>1</sup> vutto. Idam “parivatthabban”ti padassa vinicchayakathāmukham.

**Uttari chārattanti** parivāsato uttari cha rattiyo. **Bhikkhumānattāyāti** bhikkhūnam mānabhāvāya, ārādhanatthāyāti vuttam hoti. **Paṭipajjitatabantī** vattitabbam. Bhikkhumānattañca pan’etam paṭicchann’āpaṭicchannavasena duvidham. Tattha yassa appaṭicchannāpatti hoti, tassa parivāsam adatvā mānattameva dātabbam, idam **appaṭicchannamānattam**. Yassa paṭicchannā hoti, tassa parivāsapariyosāne dātabbam mānattam **paṭicchannamānattanti** vuccati, idam idha adhippetam. Ubhinnampi pan’etesam dānavidhi vinicchayakathā ca Samantapāsādikāyam<sup>2</sup> vuttanayena veditabbā. Ayam pan’ettha saṅkhepo. Sace ayam vattam nikhipitvā paccūsasamaye samādātum gacchatī, sabbantimena paricchedena catūhi bhikkhūhi saddhim parivāse vuttappakāram padesam gantvā “mānattam samādiyāmi, vattam samādiyāmī”ti samādiyitvā nesam ārocetvā tato tesu gatesu vā agatesu vā purimanayena paṭipajjitatbam. **Yattha siyā vīsatigaṇoti** ettha vīsatisaṅgho gaṇo assāti vīsatigaṇo. **Tatrāti** yatra sabbantimena paricchedena vīsatigaṇo bhikkhusaṅgho atthi, tattha. **Abbheto** abhi-etallo, sampaṭicchitabbo, abbhānakammavasena osāretabboti vuttam hoti. Avhātabboti vā attho. **Abbhānakamma** pana Pāliyasena Khandhake<sup>3</sup> vinicchayavasena Samantapāsādikāyam vuttam. **Anabbhitoti** na abbhito asampaṭicchito, akatabbhānakammoti vuttam hoti. Anavhātoti vā attho. **Te ca bhikkhū gārayhāti** ye ūnabhāvam

1. Vi-Tṭha 4. 26 piṭṭhe.

2. Vi-Tṭha 4. 28 piṭṭhe.

3. Vi 4. 106 piṭṭhe.

ñatvā abbhanti, te bhikkhū ca garahitabbā, satisārā sadosā dukkaṭam  
āpajjantīti attho. **Ayam tattha sāmīcīti** ayam tattha anudhammatā  
lokuttaradhammadā anugatā ovādānusāsanī sāmīci dhammatā. Sesamettha  
vuttanayamevāti.

Kaṅkhāvitaranīyā pātimokkhavaṇṇanāya

Saṅghādisesavaṇṇanā niṭṭhitā.

# Aniyatakanā

## 1. Paṭhamāniyataskhāpadavaṇṇanā

Aniyatuddese **ime kho panāti-**ādi vuttanayameva. **Mātugāmenāti** tadahujātāyapi jīvamānakamanussitthiyā. **Eko-ekāyāti** eko bhikkhu mātugāmasaṅkhātāya ekāya itthiyā saddhiṁ. **Rahoti** cakkhussa raho. Kiñcāpi Pāliyam<sup>1</sup> sotassa raho āgato, cakkhuss’eva pana raho “raho”ti idha adhippeto. Sacepi hi pihitakavāṭassa gabbhassa dvāre nisinno viññū puriso hoti, n’eva anāpattim karoti. Yattha pana sakkā daṭṭhum, tādise antodvādasahatthepi okāse nisinno sacakkuko vikkhittacittopi niddāyantopi anāpattim karoti, samīpe ṭhitopi andho na karoti, cakkhumāpi nipajjītvā niddāyantopi na karoti, itthīnam pana satampi na karoti yeva, tena vuttam “rahoti cakkhussa raho”ti. **Paṭicchanne āsaneti** kuṭṭadīhi paṭicchannokāse. **Alamkammaniyeti** kammakkhamām kammayogganti kammaniyyam, alam pariyattam kammaniyyabhāvāyāti alamkammaniyam, tasmim alamkammanaye. Yattha ajjhācaram karontā sakkonti tam kammam kātum, tādiseti attho. **Nisajjam kappeyyāti** nisajjam kareyya, nisīdeyyāti attho. Ettha ca sayanampi nisajjāya eva saṅgahitam. **Saddheyyavacasāti** saddhātabbavacanā, ariyasāvikāti attho. **Nisajjam bhikkhu paṭijānamānoti** kiñcāpi evarūpā upāsikā disvā vadati, atha kho bhikkhu nisajjam paṭijānamāno’va tiṇṇam dhammānam aññatarena kāretabbo, na appatijānamānoti attho. **Yena vā sāti** nisajjādīsu ākāresu yena vā ākārena saddhiṁ methunādīni āropetvā sā upāsikā vadeyya, paṭijānamāno’va tena so bhikkhu kāretabbo, evarūpāyapi hi upāsikāya vacanamattena ākārena na kāretabboti attho. Kasmā? Yasmā diṭṭham nāma tathāpi hoti, aññathā pīti. **Ayam dhammo aniyatoti** tiṇṇam āpattinam yam āpattim vā vatthum vā paṭijānāti, tassa vasena kāretabbatāya aniyato.

---

1. Vi 1. 287 piṭṭhe.

Sāvatthiyam Udāyittheram ārabbha mātugāmena saddhim vuttappakāre āsane nisajjakappanavatthusmim paññattam, asādhāraṇapaññatti, anāñattikam, methunadhammasannissitakilesasañkhātena rahassādena mātugāmassa santikam gantukāmatāya akkhi-añjanādito paṭṭhāya sabbapayogesu dukkaṭam. Gantvā tasmim vā nisinne itthī nisīdatu, tassā vā nisinnāya so nisīdatu, apacchā apurimam yeva ubho vā nisīdantu, ubhinnam nisajjāya pācittiyam. Sace pana kāyasarīsaggam vā methunam vā samāpajjati, tesam vasena kāretabbo. Nipajjanepi es'eva nayo. Vuttappakāre purise nipajjītvā aniddāyante anandhe viññupurise upacāragate sati, ṭhitassa, arahopekkhassa, aññavihitassa ca nisajjanapaccayā anāpatti. Ummattakādīnam pana tīhipi āpattīhi anāpatti. Siyā sīlavipatti, siyā acāravipatti. Yam pana āpattim paṭijānāti, tassā vasena aṅgabhedo nātabbo. Samuṭṭhānādīni paṭhamapārājikasadisānevāti.

Paṭhamāniyatatasikkhāpadavaṇṇanā niṭṭhitā.

---

## 2. Dutiyāniyatatasikkhāpadavaṇṇanā

Dutiye itthīpi purisopi yo koci viññū anandho abadhiro antodvādasahatthe okāse ṭhito vā nisinno vā vikkhitto pi<sup>1</sup> niddāyantopi anāpattim karoti. Badhiro pana cakkhumāpi, andho vā abadhiropi na karoti. Pārājikāpattiñca parihāpetvā duṭṭhullavācāpatti vuttāti ayam viseso. Sesam purimanayen'eva veditabbam. Samuṭṭhānādīni pan'ettha adinnādānasadisān'evāti.

Dutiyāniyatatasikkhāpadavaṇṇanā niṭṭhitā.

**Uddiṭṭhā khoti-ādi sabbattha vuttanayen'eva veditabbam.**

Kaṅkhāvitaraṇiyā pātimokkhavaṇṇanāya

Aniyatavaṇṇanā niṭṭhitā.

---

1. Vikkhittacittopi (Syā, Kam)

## Nissaggyakaṇḍa

Ito param pana **ime kho panāti-ādi** sabbattha vuttanayen’eva  
veditabbam.

### 1. Cīvaravagga 1. Kathinasikkhāpadavaṇṇanā

Nissaggiyesu pana cīvaravaggassa tāva paṭhamasikkhāpade **niṭṭhitacīvarasminti** sūcikammapariyosānena vā, “naṭṭham vā vinaṭṭham vā daḍḍham vā cīvarāsā vā upacchinnā”ti<sup>1</sup> imesu vā yena kenaci ākārena niṭṭhite cīvarasmim, cīvarassa karaṇapalibodhe upacchinneti attho. Atthatakathinassa hi bhikkhuno yāva imeh’ākārehi cīvarapalibodho na chijjati, tāva kathinānisamsā labhati. **Ubbhatasmim kathineti** yam saṅghassa kathinam atthataṁ, tasmim ca ubbhate. Tatr’evaṁ saṅkhepato kathinatthāro ca ubbhāro ca veditabbo. Ayam hi kathinatthāro nāma Bhagavatā purimavassamvuṭṭhānam anuññāto, so sabbantimena paricchedena pañcannam janānam vaṭṭati, tasmā yattha cattāro vā tayo vā dve vā eko vā purimavassam upagato, tattha pacchimavassūpagate gaṇapūrake katvā attharitabbam, te ca gaṇapūrakā’va honti, ānisamse na labhanti, tasmā sace purimavassamvuṭṭhānam gahaṭṭhapabbajitesu yo koci dhammena samena cīvaraṁ deti “iminā kathinam attharathā”ti, tam Khandhake<sup>2</sup> vuttāya ṣattidutiyakammavācāya kathinatthārahassa bhikkhuno dātabbam. Tena tadah’eva pañca vā atirekāni vā khanḍāni chinditvā saṅghāti vā uttarāsaṅgo vā antaravāsako vā kātabbo, sesabhikkhūhi tassa sahāyehi bhavitabbam. Sace katacīvarameva<sup>3</sup> uppajjati, sundarameva. Acchinnāsibbitam pana na vaṭṭati. Tena bhikkhunā sace saṅghātiyā attharitukāmo hoti, porānikam saṅghātim paccuddharitvā navam saṅghātim adhiṭṭhahitvā “imāya saṅghātiyā kathinam attharāmī”ti attharitabbam. Uttarāsaṅga-antaravāsakesupi es’eva nayo. Tato tena purimavassamvuṭṭhe antosīmāgate bhikkhū upasaṅkamitvā “atthatam bhante saṅghassa kathinam, dhammiko kathinatthāro, anumodathā”ti<sup>4</sup> vattabbam. Therānañca navānañca bahūnañca ekassa ca anurūpam

1. Vi 1. 295 piṭṭhe.

3. Katameva (Syā, Kam, Ka)

2. Vi 3. 352 piṭṭhe.

4. Vi 5. 309 piṭṭhe.

sallakkhetvā vattabbam. Tehipi “atthatam bhante samghassa kathinan”ti vā “atthatam āvuso samghassa kathinan”ti vā vatvā “dhammiko kathinatthāro, anumodāmā”ti vā “anumodāmī”ti vā vattabbam. Purimavassamvuṭṭhesupi ye anumodanti, tesam yeva atthatam hoti kathinam. Te tato paṭṭhāya yāva kathinassubbhārā anāmantacāro, asamādānacāro, yāvadatthacīvaraṁ, gaṇabhojanam, yo ca tattha cīvaruppādo, tasminm āvāse samghassa uppannacīvarañcāti ime pañcānisamse labhanti, ayam tāva kathinatthāro. Tam pan’ etam kathinam “aṭṭh’imā bhikkhave mātikā kathinass’ ubbhārāya pakkamanantikā niṭṭhānantikā sanniṭṭhānantikā nāsanantikā savanantikā āsāvacchedikā sīmātikkamanantikā sahubbhārā”ti<sup>1</sup> evam vuttāsu aṭṭhasu mātikāsu aññataravasena uddharīyati. Tattha vitthāravinicchayo Samantapāsādikāyam<sup>2</sup> vuttanayena veditabbo. Iti “ubbhatasminm kathine”ti iminā sesapalibodhābhāvam dasseti.

**Dasāhaparamanti** dasa ahāni paramo paricchedo assāti **dasāhaparamo**, tam dasāhaparamam kālam dhāretabbanti attho. Adhiṭṭhitavikappitesu apariyāpannattā atirekam cīvaranti **atirekacīvaraṁ**, cīvaraṁ nāma khomam kappāsikam koseyyam kambalam sāṇam bhaṅganti etesam vā tadanulomānam vā aññataram. Ayamassa jāti. Pamāṇato pana tam vikappanupagam pacchimam idha adhippetam. Vuttañh’etam “anujānāmi bhikkhave āyāmato aṭṭhaṅgulam Sugataṅgulena caturaṅgulavitthataṁ pacchimam cīvaraṁ vikappetun”ti<sup>3</sup>. Yam pana vuttaṁ “adhiṭṭhitavikappitesu apariyāpannattā”ti, etha “anujānāmi bhikkhave ticīvaraṁ adhiṭṭhātum na vikappetum, vassikasāṭikam vassānam catumāsam adhiṭṭhātum tato param vikappetum, nisīdanam adhiṭṭhātum na vikappetum, paccattharaṇam adhiṭṭhātum na vikappetum, kaṇḍuppaṭicchādim yāva ābādhā adhiṭṭhātum tato param vikappetum, mukhāpuñchanacolakam adhiṭṭhātum na vikappetum, parikkhāracolam adhiṭṭhātum na vikappetun”ti<sup>4</sup> iminā nayena adhiṭṭhātabbavikappetabbatā jānitabbā. Tattha **ticīvaraṁ** adhiṭṭhāhantena rajitvā kappabindum datvā pamāṇayuttameva adhiṭṭhātabbam, tassa pamāṇam ukkaṭṭhaparicchedena Sugatacīvarato ūnakam vattati, lāmakaparicchedena<sup>5</sup> samghāṭiyā tāva

1. Vi 3. 353 piṭṭhe.

2. Vi-Tṭha 3. 393 piṭṭhe.

3. Vi 3. 412 piṭṭhe.

4. Vi 3. 411 piṭṭhe.

5. Omakaparicchedena (Sī)

uttarāsaṅgassa ca dīghato muṭṭhipañcakam, tiryam muṭṭhittikam,  
antaravāsako dīghato muṭṭhipañcako, tiryam dvihatthopi vaṭṭati.  
Vutappamāṇato pana atirekañca ūnakañca “parikkhāracolan”ti  
adhiṭṭhātabbam. Tattha yasmā “dve cīvarassa adhiṭṭhānāni kāyena vā  
adhiṭṭheti, vācāya vā adhiṭṭheti”ti<sup>1</sup> vuttam, tasmā purāṇasamghāṭim “imam  
samghāṭim paccuddharāmī”ti paccuddharitvā navam hatthena gahetvā  
“imam samghāṭim adhiṭṭhāmī”ti cittena ābhogam katvā kāyavikāram  
karontena kāyena vā adhiṭṭhātabbā, vacībhedam katvā vācāya vā  
adhiṭṭhātabbā. Tatra duvidham adhiṭṭhānam—sace hatthapāse hoti, “imam  
samghāṭim adhiṭṭhāmī”ti vācā bhinditabbā. Atha antogabbhādīsu  
sāmantavihāre vā hoti, ṭhapitāṭṭhānam sallakkhetvā “etam samghāṭim  
adhiṭṭhāmī”ti vācā bhinditabbā. Esa nayo uttarāsaṅge ca antaravāsake ca.  
Nāmamattameva hi viseso. Tasmā sabbāni samghāṭim uttarāsaṅgam  
antaravāsakanti evam attano attano nāmen’eva adhiṭṭhātabbāni. Sace  
adhiṭṭhāhitvā ṭhapitavatthehi samghāṭi-ādīni karoti, niṭhite rajane ca kappe  
ca “imam paccuddharāmī”ti paccuddharitvā puna adhiṭṭhātabbāni. Idañca  
pana ticīvaraṁ sukhaparibhogattham parikkhāracolam adhiṭṭhātumpi vaṭṭati.

**Vassikasāṭikā** anatirittapamāṇā nāmam gahetvā vuttanayen’eva cattāro  
vassike māse adhiṭṭhātabbā, tato param paccuddharitvā vikappetabbā,  
vaṇṇabhedamattarattāpi c’esā vaṭṭati, dve pana na vaṭṭanti. **Nisīdanam**  
vuttanayena adhiṭṭhātabbameva, tañca kho pamāṇayuttaṁ ekameva, dve na  
vaṭṭanti. **Paccattharanāmapi** adhiṭṭhātabbameva, tam pana mahantampi  
ekampi bahūnipi vaṭṭanti<sup>2</sup>, nīlampi pītakampi sadasampi pupphadasampīti  
sabbappakārampi vaṭṭati. **Kaṇḍuppaṭicchādi** yāva ābādho atthi, tāva  
pamāṇikā adhiṭṭhātabbā, ābādhe vūpasante paccuddharitvā vikappetabbā, sā  
ekāva vaṭṭati. **Mukhāpuñchanacolam** adhiṭṭhātabbameva, tam pana ekampi  
bahūnipi mahantampi vaṭṭati yeva. **Parikkhāracoṭe** gaṇanā n’atthi, yattakam  
icchatī, tattakam adhiṭṭhātabbameva. **Thavikāpi parissāvanamapi**  
vikappanupagam pacchimapamāṇam “parikkhāracolan”ti  
adhiṭṭhātabbameva, bahūnipi ekato katvā “imāni cīvarāni parikkhāracolāni  
adhiṭṭhāmī”ti-ādinā nayena adhiṭṭhātum vaṭṭati yeva. Mañcabhisi pīṭhabhisi

1. Adhiṭṭhātīti (Sī, Kam, Ka) Vi 5. 214 piṭṭhe pana passitabbam.

2. Mahantampi vaṭṭati ekampi vaṭṭati bahūnipi vaṭṭanti (Syā, Kam), Vi-Tṭha 2. 227 piṭṭhe.

bibbohanam pāvāro kojavoti<sup>1</sup> etesu pana senāsanaparikkhāratthāya dinnapaccattharaṇe ca adhiṭṭhānakiccam n'atthi yeva. Sabbañca pan'etam vuttappakārena adhiṭṭhitacīvaraṁ aññassa dānena, acchinditvā gahaṇena, vissāsaggāhenā, hīnāyāvattanena, sikkhāpaccakkhānena, kālamkiriyāya, liṅgaparivattanena, paccuddharaṇenāti imehi aṭṭhahi kāraṇehi adhiṭṭhānam vijahati. Ticīvaraṁ pana kaniṭṭhaṅgulinakhapiṭṭhippamāṇena chidden'āpi vijahati, tañca kho vinibbedhen'eva. Sace hi chiddassa abbhantare ekatantupi acchinno hoti, rakkhati yeva. Tattha saṃghāṭiyā ca uttarāsaṅgassa ca dīghantato vidatthippamāṇassa tiryantato aṭṭhaṅgulappamāṇassa padessassa orato chiddam adhiṭṭhānam bhindati, antaravāsakepi dīghantato etadeva pamāṇam, tiryantena pana caturaṅgulatā veditabbā. Tiṇṇannampi vuttokāsassa parato na bhindati, tasmā chidde jāte ticīvaraṁ atirekacīvaraṭṭhāne tiṭṭhati, sūcikammam katvā puna adhiṭṭhātabbam. Vassikasāṭikā vassānamāsāṭikkamen'āpi, kaṇḍuppaṭicchādi ābādhavūpasamen'āpi adhiṭṭhānam vijahati. Tasmā sā tato param vikappetabbā. Vikappanalakkhaṇam pana sabbacīvarānam Vikappanasikkhāpade yeva vaṇṇayissāma. Kevalañhi imasmiṁ okāse yam evam anadhiṭṭhitam avikappitañca<sup>2</sup>, tam “atirekacīvaran”ti veditabbam.

**Tam atikkāmayato nissaggyam pācittiyanti tam**  
 yathāvuttajātippamāṇam cīvaraṁ dasāhaparamam kālam atikkāmayato etthantare yathā atirekacīvaraṁ na hoti, tathā akrubbato nissaggyam pācittiyam, tañca cīvaraṁ nissaggyam hoti, pācittiyam āpatti c'assa hotīti attho. Atha vā nissajjanam nissaggyam, pubbabhāge kattabbassa vinayakammas'etam nāmam, nissaggyamassa atthīti nissaggyamicc'eva. Kim tam? Pācittiyam. Tam atikkāmayato saha nissaggyiena nissaggyavinayakammaṁ pācittiyam hotīti ayamettha attho. Tañca pan'etam cīvaraṁ yam divasam uppānam, tassa yo aruṇo, so uppānadivasanissito, tasmā cīvaruppādadiwasena saddhim ekādase aruṇuggamane dasāhātikkamitam hoti, tam gahetvā saṃghassa vā gaṇassa vā puggalassa vā nissajjtabbam, Tatr'āyam nayo—saṃghassa tāvā evam nissajjtabbam “idam me bhante cīvaraṁ dasahātikkantam nissaggyam, imāham saṃghassa nissajjāmī”ti<sup>3</sup> nissajjtvā “aham bhante ekam nissaggyam pācittiyam āpanno,

1. Kojavo cāti (Syā, Kam)

2. Anadhiṭṭhitam vā avikappitam vā (Syā, Kam)

3. Vi 1. 295 piṭṭhe.

tam paṭidesemī”ti evam āpatti desetabbā. Sace dve honti, “dve”ti vattabbam, sace taduttari, “sambahula”ti vattabbam. Nissajjanepi sace dve vā bahūni vā honti, “imāni me bhante cīvarāni dasāhātikkantāni nissaggiyāni, imān’āham samghassa nissajjāmī”ti vattabbam, Pāliṁ vattum asakkontena aññathāpi vattabbam. Byattena bhikkhunā paṭibalena saṅgho nāpetabbo “suṇātu me bhante saṅgho, ayam itthannāmo bhikkhu āpattim sarati vivarati uttānim karoti deseti, yadi saṅghassa pattakallam, aham itthannāmassa bhikkhuno āpattim paṭiggaṇheyyan”ti<sup>1</sup>, iminā lakkhaṇena āpattim paṭiggaṇhitvā vattabbo “passasī”ti, “āma passāmī”ti, “āyatim saṃvareyyāsī”ti, “sādhu suṭṭhu saṃvarissāmī”ti. Dvīsu pana sambahulāsu vā purimanayen’eva vacanabhedo kātabbo. Desitāya āpattiyā “suṇātu me bhante saṅgho, idam cīvaraṁ itthannāmassa bhikkhuno nissaggiyam saṅghassa nissaṭṭham, yadi saṅghassa pattakallam, saṅgho imam cīvaraṁ itthannāmassa bhikkhuno dadeyyā”ti<sup>2</sup> evam nissaṭṭhacīvaraṁ dātabbam, dvīsu bahūsu vā vacanabhedo kātabbo.

Gaṇassa pana nissajjantena “im’āhan”ti vā “imāni ahan”ti vā vatvā “āyasmantānam nissajjāmī”ti vattabbam, āpattippaṭiggāhaken’āpi “suṇantu me āyasmantā, ayam itthannāmo bhikkhu āpattim sarati -pa- deseti, yad’āyasmantānam pattakallan”ti vattabbam, cīvaradānepi “suṇantu me āyasmantā, idam cīvaraṁ itthannāmassa bhikkhuno nissaggiyam āyasmantānam nissaṭṭham, yad’āyasmantānam pattakallam, āyasmantā imam cīvaraṁ itthannāmassa bhikkhuno dadeyyun”ti<sup>3</sup> vattabbam, sesam purimasadisameva. Puggalassa pana nissajjantena “im’āhan”ti vā “imāni ahan”ti vā vatvā “āyasmato nissajjāmī”ti<sup>3</sup> vattabbam, nissajjivā “aham bhante ekam nissaggiyam pācittiyam āpanno, tam paṭidesemī”ti evam āpatti desetabbā. Sace pana navakataro hoti, “āvuso”ti vattabbam, ten’āpi “passasi”ti vā “passathā”ti vā vutte “āma bhante”ti vā “āma āvuso”ti vā vatvā “passāmī”ti vattabbam, tato “āyatim saṃvareyyāsī”ti vā “saṃvareyyāthā”ti vā vutte “sādhu suṭṭhu saṃvarissāmī”ti vattabbam. Evam desitāya āpattiyā “imam cīvaraṁ āyasmato dammī”ti dātabbam, dvīsu

---

1. Vi 4. 235 piṭṭhe.

2. Vi 1. 295 piṭṭhe.

3. Vi 1. 296 piṭṭhe.

tīsu vā pubbe vuttānusāren’eva nayo veditabbo. Dvinnam pana yathā gaṇassa, evam nissajjitabbam, tato āpattippaṭigahaṇañca nissaṭṭhacīvaraḍānañca tesam aññatarena yathā ekena puggalena, tathā kātabbam. Idampana sabbanissaggiyesu vidhānam. Cīvaraṁ patto nisīdananti vatthumattameva hi nānam<sup>1</sup>, parammukham pana vatthu “etan”ti nissajjitabbam. Sace bahūni honti, “etānī”ti vattabbam. Nissaṭṭhadānepi es’eva nayo. Nissaṭṭhavatthum “dinnamidam iminā mayhan”ti saññāya na paṭidentassā<sup>2</sup> dukkaṭam, tassa santakabhāvam ñatvā lesena acchindanto sāmikassa dhuranikkhepena bhaṇḍam agghāpetvā kāretabboti.

Vesāliyam Chabbaggiye bhikkhū ārabbha atirekacīvaraḍhāraṇavatthusmim paññattam, “dasāhaparaman”ti ayamettha anupaññatti, sādhāraṇapaññatti, anāṇattikam, anissajjivā paribhuñjantassa dukkaṭam, yathā ca idha, evam sabbatha, tasmā nam parato na vakkhāma. Dasāham anatikkantepi atikkantasaññino vematikassa ca dukkaṭam. Atikkante anatikkantasaññinopi vematikassapi nissaggiyam pācittiyameva, tathā anadhiṭhit’āvikappita-avissajjita-anāṭṭh’āvinaṭṭha-adaḍḍh’āviluttesu adhiṭhitādisaññino. Antodasāham adhiṭhite vikappite vissajjite naṭṭhe vinaṭṭhe daḍḍhe acchinne vissāsenā gāhite ummattakādīnañca anāpatti. Ācāravipatti, yathā ca idam, evam ito parānipi, ubhatopātimokkhesupi hi pārājikāni ca samghādesesā ca sīlavipatti, sesāpattiyo ācāravipatti, ājīvavipatti vā diṭṭhivipatti vā kāci āpatti nāma n’atthi. Ājīvavipattipaccayā pana ṭhapetvā dubbhāsitam cha āpattikkhandhā paññattā, diṭṭhivipattipaccayā pācittiyadukkaṭavasena dve āpattikkhandhā paññattāti, idamettha lakkhaṇam, iti vipattikathā idh’eva niṭṭhitāti, na nam ito param vicārayissāma. Jātippamāṇasampannassa cīvarassa attano santakatā, gaṇanupagatā, chinnapalibodhabhāvo, atirekacīvaratā, dasāhātikkamoti imān’ettha pañca aṅgāni. Kathinasamuṭṭhānam, akiriyam, nosaññāvimokkham, acittakam, paññattivajjam, kāyakammam, vacīkammaṁ, ticittam, tivedananti.

Kathinasikkhāpadavaṇṇanā niṭṭhitā.

1. Nānattam (Sī, Syā, Kam)

2. Tam na paṭidentassa (Syā, Kam)

## 2. Udositasikkhāpadavaṇṇanā

Dutiye niṭṭhitacīvarasmin bhikkhunāti ettha purimasikkhāpade viya attham aggahetvā niṭṭhite cīvarasmin bhikkhunoti evam sāmivasena karaṇavacanassa attho veditabbo. Karaṇavasena hi bhikkhunā idam nāma kammarām kātabbam, tam n'atthi<sup>1</sup>, sāmivasena pana bhikkhuno cīvarasmin niṭṭhite kathine ca ubbhate evam imehi cīvaraniṭṭhānakathinubbhārehi chinnapalibodho ekarattampi ce bhikkhu ticīvarena vippavaseyyāti evam attho yujjati. Tattha ticīvarenāti ticīvarādhiṭṭhānanayena adhiṭṭhitesu saṃghāṭi-ādīsu yena kenaci. **Vippavaseyyāti** viyutto vaseyya, “gāmo ekūpacāro nānūpacāro”ti-ādinā<sup>2</sup> nayena Pāliyam vuttānam gāmanigamananivesana-udosita-  
aṭṭamālapāsādahammiyanāvāsatthakhettadhaññakaraṇa-  
ārāmavihārarukkhamūla-ajjhokāsappabhedānam pannarasānam  
nikkhepaṭṭhānānam yattha katthaci nikhipitvā tesam gāmādīnam bahi  
hatthapāsātikkamena aruṇam uṭṭhāpeyyāti ayameththa saṅkhepo. Vitthāro  
pana Samantapāsādikāyam<sup>3</sup> vutto. **Aññatra bhikkhusammutiyāti** yam  
saṃgho gilānassa bhikkhuno ticīvarena avippavāsasammutim deti, tam  
ṭhapetvā aladdhasammutikassa bhikkhuno ekarattampi vippavāsato  
vuttanayen'eva nissaggiyam pācittiyanti veditabbam. Kevalam idha “idam  
me bhante cīvaraṁ rattivippavuttham aññatra bhikkhusammutiya  
nissaggiyan”ti-ādinā<sup>2</sup> nayena vacanabhedo hoti, ayam pana viseso.

Sāvatthiyam sambahule bhikkhū ārabbha santaruttarena janapadacārikam pakkamanavatthusmin paññattam, “aññatra bhikkhusammutiyā”ti ayameththa anupaññatti, sādhāraṇapaññatti, anāṇattikam, avippavutthe vippavutthasaññino c'eva vematikassa ca dukkaṭam. Vippavutthe vippavutthasaññinopi avippavutthasaññinopi vematikass'api nissaggiyam pācittiyam, tathā apaccuddhaṭa-avissajjitatādīsu ca paccuddhaṭavissajjitatādisaññino. Anto-aruṇe paccuddhaṭe pana pathamakathine vuttavissajjitatādibhede ca anāpatti, tathā laddhasammutikassa vippavāse. Ābādhe pana vūpasante paccāgantabbam, tattheva vā ṭhitena paccuddharitabbam. Ath'āpiissa puna so vā añño vā ābādho kuppati, laddhakappiyameva.

1. Kātabbanti n'atthi (Syā, Kam, Vi-Tṭha 2. 237 piṭṭhe), kammarām kātabbam n'atthi (Sī)

2. Vi 1. 299 piṭṭhe.

3. Vi-Tṭha 2. 233 piṭṭhādīsu.

adhiṭṭhitacīvaratā anatthatakathinatā aladdhasammutikatā rattivippavāsoti imān’ettha cattāri aṅgāni. Samuṭṭhānādīni paṭhamakathine vuttappakārān’eva. Kevalañhi tattha anadhiṭṭhānam avikappanañca akriyā, idha appaccuddharaṇam, ayam visesoti.

Udositasikkhāpadavaṇṇanā niṭṭhitā.

### 3. Akālacīvarasikkhāpadavaṇṇanā

Tatiye niṭṭhitacīvarasmīm bhikkhunāti sāmivasen’eva karaṇattho veditabbo. **Akālacīvaraṁ** nāma yv’ayam “anathate kathine vassānassa pacchimo māso, athate kathine pañcamāsā”ti<sup>1</sup> cīvarakālo vutto, tam ṭhapetvā aññadā uppānam, yañca kālepi saṃghassa vā “idam akālacīvaraṇ”ti, puggalassa vā “idam tuyhami dammi”ti-ādinā nayena dinnam, etam akālacīvaraṁ nāma. **Uppajjeyyāti** evarūpam cīvaraṁ attano bhāgapaṭilābhavasena saṃghato vā Suttantikādigaṇato vā ñātito vā mittato vā paṃsukūlam vā attano vā dhanena<sup>2</sup>, atha vā pana “atṭhimā bhikkhave mātikā cīvarassa uppādāya sīmāya deti, katikāya deti, bhikkhāpaññattikāya deti, saṃghassa deti, ubhatosamghassa deti, vassamīvuṭṭhasaṃghassa deti, ādissa deti, puggalassa deti”ti<sup>3</sup> imāsam atṭhannam mātikānam aññatarato uppajjeyya. Ettha ca “sīmāya dammi”ti evam sīmam parāmasitvā dento **sīmāya deti** nāma, esa nayo sabbattha. Ettha ca **sīmāti** khaṇḍasīmā upacārasīmā samānasamīvāsasīmā avippavāsasīmā lābhasīmā gāmasīmā nigamasīmā nagarasīmā abbhantarāsīmā udakukkhepasīmā janapadasīmā raṭṭhasīmā rajjasīmā dīpasīmā cakkavālaśīmāti pannarasavidhā. Tattha **upacārasīmā** nāma parikkhittassa vihārassa parikkhepena, aparikkhittassa parikkhepārahaṭṭhānena paricchinnā. Api ca bhikkhūnam dhuvasannipātaṭṭhānato vā pariyante ṭhitabhojanasālato vā nibaddhavasanaka-āvāsato vā thāmamajjhimassa purisassa dvinnam ledḍupātānam anto “upacārasīmā”ti veditabbā. Sā pana āvāse vadḍhante vadḍhati, hāyante

1. Vi 1. 375 piṭṭhe.

2. Vi 1. 304 piṭṭhe.

3. Vi 3. 427 piṭṭhe.

hāyati, yojanasatampi upacārasīmā’va hoti. Tattha dinnalābho sabbesam  
antosīmagatānam pāpuṇāti, bhikkhunīnam  
ārāmapavesanasenāsanāpucchanāni parivāsamānattārocanam  
vassacchedanissayasenāsanaggāhādividhānanti idampi sabbam imissā’va  
sīmāya vasena veditabbam. **Lābhāsīmāti** yam rājarājamahāmattādayo  
vihāram kārāpetvā gāvutam vā addhayojanam vā yojanam vā samantā  
paricchinditvā “ayam amhākam vihārassa lābhāsīmā, yam etthantare  
upajjati, tam sabbam amhākam vihārassa demā”ti ṭhapenti, ayam  
lābhāsīmā nāma. Kāsikosalādīnam pana rāṭṭhānam anto bahū janapadā  
honti, tattha eko janapadaparicchedo **janapadasīmā**,  
Kāsikosalādiraṭṭhaparicchedo **raṭṭhasīmā**, ekassa rañño āñāpavattiṭṭhānam  
**rajjasīmā**, samuddantena paricchinno mahādīpo vā antaradīpo vā **dīpasīmā**,  
ekacakkavālapabbataparikkhepabbhantaram **cakkavālasīmā**, sesā  
nidānakathāyam vuttanayā eva. Tattha “khaṇḍasīmāya demā”ti dinnam  
khaṇḍasīmaṭṭhānam yeva pāpuṇāti, tato bahisīmāya sīmantarikaṭṭhānampi na  
pāpuṇāti. “Upacārasīmāya demā”ti dinnam pana antoparicchede  
khaṇḍasīmāsīmantarikāsu ṭhitānampi pāpuṇāti, samānasamvāsasīmāya  
dinnam khaṇḍasīmāsīmantarikaṭṭhānampi na pāpuṇāti,  
avippavāsīmālābhasīmāsu dinnam tāsam antogadhānam yeva pāpuṇāti,  
gāmasīmādīsu dinnam tāsam sīmānam abbhantare baddhasīmaṭṭhānampi  
pāpuṇāti, abbhantarāsīmā-udakukkhepasīmāsu dinnam tattha antogadhānam  
yeva pāpuṇāti, janapadasīmādīsu dinnampi tāsam abbhantare  
baddhasīmaṭṭhānampi pāpuṇāti, tasmā yam Jambudīpe ṭhatvā  
“Tambapaṇḍīpe saṅghassa demā”ti dīyati, tam Tambapaṇḍīpato ekopi  
gantvā sabbesam saṅgaṇhitum labhati. Sacepi tatth’eva eko sabhāgo bhikkhu  
sabhāgānam bhāgam gaṇhāti, na vāretabbo. Yo pana vihāram pavisitvā  
“asukasīmāyā”ti avatvā kevalam “sīmāya dammī”ti vadati, so pucchitabbo  
“sīmā nāma bahuvidhā, kataram sandhāya vadasi”ti, sace vadati “ahametam  
bhedam na jānāmi, sīmatṭhakasamgho gaṇhatū”ti, upacārasīmaṭṭhehi  
bhājetabbam.

**Katikāyāti** ettha katikā nāma samānalābhakatikā. Sā pana evam kātabbā,  
Ekasmim vihāre sannipatitehi bhikkhūhi yam vihāram saṅgaṇhitukāmā  
samānalābhām kātum icchanti, tassa nāmam gahetvā “asuko nāma vihāro  
porāṇako appalābho”ti

yam kiñci kāraṇam vatvā “tam vihāram iminā vihārena saddhiṁ ekalābhām kātum samghassa ruccatī”ti tikkhattum sāvetabbam, ettāvatā tasmiṁ vihāre nisinnopi idha nisinno’va hoti, tasmiṁ vihārepi evameva kātabbam, ettāvatā idha nisinnopi tasmiṁ nisinno’va hoti. Ekasmim vihāre lābhe bhājiyamāne itarasmim thitassa bhāgām gahetum vattati.

**Bhikkhāpaññattiyāti** ettha bhikkhāpaññatti nāma dāyakassa pariccāgapaññattītthānam, tasmā “yattha mayham dhuvakārā karīyanti, tattha dammī”ti vā “tattha dethā”ti vā vutte yattha tassa pākavattam vā vattati, yato vā bhikkhū niccam bhojeti, yattha vā tena kiñci senāsanam katam, sabbattha dinnameva hoti. Sace pana ekasmim dhuvakāraṭthāne thokatarā bhikkhū honti, ekameva vā vattham hoti, mātikam āropetvā yathā so vadati, tathā gahetabbam.

**Samghassa detīti** ettha vihāram pavisitvā “samghassa dammī”ti dinnam upacārasimāgatānañca tato bahiddhāpi tehi saddhiṁ ekābaddhānañca pāpuñāti, tasmā tesam gāhake sati asampattānampi bhāgo dātabbo. Yam pana bahi upacārasimāya bhikkhū disvā “samghassā”ti dīyati, tam ekābaddhaparisāya pāpuñāti. Ye pana dvādasahi hatthehi parisam asampattā, tesam na pāpuñāti.

**Ubhatosamghassāti** ettha pana yam ubhatosamghassa dinnam, tato upaḍḍham bhikkhūnam, upaḍḍham bhikkhunīnam dātabbam. Sacepi eko bhikkhu hoti, ekā vā bhikkhunī, antamaso anupasampannassāpi upaḍḍhameva dātabbam. “Ubhatosamghassa ca tuyhañcā”ti vutte pana sace dasa bhikkhū ca dasa bhikkhuniyo ca honti, ekavīsatī paṭivīse katvā eko puggalassa dātabbo, dasa bhikkhusamghassa, dasa bhikkhunisamghassa ca, yena puggaliko laddho, so samghatopī attano vassaggena gahetum labhati. Kasmā? Ubhatosamghaggahañena gahitattā, “ubhatosamghassa ca cetiyassa cā”ti vuttepi es’eva nayo. Idha pana cetiyassa samghato pāpuñakotthāso nāma n’atthi, ekapuggalassa pattakoṭthāsamo eko koṭthāso hoti. “Bhikkhusamghassa ca bhikkhunīnañcā”ti vutte pana na majjhe bhinditvā dātabbam, bhikkhū ca bhikkhuniyo ca gaṇetvā dātabbam. “Bhikkhusamghassa ca bhikkhunīnañcā tuyhañcā”ti vutte puggalo visum na labhati, pāpuñakotthāsato ekameva

labhati. “Cetiyassa cā”ti vutte pana cetiyassa eko puggalapaṭivīso labbhati. “Bhikkhūnañca bhikkhunīnañcā”ti vuttepi na majjhe bhinditvā dātabbam, puggalagaṇanāya eva vibhajitabbam. Tehi saddhim puggalacetiyaparāmasanam anantaranayasadisameva. Yathā ca bhikkhusamgham ādīm katvā nayo nīto, evam bhikkhunisamgham ādīm katvāpi netabbo. “Bhikkhusamghassa ca tuyhañcā”ti vuttepi puggalassa visum na labbhati, cetiyassa pana labbhati. “Bhikkhūnañca tuyhañcā”ti vuttepi visum na labbhati, cetiyassa pana labbhati yeva.

**Vassamvuṭṭhasaringhassāti** ettha sace vihāram pavisitvā “vassamvuṭṭhasaringhassa dammī”ti vadati, ye tattha vassacchedam akatvā purimavassamvuṭṭhā, tesam bahi sīmaṭṭhānampi pāpuṇāti, na aññesam. Sace pana bahi-upacārasīmāyam ṭhito “vassamvuṭṭhasamghassā”ti vadati, yattha katthaci vuṭṭhavassānam sabbesam sampattānam pāpuṇāti. Atha “asukavihāre vassamvuṭṭhassā”ti vadati, tattha vassamvuṭṭhānam yeva yāva kathinassubbhārā pāpuṇāti. Gimhānam paṭhamadivasato paṭṭhāya evam vadati, tatra sammukhībhūtānam sabbesam pāpuṇāti, na aññesam.

**Ādissa detīti** ādisitvā paricchinditvā deti. Katham? Bhikkhū ajjatanāya vā svātanāya vā yāguyā nimantetvā te ghare yāgum pāyetvā “imāni cīvarāni yehi mayham yāgu pītā, tesam dammī”ti vadati, yehi nimantitehi yāgu pītā, tesam yeva pāpuṇāti. Bhattakhajjakādīhi nimantitesupi es’eva nayo.

**Puggalassa detīti** “idam cīvaraṁ itthannāmassa dammī”ti evam parammukhā vā, pādamūle ḍhapetvā “idam tumhākan”ti evam sammukhā vā detīti ayamettha saṅkhepakathā, vitthāro pana Samantapāsādikāyam<sup>2</sup> vutto. Iti imāsam aṭṭhannam mātikāpadānam vasena yam akālacīvaralakkhaṇena paṭiladdham, tam sandhāya “akālacīvaraṁ upajeyyā”ti vuttam.

**Ākaṅkhamānenāti** icchamānenā. **Khippameva kāretabbanti** sīgham antodasāhe yeva kāretabbam. **No c’assa pāripūrīti** no ce pāripūrī bhaveyya, yattakena kariyamānam adhiṭṭhānacīvaraṁ pahoti, tam cīvaraṁ tattakam na bhaveyya, ūnakam bhaveyyāti attho. **Satiyā paccasāyāti** “asukadivasam nāma samgho cīvarāni labhissati, tato me cīvaraṁ

1. Deti (Sī, Syā, Kam)

2. Vi-Tīha 3. 417 piṭṭhe.

upappajissatī”ti iminā nayena samghagaṇañātimittesu vā aññataratthānato, “pamsukūlam vā lacchāmī”ti, “iminā vā kappiyabhaṇḍena cīvaram gaṇhissāmī”ti evam vijjamānāya cīvarāsāya. **Tato ce uttarīti** māsaparamato ce uttari nikkhipeyya, nissaggyanti attho. Yadi pan’assa mūlacīvaram sañham hoti, paccāsācīvaram thūlam hoti, na sakkā yojetum, rattiyo ca sesā honti, na tāva māso pūrati, na akāmā cīvaram kāretabbam, aññam paccāsācīvaram labhitvā eva kālabhbhantare kāretabbam. Sace na labhati, paccāsācīvarampi parikkhāracolaṁ adhiṭṭhātabbam. Atha mūlacīvaram thūlam hoti, paccāsācīvaram sañham, mūlacīvaram parikkhāracolaṁ adhiṭṭhahitvā paccāsācīvaram eva mūlacīvaram katvā ṭhapetabbam, tam puna māsaparihāram labhati, eten’upāyena yāva na lacchati, tāva aññam mūlacīvaram katvā ṭhapetuṁ labbhati. Imassa “idam me bhante akālacīvaram māsātikkantaṁ nissaggyan”ti<sup>1</sup> iminā nayena nissajjanavidhānam veditabbam.

Sāvatthiyam sambahule bhikkhū ārabbha akālacīvaram paṭiggahetvā māsam atikkamanavatthusmin paññattam, sādhāraṇapaññatti, anāṇattikam, ito param sabbam paṭhamakathine vuttasadisameva. Kevalañhi tattha dasāhātikkamo, idha māsātikkamoti ayam viseso. Sesam tādisamevātī.

Akālacīvarasikkhāpadavaṇṇanā niṭṭhitā.

#### 4. Purāṇacīvarasikkhāpadavaṇṇanā

Catutthe aññātikāyāti na ñātikāya, mātito vā pitito vā yāva sattamam yugam, tāva kenaci ākārena asambaddhāyāti attho. **Bhikkhuniyāti** sākiyāniyo viya suddhabhikkhusamghe vā ubhatosamghe vā upasampannāya. **Purāṇacīvaranti** rajitvā kappam katvā ekavārampi nivattham vā pārutanam vā, yam antamaso paribhogasīsena amse vā matthake vā katvā maggam gato hoti, ussīsakam vā katvā nipanno, etampi purāṇacīvaram eva. **Dhovāpeyya** vāti sace “dhovā”tivācāya vadati, kāyavikāram vā karoti, hatthena vā hatthe deti, pādamūle vā ṭhapheti, antodvādasahatthe okāse ṭhatvā upari vā khipati, aññassa

1. Vi 1. 305 piṭṭhe.

vā hatthe peseti, tāya dhotam<sup>1</sup>, dhovāpitameva hoti. Rajāpanākoṭāpanesupi es'eva nayo. Sikkhamānāya vā sāmaṇeriyā vā upāsikāya vā hatthe dhovanatthāya deti, sā sace upasampajjivtā dhovati, evampi nissaggyam pācittiyam. Upāsakassa vā sāmaṇerassā vā hatthe dinnam hoti, so ce liṅge parivatte upasampajjivtā dhovati, daharassa bhikkhussa vā dinnam hoti, sopi liṅge parivatte dhovati, nissaggyam pācittiyameva. Rajāpanākoṭāpanesupi es'eva nayo. “Idam me bhante purāṇacīvaram aññātikāya bhikkhuniyā dhovāpitam nissaggyan”ti<sup>2</sup> iminā pan'ettha nayena nissajjanavidhānam veditabbam.

Sāvatthiyam Udāyittheram ārabbha purāṇacīvaradhvovāpanavatthusmim paññattam. Asādhāraṇapaññatti, sāṇattikam “dhovā”ti-ādikāya āṇattiyā, evam āṇattāya ca bhikkhuniyā uddhanasajjanādīsu sabbappayogesu bhikkhuno dukkaṭam. Dhovitvā ukkhittamattam pana rattamattam ākoṭitamattañca nissaggyam hoti, dhovanādīni tīṇipī dve vā kārāpentassa ekena vatthunā nissaggyam, itarehi dukkaṭam. Sace pana “dhovā”ti vuttā sabbānipi karoti, dhovanapaccayā’va āpatti. “Imasmim cīvare yam kattabbam, tam karohī”ti vadato pana ekavācāya pācittiyena saddhim dve dukkaṭāni, Bhikkhunisamghavasena ekato-upasampannāya dhovāpentassa anissajjivtā paribhuñjantassa, aññassa vā santakam nisīdanapaccattharaṇam vā dhovāpentassa, nātikāya aññātikasaññino c'eva, vematikassa ca dukkaṭam, aññātikāya nātikasaññinopi vematikass'āpi nissaggyam pācittiyameva. Ito param pana evarūpesu ṭhānesu “tikapācittiyā”ti vakkhāma. Sace nātikāya sahāyā aññātikā “dhovā”ti avuttā vā dhovati, aparibhuttam vā aññam vā parikkhāram dhovati, sikkhamānasāmaṇeriyo vā dhovanti, anāpatti, ummattakādīnam anāpatti yeva. Purāṇacīvaratā upacāre ṭhatvā aññātikāya bhikkhuniyā āṇāpanam tassā dhovanādīni cāti imān'ettha tīṇi aṅgāni. Sañcarittasamuṭṭhānam, kiriyam, nosaññāvimokkham, acittakam, paññattivajjam, kāyakammaṁ, vacīkammaṁ, ticittam, tivedananti.

Purāṇacīvarasikkhāpadavaṇṇanā niṭṭhitā.

1. Dhovitam (Syā, Kam)

2. Vi 1. 307 piṭṭhe.

### 5. Cīvarappaṭiggahaṇasikkhāpadavaṇṇanā

Pañcame **aññatikāyāti** idam vuttanayameva, tasmā ito param katthaci na vicārayissāma. **Cīvaranti** channam aññataram vikappanupagam, esa nayo sabbesu cīvarappaṭisamnyuttasikkhāpadesu. Yattha pana viseso bhavissati, tattha vakkhāma. **Paṭiggaṇheyyāti** ettha hatthena vā hatthe detu, pādamūle vā ṭhapetu, dhammakatham kathentassa vatthesu khipyamānesu upacāram muñcivāpi upari vā khipatu, sace sādiyati, paṭiggahitameva hoti. Yassa kassaci pana anupasampannassa hatthe pesitam<sup>1</sup> gaṇhitum vaṭṭati, “pamsukulam gaṇhissatī”ti saṅkārakūṭadīsu ṭhapitampi pamsukulam adhiṭṭhahitvā gahetum vaṭṭati yeva. **Aññatra pārivattakāti** yam “antamaso harītakakkhanḍampi datvā vā dassāmī”ti ābhogaṁ katvā vā pārivattakam gaṇhāti, tam ṭhabetvā aññam antamaso vikappanupagam paṭaparissāvanampi gaṇhantassa nissaggyam hoti. Tatra “idam me bhante cīvaraṁ aññatikāya bhikkhuniyā hatthato paṭiggahitam aññatra pārivattakā nissaggyan”ti<sup>2</sup> iminā nayena nissajjanavidhānam veditabbam.

Rājagahe Udāyittheram ārabbha cīvarappaṭiggahaṇavatthusmiṁ paññattam, “aññatra pārivattakā”ti ayamettha anupaññatti, asādhāraṇapaññatti, anāṇattikam, gahaṇatthāya hatthappasāraṇādippayoge dukkaṭam, paṭilābhena nissaggyam hoti, nissajjtabbam, tikapācittiyam, ekato-upasampannāya ñātikāya ca aññatikasaññissa vematikassa vā dukkaṭam. Vissāsaggāhe, tāvakālike, pattatthavikādimhi ca anadhiṭṭhabbarikkhāre, sikkhamānasāmaṇerīnam hatthato gahaṇe, ummattakādīnañca anāpatti. Vikappanupagacīvaratā pārivattakābhāvo aññatikāya hatthato gahaṇanti imān’ettha tīpi aṅgāni. Sañcarittasamuṭṭhānam, kiryākiriyaṁ, sesam catutthasadisamevāti.

Cīvarappaṭiggahaṇasikkhāpadavaṇṇanā niṭṭhitā.

### 6. Aññatakaviññattisikkhāpadavaṇṇanā

Chaṭṭhe **gahapatinti** bhikkhūsu apabbajitamanussam. **Gahapatāninti** bhikkhunīsu apabbajititthim. Esa nayo sabbesu gahapatippaṭisamnyuttesu sikkhāpadesu.

1. Ṭhapatam (Syā, Kam, Ka, Abhinavaṭī)

2. Vi 1. 311 piṭṭhe.

**Viññāpeyyāti** yāceyya vā yācāpeyya vā. **Aññatra samayāti** yo acchinnacīvaro vā hoti naṭṭhacīvaro vā, tassa tam samayam ṭhapetvā aññasmim viññāpanappayoge dukkaṭam, paṭilābhena nissaggyam hoti. Tattha “idam me bhante cīvaram aññātakam gahapatikam aññatra samaya viññāpitam nissaggiyan”ti<sup>1</sup> iminā nissajjanavidhānam veditabbam.

Sāvatthiyam Upanandam ārabbha cīvaraviññāpanavatthusmim paññattam. “Aññatra samayā”ti ayamettha anupaññatti, sādhāraṇapaññatti, anāṇattikam, tikapācittiyam, nātakē aññātakasaññino vematikassa ca dukkaṭam, samaye vā nātakappavārite vā viññāpentassa, aññassa vā nātakappavārite tass’ev’atthāya<sup>2</sup> viññāpentassa, attano dhanena gaṇhantassa, ummattakādīnañca anāpatti. Vikappanupagacīvaratā samayābhāvo aññātakaviññatti tāya ca paṭilābhōti imān’ ettha cattāri aṅgāni. Samuṭṭhānādīni catutthasadisānevāti.

Aññātakaviññattisikkhāpadavanṇanā niṭṭhitā.

---

## 7. Tatuttari sikkhāpadavanṇanā

Sattame tañceti tam acchinnacīvaram vā naṭṭhacīvaram vā. **Abhihaṭṭhanti abhīti** upasaggo, haritunti attho, gaṇhitunti vuttam hoti. **Pavāreyyāti** icchāpeyya, iccham rucim uppādeyya, “yāvattakam icchasi, tāvattakam gaṇhāhī”ti evam nimanteyyāti attho, yathā vā “nekkhammam daṭṭhu khemato”ti<sup>3</sup> ettha disvāti attho, evamidh’āpi “abhihaṭṭhum pavāreyyā”ti upanetvā purato ṭhapento kāyena vā, “amhākam dussakoṭṭhāgārato yattakam icchatha, tattakam gaṇhathā”ti vadanto vācāya vā abhiharitvā nimanteyyāti attho. **Santaruttaraparamanti** sa-antaram uttaram paramam assa cīvarassāti santaruttaraparamam, nivāsanena saddhim pārupanam ukkaṭṭhāparicchedo assāti vuttam hoti. **Tato cīvaram sāditabbanti** tato abhihaṭṭacīvarato ettakam cīvaram gahetabbam, na tato param.

1. Vi 1. 316 piṭṭhe.

2. Tassatthāya (Sī)

3. Khu 1. 341, 445; Khu 8. 145 piṭṭhādīsu.

Tatr'āyam vinicchayo—yassa adhiṭṭhitacīvaraṭṭa tīṇi naṭṭhāni, tena dve sāditabbāni, ekam nivāsetvā ekam pārupitvā aññam sabhāgaṭṭhānato pariyesitabbam. Yassa dve naṭṭhāni, tena ekam sāditabbam. Sace pana pakatiyāva santaruttarena carati, dve sāditabbāni, evam ekam sādiyanten'eva samo bhavissati. Yassa tīsu ekam naṭṭham, kiñci na sāditabbam. Yassa pana dvīsu ekam naṭṭham, ekam sāditabbam. Yassa ekam yeva hoti, tañca naṭṭham, dve sāditabbāni. Bhikkhuniyā pana pañcasu naṭṭhesu dve sāditabbāni, catūsu naṭṭhesu ekam sāditabbam, tīsu naṭṭhesu na kiñci sāditabbam, ko pana vādo dvīsu vā ekasmiṁ vā. Yena kenaci hi santaruttaraparamatāya ṭhātabbam, tato uttari viññāpanappayoge dukkaṭam, paṭilābhena nissaggiyam hoti. Tattha “idam me bhante cīvaraṁ aññātakam gahapatikam tatutari viññāpitam nissaggiyan”ti<sup>1</sup> iminā nayena nissajjanavidhānam veditabbam.

Sāvatthiyam chabbaggiye bhikkhū ārabbha bahucīvaraṇiññāpanavatthusmim paññattam, sādhāraṇapaññatti, anāñattikam, tikapācittiyam, nātake aññātakasaññino vematikassa vā dukkaṭam. Dve cīvarāni katvā “sesakam āharissāmī”ti vatvā gaṇhantassa, “sesakam tuyham yeva hotū”ti vuttassa, na acchinnanaṭṭhakāraṇā dinnam gaṇhantassa, vuttanayena nātakappavārite viññāpentassa, attano dhanena gaṇhantassa, ummattakādīnañca anāpatti. Tatuttaritā acchinnādikāraṇatā aññātakaviññatti tāya ca paṭilābhoti imān'ettha cattāri aṅgāni. Samuṭṭhānādīni catutthasadisān'evāti.

Tatuttarisikkhāpadavaṇṇanā niṭṭhitā.

## 8. Upakkhaṭasikkhāpadavaṇṇanā

Aṭṭhame **bhikkhuri** pan'eva uddissāti “itthannāmassa bhikkhuno dassāmī”ti evam apadisitvā. **Cīvara** cetaṭāpannantī hiraññādikam cīvaraṁūlam. **Upakkhaṭam** hotīti sajjitaṁ hoti, samharitvā ṭhapitam. **Cetāpetvāti** parivattetvā, kāretvā vā kiñitvā vāti attho. **Cīvara** acchādēssāmīti voḥāravacanametam, itthannāmassa bhikkhuno dassāmīti ayam

1. Vi 1. 316 piṭṭhe.

pan’ettha attho. **Tatra ce** soti yatra so gahapati vā gahapatānī vā, tatra so bhikkhu pubbe appavārito upasaṅkamitvā cīvare vikappam āpajjeyya ceti ayamettha padasambandho. **Vikappam āpajjeyyāti** visiṭṭhakappam adhikavidhānam āpajjeyya. Yathā pana tamāpajjati, tam dassetum sādhu vatāti-ādimāha. Tattha sādhūti āyācane nipāto. **Vatāti** parivitakke. **Manti** attānam niddisati. **Āyasmāti** param ālapati. **Evarūpam vā evarūpam vāti** āyatādīsu aññataram. **Kalyāṇakamyatam upādāyāti** sundarakāmatam visiṭṭhakāmatam cittena gahetvā, tassa “āpajjeyya ce”ti iminā sambandho, sace pana evarūpam āpajjantassa tassa vacanena yo paṭhamam adhippetato mūlam vadḍhetvā sundarataram cetāpeti, tassa payoge bhikkhuno dukkaṭam, paṭilābhena nissaggiyam hoti. Tattha “idam me bhante cīvaraṁ pubbe appavāritam aññātakam gahapatikam upasaṅkamitvā vikappam āpannam nissaggiyan”ti<sup>1</sup> iminā nayena nissajjanavidhānam veditabbam.

Sāvatthiyam Upanandaṁ ārabbha cīvare vikappam āpajjanavatthusmim paññattam, sādhāraṇapaññatti, anāṇattikam, tikapācittiyam, nātake aññātakasaññino vematikassa vā dukkaṭam. Mahaggham cetāpetukāmarūpam appaggham vā, eten’eva mūlena “aññam evarūpam vā dehī”ti vadantassa, vuttanayena nātakappavārite viññāpentassa, attano dhanena gaṇhantassa, ummattakādīnañca anāpatti. Cīvare bhiyyokamyatā aññātakaviññatti tāya ca paṭilābhōti imān’ettha tīṇi aṅgāni. Samuṭṭhānādīni catutthasadisān’evāti.

Upakkhaṭasikkhāpadavaṇṇanā niṭṭhitā.

---

### 9. Dutiya-upakkhaṭasikkhāpadavaṇṇanā

Navame iminā’va nayena attho veditabbo. Idañhi purimassa anupaññattisadisam, kevalam tattha ekassa pīlā katā, idha dvinnam, ayamettha viseso, sesam sabbam purimasadisameva. Yathā ca dvinnam, evam bahūnam pīlam katvā gaṇhatopi āpatti veditabbā. Nissajjanavidhāne ca “idam me

---

1. Vi 1. 319 piṭhe.

bhante cīvaraṁ pubbe appavārite aññātake gahapatike upasaṅkamitvā vikappam āpannam nissaggiyan”ti<sup>1</sup> iminā nayena vacanabhedo nātabboti.

Dutiya-upakkhaṭasikkhāpadavaṇṇanā niṭṭhitā.

## 10. Rājasikkhāpadavaṇṇanā

Dasame rājabhoggo rājato bhoggam bhuñjitabbam assa atthīti rājabhocco, “rājabhogo”tipi pāṭho, rājato bhogo assa atthīti attho.

**Cīvaracetāpannanti** hiraññādikam akappiyam. **Pahiṇeyyāti** peseyya. **Imināti-**ādi āgamanasuddhim dassetum vuttam. Sace hi “idam itthannāmassa bhikkhuno dehī”ti peseyya, āgamanassa asuddhattā akappiyavathum ārabba bhikkhunā kappiyakārakopi niddisitabbo na bhaveyya. **Ābhantanti** ānītam. **Na kho mayanti**-ādi idam kappiyavasena ābhatampi cīvaraṁūlam īdisena dūtavacanena akappiyam hoti, tasmā tam paṭikkhipitabbanti dassetum vuttam. Suvaṇṇam rajatam kahāpaṇo māsakoti imāni hi cattāri nissaggiyavatthūni muttā maṇi veṭuriyo saṅkho silā pavālam lohitaṅko masāragallaṁ satta dhaññāni  
dāsidāsakhettavatthupupphārāmaphalārāmādayoti imāni dukkaṭavatthūni ca attano vā cetiyasamghagaṇapuggalānam vā atthāya sampaṭicchitum na vatṭanti, tasmā tam sāditum na vatṭatīti dassanattham “na kho mayan”ti-ādi vuttam.

**Cīvarañca kho mayam paṭiggaṇhāmāti** idam pana attānam uddissa ābhatattā vattum vatṭati, tasmā vuttam. **Kālenāti** yuttapattakālena, yadā no attho hoti, tadā kappiyam cīvaraṁ paṭiggaṇhāmāti attho. **Veyyāvaccakaroti** kappiyakārako. **Niddisitabboti** idam “atthi pan’āyasmato koci veyyāvaccakaro”ti kappiyavacanena vuttattā anuññātam. Sace pana dūto “ko imam gaṇhātī”ti vā “kassa demī”ti vā vadati, na niddisitabbo. **Ārāmiko vā upāsako vāti** idam sāruppatāya vuttam, ṭhapetvā pana pañca sahadhammike yo koci kappiyakārako vatṭati. **Eso kho āvusoti** idam bhikkhussa kappiyavacanadassanattham vuttam, evameva

1. Vi 1. 322 piṭṭhe.

hi vattabbam, “etassa dehī”ti-ādi na vattabbam. **Saññatto so mayāti** āṇatto so mayā, yathā tumhākam cīvarena atthe sati cīvaram dassati, evam vuttoti attho. Dūtena hi evam ārocite yeva tam codetum vaṭṭati, n’eva tassa hatthe datvā gatamattakāraṇena. Sace pana “ayam veyyāvaccakaro”ti sammukhā niddiṭṭho hoti, dūto ca sammukhā eva tassa hatthe cetāpannam datvā “therassa cīvaram kiṇitvā dehī”ti gacchati, evam “saññatto so mayā”ti avuttepi codetum vaṭṭati. Sace pana dūto gacchanto’va “ahaṁ tassa hatthe dassāmi, tumhe cīvaram gaṇheyyāthā”ti bhikkhuno vatvā vā gacchati, aññam vā pesetvā ārocāpeti, evam sati itarampi codetum vaṭṭati yeva. Desanāmattameva c’etam “dūtenā”ti. Yopi attanā āharitvā evam paṭipajjati, tasmimpi idameva lakkhaṇam. **Attho me āvuso cīvarenāti** codanālakkhaṇanidassanametam. Sace hi vācāya codeti, idam vā vacanam yāya kāyaci bhāsāya etassa attho vā vattabbo, “dehi me, āhara me”ti-ādinā nayena pana vattum na vaṭṭati. **Abhinipphādeyyāti** evam vacībhedam katvā tikkhattum codayamāno paṭilābhavasena sādheyya. **Icc’etam kusalanti** etam sundaram.

### **Chakkhattuparamanti** bhāvanapuṁsakavacanametam.

Chakkhattuparamañhi tena cīvaram uddissa tuṇhībhūtena ṭhātabbam, na nisīditabbam, na āmisam paṭiggahetabbam, na dhammo bhāsitabbo. “Kim kāraṇā āgatosī”ti vutte pana “jānāhi āvuso”ti ettakameva vattabbam. Sace nisajjādīni karoti, ṭhānam bhañjati, āgatakāraṇam vināseti, idam kāyena codanāya lakkhaṇadassanattham vuttam. Ettha ca ukkaṭṭhaparicchedena tissannam codanānam channañca ṭhānānam anuññātattā codanāya diguṇam ṭhānam anuññātam hoti, tasmā sace codeti yeva, na tiṭṭhati, cha codanāyo labbhanti. Sace tiṭṭhati yeva, na codeti, dvādasa ṭhānāni labbhanti. Sace ubhayam karoti, ekāya codanāya dve ṭhānāni hāpetabbāni. Tattha yo ekadivasameva punappunam gantvā chakkhattum codeti, sakim yeva vā gantvā “attho me āvuso cīvarenā”ti chakkhattum vadati, tathā ekadivasameva punappunam gantvā dvādasakkhattum tiṭṭhati, sakim yeva vā gantvā tatra tatra ṭhāne tiṭṭhati, sopi sabbacodanāyo sabbaṭṭhānāni ca bhañjati, ko pana

vādo nānādivasesu evam̄ karontassāti ayamettha vinicchayo. Ye pana kappiyakārake dāyako sayameva gantvā niddisati te satakkhattumpi codetum vaṭṭati. Yo pana ubhohipि aniddiṭṭho mukhavevaṭīkakappiyakārako ca parammukhakappiyakārako ca, so na kiñci vattabbo, evam̄ idha dasapi kappiyakārakā dassitā honti.

**Tato ce uttarīti** vuttacodanā ṭhānaparimāṇato uttari. **Nissaggyanti** uttari vāyāmamānassa sabbappyayogesu dukkaṭam̄, paṭilābhena nissaggyam̄ hoti. Ettha ca “idam̄ me bhante cīvaraṁ atirekatikkhattum̄ codanāya atirekachakkhattum̄ ṭhānena abhinippāditam̄ nissaggiyan”ti<sup>1</sup> iminā nayena nissajjanavidhānam̄ veditabbam̄. “**Yat’assa cīvaracetāpannam̄ ābhatanti** yato rājato vā rājabhoggato vā assa bhikkhuno cīvaracetāpannam̄ ānītam̄, “yatv’assā”tipi pāṭho, ayameva attho. **Tatthāti** tassa rañño vā rājabhoggassa vā santhikam̄, samīpatthe hi idam̄ bhummavacanaṁ. **Na tam tassa bhikkhuno kiñci attham̄ anubhotīti** tam cetāpannam̄ tassa bhikkhuno appamattakampi kammaṁ na nippādeti. **Yuñjant’āyasmanto sakanti** āyasmanto attano santakaṁ dhanam̄ pāpuṇantu. **Mā vo sakam̄ vinassāti** tumhākam̄ santakam̄ mā vinassatu. **Ayarī tattha sāmīcīti** ayam tattha anudhammatā lokuttaradhammadam̄ anugatā, vattadhammatāti attho, tasmā evam̄ akaronto vattabhede dukkaṭam̄ āpajjati.

Sāvatthiyam̄ Upanandaṁ ārabba “ajjuṇho bhante āgamehi”ti<sup>2</sup> vuccamāno nāgamesi, tasmiṁ vatthusmiṁ paññattam̄, sādhāraṇapaññatti, anāṇattikam̄, tikapācittiyam̄, ūnakesu codanāṭhānesu atirekasaññino vematikassa vā dukkaṭam̄. Acodanāya laddhe, sāmikehi codetvā dinne, ummattakādīnañca anāpatti. Kappiyakārakassa bhikkhuno niddiṭṭhabhāvo dūtena appitatā tatuttarivāyāmo tena vāyāmena paṭilābhoti imān’ettha cattāri aṅgāni. Samuṭṭhānādīni catutthasadisān’evāti.

Rājasikkhāpadavaṇṇanā niṭṭhitā.

Cīvaravaggo paṭhamo.

---

1. Vi 1. 327 piṭṭhe.

2. Vi 1. 324 piṭṭhe.

## 2. Eṭakalomavagga

### 1. Kosiyasikkhāpadavaṇṇanā

Eṭakalomavaggassa paṭhame **kosiyamissakanti** eken’āpi kosiyamisunā antamaso tassa karaṇaṭṭhāne vātavegena nipātiten’āpi missikatam.

**Santhatanti** same bhūmibhāge kosiyamisūni uparūpari santharitvā kañjiyādīhi siñcivā kattabbatālakkhaṇam. **Kārāpeyya nissaggiyanti** karaṇakārāpanappayogesu dukkaṭam, paṭilābhena nissaggiyam hoti. Ettha ca “idam me bhante kosiyamissakam santhatam kārāpitam nissaggiyan”ti<sup>1</sup> iminā nayena nissajjanavidhānam veditabbam, imass’eva vacanassa anusārena ito param sabbasanthatam<sup>2</sup> veditabbam. Sakkā hi ettāvatā jānitunti na tam ito param dassayissāma.

Ālaviyam chabbaggiye ārabba kosiyamissakam santhakam kārāpanavatthusmim paññattam, asādhāraṇapaññatti, attano atthāya kārāpanavasena sāṇattikam, attanā vippakatapariyosāpananayena catukkapācittiyam, aññassatthāya karaṇakārāpanesu aññena kataṁ paṭilabhitvā paribhuñjane ca dukkaṭam. Vitānādikaraṇe, ummattakādīnañca anāpatti. Kosiyamissakabhāvo<sup>3</sup>, attano atthāya santhatassa karaṇakārāpanam, paṭilābho cāti imān’ettha tīṇi aṅgāni. Samuṭṭhānādīni dhovāpanasikkhāpade vuttanayen’evāti.

Kosiyasikkhāpadavaṇṇanā niṭṭhitā.

### 2. Suddhakālakasikkhāpadavaṇṇanā

Dutiye **suddhakālakānanti** suddhānam kālakānam aññehi amissīkatānam. Vesāliyam chabbaggiye ārabba tādisam santhatam karaṇavatthusmim paññattam, sesam paṭhamasadisamevāti.

Suddhakālakasikkhāpadavaṇṇanā niṭṭhitā.

1. Vi 1. 329 piṭṭhe.

2. Sabbattha santhatam (Ka)

3. Kosiyabhāvo (Mahāṭīkā, Sī)

### 3. Dvebhāgasikkhāpadavaṇṇanā

Tatiye dve bhāgāti dve koṭṭhāsā. Ādātabbāti gahetabbā. Gocariyānanti kapilavaṇṇānam. Ayam pan’ettha vinicchayo—yattakehi kattukāmo hoti, tesu tulayitvā dve koṭṭhāsā kālakānam gahetabbā, eko odātānam, eko gocariyānam. Ekass’āpi kālakalomassa atirekabhāve nissaggiyām hoti, ūnakām vaṭṭati.

Sāvatthiyām chabbaggiye ārabbha tādisam̄ santhataṁ karaṇavatthusmiṁ paññattam, kiriyākiriyaṁ, sesam̄ paṭhamasadisamevāti. Imāni pana tīni nissajjītvā paṭiladdhānipi paribhuñjitum na vaṭṭati.

Dvebhāgasikkhāpadavaṇṇanā niṭhitā.

---

### 4. Chabbassasikkhāpadavaṇṇanā

Catutthe orena ce channām vassānanti channām vassānam orimabhāge, antoti attho. Aññatra bhikkhusammuyāti yam samgho gilānassa bhikkhuno santhatasammuyim deti, tam̄ ṭhapetvā aladdhasammuyikassa chabbassabbhantare aññām santhataṁ karontassa nissaggiyām hoti.

Sāvatthiyām sambahule bhikkhū ārabbha anuvassam̄ santhataṁ kārāpanavatthusmiṁ paññattam, “aññatra bhikkhusammuyā”ti ayamettha anupaññatti, sā yena laddhā hoti, tassa yāva rogo na vūpasammati, vūpasanto vā<sup>1</sup> puna kuppati, tāva gatagataṭṭhāne anuvassampi kātum vaṭṭati, aññassatthāya kāretum katañca paṭilabhitvā paribhuñjumpi vaṭṭati, sesam̄ paṭhamasadisamevāti.

Chabbassasikkhāpadavaṇṇanā niṭhitā.

---

### 5. Nisīdanasikkhāpadavaṇṇanā

Pañcame purānasanthataṁ nāma yattha sakimpi nisinno vā hoti nipanno vā. Samantāti ekapassato vaṭṭam vā caturassam vā chinditvā gahitaṭṭhānam

---

1. Vūpasanto ca (Ka)

yathā vidatthimattam hoti, evam gahetabbam. Santharantena pana ekadese vā santharitabbam, vijaṭetvā vā missakam katvā santharitabbam, evam thirataram hoti. **Anādā ceti** sati purāṇasanthate aggahetvā. Asati pana aggahetvāpi vaṭṭati, aññassatthāya kāretum katañca paṭilabhitvā paribhuñjitumpi vaṭṭati.

Sāvatthiyam sambahule bhikkhū ārabbha santhatavissajjanavatthusmim paññattam, sesam tatiyasadisamevāti.

Nisīdanasikkhāpadavaṇṇanā niṭṭhitā.

---

## 6. Eḷakalomasikkhāpadavaṇṇanā

Chaṭṭhe addhānamaggappaṭipannassāti addhānasaṅkhātam dīghamaggam paṭipannassa, sabbañc' etam vatthumattadīpanameva, yattha katthaci pana dhammena labhitvā gaṇhato doso n' atthi. **Tiyojanaparamanti** gahitaṭṭhānato tiyojanappamāṇam desam. **Sahatthāti** sahatthena, attanā haritabbānīti attho. **Asante hāraketi** asante yeva aññasmimpi hārake. Sace pana atthi, tam gāhetum vaṭṭati. Attanā pana antamaso vātābādhappaṭikārattham puttakena abandhitvā kaṇṇacchidde pakkhittanipi ādāya tiyojanam ekam pādaṁ atikkāmentassa dukkaṭam, dutiyapādātikkame nissaggyam pācittiyyam.

Sāvatthiyam aññataram bhikkhum ārabbha tiyojanātikkamanavatthusmim paññattam, asādhāraṇapaññatti, anāṇattikam, tikapācittiyam, ūnakatiyojane atirekasaññino vematikassa vā dukkaṭam. Tiyojanam haraṇapaccāharaṇe, vāsādhippāyena<sup>1</sup> gantvā tato param haraṇe, acchinnaṁ vā nissaṭṭham vā paṭilabhitvā haraṇe, aññam harāpane, antamaso puttakenapi baddhakatabhaṇḍaharaṇe, ummattakādīnañca anāpatti. Eḷakalomānam akatabhaṇḍatā paṭhamappaṭilābho attano ādāya vā aññassa ajānantassa yāne pakkhipitvā vā tiyojanātikkamanam āharaṇapaccāharaṇam avāsādhippāyatāti imān' ettha pañca aṅgāni.

---

1. Vāsādhippāyena vā (Syā, Kam)

Elakalomasamuṭṭhānam, kiriyaṁ, nosaññāvīmokkham, acittakam, paññattivajjam, kāyakammam, ticittam, tivedananti.

Elakalomasikkhāpadavaṇṇanā niṭṭhitā.

### 7. Elakalomadhvāpanasikkhāpadavaṇṇanā

Sattame Sakkesu Chabbaggiye ārabbha elakalomadhvāpanavatthusmiṁ paññattam. Tattha purāṇacīvaradhvāpane vuttanayen’eva sabbopi vinicchayo veditabbo.

Elakalomadhvāpanasikkhāpadavaṇṇanā niṭṭhitā.

### 8. Jātarūpasikkhāpadavaṇṇanā

Aṭṭhame jātarūparajatanti suvaṇṇañc’eva rūpiyañca, apica kahāpaṇo lohamāsakadārumāsakajatumāsakādayopi ye voḥāram gacchanti, sabbe te idha rajatantv’eva vuttā. **Uggan̄heyya** vāti attano atthāya diyyamānam vā yatthakatthaci<sup>1</sup> ṭhitam vā nippariggahitam disvā sayam gaṇheyya vā.

**Uggan̄hāpeyya** vāti tadeva aññena gāhāpeyya vā. **Upanikkhittam** vā sādiyeyyāti “idam ayyassa hotu”ti evam sammukhā vā, “asukasmim nāma ṭhāne mama hiraññasuvaṇṇam, tam tuyham hotū”ti evam parammukhā ṭhitam vā kevalam vācāya vā hatthamuddāya vā “tuyhan”ti vatvā pariccattam yo kāyavācāhi appatikkhipitvā cittena adhivāseyya, ayam “sādiyeyyā”ti vuccati. Sace pana cittena sādiyati, gaṇhitukāmo hoti, kāyena vā vācāya vā “na yidam kappatī”ti paṭikkhipati, kāyavācāhi appatikkhipitvā suddhacitto hutvā “na yidam amhākam kappatī”ti na sādiyati, vaṭṭati.

**Nissaggiyanti** uggaṇādīsu yam kiñci karontassa aghanabaddhesu vatthūsu vatthugaṇanāya nissaggiyam pācittiyam. Tam nissajjantena “aham bhante rūpiyam paṭiggahesim, idam me bhante nissaggiyam, imāham samghassa nissajjāmī”ti<sup>2</sup> evam samghamajjhē yeva nissajjtabbam. Sace tattha koci gahaṭho

1. Katthaci (Sī, Ka)

2. Vi 1. 346 piṭhe.

āgacchati, “idam jānāhī”ti vattabbo. “Iminā kiṁ āhariyyatū”ti bhaṇante pana “idam nāmā”ti avatvā “sappi-ādīni bhikkhūnam kappantī”ti evam kappiyam ācikkhitabbam. Sace so āharati, rūpiyappaṭiggāhakam ṭhapetvā sabbehi bhājetvā paribhuñjtabbam. Rūpiyappaṭiggāhakassa pana yam tappaccayā uppannam, tam aññena labhitvā diyyamānampi antamaso tato nibbattarukkhacchāyāpi paribhuñjituṁ na vaṭṭati. Sace pana so kiñci āharitum na icchatī, “imam chaṭṭehī”ti vattabbo. Sace yattha katthaci nikkipati, gahetvā vā gacchatī, na vāretabbo. No ce chaṭṭeti, pañcaṅgasamannāgato bhikkhu rūpiyachaṭṭako sammannitabbo. Tena animittam katvā’va gūtham viya chaṭṭetabbam. Sace nimittam karoti, dukkaṭam āpajjati.

Rājagahe Upanandaṁ ārabbha rūpiyappaṭiggahaṇavatthusmiṁ paññattam, sādhāraṇapaññatti, sāñattikam, tikapācittiyam, arūpiye rūpiyasaññino vematikassa vā, saṅghacetiyādīnam atthāya gaṇhantassa, muttāmaṇi-ādippaṭiggahaṇe ca dukkaṭam. Ratanasikkhāpadanayena nikkipantassa, ummattakādīnañca anāpatti. Jātarūparajatabhāvo attuddesikatā gahaṇādīsu aññatarabhāvoti imān’ettha tīni aṅgāni. Samuṭṭhānādīsu siyā kiriyam gahaṇena āpajjanato, siyā akiriyam paṭikkhepassa akaraṇato, sesam sañcaritte vuttanayamevāti.

Jātarūpasikkhāpadavanṇanā niṭṭhitā.

---

## 9. Rūpiyasamvohārasikkhāpadavanṇanā

Navame nānappakārakanti katādivasena anekavidham.

**Rūpiyasamvohāranti** jātarūparajataparivattanam. Purimasikkhāpadena hi nissaggiyavatthudukkaṭavatthūnam paṭiggahaṇam vāritam, iminā parivattanam. Tasmā dukkaṭavatthunā dukkaṭavatthukappiyavatthūni kappiyavatthunā ca dukkaṭavatthum parivattentassa dukkaṭam. Nissaggiyavatthunā pana nissaggiyavatthum vā dukkaṭavatthum vā kappiyavatthum vā, dukkaṭavatthukappiyavatthūhi ca nissaggiyavatthum parivattentassa nissaggiyam hoti, tam purimanayānusāren’eva saṅghamajjhe nissajjtabbam, nissaṭṭhavatthusmiñca tattha vuttanayen’eva paṭipajjtabbam.

Sāvatthiyam Chabbaggiye ārabbha rūpiyasamvohāravatthusmīm paññattam, sādhāraṇapaññatti, anāṇattikam, yam attano dhanena parivatteti, tassa vā dhanassa vā rūpiyabhāvo c’eva parivattanañcāti imān’ettha dve aṅgāni. Kiriyaṁ, sesam anantarasikkhāpade vuttanayamevāti.

Rūpiyasamvohārasikkhāpadavaṇṇanā niṭṭhitā.

---

### 10. Kayavikkayasikkhāpadavaṇṇanā

Dasame nānappakārakanti cīvarādīnam kappiyabhaṇḍānam vasena anekavidham. **Kayavikkayanti** kayañc’eva vikkayañca. “Iminā imam dehi, imam āhara, parivattehi, cetāpehī”ti iminā hi nayena parassa kappiyabhaṇḍam gaṇhanto kayaṁ samāpajjati, attano kappiyabhaṇḍam dento vikkayaṁ samāpajjati. Tasmā ṭhapetvā pañca sahadhammike yam evam attano kappiyabhaṇḍam datvā mātu santakampi kappiyabhaṇḍam gaṇhāti, tam nissaggyam hoti. Vuttalakkhaṇavasena saṅghagaṇapuggalesu yassa kassaci nissajjitabbam, “imam bhuñjitvā vā gahetvā vā idam nāma āhara vā karohi vā”ti rajañādim āharāpetvā vā dhamakaraṇādiparikkhāram bhūmisodhanādiñca navakammam kāretvā vā santam vatthu nissajjitabbam, asante pācittiyam desetabbameva.

Sāvatthiyam Upanandam ārabbha kayavikkayavatthusmīm paññattam, “idam kim agghatī”ti evam aggham pucchantassa, yassa hatthato bhaṇḍam gaṇhitukāmo hoti, tam ṭhapetvā aññam antamaso tess’eva puttahātukampi kappiyakārakam katvā “iminā idam nāma gahetvā dehī”ti ācikkhantassa, “idam amhākaṁ atthi, amhākañca iminā ca iminā ca attho”ti evam vatvā attano dhanena laddham gaṇhantassa, sahadhammikehi saddhim kayavikkayam karontassa, ummattakādīnañca anāpatti. Yam attano dhanena parivatteti, yena ca parivatteti, tesam kappiyavatthutā asahadhammikatā kayavikkayāpajjanañcāti imān’ettha tīṇi aṅgāni. Sesam rūpiyasamvohāre vuttanayamevāti.

Kayavikkayasikkhāpadavaṇṇanā niṭṭhitā.

Elakalomavaggo dutiyo.

### 3. Pattavagga 1. Pattasikkhāpadavaṇṇanā

Pattavaggassa paṭhame **atirekapattoti** anadhiṭṭhito ca avikappito ca, so ca kho ukkaṭṭhamajjhimomakānam aññataro pamāṇayuttova, tassa pamāṇam “adḍhāl hakodanām gaṇhāti”ti-ādinā<sup>1</sup> nayena Pāliyām vuttam. Tatr’āyam vinicchayo—anupahatapurāṇasālitaṇḍulānam sukoṭṭitaparisuddhānam dve Magadhanāliyo gahetvā tehi taṇḍulehi anuttaṇḍulamakilinnamapiṇḍikam suvisadam kundamakūlarāsisadisam avassāvitodanām pacitvā niravasesam patte pakkhipitvā tassa odanassa catutthabhāgappamāṇo n’ātighano n’ātitanuko hatthahāriyo sabbasambhārasaṅkhato muggasūpo pakkhipitabbo, tato ālopassa anurūpam yāvacarimālopappahonakam macchamamīsādibyañjanām pakkhipitabbam, sappitelatakkarasakañjiyādīni pana gaṇanūpagāni na honti. Tāni hi odanagatikān’eva, n’eva hāpetum, na vadḍhetum sakkonti, evametam sabbampi pakkhittam sace pattassa mukhavaṭṭiyā heṭṭhimarājisamām tiṭṭhati, suttena vā hīrena vā chindantassa suttassa vā hīrassa vā heṭṭhimantaṁ phusati, ayam **ukkaṭṭho** nāma patto. Sace tam rājim atikkamma thūpikataṁ tiṭṭhati, ayam **ukkaṭṭhomako** nāma patto. Sace tam rājim na sampāpuṇāti, antogadhameva hoti, ayam **ukkaṭṭhukkaṭṭho** nāma patto. Ukkāṭṭhato upaḍḍhappamāṇo **majjhimo**. Majjhimapattato upaḍḍhappamāṇo **omako**. Tesampi vuttanayen’eva bhedo veditabbo. Icc’etesu navasu ukkaṭṭhukkaṭṭho ca omakomako cāti dve apattā, sesā satta pattā pamāṇayuttā nāma. Ayamettha saṅkhepo, vitthāro pana Samantapāsādikāyām<sup>2</sup> vutto. Tasmā evam pamāṇayuttam samaṇasāruppena pakkam ayopattam vā mattikāpattam vā labhitvā purāṇapattam paccuddharitvā antodasāhe adhiṭṭhātabbo. Sace pan’assa mūlato kākaṇikamattampi dātabbam (avasiṭṭham)<sup>3</sup> hoti, adhiṭṭhānupago na hoti, appaccuddharantena vikappetabbo. Tattha paccuddharanādhiṭṭhānalakkhaṇam cīvaravagge vuttanayen’eva veditabbam, vikappanalakkhaṇam parato vakkhāma. Sace pana koci apattako bhikkhu dasa patte labhitvā sabbe attanā’va paribhuñjitukāmo hoti, ekam pattam adhiṭṭhāya puna divase tam paccuddharitvā añño adhiṭṭhātabbo, eten’upāyena

1. Vi 1. 353 piṭṭhe.

2. Vi-Tīha 2. 281 piṭṭhe.

3. ( ) Ethantare pāṭho Syāmamīle n’atthi.

vassasatampi pariharitum sakkā. Yo pan'assa patto mukhavaṭṭito heṭṭhā dvaṅgulamattokāsato paṭṭhāya yattha katthaci kaṅgusitthanikkhamanamattena chiddena chiddo hoti, so adhiṭṭhānupago na hoti. Puna chidde pākatike kate adhiṭṭhātabbo, sesam adhiṭṭhānavijahanam ticīvare vuttanayameva.

Sāvatthiyām Chabbaggiye ārabbha atirekapattadhāraṇavatthusmim paññattam, asādhāraṇapaññatti, sesavaṇṇanākkamo Cīvaravaggassa paṭhamasikkhāpade vuttanayen'eva veditabboti.

Pattasikkhāpadavaṇṇanā niṭṭhitā.

## 2. Ūnapañcabandhanasikkhāpadavaṇṇanā

Dutiye ūnāni pañca bandhanāni assāti ūnapañcabandhano, n'āssa pañca bandhanāni pürentīti attho, tena ūnapañcabandhanena, itthambhūtassa lakkhaṇe karaṇavacanam. Tattha yasmā abandhanass'āpi pañca bandhanāni na pürenti sabbaso natthitāya, ten'assa Padabhājane “ūnapañcabandhano nāma patto abandhano vā ekabandhano vā”ti-ādi<sup>1</sup> vuttam.

“Ūnapañcabandhanenā”ti ca vuttattā yassa pañcabandhano patto hoti pañcabandhanokāso vā, tassa so apatto, tasmā aññam viññāpetum vaṭṭati. Yasmim pana patte mukhavaṭṭito heṭṭhā bhaṭṭhā dvaṅgulappamāṇā ekāpi rāji hoti, tam tassā rājiyā heṭṭhimapariyante pattavedhakena vijjhitvā pacitvā suttarajjukamakacirajjukādīhi vā tipusuttakena vā bandhitvā tam bandhanam āmisassa alagganattham tipupaṭṭakena vā kenaci baddhasilesādinā vā paṭicchādetabbam, so ca patto adhiṭṭhahitvā paribhuñjitabbo, sukhumam vā chiddam katvā bandhitabbo, phāṇitam jhāpetvā pāsāṇacuṇṇena bandhitumpi vaṭṭati. Yassa pana dve rājiyo vā ekā yeva vā caturaṅgulā, tassa dve bandhanāni dātabbāni. Yassa tisso vā ekā yeva vā chaṭaṅgulā, tassa tīṇi. Yassa catasso vā ekā yeva vā aṭṭhaṅgulā, tassa cattāri. Yassa pañca vā ekā yeva vā dasaṅgulā, so baddhopi abaddhopi apatto yeva, añño viññāpetabbo, esa tāva mattikāpatte vinicchayo.

1. Vi 1. 357 piṭṭhe.

Ayopatte pana sacepi pañca vā atirekāni vā chiddāni honti, tāni ce ayacuṇṇena vā āṇiyā vā lohamañḍalena vā baddhāni maṭṭhāni honti, sv'eva paribhuñjitabbo, añño na viññāpetabbo. Atha pana ekampi chiddam mahantam hoti, lohamañḍalena baddhampi maṭṭham na hoti, patte āmisam laggati, akappiyo hoti ayam patto, añño viññāpetabbo. Yo pana evam pattasaṅkhepagate vā ayopatte, ūnapañcabandhane vā mattikāpatte sati añnam viññāpeti, payoge dukkaṭam, paṭilābhena nissaggiyo hoti, nissajjitaro. Nissajjantena samghamajjhē eva nissajjitaro, tena vuttam "bhikkhuparisāya nissajjitaro"ti. **Yo ca tassā bhikkhuparisāyātī** ettha tehi bhikkhūhi pakatiyā eva attano attano adhitthitam pattam gahetvā sannipatitabbam, tato sammatena pattaggāhāpakena pattassa vijjamānaguṇam vatvā "bhante imam gaṇhathā"ti therō vattabbo. Sace therassa so patto na ruccati, appicchatāya vā na gaṇhāti, vaṭṭati. Tasmim pana anukampāya agaṇhantassa dukkaṭam. Sace pana gaṇhāti, therassa pattam dutiyatheram gāhāpetvā eten'eva upāyena yāva samghanavakā gāhāpetabbo, tena pariccattapatto pana **pattapariyanto** nāma, **so tassa bhikkhuno padātabbo**. Ten'api so yathā viññāpetvā gahitapatto, evameva sakkaccam paribhuñjitabbo. Sace pana tam jiguuchanto adese vā nikhipati, aparibhogena vā paribhuñjati, vissajjeti vā, dukkaṭam āpajjati.

Sakkesu chabbaggiye ārabbha bahū patte viññāpanavatthusmiṁ paññattam, sādhāraṇapaññatti, anāṇattikam, abandhanena abandhanam ekabandhanam dubandhanam tibandhanam catubbandhanam abandhanokāsam ekadviticatubbandhanokāsam cetāpeti, evam ekekena pattena dasadhā dasavidham pattam. Cetāpanavasena pana ekaṁ nissaggiyapācittiyasatam hoti. Naṭṭhapattassa, bhinnapattassa, attano ḡātakappavārite, aññassa ca ḡātakappavārite, tass'ev'atthāya viññāpentassa, attano dhanena gaṇhato, ummattakādīnañca anāpatti. Adhitthānupagapattassa ūnapañcabandhanatā, attuddesikatā, akataviññatti, tāya ca paṭilābhōti imān'ettha cattāri aṅgāni. Samuṭṭhānādīni Dhovāpanasikkhāpade vuttanayān'evāti.

Ūnapañcabandhanasikkhāpadavaṇṇanā niṭṭhitā.

### 3. Bhesajjasikkhāpadavanṇanā

Tatiye paṭisāyanīyānīti paṭisāyitabbāni, paribhuñjitabbānīti attho. Etena sayam uggahetvā nikkhittānam sattāhātikkamepi anāpattim dasseti, tāni hi paṭisāyitum na vatṭanti. **Bhesajjānīti** bhesajjakiccam karontu vā, mā vā, evam laddhavohārāni. **Sappi** nāma gavādīnam sappi, yesam maṁsam kappati, tesam sappi. Tathā **navanītam**. **Telam** nāma tilasāsapamadhūka-erāṇḍakavasādīhi nibbattitam. **Madhu** nāma makkhikāmadhumeva.

**Phāṇitam** nāma ucchurasam upādāya pana apakkā vā avatthukapakkā vā sabbāpi ucchuvikati “phāṇitan”ti veditabbam. **Tāni paṭiggahetvāti** tāni bhesajjāni paṭiggahetvā, na tesam vatthūni. Etena ṭhapetvā vasātelam yān’ ettha yāvakālikavatthukāni, tesam vatthūni paṭiggahetvā katāni sappi-ādīni sattāham atikkāmayatopi anāpattim dasseti. Vasātelam pana kāle paṭiggahitam kāle nipakkam kāle saṁsaṭṭham telaparibhōgena paribhuñjituṁ anuññātam, tasmā ṭhapetvā manussavasaṁ aññam yam kañci vasaṁ purebhettam paṭiggahetvā sāmaṁ pacitvā nibbattitatelampi sattāham nirāmisaparibhōgena vatṭati. Anupasampannena pacitvā dinnam pana tadahupurebhettam sāmisampi vatṭati, aññesam yāvakālikavatthūnam vatthum pacitum na vatṭati yeva. Nibbattitasappi vā navanītam vā pacitum vatṭati, tam pana tadahupurebhettampi sāmisam paribhuñjituṁ na vatṭati. Purebhettam paṭiggahitakhīrādito anupasampannena pacitvā katasappi-ādīni pana<sup>1</sup> tadahupurebhettam sāmisānipi vatṭanti, pacchābhattato paṭṭhāya anajjhoharaṇīyāni, sattāhātikkamepi anāpatti. **Sannidhikārakam** paribhuñjitabbānīti sannidhiṁ katvā nidahitvā purebhettam paṭiggahitāni tadahupurebhettam sāmisaparibhogenāpi vatṭanti<sup>2</sup>, pacchābhattato paṭṭhāya pana tāni ca, pacchābhettam paṭiggahitāni ca sattāham nirāmisaparibhōgena paribhuñjittabbānīti attho. “Paribhuñjittabbānī”ti ca vacanato antosattāhe abbhañjanādīnam atthāya adhiṭṭhahitvā ṭhapesu anāpatti, yāvajīvikāni sāsapamadhūka-erāṇḍaka-aṭṭhīni telakaraṇaṭtham paṭiggahetvā tadaḥ’eva katatelam sattāhakālikam, dutiyadivase kataṁ chāham vatṭati, tatiyadivase kataṁ pañcāham, catutthapañcamachaṭṭhasattamadivase kataṁ tadaḥ’eva vatṭati. Sace yāva aruṇassa

---

1. Katasappi-ādīni (Syā)

2. Sāmisaparibhogenāpi (Sī)

uggamanā tiṭṭhati, nissaggyam hoti, aṭṭhamadivase katam  
 anajjhoharaṇiyam, anissaggyattā pana bāhiraparibhogena vaṭṭati. Sacepi na  
 karoti, telatthāya paṭiggahitasāsapādīnam pana Paṭiyam anāgatasappi-  
 ādīnañca sattāhātikkame dukkaṭam āpajjati. Sītudakena  
 katamadhūkapupphaphāṇitam pana phāṇitagatikameva, ambaphāṇitādīni  
 yāvakālikāni. Yam pan’ettha sattāhakālikam, tam nissaṭṭham paṭilabhitvāpi  
 aru-ādīni vā makkhetum, ajjhoharitum vā na vaṭṭati. Padīpe kālavanṇe vā  
 upanetabbam, aññassa bhikkhuno kāyikaparibhogam vaṭṭati. Yam pana  
 nirapekkho pariccajivtā puna labhati, tam ajjhoharitumpi vaṭṭati. Visum  
 ṭhapitasappi-ādīsu ekabhājane vā amissitesu vatthugaṇanāya āpattiyo.

Sāvatthiyam sambahule bhikkhū ārabbha sattāham  
 atikkamanavatthusmim paññattam, sesam Cīvaravaggassa  
 paṭhamasikkhāpade vuttanayen’eva veditabbanti.

Bhesajjasikkhāpadavaṇṇanā niṭṭhitā.

---

#### 4. Vassikasāṭikasikkhāpadavaṇṇanā

Catutthe **māso** seso **gimhānanti** catunnam gimhamāsānam eko pacchimamāso seso. **Pariyesitabbanti** gimhānam pacchimamāsassa paṭhamadivasato paṭṭhāya yāva Kattikamāsassa pacchimadivaso, tāva “kālo vassikasāṭikāyā”ti-ādinā<sup>1</sup> satuppādakaraṇena, saṅghassa pavāritaṭṭhānato, attano nātakappavāritaṭṭhānato pana<sup>2</sup> “detha me vassikasāṭikacīvaran”ti-ādikāya<sup>1</sup> viññattiyāpi pariyesitabbam. Aññātaka-appavāritaṭṭhāne satuppādam karontassa vattabhede dukkaṭam, yathā vā tathā vā “detha me”ti-ādivacanena viññāpentassa aññātakaviññattisikkhāpadena nissaggyam pācittiyam. **Katvā nivāsetabbanti** gimhānam pacchimaddhamāsassa paṭhamadivasato paṭṭhāya yāva kattikamāsassa pacchimadivaso, tāva sūcikammanīṭṭhānena sakimpi vaṇṇabhedamattarajanena kappabindukaraṇena ca katvā paridahitabbā. Ettāvatā gimhānam pacchimo māso

---

1. Vi 1. 156 piṭṭhe.

2. Ca (Syā, Kam)

pariyesanakkhattam, pacchimo addhamāso karaṇanivāsanakkhattampi, vassānassa catūsu māsesu sabbampi tam vaṭṭatīti ayamattho dassito hoti. Yo c’āyam Gimhānam pacchimo māso anuññāto, ettha katapariyesitampi vassikasāṭikam adhiṭṭhātum na vaṭṭati. Sace tasminm māse atikkante vassam ukkaḍḍhiyati, puna māsaparihāram labhati, dhovitvā pana nikhipitvā vassūpanāyikadivase adhiṭṭhātabbā. Sace satisammosena vā appahonakabhāvena vā akatā hoti. Te ca dve māse vassānassa catumāsanti cha māse parihāram labhati. Sace pana kattikamāse kathinam attharyati, aparepi cattāro māse labhati, evam dasa māsā honti. Tato parampi satiyā paccāsāya tam mūlacīvaraṁ katvā ṭhapentassa ekamāsanti evam ekādasa māse parihāram labhati, ito param ekāhampi na labhati.

**Orena ce māso seso gimhānanti** gimhānam pacchimamāsassa orimabhāge yāva Hemantassa paṭhamadivaso, (tāvāti attho.)<sup>1</sup> **Pariyeseyyāti** etesu sattasu piṭṭhisamayamāsesu aññātaka-appavāritaṭṭhānato satuppādakaraṇena pariyesantassa nissaggyam pācittiyam, viññāpentassa Aññātakaviññattisikkhāpadena<sup>2</sup> nissaggyam pācittiyam, ñātakappavārite viññāpentassa tena sikkhāpadena<sup>2</sup> anāpatti, satuppādam karontassa iminā sikkhāpadena āpatti. **Orenaddhamāso seso gimhānanti** Gimhānassa pacchimaddhamāsato orimabhāge ekasmim addhamāse. **Katvā nivāseyyāti** ethantare dhammena uppannampi katvā nivāsentassa nissaggyam hoti.

Sāvatthiyam chabbaggiye bhikkhū ārabbha vassikasāṭikapariyesanavatthusmim paññattam, asādhāraṇapaññatti, anāṇattikam, tikapācittiyam, ūnakamāsaddhamāsesu atirekasaññino vematikassa vā dukkaṭam, tathā satiyā vassikasāṭikāya naggassa kāyam ovassāpayato. Pokkharaṇiyādīsu pana nhāyantassa vā acchinnacīvarassa vā naṭṭhacīvarassa vā “anivattham corā harantī”ti evam āpadāsu vā nivāsayato ummattakādīnañca anāpatti. Ettha ca vassikasāṭikāya attuddesikatā asamaye pariyesanatā tāya ca paṭilābhōti imāni tāva pariyesanāpattiyā tīṇi

1. ( ) Ethantare pāṭho mūlantesu n’atthi.

2. Vi 1. 311 piṭṭhe.

aṅgāni. Sacīvaratā āpadābhāvo vassikasāṭikāya sakabhāvo asamaye nivāsananti imāni nivāsanāpatti�ā cattāri aṅgāni. Samuṭṭhānādīni Dhovāpanasikkhāpade vuttanayān’evāti.

Vassikasāṭikasikkhāpadavaṇṇanā niṭṭhitā.

---

### 5. Cīvara-acchindanasikkhāpadavaṇṇanā

Pañcame sāmaṁ cīvaraṁ datvāti veyyāvaccādīni paccāsisamāno sayameva datvā. **Acchindeyyāti** veyyāvaccādīni akarontam disvā sakasaññāya acchindantassa vatthugaṇanāya āpattiyo. **Acchindāpeyyāti** ettha pana “acchindā”ti āṇattiyā dukkaṭam, acchindesu yattakāni āṇattāni, tesam gaṇanāya āpattiyo.

Sāvatthiyām Upanandam ārabbha cīvara-acchindanavatthusmiṁ paññattam, sādhāraṇapaññatti, sāṇattikam, tikapācittiyam. Anupasampanne upasampannasaññino vematikassa anupasampannasaññino vā upasampannass’āpi vikappanupagapacchimacīvaram ṭhapetvā aññam parikkhāram anupasampannassa ca yam kiñci acchindato vā dukkaṭam. Tena tuṭṭhena vā kupidena vā dinnam pana tassa viśsāsam vā gaṇhantassa ummattakādīnañca anāpatti. Vikappanupagapacchimacīvaratā sāmaṁ dinnatā sakasaññitā upasampannatā kodhavasena acchindanam vā acchindāpanam vāti imān’ettha pañca aṅgāni. Samuṭṭhānādīni adinnādānasadisāni aññatra vedanāya. Vedanā pana idha dukkhavedanā yevāti.

Cīvara-acchindanasikkhāpadavaṇṇanā niṭṭhitā.

---

### 6. Suttaviññattisikkhāpadavaṇṇanā

Chaṭṭhe **suttanti** chabbidham khomasuttādīm vā tesam anulomam vā. **Viññāpetvāti** cīvaratthāya yācitvā. **Vāyapeyyāti** “cīvaraṁ me āvuso vāyathā”ti akappiyāya viññattiyā vāyapeyya. **Nissaggiyanti**

evaṁ vāyāpentassa yo tantavāyo cīvaravāyanattham turivemasajjanādike payoge karoti, tassa sabbappayogesu<sup>1</sup> dukkaṭam, paṭilābhena nissaggiyam hoti.

Rājagahe chabbaggiye bhikkhū ārabbha cīvaravāyāpanavatthusmim paññattam, sādharaṇapaññatti, anāṇattikam, viññāpitasuttam viññāpitatantavāyena vāyāpentassa dīghato vidathimatte tiriyañca hatthamatte vīte nissaggiyam pācittiyam. Iti yāva cīvaraṁ vadḍhati, tāva iminā pamāṇena āpattiyo vadḍhanti. Ten’eva pana aviññattiyā laddhasuttam vāyāpentassa yathā pubbe nissaggiyam, evam idha dukkaṭam. Ten’eva viññattañca aviññattañca vāyāpentassa sacce vuttappamāṇena kedārabaddham viya cīvaraṁ hoti, akappiyasuttamaye paricchede pācittiyam, itarasmim tath’eva dukkaṭam. Tato ce ūnatarā paricchedā, sabbaparicchedesu dukkaṭān’eva. Atha ekantarikena vā suttena dīghato vā kappiyam tiriyañca akappiyam katvā vītam hoti, pubbe vuttappamāṇagaṇanāya dukkaṭāni. Eten’eva upāyena kappiyatantavāyena akappiyasutte, kappiyākappiyehi tantavāyehi suttepī kappiye akappiye kappiyākappiye ca āpattibhedo veditabbo. Tikapācittiyam, avāyāpīte vāyāpitasaññino vematikassa vā dukkaṭam. Cīvarasibbana-āyogakāyabandhana-amsabaddhakapattatthavikaparissāvanānam atthāya suttam viññāpentassa, ñātakappavāritehi kappiyasuttam vāyāpentassa, aññassatthāya, attano dhanena, ummattakādīnañca anāpatti, cīvaratthāya viññāpitasuttam attuddesikatā akappiyatantavāyena akappiyaviññattiyā vāyāpananti imān’ettha tīṇi aṅgāni. Samuṭṭhānādīni Dhovāpanasikkhāpade vuttanayān’evāti.

Suttaviññattisikkhāpadavaṇṇanā niṭhitā.

## 7. Mahāpesakārasikkhāpadavaṇṇanā

Sattame tatra ce so bhikkhūti yatra gāme vā nigame vā tantavāyā, tatra. Pubbe appavāritoti cīvarasāmikehi appavārito

---

1. So tantavāyo -pa- tesu sabbappayogesu (Syā, Kam)

hutvā. **Vikappam āpajjeyyāti** visitṭhakappam adhikavidhānam āpajjeyya. Idāni yen’ākārena vikappam āpanno hoti, tam dassetum **idam kho āvusoti-**ādi vuttam. Tattha **āyatanti** dīgham. **Vitthantanti** puthulam. **Appitanti** ghanam. **Suvītanti** suṭṭhu vītam, sabbaṭṭhānesu samam katvā vītam. **Suppavāyitanti** suṭṭhu pavāyitam, sabbaṭṭhānesu samam katvā tante pasāritam. **Suvilekhitanti** lekhaniyā suṭṭhu vilekhitam. **Suvitacchitanti** kocchena suṭṭhu vitacchitam, suṭṭhu niddhotanti attho. **Piṇḍapātamattampīti** ettha ca na bhikkhuno piṇḍapātadānamattena tam nissaggyam hoti, sace pana te tassa vacanena cīvarasāmikānam hatthato suttam gahetvā īsakampi āyatam vā vitthataṁ vā appitam vā karonti, atha tesam payoge bhikkhuno dukkaṭam, paṭilābhena nissaggyam hoti.

Sāvatthiyam Upanandam ārabba cīvare vikappam āpajjanavatthusmiṁ paññattam, sādhāraṇapaññatti, anāṇattikam, tikapācittiyam, nātake aññātakasaññino vematikassa vā dukkaṭam. Nātakappavāritānam tantavāyehi, aññassa vā atthāya, attano vā dhanena, mahaggham vāyāpetukāmam appaggham vāyāpentassa, ummattakādīnañca anāpatti. Aññātaka-appavāritānam tantavāye upasaṅkamitvā vikappamāpajjanatā cīvarassa attuddesikatā tassa vacanena suttavaḍḍhanam cīvarappaṭilābhōti imān’ettha cattāri aṅgāni. Samuṭṭhānādīni Dhovāpanasikkhāpade vuttanayān’evāti.

Mahāpesakārasikkhāpadavaṇṇanā niṭṭhitā.

---

## 8. Accekacīvarasikkhāpadavaṇṇanā

Aṭṭhame **dasāhānāgatanti** dasa ahāni dasāham, tena dasāhena anāgatā dasāhānāgatā, dasāhena asampattāti attho, tam dasāhānāgatam, accantasaiñyogavasena bhummatthe upayogavacanam. **Kattikatemāsikapuṇṇamanti** paṭhamakattikapuṇṇamam, idh’āpi paṭhamapadassa anupayogatā purimanayen’eva bhummatthe upayogavacanam. Idam vuttam hoti—yato paṭṭhāya paṭhamappavāraṇā “dasāhānāgatā”ti vuccati, Sacepi tāni divasāni accantameva bhikkhuno accekacīvaraṁ uppajjeyya, “accekam idan”ti jānamānenā

bhikkhunā sabbampi paṭiggahetabbanti. Tena pavāraṇāmāsassa juṇhapakkhapañcamito paṭṭhāya uppannassa cīvarassa nidhānakālo dassito hoti. (Kāmañc’esa “dasāhaparamām atirekacīvaraṁ dhāretabban”ti iminā’va siddho, aṭṭhuppattivasena pana apubbam viya attham dassetvā sikkhāpadam thapitam)<sup>1</sup>. **Accekacīvaranti** gamikagilānagabbhini-abhinavuppannasaddhānam puggalānam aññatarena “vassāvāsikam dassāmī”ti evam ārocetvā dinnam. Sace tam pure pavāraṇāya vibhajitam, yena gahitam, tena vassacchedo na kātabbo, karoti ce, tam cīvaram samghikam hoti. **Yāva cīvarakālasamayanti** anathate kathine yāva vassānassa pacchimo māso, attathate kathine yāva pañca māsā, tāva nikhipitabbam.

Sāvatthiyam sambahule bhikkhū ārabbha accekacīvarassa cīvarakālasamayaṁ atikkamanavatthusmim paññattam. Sesametha Cīvaravaggassa paṭhamasikkhāpade vuttanayen’eva veditabbanti.

Accekacīvarasikkhāpadavaṇṇanā niṭṭhitā.

---

### 9. Sāsaṅkasikkhāpadavaṇṇanā

Navame **upavassam** kho panāti etha **upavassanti** upavassa, upavasitvāt vuttam hoti, upasampajjanti-ādīsu<sup>2</sup> viya h’ettha anunāsiko daṭṭhabbo, vassam upagantvā vasitvā cāti attho. Imassa ca padassa “tathārūpesu bhikkhu senāsaneshu viharanto”ti iminā sambandho, idam vuttam hoti—vassam upagantvā vasitvā ca tato param pacchimakattikapuṇṇamapariyosānakālam yāni kho pana tāni āraññakāni -pa- antaraghare nikhipeyyāti. Tattha **ārafīñakānīti** sabbpacchimāni āropitena ācariyadhanunā gāmassa indakhīlato paṭṭhāya pañcadhanusatappamāne padese katasenāsanāni. Sace pana aparikkhitto gāmo hoti, parikkhepārahaṭṭhānato paṭṭhāya minetabbam. Sace vihārassa parikkhepo vā aparikkhittassa yam gāmato sabbapaṭhamam senāsanam vā cetiyam vā bodhi vā dhuvasannipātaṭṭhānam vā

1. ( ) Etthantare pāṭho “pamādapāṭho”ti Ṭīkāyam vutto. Vi-Ṭīha 2. 306 piṭṭhepi atthi.

2. Abhi 2. 267 piṭṭhe. (Kaṅkhāmahāṭīkā 3. 256 piṭṭhe.)

yāva, tam tāva pakatimaggena minetabbam, aññam maggam kātum, amaggena vā minetuṁ na vaṭṭati. **Sāsaṅkasammatānīti** corādīnam niviṭṭhokasādidassanena “sāsaṅkānī”ti sammatāni, evam saññātānīti attho. Saha paṭibhayena **sappaṭibhayāni**, corehi manussānam hataviluttākoṭitabhāvadassanato sannihitabalavabhayānīti attho.

**Antaraghare nikhipeyyāti** āraññakassa senāsanassa samantā sabbadisābhāgesu attanā abhirucite gocaragāme nikhipeyya. Tañca kho satiyā aṅgasampattiya, Tatr’āyam aṅgasampatti—purimikāya upagantvā mahāpavāraṇāya pavārito hoti, idamekam aṅgam. Kattikamāso yeva hoti, idam dutiyam aṅgam. Pañcadhanusatikapacchimappamāṇayuttam senāsanam hoti, idam tatiyam aṅgam. Ūnappamāṇe vā gāvutato atirekappamāṇe vā na labhati, yatra hi piṇḍaya caritvā bhuttavelāyameva puna vihāram sakkā āgantum, tadeva idh’ādhippetam. Sāsaṅkasappaṭibhayameva hoti, idam catuttham aṅgam hotīti. **Kocideva paccayoti** kiñcideva kāraṇam. **Tena cīvarenāti** tena antaraghare nikkhittacīvarena. **Vippavāsāyāti** viyogavāsāya. **Tato ce uttari vippavaseyyāti** chārattato uttari tasmiṁ senāsane sattamaṁ aruṇam uṭṭhāpeyyāti attho, tathā asakkontena pana gāmasīmam okkamitvā sabhāyam vā yattha katthaci vā vasitvā cīvarappavattim ñatvā pakkamitum vaṭṭati. **Aññatra bhikkhusammutiyāti** yam samgho gilānassa bhikkhuno cīvarena vippavāsasammutim deti, tam ṭhapetvā aladdhasammutikassa atirekachārattam vippavasato nissaggyam hoti.

Sāvatthiyaṁ sambahule bhikkhū ārabbha cīvaravippavāsavatthusmiṁ paññattam. Sesameththa cīvaravaggassa dutiyasikkhāpade vuttanayen’eva veditabbanti.

Sāsaṅkasikkhāpadavaṇṇanā niṭṭhitā.

---

## 10. Pariṇatasikkhāpadavaṇṇanā

Dasame **saṅghikanti** samghassa santakam. So hi samghassa pariṇatattā hatthe anāruḷhopi ekena pariyāyena samghasantako hoti. **Lābhanti** labhitabbam cīvarādivatthum. **Pariṇatanti** “dassāma karissāmā”ti vacībhedenā

vā hatthamuddāya vā sārīghassa ninnam hutvā ṭhitam. **Attano pariṇāmeyyāti** “idam mayham dethā”ti-ādīni vadanto attaninnam kareyya. Sace pana sārīghassa dinnam hoti, tam gaheṭum na vaṭṭati, saṃghass’eva dātabbaṁ. Pariṇataṁ pana sahadhammikānam vā gihīnam vā antamaso mātusantakampi attano pariṇāmentassa payoge dukkaṭam, paṭilābhena nissaggyam hoti.

Sāvatthiyam chabbaggiye bhikkhū ārabbha pariṇāmanavatthusmiṁ paññattam, sādhāraṇapāññatti, anāṇattikam, pariṇate vematikassa, apariṇate pariṇatasāññino c’eva vematikassa ca, samghacetiya puggalesu yassa kassaci pariṇataṁ aññasamghādīnam pariṇāmentassa ca dukkaṭam. Apariṇatasāññino, “kattha demā”ti pucchite “yattha tumhākam cittaṁ pasīdati, tattha detha, tumhākam deyyadhammo paribhogam vā labheyā”ti-ādīni vadantassa, ummattakādīnañca anāpatti. Saṃghe pariṇatabhāvo, tam ñatvā attano pariṇāmanam, paṭilābhōti imān’ettha tīṇi aṅgāni. Samuṭṭhānādīni adinnādānasadisānīti.

Pariṇatasikkhāpadavaṇṇanā niṭṭhitā.

Pattavaggo tatiyo.

Iti Kaṇkhāvitaraṇiyā pātimokkhavaṇṇanāya

Nissaggyapācittiyavaṇṇanā niṭṭhitā.

# Pācittiyakaṇḍa

## 1. Musāvādavagga 1. Musāvādasikkhāpadavaṇṇanā

Pācittiyesu Musāvādavaggassa paṭhame sampajānamusāvādeti pubbepi jānitvā vacanakkhaṇepi jānantass’eva musāvādabhaṇane. Bhaṇanañca nāma idha abhūtassa vā bhūtataṁ<sup>1</sup> bhūtassa vā abhūtataṁ<sup>2</sup> katvā kāyena vā vācāya vā viññāpanappayogo, nimittatthe c’etam bhummavacanam. Tasmā yo sampajānamusāvādaṁ vadati, tassa tamnimittam tamhetu tappaccayā pācittiyam hotīti evamettha aññesu ca īdisesu attho veditabbo.

Sāvatthiyam Hatthakam Sakyaputtam ārabba avajānitvā paṭijānanādivatthusmim paññattam, sādhāraṇapaññatti, anāṇattikam, uttarimanussadhammārocanattham musā bhaṇantassa pārājikam, amūlakena pārājikena anuddhaṁsanattham saṁghādiseso, saṁghādisesena anuddhaṁsanattham pācittiyam, ācāravipattiyā anuddhaṁsanattham dukkaṭam, “yo te vihāre vasī”ti-ādinā<sup>3</sup> pariyāyena uttarimanussadhammārocanattham paṭivijānantassa musā bhaṇite thullaccayam, appatīvijānantassa dukkaṭam, kevalam musā bhaṇantassa idha pācittiyam. Anupadhāretvā sahasā bhaṇantassa, “aññam bhaṇissāmī”ti aññam bhaṇantassa, ummattakādīnañca anāpatti. Visamvādanapurekkhāratā visamvādanacittena yamattham vatthukāmo, tassa puggalassa viññāpanapayogo cāti imān’ettha dve aṅgāni. Samuṭṭhānādīni adinnādānasadisānīti.

Musāvādasikkhāpadavaṇṇanā niṭṭhitā.

---

## 2. Omasavādasikkhāpadavaṇṇanā

Dutiye omasavādeti ovijjhavanavacane, jātināmagottakammasippābādhaliṅgakilesa-āpatti-akkosesu bhūtena vā abhūtena vā yena kenaci pārājikam āpannam vā anāpannam vā yamkiñci bhikkhum yāya

---

1. Bhūtam (Kam)

2. Abhūtam (Kam)

3. Vi 1. 135 piṭṭhe.

kāyaci vācāya vā hatthamuddāya vā anaññāpadesena akkosanavacane pācittiyanti attho.

Sāvatthiyām chabbaggiye bhikkhū ārabbha omasanavatthusmim paññattam, sādhāraṇapaññatti, anāṇattikam, tehi yeva dasahi akkosavatthūhi “santi idh’ekacce caṇḍālā”ti-ādinā<sup>1</sup> nayena aññāpadesam katvā akkosantassa, “coro’si gaṇṭhibhedako’si”ti-ādīhi Pālimuttakapadehi akkosantassa, yathā tathā vā anupasampannam akkosantassa ca dukkaṭam. Idha bhikkhunīpi anupasampannasaṅkhyam gacchati. Anakkositukāmassa kevalam davakamyatāya vadato sabbatha dubbhāsitam. Atthadhamma-anusāsanipurekkhāratānam, ummattakādīnañca anāpatti. Yam akkosati, tassa upasampannatā, anaññāpadesena jāti-ādīhi akkosanam, “mām akkosatī”ti jānanā, atthapurekkhāratādīnam abhāvoti imān’ettha cattāri aṅgāni. Samuṭṭhānādīni Adinnādānasadisāni, vedanā pana idha dukkhāti.

Omasavādasikkhāpadavaṇṇanā niṭṭhitā.

---

### 3. Pesuññasikkhāpadavaṇṇanā

Tatiye **bhikkhupesuññeti** bhikkhussa pesuññe, jāti-ādīhi akkosavatthūhi<sup>2</sup> bhikkhū akkosantassa bhikkhuno sutvā vacanam<sup>3</sup> bhikkhuno piyakamyatāya vā bhedādhippāyena vā yo akkuddho, tassa bhikkhussa kāyena vā vācāya vā upasamhaṭe tasmim pesuññakaraṇavacane pācittiyanti attho.

Sāvatthiyām chabbaggiye bhikkhū ārabbha pesuñña-upasamharaṇavatthusmim paññattam, sādhāraṇapaññatti, anāṇattikam, vuttanayen’eva aññāpadesena akkosantassa vacanūpasamhāre vā Pālimuttaka-akkosūpasamhāre vā anupasampannassa ca upasamhāre dukkaṭam. Idh’āpi bhikkhūnī anupasampannaṭṭhāne ṭhitā. Na piyakamyatāya, na bhedādhippāyena kevalam pāpagarahitāya vadantassa, ummattakādīnañca anāpatti. Jāti-ādīhi anaññāpadesena akkosantassa bhikkhuno sutvā vacanam<sup>3</sup> bhikkhussa upasamharaṇam

---

1. Vi 2. 15 piṭṭhe.

2. Dasahi akkosavatthūhi (Kam)

3. Sutvā (Syā, Ka)

piyakamyatābhedādhippāyesu aññataratā tassa vijānanāti imān’ ettha tīṇi aṅgāni. Samuṭṭhanādīni sdinnādānasadisān’ evāti.

Pesuññasikkhāpadavaṇṇanā niṭṭhitā.

---

#### 4. Padasodhammasikkhāpadavaṇṇanā

Catutthe **padaso dhammam** vāceyyāti saṅgītittayām anāruḷhampi Rājovādatikkhindriyacatuparivattananandopanandakulumpasutta<sup>1</sup> magga-kathādidhammañca saṅgītittayamāruḷham Tipiṭakadhammañca padam padam vāceyya, pad’ānupada-anvakkhara-anubyañjanesu ekekam koṭṭhāsanti attho. **Pācittiyanti** etesu padādīsu bhikkhuñca bhikkhuniñca ṭhapetvā yam kañci koṭṭhāsam avasesapuggalehi saddhim ekato bhaṇtassa padādigaṇanāya pācittiyam.

Sāvatthiyām chabbaggiye bhikkhū ārabbha padaso Dhammadvācanavatthusmiṁ paññattam, sādhāranapaññatti, anāṇattikam, tikapācittiyan. Upasampanne anupasampannasaññino vematikassa vā dukkaṭam. Anupasampannena saddhim ekato uddesaggahaṇe, sajjhāyakaraṇe, tassa santike uddesaggahaṇe, yebhuyyena paguṇaganthaṁ bhaṇtassā osārentassa ca khalitaṭṭhāne “evam bhaṇāhi”ti vacane ca ekato bhaṇtass’āpi, ummattakādīnañca anāpatti. Anupasampannatā, vuttalakkhaṇam dhammam padaso vācanatā, ekato osāpanañcāti imān’ ettha tīṇi aṅgāni. Padasodhammasamuṭṭhanam, kiriyan, nosaññāvimokkham, acittakam, paṇṇattivajjam, vacikammam, ticittam, tivedananti.

Padasodhammasikkhāpadavaṇṇanā niṭṭhitā.

---

#### 5. Paṭhamasahaseyyasikkhāpadavaṇṇanā

Pañcame **anupasampannenāti** bhikkhum ṭhapetvā antamaso pārājikavatthubhūtena tiracchānagaten’āpi. **Uttaridirattatirattanti** dvinnam vā tiṇṇam vā rattinam upari. **Sahaseyyanti** sabbacchannaparicchanne yebhuyyena channaparicchanne vā senāsane pubbāpariyena vā ekakkhaṇena vā ekato nipajjanam.

---

1. Kulumbasutta (Kañ)

**Kappeyyāti** vidaheyya sampādeyya. Tattha chadanam anāhacca  
diyaḍḍhahatthubbedhena pākārādinā paricchinnampi  
sabbaparicchannamicc’eva veditabbam, tasmā iminā lakkhaṇena  
samannāgato sacepi sattabhūmiko pāsādo ekūpacāro hoti satagabbham vā  
catusālam, yo tattha vā aññattha vā tādise tena vā aññena vā  
anupasampanna saha tisso rattiyo sayitvā catutthadivase atthaṅgate sūriye  
anupasampanne nipanne gabbhadvāram pidhāya vā apidhāya vā nipajjati,  
paṭhamanipanno vā tasmīm nipajjante na vuṭṭhāti, tassa ubhinnam uṭṭhahitvā  
nipajjanappayogagaṇanāya anupasampannagaṇanāya ca pācittiyam.  
Ayamettha saṅkhepo, vitthāro pana Samantapāsādikāyam<sup>1</sup> sabbappakārato  
vutto.

Ālaviyam sambahule bhikkhū ārabbha anupasampanna sahaseyyavatthusmiṁ paññattam, “uttaridirattatirattan”ti ayamettha anupaññatti, sādhāraṇapaññatti, anāṇattikam, tikapācittiyam, upasampanne anupasampannasaññino vematikassa vā upaddhacchannaparicchannādīsu ca dukkaṭam. Ūnakadirattatirattam<sup>2</sup> vasantassa, tatiyāya rattiya purāruṇā nikkhmitvā puna vasantassa, sabbacchannasabbāparicchannādīsu vasantassa, itarasmīm nisinne nipajjantassa, nipanne vā nisīdantassa, ummattakādīnañca anāpatti. Pācittiyavatthukasenāsanam, tattha anupasampanna saha nipajjanam, catutthadivase sūriyatthaṅgamananti imān’ettha tīṇi aṅgāni. Samutṭhānādīni Eḷakalomasadisān’evāti.

Paṭhamasahaseyyasikkhāpadavaṇṇanā niṭṭhitā.

## 6. Dutiyasahaseyyasikkhāpadavaṇṇanā

Chaṭṭhe mātugāmenāti antamaso tadahujātāyapi manussitthiyā. Dissamānarūpā pana yakkhipetiyo pañḍako methunavatthubhūtā ca tiracchānitthiyo idha dukkaṭavatthukā honti.

Sāvatthiyam āyasmantam Anuruddhattheram ārabbha mātugāmena sahaseyyavatthusmiṁ paññattam, sesam anantarasikkhāpade vuttanayen’eva veditabbam

1. Vi-Tṭha 3. 11 piṭṭhe.

2. Ūnakadvirattam vā tirattam vā (Kam)

aññatra rattiparicchedā, tatra hi catutthadivase āpatti, idha pana paṭhamadivase pīti.

Dutiyasahaseyyasikkhāpadavaṇṇanā niṭhitā.

---

### 7. Dhammadesanāsikkhāpadavaṇṇanā

Sattame **uttarichappañcavacāhīti** ettha eko gāthāpādo ekā vācāti evam sabbattha vācāpamāṇam veditabbam. **Dhammarūp deseyyāti** padasodhammasikkhāpade vuttalakkhaṇam dhammam vā Aṭṭhakathādhammam vā bhāseyya. **Aññatra viññunā purisaviggahenāti** vinā viññunā purisena. Manussaviggaham gahetvā ṭhitena pana yakkhena vā petena vā tiracchānena vā saddhim ṭhitāyapi dhammam desetum na vaṭṭati. **Pācittiyanti** dutiyāniyate vuttalakkhaṇena manussena vinā viññumanussitthiyā channam vācānam upari padādivasena dhammam descentassa padādigaṇānāya, bahūnam desayato mātugāmagaṇānāya ca pācittiyam.

Sāvatthiyam Udāyittheram ārabba mātugāmassa dhammadesanāvatthusmiṁ paññattam, “aññatra viññunā”ti ayamettha anupaññatti, sādhāraṇapaññatti, anāṇattikam, tikapācittiyam, amātugāme mātugāmasaññino vematikassa vā yakkhipetipaṇḍakamanussaviggahatiracchānitthīnam descentassa ca dukkaṭam. Chahi vācāhi, tato vā oram descentassa, vuttalakkhaṇe vā purise sati, sayam vā uṭṭhāya, puna nisiditvā mātugāmassa vā uṭṭhahitvā puna nisinnassa, aññassa vā mātugāmassa desayato, “dīghanikāyo nāma bhante kimathiyo”ti evam pana puṭṭhe sabbampi Dīghanikāyam descentassa, aññassatthāya vuccamānam mātugāme suṇante, ummattakādīnañca anāpatti. Vuttalakkhaṇassa dhammassa channam vācānam upari desanā vuttalakkhaṇo mātugāmo iriyāpathaparivattābhāvo kappiyakārakassābhāvo apañhāvissajjanāti imān’ettha pañca aṅgāni. Samuṭṭhānādīni padasodhammasadisān’eva, kevalam idha kiriyākiriyaṁ hotūti.

Dhammadesanāsikkhāpadavaṇṇanā niṭhitā.

### 8. Bhūtārocanasikkhāpadavaṇṇanā

Aṭṭhame **uttarimanussadhammantī** catutthapārājike vuttalakkhaṇam  
uttarimanussānam jhāyīnañc'eva ariyānañca dhammam. **Bhūtasmiṁ**  
pācittiyanti attani jhānādidhamme sati tam bhikkhuñca bhikkhuniñca  
ṭhapetvā aññassa ārocayato pācittiyam.

Vesāliyam Vaggumudatīriye bhikkhū ārabba tesam  
bhūtārocanavatthusmiṁ paññattam, sādhāraṇapaññatti, anāṇattikam,  
nippariyāyena attani vijjamānam jhānādidhammam ārocentassa sace yassa  
āroceti, so anantarameva "ayam jhānalābhī"ti vā "ariyo"ti vā yena kenaci  
ākārena tamattham jānāti, pācittiyam. No ce jānāti, dukkaṭam. Pariyāyena  
ārocitam pana jānātu vā mā vā, dukkaṭameva. Tathārūpe kāraṇe sati  
upasampannassa ārocayato, ādikammikassa ca anāpatti. Yasmā pana  
Ariyānam ummattakādibhāvo n'atthi, jhānalābhino pana tasmiṁ sati jhānā  
parihāyanti, tasmā te idha na gahitā. Uttarimanussadhammassa bhūtatā  
anupasampannassa ārocanam taṇkhaṇavijānanā anaññāpadesoti imān'ettha  
cattāri aṅgāni. Bhūtārocanasamuṭṭhānam, kiriyaṁ, nosaññāvimokkham,  
acittakam, paññattivajjam, kāyakammam, vacikammam,  
kusalābyākatacittehi dvicittam, sukhamajjhattavedanāhi dvivedananti.

Bhūtārocanasikkhāpadavaṇṇanā niṭṭhitā.

---

### 9. Duṭṭhullārocanasikkhāpadavaṇṇanā

Navame **bhikkhussāti** pārājikam anajjhāpannassa. **Duṭṭhullanti** kiñcāpi  
dvinnam āpattikkhandhānametam adhivacanam, idha pana  
saṅghādisesameva adhippetam. **Aññatra bhikkhusammutiyāti** yam saṅgho  
abhiññāpattikassa bhikkhuno āyatim saṁvaratthāya āpattīnañca kulānañca  
pariyantam katvā vā akatvā vā tikkhattum apaloketvā katikam karoti, tam  
ṭhapetvā, ayathākatikāya<sup>1</sup> "ayam asuciṁ mocetvā saṅghādisesam  
āpanno"ti-ādinā nayena vatthunā saddhim āpattim ghaṭetvā ārocentassa  
pācittiyam.

---

1. Aññāya katikāya (Kam)

Sāvatthiyam chabbaggiye bhikkhū ārabbha duṭṭhullāpatti-ārocanavatthusmīm paññattam, sādhāraṇapaññatti, anāṇattikam, tikapācittiyam, aduṭṭhullāya duṭṭhullasaññino vematikassa vā dukkaṭam, avasese cha āpattikkhandhe, anupasampannassa purimapañcasikkhāpadavītikkamasañkhātam duṭṭhullam vā itaram aduṭṭhullam vā ajjhācāram ārocentass' āpi dukkaṭameva. Vatthumattam vā āpattimattam vā ārocentassa, bhikkhusammutiparicchedam anatikkamitvā ārocentassa, ummattakādīnañca anāpatti. Vuttalakkhaṇassa bhikkhuno savatthuko saṃghādiseso anupasampannassa ārocanam bhikkhusammutiyā abhāvoti imān' ettha tīṇi aṅgāni. Samuṭṭhānādīni adinnādānasadisāni, vedanā pana idha dukkhā yevati.

Duṭṭhullārocanasikkhāpadavaṇṇanā niṭṭhitā.

---

#### 10. Pathavīkhaṇanasikkhāpadavaṇṇanā

Dasame pathavinti pathavī jātapatthavī ajātapatthavīti. Tattha **jātapatthavī** suddhamissapuñjavasena tividhā, tattha **suddhapatthavī** nāma pakatiyā suddhapāmsu vā suddhamattikā vā. **Missapatthavī** nāma yattha parīsuto vā mattikāto vā pāsāṇasakkharakathalamarumbavālukāsu aññatarassa tatiyabhāgo hoti. **Puñjāpathavī** nāma “atirekacātumāsām ovaṭṭho paṃsupuñjo vā mattikāpuñjo vā”<sup>1</sup> ti vuttam, vuttalakkhaṇena pana missakapuñjopi piṭṭhipāsāne ṭhitasukhumarajampi ca deve phusāyante sakim tintam catumāsaccayena tintokāso puñjapatthavisañkhameva gacchati. Tividhāpi c' esā pathavī uddhanapattapacanādivasena vā yathā tathā vā adaḍḍhā ‘jātapatthavī’ ti vuccati, daḍḍhā pana vuttappamāṇato adhikatarapāsāṇādimissā vā **ajātapatthavī** nāma hoti, ko pana vādo suddhapāsāṇādibhedāya. Tattha yā ‘jātapatthavī’ ti vuttā, ayam akappiyapatthavī. Yo bhikkhu tam evarūpam pathavim sayam khaṇati, khaṇanabhedanavilekhanapacanādīhi vikopeti, tassa payogagaṇanāya pācittiyam. Yo pana khaṇāpeti, vuttanayen’eva vikopāpeti, tassa “imam padesan”ti vā “imam pathavin”ti vā evam niyametvā “khaṇa, bhindā”ti-ādinā nayena āṇāpentassa

---

1. Vi 2. 50 piṭṭhe.

āṇattiyā dukkaṭam, sakiṁ āṇatte divasampi khaṇante (āṇāpakassa)<sup>1</sup> ekameva pācittiyam, sace itaro punappunam āṇāpeti, vācāya vācāya pācittiyam.

Ālaviyam Ālavake bhikkhū ārabbha pathavikhaṇanavatthusmim paññattam, sādhāraṇapaññatti, sāṇattikam, pathaviyā vematikassa apathaviyā pathavisaññino c’eva vematikassa ca dukkaṭam. Okāsaṁ aniyametvā “pokkharaṇim khaṇa, āvāṭam khaṇa, kandam khaṇā”ti-ādīni bhaṇtantassa, ātapena sussitvā phalitakaddamam vā gokaṇṭakam vā heṭṭhā pathaviyā asambaddham bhijjityā patitanaditaṭam vā mahantampi naṅgalacchinnamattikāpiṇḍanti evamādīni sabbañca ajātapatthavim vikopentassa, “imassa thambhassa āvāṭam jāna, mattikam dehi, mattikam āhara, paṁsunā me attho, mattikam kappiyam karohī”ti bhaṇtantassa, asañcicca rukkhādipavaṭṭanena bhindantassa, asatiyā pādaṅguṭṭhakādīhi vilekhnantassa, jātapatthavibhāvam vā “khaṇāmi vā ahan”ti ajānantassa, ummattakādīnañca anāpatti. Jātapatthavī pathavisaññitā khananakhaṇāpanānam aññataranti imān’ ettha tīṇi aṅgāni. Samuṭṭhānādīni adinnādānasadisāni, idam pana paṇṇattivajjam, ticittam, tivedananti. Pathavīkhaṇanasikkāpadavaṇṇanā niṭṭhitā.

Musāvādavaggo paṭhamo.

## 2. Bhūtagāmavagga    1. Bhūtagāmasikkhāpadavaṇṇanā

Bhūtagāmavaggassa paṭhame **bhūtagāmapāṭabyatāyāti** ettha bhavanti ahemuñcāti<sup>2</sup> bhūtā, jāyanti vaḍḍhanti jātā vaḍḍhitā cāti attho. **Gāmoti** rāsi, bhūtānam gāmo, bhūtā eva vā gāmoti bhūtagāmo, patiṭṭhitaharitatiṇarukkhādīnametam adhivacanam. Pāṭabyassa bhāvo pāṭabyatā, chedanabhedanādīhi yathāruci paribhuñjitabbatāti attho, tassam bhūtagāmapāṭabyatāya, nimittatthe c’etam bhummavacanam, bhūtagāmapāṭabyatāhetu bhūtagāmassa chedanādipaccayā pācittiyanti attho. Tasmā yo

1. ( ) Etthantare pāṭho mūlantaresu n’atthi. Vi-Tṭha 3. 21 piṭṭhe pana atthi.

2. Ahuvuñcāti Vi-Tṭha 3. 26 piṭṭhe. Ahuvatthuñcāti (Yojanā)

bhikkhu pathavi-udakapākārādīsu yatthakatthaci jātam asukkham antamaso atisukhumatiṇampi sāsapabījakasevālampi uddharaṇacchedanavijjhānādīhi vikopeti vā pathavikhaṇane vuttanayena vikopāpeti vā pācittiyam āpajjati.

Ālaviyam Ālavake bhikkhū ārabbha rukkhachindanavatthusmim paññattam, sādhāraṇapaññatti, sāṇattikam, bhūtagāmato viyojitamūlabījakhandhabījaphalubīja-aggabījabījānam aññataram bhājanagataṁ vā rāsikataṁ vā bhūmiyam ropitampi nikkhantamūlamattam vā nikkhanta-añkuramattam vā sacepi'ssa vidatthimattā pattavaṭṭi niggacchati, anikkhante vā mūle nikkhante vā mūle yāva añkuro harito na hoti, tāva tam vikopentassa dukkaṭam, tathā bhūtagāmabījagāme vematikassa abhūtagāmabījagāme bhūtagāmabījagāmasaññino c'eva vematikassa ca. Ubhayattha pana atathāsaññissa, ummattakādīnañca anāpatti, asañcicca asatiyā ajānitvā vā vikopentassa, "imam rukkhan"ti evam aniyametvā "rukham chinda, vallim chindā"ti-ādīni bhaṇtassā, "imam puppham vā phalam vā jāna, imam dehi, imam āhara, iminā me attho, imam kappiyam karohī"ti bhaṇtassā ca anāpatti. Evam kappiyavacanena bhūtagāmato viyojitam pana bījajātam punapi "kappiyam karohī"ti kāretvā'va paribhuñjitabbam. Evañhi'ssa bījagāmaparimocanampi kataṁ hoti.

Kappiyam karontena pana agginā vā nakhena vā satthena vā kattabbam. Agginā karontena ca yena kenaci agginā ekadese phusantena 'kappiyan'ti vatvā'va kātabbam. Satthena karontena yassa kassaci tikhiṇasatthassa antamaso sūcinakhacchedanādīnampi tuṇḍena vā dhārāya vā vedham vā chedam vā dassentena tath'eva kātabbam. Nakhena karontena ṭhapetvā gomahimśādīnam khure yena kenaci apūtinā manussānam vā tiracchānānam vā nakhena antamaso chinditvā āhaṭen'āpi satthe vuttanayen'eva kātabbam. Tattha sacepi bījānam pabbatamatto rāsi, rukkhasahassam vā chinditvā ekābaddham, ucchūnam vā mahābhāro bandhitvā ṭhapito hoti, ekasmiṁ bīje vā rukkhasākhāya vā ucchumhi vā kappiye kate sabbam kataṁ hoti. Ucchum "kappiyam karissāmī"ti tehi saddhim baddham<sup>1</sup> dārukam vijjhati, vaṭṭati yeva. Sace pana yāya valliyā bhāro baddho, tam vijjhati<sup>2</sup>, na vaṭṭati. Maricapakkādīhi

---

1. Ekābaddham (Kam)

2. Vijjhitud (Kam)

missetvā bhattam āharanti, “kappiyam karohī”ti vutte sacepi bhattsitthe vijjhati, vaṭṭati yeva, tilataṇḍulesupi es’eva nayo. Yāguyā pakkhittāni pana ekābaddhāni hutvā na santiṭṭhanti, tattha ekekam vijjhitvā’va kātabbam. Kapiṭṭhaphalādīnam anto miñjam kaṭāham muñcitvā sañcarati, bhindāpetvā kappiyam kāretabbam. Ekābaddhā ce, kaṭāhepi kātum vaṭṭati. Yam pana phalam taruṇam hoti abījam yañca nibbattabījam bījam apanetvā paribhuñjitabbam, tattha kappiyakaraṇakiccam n’atthi. Bhūtagāmo bhūtagāmasaññitā vikopanam vā vikopāpanam vāti imān’ettha tīṇi aṅgāni. Samuṭṭihānādīni pathavikhaṇanasadisān’evāti.

Bhūtagāmasikkhāpadavaṇṇanā niṭṭhitā.

---

## 2. Aññavādakasikkhāpadavaṇṇanā

Dutiye yamattham samghamajhe vinayadharo pucchatī, tato aññam vadatīti **aññavādako**, aññenaññam paṭicaraṇass’etam nāmam. Vihesatīti **vihesako**, tuṇhībhāvass’etam nāmam, tasmiṁ aññavādake vihesake. **Pācittiyanti** vatthudvaye pācittiyadvayaṁ vuttam. Tasmā yo bhikkhu sāvasesam āpattim āpanno samghamajhe anuyuñjiyamāno tam na kathetukāmo aññena vacanena aññam chādento tathā tathā vikkhipati, yo ca tuṇhībhāvena viheseti, tesam yam Bhagavatā aññavādakakammañc’eva vihesakakammañca anuññātam, tasmiṁ samghena kate puna tathā karontānam pācittiyam.

Kosambiyam Channattheram ārabbha aññenaññam paṭicaraṇavatthusmim paññattam, sādhāraṇapaññatti, anāṇattikam, dhammakamme tikapācittiyam, adhammakamme tikadukkaṭam, anāropite pana aññavādake vā vihesake vā tathā karontassa dukkaṭameva. Āpattim āpannabhāvam vā ajānantassa “kim tumhe bhaṇathā”ti pucchato, gelaññena vā, “samghassa bhaṇḍanādīni vā bhavissanti, adhammena vā vaggena vā nakammārahassa vā kammarāni karissanti”ti iminā adhippāyena na kathentassa, ummattakādīnañca anāpatti. Dhammakammena āropitatā āpattiyā vā vatthunā vā anuyuñjiyamānatā

chādetukāmatāya aññenaññam paṭicaraṇam vā tuṇhībhāvo vāti imān’ettha tīṇi aṅgāni. Samuṭṭhānādīni adinnādānasadisāni, idam pana siyā kiriyam, siyā akiriyam, dukkhavedanañca hotīti.

Aññavādakasikkhāpadavaṇṇanā niṭṭhitā.

---

### 3. Ujjhāpanakasikkhāpadavaṇṇanā

Tatiye yena vacanena ujjhāpenti “chandāya itthannāmo idam nāma karoti”ti-ādīni vadantā upasampannam saṃghena sammataṁ senāsanapaññāpakādibhedam tassa ayasakāmā hutvā bhikkhūhi avajānāpenti, avaññāya olokāpenti, lāmakato vā cintāpenti, tam vacanam **ujjhāpanakarī**. Yena ca tath’eva vadantā khiyyanti, sabbattha tassa avaṇṇam pakāsentī, tam **khiyyanakarī**, tasmiṁ ujjhāpanake khiyyanake. **Pācittiyanti** vatthudvaye pācittiyadvayam vuttam. Tasmā yo sammatassa bhikkhuno ayasakāmatāya upasampannassa vadanto ujjhāpeti vā khiyyati vā, tassa pācittiyam hoti.

Rājagahe Mettiyabhūmajake bhikkhū ārabba ujjhāpanakhiyyanavatthusmiṁ paññattam, sādhāraṇapaññatti, anāṇattikam, yam tassa upasampannassa sammutikammam kataṁ, tasmiṁ Dhammakanme tikapācittiyam, adhammakanme tikadukkaṭam, anupasampannassa pana santike tathā bhaṇtassā, asammatassa ca avaṇṇam yassa kassaci santike bhaṇtassā, anupasampannassa pana sammatassa vā asammatassa vā avaṇṇam yassa kassacideva santike bhaṇtassā ca dukkaṭameva. Pakatiyā’va chandādivasena karontam ujjhāpentassa vā khiyyantassa vā, ummattakādīnañca anāpatti. Dhammakanmena sammatatā, upasampannatā, agatigamanābhāvo, tassa avaṇṇakāmatā, yassa santike vadati, tassa upasampannatā, ujjhāpanam vā khiyyanam vāti imān’ettha cha aṅgāni. Samuṭṭhānādīni Adinnādānasadisāni, idam pana dukkhavedanamevāti.

Ujjhāpanakasikkhāpadavaṇṇanā niṭṭhitā.

#### 4. Paṭhamasenāsanasikkhāpadavaṇṇanā

Catutthe **samghikanti** samghassa santakam. Mañcādīsu yokoci mañcasāṅkhepena kato sabbopi **mañco** yeva, **pīthepi** es'eva nayo. Yena kenaci pana coṇena vā kappiyacammaṇa vā chavim katvā ṭhapetvā manussalomam tālīsapattañca<sup>1</sup> yehi kehici lomapaṇṇatiṇavākacolehi pūretvā katasenāsanam **bhisīti** vuccati. Tattha nisīditumpi nipajjitumpi vaṭṭati, pamāṇaparicchedopi c'ettha n'atthi. **Koccharī** pana vāka-usīramuñjapabbajādīnam aññataramayam anto samvellitvā baddham heṭṭhā ca upari ca vitthataṁ paṇavasaṇṭhānam majjhe sīhacammādiparikkhittam hoti, akappiyacammaṇam nām'ettha n'atthi. Senāsanāñhi sovaṇṇamayampi vaṭṭati. **Ajjhokāseti** ettha ye avassikasaṅketā vassānamāsāti evam asaññitā atīha māsā, te ṭhapetvā itaresu catūsu māsesu sacepi devo na vassati. Tathāpi pakati-ajjhokāse ca ovassakamaṇḍape ca santharitum na vaṭṭati. Yattha pana hemante vassati, tattha aparepi cattāro māse na vaṭṭati. Gimhe pana sabbattha vigatavalāhakam visuddham nabham hoti, tasmā tadā kenacideva karaṇīyena gacchati, vaṭṭati. Kākādīnam nibaddhavāsarukkhamūle pana kadācipi na vaṭṭati. Iti yattha ca yadā ca santharitum na vaṭṭati, tam sabbamidha ajjhokāsasaṅkhameva gatanti veditabbam.

**Santharitvāti** tathārūpe ṭhāne attano vā parassa vā atthāya santharitvā. Aññassattāya santhatampi hi yāva so tattha na nisīdati, ‘gaccha tvan'ti vā na bhaṇati, tāva santhārakass'eva bhāro. **Santharāpetvāti** anupasampannena santharāpetvā. Etadeva hi tassa palibodho hoti, upasampannena santhatam santhārakass'eva bhāro, tañca kho yāva āṇāpako tattha na nisīdati, ‘gaccha tvan'ti vā na bhaṇati. Yasmīñhi attanā santharāpīte vā pakatisanthate vā upasampanno nisīdati, sabbaṁ tam nisinnass'eva bhāro<sup>2</sup>, tasmā santharāpitantv'eva saṅkham gacchati. **Tam pakkamanto n'eva uddhareyya na uddharāpeyyāti** attano vā uddharitvā patirūpe ṭhāne na ṭhapeyya, parena vā tathā na kārāpeyya. **Anāpuccham vā gaccheyyāti** yo bhikkhu vā sāmañero vā ārāmiko vā

1. Tamālapattañca tālīsapattañca (Kam), Ṭīkā passitabbā.

2. Tāva santhatass'eva bhāro (Kam)

lajjī hoti, attano palibodham viya maññati, tathārūpam anāpucchitvā tam senāsanam tassa aniyyatetvā nirapekkho gacchati, thāmamajjhimassa purisassa ledḍupātarā atikkameyya, tassa ekena pādena ledḍupātātikkame dukkaṭam, dutiyapādātikkame pācittiyam. Bhojanasālāya ṭhito pana “asukasmim nāma divāvihāraṭṭhāne paññapetvā gacchāhi”ti pesetvā tato nikkhomitvā aññattha gacchanto pāduddhārena kāretabbo.

Sāvatthiyam sambahule bhikkhū ārabbha santharam anuddharitvā anāpuccham pakkamanavatthusmim paññattam, sādharaṇapaññatti, anānattikam<sup>1</sup>, tikapācithiyam, puggalike tikadukkaṭam, cimilikam vā uttarattharaṇam vā bhūmattharaṇam vā taṭṭikam vā cammakkhaṇḍam vā pādapuñchanam vā phalakapīṭham vā yam vā panaññam kañci<sup>2</sup> dārubhaṇḍam mattikābhāṇḍam antamaso pattādhārakampi vuttalakkhaṇe ajjhokāse ṭhapetvā gacchantassa dukkaṭameva. Āraññakena pana asati anovassake sabbam rukkhe laggetvāpi yathā vā upacikāhi na khajjati, evam katvāpi gantum vatṭati. Abbhokāsikena pana cīvarakuṭikam katvāpi rakkhitabbarā. Attano santake, vissāsikapuggalike, uddharanādīni katvā gamane, otāpentassa, “āgantvā uddharissāmī”ti gacchato, vuḍḍhatarā uṭṭhāpenti, amanusso tattha nisīdati, koci issaro gaṇhāti, sīhādayo tam ṭhānam āgantvā tiṭṭhanti, evam senāsanam palibuddham hoti, tathā palibuddhe vā senāsane jīvitabrahmacariyantarāyakarāsu āpadāsu vā gacchantassa, ummattakādīnañca anāpatti. Mañcādīnam samghikatā vuttalakkhaṇe dese santharaṇam vā santharāpanam vā apalibuddhatā āpadāya abhāvo nirapekkhatā ledḍupātātikkamoti imān’ ettha cha aṅgāni. Samuṭṭhānādīni paṭhamakathinasadisān’eva, idam pana kiriyākiriyantri.

Paṭhamasenāsanasikkhāpadavaṇṇanā niṭṭhitā.

### 5. Dutiyasenāsanasikkhāpadavaṇṇanā

Pañcame vihāreti gabbhe vā aññatarasmiṁ vā sabbaparicchanne vuttasenāsane. (Seyyanti)<sup>3</sup> seyyā nāma bhisī cimilikā uttarattharaṇam bhūmattharaṇam

1. Sāṇattikam (Sī, Kaṁ)

2. Pana kiñci (Sī, Ka)

3. ( ) Ethantare pāṭho sīhaṭamūle n’atthi.

taṭṭikā cammakkhaṇḍo nisīdanam paccattharaṇam tiṇasanthāro paññasanthāroti vuttam. Tattha **cimilikā** nāma parikammakatāya bhūmiyā vaṇṇanurakkhaṇattham katā. **Uttarattharaṇam** nāma mañcapīṭhādīnam upari attharitabbayuttakam paccattharaṇam. **Bhūmattharaṇam** nāma cimilikāya sati tassā upari, asati suddhabhūmiyam attharitabbā kaṭasārakādi vikati. **Taṭṭikā** nāma tālapanṇādīhi katataṭṭikā. **Cammakkhaṇḍo** nāma yam kiñci cammaṁ, sīhacammādīnañhi pariharaṇe yeva parikkhepo, senāsanaparibhoge pana akappiyacammasi nāma n’atthi. **Paccattharaṇam** nāma pāvāro kojavoti ettakameva, sesam pākaṭameva. Iti imāsu dasasu seyyāsu ekampi seyyam attano vassaggena gahetvā vuttalakkhaṇe vihāre santharitvā vā santharāpetvā vā yo bhikkhu disam gamiko yathā ṭhapitam upacikāhi na khajjati, tathā ṭhapanavasena n’eva uddhareyya, na uddharāpeyya, purimasikkhāpade vuttanayena anāpucchaṇam vā gaccheyya, tassa parikkhittassa ārāmassa parikkhepam, aparikkhittassa upacāram atikkamantassa paṭhamapāde dukkaṭam, dutiyapāde pācittiyam. Yattha pana upacikāsaṅkā n’atthi, tato anāpucchāpi gantum vaṭṭati, āpucchanam pana vattam.

Sāvatthiyam sattarasavaggiye bhikkhū ārabba samghike vihāre seyyam santharitvā anuddharitvā anāpucchā pakkamanavatthusmiṁ paññattam, sādhāraṇapaññatti, anāṇattikam<sup>1</sup>, tikapācittiyam, puggalike tikadukkaṭam, vuttalakkhaṇassa pana vihārassa upacāre bahi āsanne upaṭṭhānasālāya vā aparicchannamaṇḍape vā paricchanne vāpi bahūnam sannipātabhūte rukkhamūle vā santharitvā vā santharāpetvā vā, mañcapīṭhañca vihāre vā vuttappakāre vihārūpacāre vā santharitvā vā santharāpetvā vā uddharanādīni akatvā gacchantassa dukkaṭameva. Attano santake, vissāsikapuggalike uddharanādīni katvā, purimanayen’eva palibuddham chaddetvā gamane, yo ca “ajj’eva āgantvā paṭijaggissāmī”ti evam sāpekkho nadipāram vā gāmantaram vā gantvā yathassa gamanacittam uppannam, tatth’eva ṭhito kañci pesetvā vā āpucchatī, nadipūrarājacorādīsu vā kena ci palibuddho na sakkoti paccāgantum, tassa ca, āpadāsu ca, ummattakādīnañca anāpatti. Vuttalakkhaṇaseyyā tassā saringhikatā vuttalakkhaṇe vihāre santharaṇam vā santharāpanam vā apalibuddhatā āpadāya abhāvo anapekkhassa

---

1. Sāṇattikam (Sī, Kaṇ)

disāpakkamanam upacārasimātikkamoti imān' ettha satta aṅgāni.  
Samuṭṭhānādīni anantarasikkhāpade vuttanayān' evāti.

Dutiyasenāsanasikkhāpadavaṇṇanā niṭṭhitā.

### 6. Anupakhajjasikkhāpadavaṇṇanā

Chaṭṭhe jānanti “anuṭṭhāpanīyo ayan”ti jānanto, ten’ev’assa Padabhājane “vuḍḍho’ti jānāti, ‘gilāno’ti jānāti, ‘saṃghena dinno’ti jānātī”ti<sup>1</sup> vuttam. Vuḍḍho hi attano vuḍḍhatāya anuṭṭhāpanīyo, gilāno gilānatāya, saṃgho pana bhaṇḍāgārikassa vā dhammakathikavinayadharaganavācakācariyānam vā bahūpakāratam guṇavisitthatañca sallakkhetvā dhuvavāsatthāya vihāram sallakkhetvā sammannitvā deti, tasmā yassa saṃghena dinno, sopi anuṭṭhāpanīyo. Pubbupagatanti pubbam upagataṁ. **Anupakhajjāti** mañcapīṭhānam vā tassa vā bhikkhuno pavasantassa vā nikhamantassa vā upacāram anupavisitvā. Tattha mañcapīṭhānam tāva mahallake vihāre samantā diyadḍho hattho upacāro, khuddake yato pahoti, tato diyadḍho hattho, tassa pana pavasantassa pādadhammadapāsāṇato yāva mañcapīṭham, nikhamantassa mañcapīṭhato yāva passāvaṭṭhānam, tāva upacāro. **Seyyam kappeyyāti** tassa sambādhām kattukāmatāya tasmiṁ upacāre dasasu seyyāsu ekampi santharantassa vā santharāpentassa vā dukkaṭam, tattha nisīdantassa vā nipajjantassa vā pācittiyam, dvepi karontassa dve pācittiyāni, punappunam karontassa payogagaṇanāya pācittiyam.

Sāvatthiyam chabbaggiye bhikkhū ārabbha anupakhajja seyyakappanavatthusmiṁ paññattam, sādhāraṇapaññatti, anāṇattikam, tikapācittiyam, puggalike tikadukkataṁ, vuttūpacārato vā bahi upaṭṭhānasālādike vā vihārassa upacāre vā santharaṇasantharāpanesupi nisajjasayanesupi dukkaṭameva. Attano vā, vissāsikassa vā santake pana vihāre santharantassa, yo ca gilāno vā sītuṇhapīlito vā pavisi, tassa ca, āpadāsu ca, ummattakādīnañca anāpatti. Samghikavihāratā anuṭṭhāpanīyabhāvajānanam sambādhetukāmatā upacāre nisīdanam vā nipajjanaṁ vāti

1. Vi 2. 63 piṭṭhe.

imān'ettha cattāri aṅgāni. Samuṭṭhānādīni paṭhamapārājikasadisān'eva, idam pana dukkhavedanamevāti.

Anupakhajjasikkhāpadavaṇṇanā niṭhitā.

### 7. Nikkaḍḍhanasikkhāpadavaṇṇanā

Sattame kūpitoti kuddho. **Anattamanoti** atuṭṭhacitto. **Nikkaḍḍheyya vā nikkaḍḍhāpeyya vā pācittiyanti** ettha ye anekabhūmakā pāsādā, anekakoṭṭhakāni vā catussālāni, tādisesu senāsaneshu gahetvā antarā atiṭhapetvā eken'eva payogena atikkāmentassa ekam pācittiyam, ṭhapetvā ṭhapetvā<sup>1</sup> nānāpayogehi atikkāmentassa dvāragaṇanāya pācittiyāni, hatthena anāmasitvā ‘nikkhamā’ti vatvā vācāya nikkaḍḍhantass'āpi es'eva nayo. Nikkaḍḍhāpentassa pana ‘nikkaḍḍhā’ti āṇattamatte dukkaṭam, sakim āṇatte pana tasminm bahukepi dvāre nikkhamante itarassa ekameva pācittiyam. Sace pana “ettakāni dvārāni nikkaḍḍhāhī”ti vā “yāva mahādvāram, tāva nikkaḍḍhāhī”ti vā evam niyametvā āṇatto hoti, dvāragaṇanāya pācittiyāni.

Sāvatthiyam Chabbaggiye bhikkhū ārabbha bhikkhum samghikā vihārā nikkaḍḍhanavatthusmim paññattam, sādhāraṇapaññatti, sāṇattikam, tikapācittiyam, puggalike tikadukkaṭam, tassa parikkhāranikkadḍhane, upaṭṭhānasālādikā vihārūpacārā tassa vā tassa parikkhārassa vā nikkaḍḍhane, anupasampannassa pana anupasampannaparikkhārassa vā vihāro vā vihārūpacārā vā nikkaḍḍhane nikkaḍḍhāpane ca dukkaṭameva. Tañca kho asambaddhesu parikkhāresu parikkhāragaṇanāya veditabbam. Attano vā vissāsikassa vā santakā vihārā nikkaḍḍhane, sakalasaṁghārāmatopī bhaṇḍanakārakassa vā tassa parikkhārassa vā nikkaḍḍhane nikkaḍḍhāpane vā, attano vasanaṭṭhānato alajjissa, ummattakassa, na sammāvattantānam antevāsikasaddhvihārikānam, tesam parikkhārassa vā nikkaḍḍhane ca, sayam<sup>2</sup> ummattakādīnañca anāpatti.

1. Antare ṭhapetvā (Ka, Kam)

2. Sayañca ummattakādīnañca (sabbattha) Vi-Tṭha 3. 48; Kaṅkhāmahāṭīkā 3. 383 piṭhesu pana passitabbam.

Samghikavihāro upasampannassa bhañdanakārakabhāvādivinimuttatā kopena nikkaḍḍhanam vā nikkaḍḍhāpanam vāti imān’ ettha tīṇi aṅgāni. Samuṭṭhānādīni Adinnādānasadisāni, idam pana dukkhavedananti.

Nikkadḍhanasikkhāpadavaṇṇanā niṭṭhitā.

### 8. Vehāsakutisikkhāpadavaṇṇanā

Aṭṭhame **uparivehāsakuṭiyāti** upari acchannatalāya dvibhūmikakuṭiyā vā tibhūmikakuṭiyā vā. Padabhājane pana idha adhippetam kuṭim dassetum “majjhimassa purisassa asīsaghaṭṭā”<sup>1</sup> vuttam. Āhaccapādakanti aṅge vijjhītī pavesitapādakam. **Abhinisīdeyyāti** abhibhavitvā ajjhottharitvā nisīdeyya, bhummatthe vā etam upayogavacanam, mañce vā pīṭhe vā nisīdeyya vā nipajjeyya vāti attho. **Abhīti** idam pana padasobhaṇatthe upasaggamattameva, tasmā yo bhikkhu vuttalakkhaṇāya vehāsakuṭiyā sabbantimena paricchedena yāva pamāṇamajjhimassa purisassa sabbaso heṭṭhimāhi tulāhi sīsam na ghaṭṭeti, ettakam uccāya tulānam upari ṛhapite āhaccapādake mañce vā pīṭhe vā nisīdati vā nipajjati vā, tassa Anupakhajjasikkhāpade vuttanayena payogagaṇanāya pācittiyam.

Sāvatthiyam aññataram bhikkhum ārabba uparivehāsakuṭiyā āhaccapādakam mañcam pīṭham sahasā abhinisīdana-abhinipajjanavatthusmim paññattam, sādhāraṇapaññatti, anāṇattikam, tikapācittiyam, puggalike tikadukkataṁ, attano vā, vissāsikassa vā santake vihāre, avehāsakuṭiyā, sīsaghaṭṭāya, yassa vā heṭṭhā dabbasambhārādīnam nikkhittattā aparibhogam hoti, uparitalam vā padarasañcitam sudhādiparikammakataṁ vā, tattha āhaccapādake nisīdantassa, yo ce tasmiṁ vehāsaṭṭhepi āhaccapādake ṛhito kiñci gaṇhāti vā laggati vā, yassa ca paṭāṇī dinnā hoti, pādasīsānam upari āṇī pavesitā, tattha nisīdantassa, ummattakādīnañca anāpatti. Samghiko vihāro asīsaghaṭṭā vehāsakuṭi heṭṭhā

1. Vi 2. 67 piṭhe.

saparibhogam̄ apaṭāñjidinne āhaccapādake nisīdanam̄ vā nipajjanam̄ vāti imān’ ettha cattāri aṅgāni. Samuṭṭhanādīni Eḷakalomasadisānīti.

Vehāsakuṭisikkhāpadavaṇṇanā niṭṭhitā.

### 9. Mahallakavihārasikkhāpadavaṇṇanā

Navame **mahallakanti** sassāmikam̄. **Vihāranti** ullittāvallittam̄. **Yāva dvārakosāti** ettha dvārakoso nāma ukkaṭṭhaparicchedena piṭṭhasaṅghāṭassa sāmantā adḍhateyyahattho padeso. **Aggaṭṭhapanāyāti** sakavāṭakassa dvārabandhassa niccalabhbhāvatthāya. Kavāṭañhi lahuparivattakam̄ vivaraṇakāle bhittim̄ āhanati, pidahanakāle dvārabandham̄. Tena āhanena bhitti kampati, tato mattikā calati, calitvā sithilā vā hoti patati vā, tenāha Bhagavā “yāva dvārakosā aggaṭṭhapanāyā”ti. Tattha kiñcāpi “idam̄ nāma kattabban”ti n’eva Mātikāyam̄, na Padabhājane vuttam̄, aṭṭhuppattiyaṁ pana “punappunam̄ chādāpesi, punappunam̄ lepāpesī”ti<sup>1</sup> adhikārato yāva dvārakosā aggaṭṭhapanāya punappunam̄ limpitatppo vā lepāpetabbo vāti evamattho datṭhabbo. **Ālokasandhiparikammāyāti** ettha ālokasandhīti vātapānakavāṭakā vuccanti. Te vivaraṇakāle vidatthimattampi atirekampi bhittippadesam̄ paharanti, upacāro pan’ettha sabbadisāsu labbhati, tasmā sabbadisāsu kavāṭavitthārappamāṇo okāso ālokasandhiparikammathāya limpitatppo vā lepāpetabbo vāti ayameththa adhippāyo.

Evam̄ lepakamme yam̄ kattabbam̄, tam̄ dassetvā idāni chadane kattabbam̄ dassetuṁ **dvatticchadanassāti-ādimāha**. Tattha **dvatticchadanassa pariyāyanti** chadanassa dvattipariyāyam̄, **pariyāyam̄** vuccati parikkhepo, parikkhepadvayam̄ vā parikkhepattayam̄ vā adhitṭṭhabbanti attho. **Appaharite ṭhitenāti** aharite ṭhitena. **Haritanti** c’ettha sattadhaññādibhedam̄ pubbaṇṇam̄, muggamāsatilakulattha-alābukumbhaṇḍādibhedañca aparaṇṇam̄ adhippetam̄. Yam̄ tasminm̄ khette

1. Vi 2. 68 piṭṭhe.

vuttam na tāva sampajjati, vasse pana patite sampajjissati, tampi haritasaṅkhameva gacchati. Tasmā tasmin ṭhatvā adhiṭṭhahanto dukkaṭam āpajjati. Appaharite ṭhatvā adhiṭṭhahantass'āpi ayam paricchedo, piṭṭhivamsassa vā kūṭāgārathūpikāya vā passe nisinno puriso chadanamukhavatṭi-antena olokento yasmin bhūmibhāge ṭhitam bhikkhum passati, yasmiñca ṭhito tam upari nisinnakam tath'eva ullokento passati, tasmin ṭhātabbam, tassa anto aharitepi ṭhātum na labhati. **Tato ce uttarīti** maggena chādiyamāne tiṇṇam maggānam, pariyāyena chādiyamāne tiṇṇam pariyāyānam upari iṭṭhakasilāsudhāhi chādiyamāne iṭṭhakasilāsudhāpiṇḍagaṇanāya, tiṇṇapaññehi chādiyamāne pañṇagaṇanāya c'eva tiṇṇamuṭṭhigaṇanāya ca pācittiyan.

Kosambiyam Channattheram ārabba punappunam chādāpanalepāpanavatthusmin paññattam, sādhāraṇapaññatti, anāṇattikam, tikapācittiyam, ūnadvattipariyāye atirekasaññino vematikassa vā dukkaṭam. Setavaṇṇādikaraṇe, dvattipariyāye vā ūnakadvattipariyāye vā, leṇaguhātiṇakuṭikādīsu, aññassatthāya, attano dhanena kārentassa, vāsāgāram ṭhapetvā sesāni adhiṭṭhahantassa, ummattakādīnañca anāpatti. Mahallakavihāratā, attano vāsāgāratā, uttari adhiṭṭhānanti imān' ettha tiṇi aṅgāni. Samuṭṭhānādīni Sañcaritte vuttanayān' evāti.

Mahallakavihārasikkhāpadavaṇṇanā niṭṭhitā.

---

## 10. Sappāṇakasikkhāpadavaṇṇanā

Dasame jānam sappāṇakanti “sappāṇakam etan”ti disvā vā sutvā vā yena kenaci ākārena jānanto. **Siñceyya vā siñcāpeyya vā**ti tena udakena sayam vā siñceyya, aññam vā āñāpetvā siñcāpeyya. Tattha dhāram avicchinditvā siñcantassa ekasmim ghaṭe ekā'va āpatti, vicchindantassa payogagaṇanāya āpattiyo. Mātikam pamukham karoti, divasampi sandatu, ekā'va āpatti. Tattha tattha bandhitvā aññato nentassa payogagaṇanāya āpattiyo. Bahukampi<sup>1</sup> tiṇṇapaññasākhādim

---

1. Tattha bahukampi (Sī)

ekappayogena udate pakkhipantassa ekāva āpatti, ekekam̄ pakkhipantassa payogagaṇanāya āpattiyo. Idañca yam̄ evam̄ pakkhipiyamāne pariyādānam̄ gacchati, āvilam̄ vā hoti, yathā pāṇakā maranti, tādisam̄ sandhāya vuttam̄, na mahā-udakam̄. Siñcāpane āñattiyā dukkaṭam̄, ekāñattiyā bahukampi siñcatu, āñāpakassa ekameva pācittiyam̄.

Ālaviyam̄ Ālavake bhikkhū ārabbha siñcanavatthusmim̄ paññattam̄, sādhāraṇapaññatti, sāñattikam̄, appāñake sappāñakasaññino, ubhosu vematikassa dukkaṭam̄. Appāñakasaññino, asañcicca assatiyā vā siñcantassa, ajānantassa, ummattakādīnañca anāpatti. Udagassa sappāñakatā, “siñcanena pāṇakā marissantī”ti jānanam̄, tañca udakam̄ tādisameva, vinā vadhapacetanāya yena kenaci karaṇiyena tiṇādīnam̄ siñcananti imān’ettha cattāri aṅgāni. Samuṭṭhānādīni Adinnādānasadisāni, idam̄ pana paññattivajjam̄, ticittam̄, tivedananti.

Sappāñakasikkhāpadavaṇṇanā niṭṭhitā.

Bhūtagāmavaggo dutiyo.

### 3. Ovādavagga 1. Ovādasikkhāpadavaṇṇanā

Ovādavaggassa paṭhame **asamatoti** yā aṭṭhaṅgasamannāgatassa bhikkhuno Bhagavatā ñatticatutthena kammena<sup>1</sup> bhikkhunovādakasammuti anuññātā, tāya asammato. **Ovadeyyāti** bhikkhunisamgham̄ vā sambahulā vā<sup>2</sup> ekam̄ bhikkhunim̄ vā “vassasatūpasampannāya bhikkhuniyā tadaupasampannassa bhikkhuno abhivādanam̄ paccuṭṭhānam̄ añjalikammam̄ sāmīcikammam̄ kātabban”ti-ādike<sup>3</sup> aṭṭha garudhamme ovādavasena osārente ovadeyya. **Pācittiyanti** ovādapariyosāne pācittiyam̄.

Sāvatthiyam̄ chabbaggiye bhikkhū ārabbha ovadanavatthusmim̄ paññattam̄, asādhāraṇapaññatti, anāñattikam̄, aññena vā dhammena bhikkhunīsu upasampannamattam̄ vā ovadato dukkaṭam̄. Sammatass’āpi tañce sammutikammam̄ adhammakammañ hoti, tasmin̄ adhammakamme adhammakammasaññino vagge bhikkhunisamghe

1. Vi 2. 72 piṭṭhe.

2. Sambahulā vā bhikkhuniyo (Kam)

3. Vi 4. 444 piṭṭhe.

ovadato tikapācittiyam, tathā vematikassa dhammakammasaññino cāti nava pācittiyāni, samaggepi bhikkhunisamghena vāti adhammakkammavasena aṭṭhārasa. Sace pana tam dhammakkammam hoti, “dhammakkamme dhammakkammasaññī samaggam bhikkhunisamgham samaggasaññī ovadati”ti<sup>1</sup> idam avasānapadam ṭhapetvā ten’eva nayena sattarasa dukkaṭāni, “samagg’amh’āyyā”ti ca vutte aññam dhammam, “vagg’amh’āyyā”ti ca vutte aṭṭha garudhamme bhaṇtassā, ovādañca aniyyātētvā aññam dhammam bhaṇtassā dukkaṭameva. Yo pana dhammakkamme dhammakkammasaññī samaggam bhikkhunisamgham samaggasaññī ovadati, garudhammapāliṁ uddesam deti, paripuccham deti, “osārehi ayyā”ti vuccamāno<sup>1</sup> osāreti, pañham puṭṭho katheti, bhikkhunīnam suṇamānānam aññassatthāya bhaṇtā, sikkhamānāya vā sāmaṇeriyā vā bhaṇtā, tassa, ummattakādīnañca anāpatti. Asammata bhikkhuniyā paripuṇḍūpasampannatā ovādavasena aṭṭhagarudhammabhaṇtānanti imān’ettha tīṇi aṅgāni. Samuṭṭhānādīni padasodhammasadisānevāti.

Ovādasikkhāpadavaṇṇanā niṭṭhitā.

---

## 2. Atthaṅgatasikkhāpadavaṇṇanā

Dutiye ovadeyyāti aṭṭhagarudhammehi vā aññena vā dhammena ovadantassā sammatass’āpi pācittiyameva.

Sāvatthiyam āyasmantam Cūḍāpanthakam ārabba atthaṅgate sūriye ovadanavatthusmim paññattam, asādhāraṇapaññatti, anāṇattikam, tikapācittiyam, sūriye atthaṅgate atthaṅgatasāññino vematikassa vā, ekato-upasampannam ovadantassā ca dukkaṭam. Purimasikkhāpade viya uddesādinayena anāpatti. Atthaṅgatasūriyatā paripuṇḍūpasampannatā ovadananti imān’ettha tīṇi aṅgāni. Samuṭṭhānādīni Padasodhammasadisān’evāti.

Atthaṅgatasikkhāpadavaṇṇanā niṭṭhitā.

---

1. Vi 1. 76 piṭhe.

### 3. Bhikkhunupassayasikkhāpadavaṇṇanā

Tatiye **bhikkhunupassayanti** bhikkhuniyā ekarattam vasanaṭhānampi. **Ovadeyyāti** idha garudhammehi ovadantass’eva pācittiyam. Sace pana asammato hoti, dve pācittiyāni. Sace pana sūriyepi atthaṅgate ovadati, tīṇi honti. Sammatassa pana rattim ovadantassapi dve eva honti. Sammatattā hi bhikkhussa garudhammovādamūlakam pācittiyam n’atthi. **Gilānāti** na sakkoti ovādāya vā saṁvāsāya vā gantum.

Sakkesu chabbaggiye bhikkhū ārabbha bhikkhunupassayam upasaṅkamitvā ovadanavatthusmiṁ paññattam, “aññatra samayā”ti ayamettha anupaññatti, asādhāraṇapaññatti, anāṇattikam, tikapācittiyam, anupasampannāya upasampannasaññino vematikassa vā, ekato-upasampannam yena kenaci, itaram aññena dhammena ovadantassa ca dukkaṭam. Samaye, anupasampannāya, purimasikkhāpade viya uddesādinayena ca anāpatti. Upassayūpagamanam paripuṇṇūpasampannata samayābhāvo garudhammehi ovadananti imān’ettha cattāri aṅgāni. Samuṭṭhānādīni paṭhamakathinasadisāni, idam pana kiriyaṁ hotīti.

Bhikkhunupassayasikkhāpadavaṇṇanā niṭṭhitā.

---

### 4. Āmisasikkhāpadavaṇṇanā

Catutthe **āmisahetūti** cīvarādīnam aññatarahetu. **Bhikkhūti** sammatā bhikkhū idh’ādhippetā. **Pācittiyanti** evarūpe bhikkhū avaṇṇakāmatāya evam bhanantassa pācittiyam.

Sāvatthiyam chabbaggiye bhikkhū ārabbha “āmisahetu ovadantī”ti bhaṇanavatthusmiṁ paññattam, asādhāraṇapaññatti, anāṇattikam, dhammakamme tikapācittiyam, adhammakamme tikadukkaṭam, asammataṁ upasampaññañca, anupasampaññañca sammataṁ vā asammataṁ vā evam bhanantassa dukkaṭameva. Tattha yo bhikkhu kāle sammutiṁ labhitvā sāmaṇerabhūmiyam saṇṭhito<sup>1</sup>, ayaṁ sammato nāma anupasampanno. Pakatiyā cīvarādihetu ovadantam pana evam

---

1. Puna saṇṭhito (Sī, Kamī)

bhaṇtassa, ummattakādīnañca anāpatti. Upasampannatā dhammena laddhasammutitā anāmisantarata avaṇṇakāmatāya evam bhaṇananti imān’ettha cattāri aṅgāni. Samutṭhānādīni adinnādānasadisāni, idam pana dukkhavedanamevāti.

Āmisasikkhāpadavaṇṇanā niṭṭhitā.

### 5. Cīvaradānasikkhāpadavaṇṇanā

Pañcame Sāvatthiyām aññataram bhikkhuṁ ārabbha cīvaradānavatthusmim paññattam. Sesakathāmaggo pan’ettha cīvarappaṭiggahaṇasikkhāpade vuttanayen’eva veditabbo. Tatra hi bhikkhu paṭiggāhako, idha bhikkhunī<sup>1</sup>, ayaṁ viseso, sesam tādisamevāti.

Cīvaradānasikkhāpadavaṇṇanā niṭṭhitā.

### 6. Cīvarasibbanasikkhāpadavaṇṇanā

Chaṭṭhe cīvarantī nivāsanapārupanupagam. Sibbeyya vā sibbāpeyyā vāti ettha sayam sibbantassa sūcim pavesetvā pavesetvā nīharane pācittiyam, satakkhattumpi vijjhitvā sakim nīharantassa ekameva pācittiyam. ‘Sibbā’ti vutto<sup>2</sup> pana sacepi sabbam sūcikammam niṭṭhāpeti, āṇāpakassa ekameva pācittiyam. Atha “yam ettha cīvare kattabbam, sabbam tam tava bhāro”ti vutto<sup>2</sup> niṭṭhāpeti, tassa ārāpathe ārāpathe pācittiyam. Āṇāpakassa ekavācāya sambahulānipi, punappunam āṇattiyam pana vattabbameva n’atthi.

Sāvatthiyām Udāyittheram ārabbha cīvarasibbanavatthusmim paññattam, asādhāraṇapaññatti, sāṇattikam, tikapācittiyam, nītikāya aññātikasaññino vā vematikassa vā, ekato-upasampannāya sibbantassa ca dukkaṭam. Aññam thavikādiparikkhāram sibbantassa, nītikāya sikkhamānasāmaṇerīnañca cīvarampi sibbantassa, ummattakādīnañca anāpatti. Aññātikāya bhikkhuniyā

1. Bhikkhunīti (Sī)

2. Vutte (Sī)

santakatā nivāsanapārupanupagatā vuttalakkhaṇam sibbanam vā sibbāpanam vāti imān’ettha tīṇi aṅgāni. Samuṭṭhānādīni sañcarittasadisān’evāti.

Cīvarasibbanasikkhāpadavaṇṇanā niṭṭhitā.

---

### 7. Saṁvidhānasikkhāpadavaṇṇanā

Sattame **saṁvidhāyāti** saṁvidahitvā, gamanakāle saṅketam katvāti attho. **Ekaddhānamagganti** ekam addhānasaṅkhātam maggam, ekato vā addhānamaggam. **Satthagamanīyoti** satthena saddhim gantabbo, sesam uttānapadatthameva. Ayam pan’ettha vinicchayo—akappiyabhūmiyam saṁvidahantassa saṁvidahanapaccayā tāva dukkaṭam. Tattha ṭhapetvā bhikkhunupassayam antarārāmam āsanasālam titthiyaseyyañca sesā akappiyabhūmi, tattha ṭhatvā saṁvidahantassāti attho. Saṁvidahitvā pana “ajja vā sve vā”ti niyamitam kālam visaṅketam akatvā, dvāravisaṅketam pana maggavisaṅketam vā katvāpi bhikkhuniyā saddhim gacchantassa yāva āsannass’api aññassa gāmassa “ayam imassa upacāro”ti manussehi ṭhāpitam upacāram na okkamati, tāva anāpatti. Tam okkamantassa pana paṭhamapāde dukkaṭam, dutiyapāde pācittiyam, iti gāmūpacārokkanaganānanāya pācittiyāni. Addhayojanātikkame pana gāme asati addhayojanaganānanāya pācittiyam.

Sāvatthiyam chabbaggiye bhikkhū ārabbha  
ekaddhānamaggappaṭipajjanavatthusmiṁ paññattam, “aññatra samayā”ti  
ayamettha anupaññatti, asādhāraṇapaññatti, anāṇattikam, tikapācittiyam,  
asāmvidahite saṁvidahitasaññino vematikassa vā yo ca bhikkhuniyā  
asāmvidahantiyā kevalam attanā’va saṁvidahati, tassa dukkaṭam. Samaye  
saṁvidahitvāpi gacchantassa, attanā asaṁvidahantassa, visaṅketena vā  
āpadāsu gacchantassa, ummattakādīnañca anāpatti. Dvinnampi saṁvidahitvā  
maggappaṭipatti avisāṅketatā samayābhāvo anāpadā gāmantarokkamanam  
vā addhayojanātikkamo vāti imān’ettha pañca aṅgāni. Ekato-  
upasampannādīhi pana saddhim mātugāmasikkhāpadena āpatti,  
addhānasamuṭṭhānam, kiriyan, nosaññāvimokkham, acittakam,  
paññattivajjam, kāyakammam, vacikammam, ticittam, tivedananti.

Saṁvidhānasikkhāpadavaṇṇanā niṭṭhitā.

## 8. Nāvābhīruhanasikkhāpadavaṇṇanā

Aṭṭhame **samvidhāyāti** kīlāpurekkhāro samvidahitvā, abhiruhanakāle saṅketam katvāti attho. **Uddhamgāmininti** kīlāvasena uddham nadiyā paṭisotam gacchantim. **Adhogāmininti** tath'eva adho anusotam gacchantim. Yam pana tiṭṭhappaṭipādanattham uddham vā adho vā haranti, ettha anāpatti. **Aññatra tiriyaṁ tarañayātī** upayogatthe nissakkavacanam, yā tiriyaṁ tarañā, tam ṭhapetvāti attho. **Pācittiyanti** sagāmakatīrapassena gamanakāle gāmantaragaṇanāya, agāmakatīrapassena vā yojanavitthatāya nadiyā majjhena vā gamanakāle addhayojanagaṇanāya pācittiyam, samudde pana yathāsukham gantum vattati.

Sāvatthiyam chabbaggiye bhikkhū ārabbha nāvābhīruhanavatthusmim<sup>1</sup> paññattam, “aññatra tiriyaṁ tarañayā”ti ayameththa anupaññatti, sesam anantarasikkhāpade vuttanayen’eva veditabbanti.

Nāvābhīruhanasikkhāpadavaṇṇanā niṭṭhitā.

---

## 9. Paripācitasikkhāpadavaṇṇanā

Navame **bhikkhuniparipācitanti** bhikkhuniyā paripācitaṁ, n’eva tassa n’āttano nīṭṭakappavāritānam gihinam santike bhikkhussa guṇam pakāsetvā “detha ayyassa, karotha ayyassā”ti evam nipphaditam laddhabbam katanti attho. **Pubbe gihisamārambhāti** ettha **samārambhoti** samāraddham, paṭiyāditass’ etam nāmaṁ. Gihinam samārambho gihisamārambho, bhikkhuniyā paripācanato pubbe paṭhamataram yeva yam bhikkhūnam atthāya gihinam paṭiyāditabhattam, nīṭṭakappavāritānam vā santakam, tam ṭhapetvā aññam jānam bhuñjantassa pācittiyanti attho. Tañca kho ajjhoharaṇagaṇanāya, paṭiggahaṇe pan’assa dukkaṭam.

Rājagaha Devadattam ārabbha bhikkhuniparipācitapiṇḍapātabhuñjanavatthusmim paññattam, “aññatra pubbe gihisamārambhā”ti ayameththa anupaññatti, asādhāraṇapaññatti, anānattikam, ekato-upasampannāya paripācitaṁ

---

1. Bhikkhuniyā saddhiṁ nāvābhīruhanavatthusmim (Kam)

bhuñjantassa aparipācīte paripācitasaññino ubhayattha vematikassa ca dukkaṭam. Ubhayattha aparipācitasaññino, gihisamārambhe, sikkhamānasāmaṇerādīhi paripācīte, pañca bhojanāni ṭhapetvā avasese, ummattakādīnañca anāpatti. Bhikkhuniyā paripācitata paripācitabhāvajānanam gihisamārambhābhāvo odanādīnam aññataratā tassa ajjhoharaṇanti imān’ ettha pañca aṅgāni. Samuṭṭhānādīni paṭhamapārājikasadisāni, idam pana paññattivajjām, ticitam, tivedananti.

Paripācitasikkhāpadavaṇṇanā niṭṭhitā.

#### **10. Rahonisajjasikkhāpadavaṇṇanā**

Dasame sabbopi kathāmaggo Dutiya-aniyate vuttanayen’eva veditabbo. Idañhi sikkhāpadam dutiya-aniyatena ca upari Upanandassa catutthasikkhāpadena ca ekaparicchedam, aṭṭhuppattivasena pana visum paññattanti.

Rahonisajjasikkhāpadavaṇṇanā niṭṭhitā.

Ovādavaggo tatiyo.

#### **4. Bhojanavagga 2. Āvasathasikkhāpadavaṇṇanā**

Bhojanavaggassa paṭhame **agilānenāti** addhayojanampi gantum samatthena. **Ekoti** ekadivasiko. **Āvasathapiṇḍoti** “imesam vā ettakānam vā”ti ekam<sup>1</sup> pāsaṇḍam vā “ettakamevā”ti evam bhattam vā anodissa sālādisu yattha katthaci puññakāmehi paññattam bhojanam. **Bhuñjitabboti** ekakulena vā nānākulehi vā ekato hutvā ekasmim vā ṭhāne, nānāṭhānesu vā “ajja ekasmim sve ekasmin”ti evam aniyataṭhāne vā paññatto ekasmim ṭhāne ekadivasameva bhuñjitabbo. **Tato ce uttarīti** dutiyadivasato paṭṭhāya tasmim vā ṭhāne aññasmim vā ṭhāne tesam santakassa paṭiggahaṇe dukkaṭam, ajjhohāre ajjhohāre pācittiyam.

---

1. Evarā (Kām)

Sāvatthiyam chabbaggiye bhikkhū ārabbha anuvasitvā  
 āvasathapiṇḍabhuñjanavatthusmim paññattam, “agilānenā”ti ayamettha  
 anupaññatti, sādhāraṇapaññatti, anāṇattikam, tikapācittiyam, gilānassa  
 agilānasaññino vematikassa vā dukkaṭam. Gilānassa gilānasaññino, yo ca  
 sakim bhuñjati, gacchanto vā antarāmagge ekadivasam, gataṭṭhāne  
 ekadivasam, paccāgantopi antarāmagge ekadivasam, āgataṭṭhāne  
 ekadivasam, ‘gamissāmī’ti ca bhuñjitvā nikkhanto kenaci upaddavena  
 nivattitvā khemabhāvam ñatvā gacchanto puna ekadivasam bhuñjati, yassa  
 vā sāmikā nimantetvā denti, yo vā<sup>1</sup> bhikkhūnam yeva uddissa paññattam, na  
 yāvadattham paññattam, ṭhapetvā vā pañca bhojanāni aññam bhuñjati, tassa  
 ca, ummattakādīnañca anāpatti. Āvasathapiṇḍatā, agilānatā, anuvasitvā  
 paribhojananti imān’ ettha tīṇi aṅgāni. Samuṭṭhānādīni  
 Eḷakalomasikkhāpadasadisānīti.

Āvasathasikkhāpadavaññanā niṭṭhitā.

---

## 2. Gaṇabhojanasikkhāpadavaññanā

Dutiye gaṇabhojaneti gaṇassa bhojane. Idha ca gaṇoti cattāro vā  
 tatuttari vā bhikkhū, tesam nimantanato vā viññattito vā laddhe odanādīnam  
 pañcannam bhojanānam aññatarabhojaneti attho. Tatth’āyam vinicchayo—  
 sace hi koci cattāro bhikkhū upasaṅkamitvā yena kenaci vevacanena vā  
 bhāsantarena vā pañcannam bhojanānam nāmam gahetvā “odanena  
 nimantemi, odanam me gaṇhathā”ti-ādinā nayena nimanteti, te ce evam  
 ekato vā nānāto vā nimantitā ekato vā nānāto vā gantvā ekato gaṇhanti,  
 pacchā ekato vā nānāto vā bhuñjanti, gaṇabhojanam hoti. Paṭiggahaṇameva  
 h’ettha pamāṇam. Sace odanādīnam nāmam gahetvā ekato vā nānāto vā  
 viññāpetvā ca gantvā ca ekato gaṇhanti, evampi gaṇabhojanameva. Tassa  
 duvidhass’āpi evam paṭiggahaṇe dukkaṭam, ajjhohāre ajjhohāre pācittiyam.  
 Gilānasamayādīsu yadā pādānampi phalitattā na sakkā piṇḍāya caritum,

---

1. Yam vā (Syā, Ka)

ayaṁ **gilānasamayo**. Atthatakathinānam pañca māsā, itaresam kattikamāsoti  
ayaṁ **cīvaradānasamayo**. Yadā yo cīvare kariyamāne kiñcideva cīvare  
kattabbam kammaṁ karoti, ayaṁ **cīvarakārasamayo**. Yadā addhayojanampi  
gantukāmo vā hoti gacchati vā gato vā, ayaṁ **addhānagamanasamayo**.  
**Nāvābhīruhanasamayepi** es'eva nayo. Yadā gocaragāme cattāro bhikkhū  
piṇḍāya caritvā na yāpenti, ayaṁ **mahāsamayo**. Yadā yokoci pabbajito  
bhattena nimanteti, ayaṁ **samaṇabhattasamayo**, etesu samayesu bhuñjitum  
vat̄tati.

Rājagahe Devadattam ārabbha viññāpetvā bhuñjanavatthusmim  
paññattam, “aññatra samayā”ti ayamettha sattavidhā anupaññatti,  
sādhāraṇapaññatti, anāṇattikam, tikapācittiyam, nagaṇabhojane  
gaṇabhojanasaññissa vematikassa vā dukkaṭam. Nagaṇabhojanasaññissa  
pana, ye ca dve tayo ekato gaṇhanti, bahūnam piṇḍāya caritvā ekato  
bhuñjantānam, niccabhāttikādīsu, pañca bhojanāni ṭhapetvā sabbattha,  
ummattakādīnañca anāpatti. Gaṇabhojanatā samayābhāvo ajjhoharaṇanti  
imān’ettha tīṇi aṅgāni. Samuṭṭhānādīni eļakalomasadisān’evāti.

Gaṇabhojanasikkhāpadavaṇṇanā niṭṭhitā.

---

### 3. Paramparabhojanasikkhāpadavaṇṇanā

Tatiye paramparabhojaneti gaṇabhojane vuttanayen’eva pañcahi  
bhojanehi nimantitassa yena yena paṭhamam nimantito, tassa tassa  
bhojanato uppaṭipāṭiyā vā avikappetvā vā parassa parassa bhojane. Tasmā  
yo bhikkhu pañcasu sahadhammikesu aññatarassa “mayham bhāttapaccāsām  
tuyham dammī”ti vā “vikappemī”ti vā evam sammukhā vā “itthannāmassa  
dammī”ti vā “vikappemī”ti vā<sup>1</sup> evam parammukhā vā paṭhamanimantanam  
avikappetvā pacchā nimantitakule laddhabhikkhato ekasitthampi ajjhoharati,  
pācittiyam. Samayā vuttanayā eva.

---

1. Vi 2. 105 piṭṭhe.

Vesāliyam sambahule bhikkhū ārabbha aññatra nimantitabhojanavatthusmim paññattam, “aññatra samayā”ti ayamettha tividhā anupaññatti, parivāre pana vikappanampi gahetvā “catasso anupaññattiyo”ti<sup>1</sup> vuttam, asādhāraṇapaññatti, anāñattikam, tikapācittiyam, naparamparabhojane paramparabhojanasaññino vematikassa vā dukkaṭam. Naparamparabhojanasaññissa pana yo ca samaye vā vikappetvā vā ekasāmsaṭṭhāni vā dve tīṇi nimantanāni ekato vā katvā bhuñjati, nimantanappaṭipāṭiyā bhuñjati, sakalena gāmena vā pūgena vā nimantito tesu yathakatthaci bhuñjati, nimantiyamāno vā “bhikkham gahessāmī”ti vadati, tassa niccabhattikādīsu, pañca bhojanāni ṭhapetvā sabbattha, ummattakādīnañca anāpatti. Paramparabhojanatā samayābhāvo ajjhoharaṇanti imān’ ettha tīṇi aṅgāni. Samuṭṭhānādīni Paṭhamakathinasadisān’eva, idam pana kiriyākiriyanți.

Paramparabhojanasikkhāpadavaññanā niṭṭhitā.

---

#### 4. Kāṇamātāsikkhāpadavaññanā

Catutthe pūvehīti paheṇakatthāya paṭiyattehi atirasakamodakasakkhalikādīhi yehi kehici khajjakehi. **Manthehīti** pātheyyatthāya paṭiyattehi yehi kehici sattutilataṇḍulādīhi. **Dvattipattapūrāti** mukhavaṭṭiyā heṭṭhimalekham anatikkantā dve vā tayo vā pattapūrā. **Tato ce uttarīti** sacepi tatiyam pattaṁ thūpīkataṁ gaṇhāti, mukhavaṭṭiyā heṭṭhimalekhato upariṭṭhitapūvagaṇanāya pācittiyam. **Dvattipattapūre paṭiggahetvāti** ettha yena dve gahitā honti, tena bahi bhikkhum disvā “ettha mayā dve pattapūrā gahitā, tvam ekam gaṇheyyāsi”ti vattabbam, ten’api aññam passitvā “paṭhamam āgatena dve pattapūrā gahitā, mayā eko gahito, tvam mā gaṇhī”ti vattabbam. Yena paṭhamam eko gahito, tass’api paramparārocane es’eva nayo. Yena pana sayameva tayo gahihā, tena aññam disvā “mā kho tvam ettha paṭiggagħi”ti vattabbam, avadantassa dukkaṭam, tam sutvā gaṇhantass’api dukkaṭameva. **Tato nīharityā bhikkhūhi saddhim**

---

1. Vi 5. 29 piṭṭhe.

**samvibhajitabbanti** laddhaṭṭhānato sabbāsannam āasanasālam vā vihāram vā yattha vā pana nibaddham paṭikkamati, tattha gantvā ekam pattapūram attano ṭhapetvā sesam bhikkhusamghassa dātabbam. Yathāmittam pana dātum na labbhati. Yena eko gahito, na tena kiñci akāmā dātabbam, yathāruci kātabbam.

Sāvatthiyam sambahule bhikkhū ārabbha na mattam jānitvā paṭiggahaṇavatthusmiṁ paññattam, sādhāraṇapaññatti, anāṇattikam, tikapācittiyam, ūnakadvattipattapūre atirekasaññissa vematikassa vā dukkaṭam. Ūnakasaññissa pana na paheṇakatthāya na pātheyyatthāya vā paṭiyattam, tadatthāya paṭiyattasesakam vā gamane vā paṭippassaddhe nātakappavāritānam vā dentānam, attano dhanena gaṇhantassa, ummattakādīnañca anāpatti. Vuttalakkhaṇapūvamanthatā asesakatā appaṭippassaddhagamanatā anaññātakāditā atirekappaṭiggahaṇanti imān’ ettha pañca aṅgāni, samuṭṭhānādīni sañcarittasadisān’ evāti.

Kāṇamātāsikkhāpadavaṇṇanā niṭṭhitā.

## 5. Paṭhamapavāraṇāsikkhāpadavaṇṇanā

Pañcame **bhuttāvī** bhuttavā, yena pañcannam bhojanānam sāsapamattampi ajjhoharitam, so evam vuccati. **Pavāritoti** “asanaṁ paññāyati, bhojanam paññāyati, hatthapāse ṭhito abhiharati, paṭikkhepo paññāyatī”ti evam Pāliyam<sup>1</sup> vuttapañcaṅgavasena katappavāraṇo, katappaṭikkhepoti attho. Tattha yasmā “asanaṁ paññāyatī”ti iminā vippakatabhojano ‘pavārito’ti vutto. Yo ca vippakatabhojano, tena kiñci bhuttam, kiñci abhuttam, yañca bhuttam, tam sandhāya ‘bhuttāvī’tipi saṅkham<sup>2</sup> gacchati. Tasmā ‘bhuttāvī’tivacanena visum kiñci atthasiddhim na passāma, “dirattatirattan”ti-ādīsu<sup>3</sup> pana dirattādivacanam viya pavāritapadassa parivārabhāvena byañjanasiliṭṭhatāya c’etam vuttanti veditabbam.

Pavāraṇaṅgesu pana **asanaṁ paññāyatī** vippakatabhojanam dissati, tam bhuñjamāno c’esa puggalo hotīti attho. **Bhojanam paññāyatī**

1. Vi 2. 111 piṭṭhe.

2. Bhuttāti saṅkham (Sī)

3. Vi 2. 28 piṭṭhe.

pavāraṇappahonakam bhojanam dissati, odanādīnam ce aññataram paṭikkhipitabbam bhojanam hotīti attho. **Hatthapāse** ṭhitoti pavāraṇappahonakam ce bhojanam gaṇhitvā dāyako adḍhateyyahatthappamāne okāse ṭhito hotīti attho. **Abhiharatīti** so ce dāyako tassa tam bhojanam kāyena abhisamharatīti attho. **Paṭikkhepo** paññāyatīti paṭikkhepo dissati, tam ce abhihaṭam so bhikkhu kāyena vā vācāya vā paṭikkhipatīti attho. Evam pañcannam aṅgānam vasena pavārito hoti.

Tatr'āyam vinicchayo—‘asanan’ti-ādīsu tāva yañca asnāti, yañca bhojanam hatthapāse ṭhitena abhihaṭam paṭikkhipati, tam odano kummāso sattu maccho māṁsanti imesam aññatarameva veditabbam. Tattha **odano** nāma sāli vīhi yavo godhumo kaṅgu varako kudrūsakoti imesam sattannam dhaññānam taṇḍule gahetvā “bhattam pacāmā”ti vā “yāgum pacāmā”ti vā yam kiñci sandhāya pacantu, sace uṇham vā sītalam vā bhuñjantānam bhojanakāle gahitagahitaṭṭhāne odhi paññāyati, odano hoti, pavāraṇam janeti. Yo pana pāyāso vā kambilayāgu vā uddhanato otāritamattā abbhuṇhā sakkā hoti āvijjhītavā pivitum, sā yassa hatthena gahitokāsepi odhi na paññāyati, pavāraṇam na janeti. Sace pana usumāya vigatāya ghanabhāvam gacchati, odhim dasseti, puna pavāraṇam janeti, pubbe tanukabhāvo na rakkhati. Sacepi bahū paṇṇaphalakaṭṭire pakkhipitvā muṭṭhimatt’āpi taṇḍulā pakkhittā honti, bhojanakāle ce odhi paññāyati, pavāraṇam janeti. Ayāguke nimantane “yāgum dassāmā”ti bhatte udakakañjikakhīrādīni ākirityā “yāgum gaṇhathā”ti denti, kiñcāpi tanukā hoti, pavāraṇam janeti yeva. Sace pana pakkuthitesu udakādīsu pakkhipitvā pacitvā denti, yāgusaṅgahameva gacchati. Sace yāguyāpi sāsapamattampi macchamamsakkhaṇḍam vā nhāru vā pakkhittam hoti, pavāraṇam janeti. Ṭhapetvā sānulomānam vuttadhaññānam taṇḍule aññehi veṭutaṇḍulādīhi vā kandamūlaphalehi vā yehi kehici katabhattam pavāraṇam na janeti. **Kummāso** nāma yavehi kato. Aññehi pana muggādīhi katakummāso pavāraṇam na janeti. **Sattu** nāma satta dhaññāni bhajjītvā kato. Antamaso kharapākabhaṭṭītānam vihīnam

taṇḍule koṭṭetvā katacuṇṇampi kuṇḍakampi sattusaṅgahameva gacchati. Samapākabhajjītānam pana ātapasukkhānam kuṇḍakam vā ye keci taṇḍulā vā lājā vā lājehi katabhattasattu-ādīni vā na pavārenti. **Macchamāṁsesu** sace yāgum pivantassa yāgusitthamattān’eva dve macchakkhaṇḍāni vā maṁsakkhaṇḍāni vā ekabhājane vā nānābhājane vā denti, tāni ce akhādanto aññām pavāraṇappahonakam yam kiñci paṭikkhipati, na pavāreti. Tato ekam khāditam ekaṁ hatthe vā patte vā hoti, sace aññām paṭikkhipati pavāreti. Dvepi khāditāni honti, mukhe sāsapamattampi avasiṭṭham n’atthi, sacepi aññām paṭikkhipati, na pavāreti. Yo pana akappiyamāṁsam kuladūsanavejjakamma-uttarimanussadhammārocanaśāditarūpiyādīhi nibbattam akappiyabhojanañca aññām kappiyam vā akappiyam vā khādanto paṭikkhipati, na pavāreti.

Evaṁ yañca asnāti, yañca bhojanam hatthapāse ṭhitena abhihaṭam paṭikkhipanto pavāraṇam janeti, tam ūnatvā idāni yathā āpajjati, tassa jānanattham ayam vinicchayo veditabbo—“asanam bhojanan”ti ettha tāva yena ekasitthampi ajjhohaṭam hoti, so sace pattamukhahatthesu yattha katthaci bhojane sati sāpekkho’va aññām vuttalakkhaṇam bhojanam paṭikkhipati, pavāreti. Sace pana nirapekkho hoti, yam pattādīsu avasiṭṭham, tam na ca ajjhoharitukāmo, aññassa vā dātukāmo, aññatra vā gantvā bhuñjitukāmo, so paṭikkhipantopi na pavāreti. “Hatthapāse ṭhito”ti ettha pana sace bhikkhu nisinno hoti, ānisadassa pacchimantato paṭṭhāya sace ṭhito, pañhīnam antato paṭṭhāya sace nipanno, yena passena nipanno, tassa pārimantato paṭṭhāya dāyakassa nisinnassa vā ṭhitassa vā nipannassa vā ṭhapetvā pasāritahattham yam āsannataram aṅgam, tassa orimantena paricchinditvā adḍhateyyahattho ‘hatthapāso’ti veditabbo. Tasmīm ṭhatvā abhihaṭam paṭikkhipantass’eva pavāraṇā hoti, na tato param. ‘Abhiharatī’ti hatthapāsabbhantare ṭhito gahaṇattham upanāmeti. Sace pana anantaranisinnopi bhikkhu hatthe vā ādhārake vā ṭhitam pattam anabhiharitvāva “bhattam gaṇhathā”ti vadati, tam paṭikkhipato pavāraṇā n’atthi. Bhattapacchim ānetvā purato bhūmiyam ṭhapetvā evam vuttepi es’eva nayo. Īsakam pana uddharitvā vā apanāmetvā vā ‘gaṇhathā’ti vutte tam paṭikkhipato

pavāraṇā hoti. Bhattapacchim gahetvā parivisantassa añño “ahaṁ dhāressāmī”ti gahitamattameva karoti, parivesako yeva pana tam dhāreti, tasmā sā abhihaṭāva hoti, tato dātukāmatāya gaṇhantam paṭikkhipantassa pavāraṇā hoti. Sace pana parivesakena phuṭṭhamattā’va hoti, itaro’va nam dhāreti, tato dātukāmatāya gaṇhantam paṭikkhipantassa pavāraṇā na hoti. Kaṭucchunā uddhaṭe pana hoti, dvinnam samabhārepi paṭikkhipanto pavāreti yeva. Anantarassa diyamāne itaro pattam pidahati, aññassa abhihaṭam nāma paṭikkhittam hoti, tasmā pavāraṇā n’atthi. ‘Paṭikkhepo’ti ettha vācāya abhihaṭe paṭikkhepo na ruhati, kāyena abhihaṭam pana aṅgulicalanādinā kāyavikārena vā “alam, mā dehī”ti-ādinā vacīvikārena vā paṭikkhipato pavāraṇā hoti.

Eko samamsakan rasam abhiharati, “rasam paṭiggaṇhathā”ti vadati, tam sutvā paṭikkhipato pavāraṇā n’atthi. ‘Mamsarasan’ti vutte pana paṭikkhipato pavāraṇā hoti. “Imam gaṇhatha”ti vuttepi hoti yeva. Mamsam visum katvā ‘mamsarasan’ti vuttepi sace sāsapamattampi khaṇḍam atthi, paṭikkhipato pavāraṇā hoti. Sace n’atthi, vaṭṭati. Kalīrapanasādīhi missetvā macchamamīsam pacanti, tam gahetvā “kalīrasūpam gaṇhatha, panasabyañjanaṁ gaṇhathā”ti vadati, evampi na pavāreti. Kasmā? Apavāraṇārahassa nāmena vuttattā. “Macchamamīsam byañjanan”ti vā “imam gaṇhathā”ti vā vutte pana pavāreti, ayamettha saṅkhepo, vitthāro pana Samantapāsādikāyam<sup>1</sup> vutto. Gamanādīsu pana yasmīn iriyāpathe pavāreti, tam avikopenten’eva bhuñjitabbam.

**Anatirittanti** na atirittam, na adhikanti attho. Tam pana kappiyakatādīhi sattahi vinayakammākārehi akataṁ vā gilānassa anadhikam vā hoti. Tasmā Padabhājane<sup>2</sup> ‘akappiyakatan’ti-ādi vuttam, tattha yam phalam vā kandamūlādi vā pañcahi samaṇakappiyehi kappiyam akataṁ, yañca akappiyamīsam vā akappiyabhojanam vā, etam akappiyam nāma, tam akappiyam “alametam sabban”ti evam atirittam kataṁ **akappiyakatanti** veditabbam. **Appaṭiggahitakatanti** bhikkhunā appaṭiggahitam yeva purimanayena atirittam kataṁ. **Anuccāritakatanti** kappiyam kāretum āgatena bhikkhunā īsakampi

1. Vi-Tṭha 3. 88 piṭṭhe.

2. Vi 2. 111 piṭṭhe.

anukkhittam vā anapanāmitam vā katam. **Ahatthapāse katanti** kappiyam kāretum āgatassa hatthapāsato bahi ṭhitena katam. **Abhuttāvinā katanti** yo atirittam karoti, tena pavāraṇappahonakam bhojanam abhuttena katam.

**Bhuttāvinā pavāritena āsanā vuṭṭhitena katanti** idam uttānameva.

“**Alametam sabban**”ti avuttanti vacībhedam katvā evam avuttaṁ hoti. Iti imehi sattahi vinayakammākārehi yam atirittam kappiyam akataṁ, yañca pana na gilānātirittam, tadubhayampi anatirittam. Atirittam pana tass’eva paṭipakkhanayena veditabbam.

Apic’ettha **bhuttāvinā katam hotīti**<sup>1</sup> antamaso anantaranisinnassa pattato ekampi sittham vā māmsahīram vā khāditvā katampi bhuttāvinā<sup>2</sup> katam hoti, yo pāto’va evam bhuttāvī pavārito nisīdati yeva, so upakaṭṭhepi kāle abhihaṭam piṇḍam bhikkhunā upanītam kappiyam kātum labhati. Sace pana tasmim kappiye kate bhuñjantassa aññam āmisam ākiranti, tam so puna kātum na labhati. Yañhi akataṁ, tam kātabbam. Yena ca akataṁ, tena ca kātabbanti<sup>3</sup> vuttam, tasmā tasmim bhājane kariyamāne paṭhamakatena saddhim katam hotīti tam kātum na vatṭati. Aññasmin pana bhājane tena vā aññena vā kātum vatṭati. Evam kataṁ paṭhamakatena missetvāpi bhuñjitum vatṭati, na kevalañca tassa yena pana katam, tam ṭhapetvā aññesam pavāritānampi bhuñjitum vatṭati. Yathā pana akatena missam na hoti, evam mukhañca hatthañca suddham katvā bhuñjabbam. **Gilānātirittam** pana na kevalam gilānassa bhuttāvasesameva, atha kho yam kiñci gilānam uddissa “ajja vā sve vā yadā vā icchatī, tadā khādissati”ti āhaṭam, tam sabbam ‘gilānātirittan’ti veditabbam. **Khādanīyam vā bhojanīyam vāti** yam kiñci yāvakālikam. **Khādeyya vā bhuñjeyya vā pācittiyanti** ettha vuttanayena pavāritassa anatirittam yam kiñci āmisam ajjhoharaṇatthāya paṭiggaṇhato gahaṇe dukkaṭam, ajjhohāre ajjhohāre pācittiyam.

Sāvatthiyam sambahule bhikkhū ārabbha aññatra bhuñjanavatthusmim paññattam, “anatirittan”ti ayameththa anupaññatti, asādhāraṇapaññatti, anāṇattikam, tikapācittiyam, yāmakālikādīni āhāratthāya gaṇhato nirāmisāni ajjhoharato ca dukkaṭam, tathā atiritte anatirittasaññino c’eva

1. Vi 2. 111 piṭṭhe. 2. Bhuttāvināva (Vi-Ṭīha 3. 96 piṭṭhe.) 3. Vi-Ṭīha 3. 96 piṭṭhe.

vematikassa ca. Atirittasaññino pana, “atirittam kārāpetvā bhuñjissāmī”ti gaṇhantassa, aññassatthāya gaṇhantassa, yāmakālikādīni tesam anuññātapaṭibhogavasena nirāmisāni paribhuñjantassa, ummattakādīnañca anāpatti. Pavāritabhāvo āmisassa anatirittatā kālena ajjhoharaṇanti imān’ ettha tīṇi aṅgāni. Samuṭṭhānādīni paṭhamakathinasadisān’eva, idam pana kiriyākiryanti.

Paṭhamapavāraṇāsikkhāpadavaṇṇanā niṭṭhitā.

---

#### 6. Dutiyapavāraṇāsikkhāpadavaṇṇanā

Chaṭṭhe abhihaṭṭhum pavāreyyati abhiharitvā “handa bhikkhu khāda vā bhuñja vā”ti evam pavāreyya. Jānanti sutvā vā disvā vā tassa pavāritabhāvam jānanto. Āsādanāpekkhoti āsādanam codanam maṇkukaraṇabhbāvam apekkhamāno. Bhuttasmim pācittiyanti ettha abhihāre tāva dukkaṭam, sace so tam gaṇhāti, puna abhihārakassa dukkaṭam, tasmim pana bhuñjante abhihārakassa tassa ajjhohāre ajjhohāre dukkaṭam, bhojanapariyosāne pācittiyam.

Sāvatthiyam aññataram bhikkhum ārabbha anatirittenā bhojanena abhihaṭṭhum pavāraṇāvatthusmim paññattam, asādhāraṇapaññatti, anāṇattikam, pavārite pavāritasaññino pācittiyam. VematiKassa, yāmakālikādīni āhāratthāya abhiharantassa, tesañca paṭiggahaṇa-ajjhohāresu, appavārite ca pavāritasaññino vematiKassa ca dukkaṭam. Appavāritasaññissa pana yo ca atirittam kārāpetvā deti, “kārāpetvā vā bhuñjāhī”ti deti, yo vā “aññass’atthāya haranto gacchāhī”ti deti, yo ca yāmakālikādīni “sati paccaye paribhuñjāhī”ti deti, tassa ummattakādīnañca anāpatti. Pavāritatā pavāritasaññitā āsādanāpekkhatā anatirittenā abhihaṭṭhum pavāraṇatā bhojanapariyosānanti imān’ ettha pañca aṅgāni. Samuṭṭhānādīni adinnādānasadisāni, idam pana dukkhavedananti.

Dutiyapavāraṇāsikkhāpadavaṇṇanā niṭṭhitā.

## 7. Vikālabhojanasikkhāpadavaṇṇanā

Sattame vikāleti vigate kāle, majjhānhikātikkamanato yāva aruṇuggamanāti adhippāyo. Tasmā yo bhikkhu etasmim antare yam kiñci vanamūlaphalam upādāya āmaṁ vā pakkam vā āmisasaṅkhepagatam khādanīyam vā bhojanīyam vā ajjhoharaṇatthāya paṭiggaṇhāti, tassa paṭiggaṇhaṇe dukkaṭam, ajjhohāre ajjhohāre pācittiyam.

Rājagahe sattarasavaggiye bhikkhū ārabbha vikāle bhojanavatthusmim paññattam, sādhāraṇapaññatti, anāṇattikam, tikapācittiyam, yāmakālikādīni āhāratthāya paṭiggaṇhaṇa-ajjhohāresu, kāle vikālasaññissa, vematikassa ca<sup>1</sup> dukkaṭam, kāle kālasaññissa yāmakālikādīni sati paccaye paribhuñjantassa ummattakādīnañca anāpatti. “Anujānāmi bhikkhave romāṭṭhakassa romāṭṭham, na ca bhikkhave bahimukhadvārā niharitvā ajjhoharitabban”ti<sup>2</sup> anuññātanayena romāṭṭhakass’āpi anāpatti. Vikālatā yāvakālikatā ajjhoharaṇanti imān’ettha tīṇi aṅgāni. Samuṭṭhādīni eļakalomasadisānīti.

Vikālabhojanasikkhāpadavaṇṇanā niṭṭhitā.

## 8. Sannidhikārakasikkhāpadavaṇṇanā

Aṭṭhame sannidhikārakanti kāro karaṇam kiriyāti atthato ekam, sannidhikāro<sup>3</sup> assāti sannidhikāram, sannidhikārameva sannidhikārakam, paṭiggaṇhetvā ekarattim vītināmitass’etam nāmaṁ. Tasmā evam sannidhikatam yam kiñci yāvakālikam vā yāmakālikam vā ‘ajjhoharissāmī’ti gaṇhantassa paṭiggaṇhaṇe dukkaṭam, ajjhohāre ajjhohāre pācittiyam. Sacepi patto duddhoto hoti, yam aṅguliyā ghamasantassa lekhā paññāyati, gaṇṭhikapattassa vā gaṇṭhikantare sneho paviṭṭho hoti, yo uṇhe otāpentassa paggharati, uṇhayāguyā vā gahitāya sandissati, tādise pattepi punadivase bhuñjantassa pācittiyam. Yam pana bhikkhu nirapekkho samaṇerānam pariccajītvā tehi nihitam labhitvā bhuñjati, tam

1. Vematikādīnañca (Sī, Yojanā)

2. Vi 4. 272 piṭṭhe.

3. Sannidhim kāro (Ka)

vat̄tati. Sayam paṭiggahetvā apariccattameva hi dutiyadivase kappiyabhojanam bhuñjantassa pācittiyam. Akappiyesu pana manussamamse thullaccayena saddhim pācittiyam, sesesu pana dukkaṭena saddhim. Yāmakālikam sati paccaye ajjhoharato pācittiyam, āhāratthāya ajjhoharato dukkaṭena saddhim. Yo pana pavārito hutvā anatirittakataṁ ajjhoharati, tassa sabbavikappesu aparampi pācittiyam vadḍhati. Sace vikale ajjhoharati, anatirittapaccayā sabbavikappesu anāpatti, sati paccaye vikālapaccayā yāmakālikādīsu ca anāpatti. Avasesesu vikālapaccayā pācittiyam vadḍhatiyeva. Bhikkhussa pana sannidhi bhikkhuniyā vat̄tati, bhikkhuniyā ca sannidhi bhikkhussa vat̄tati, Bhikkhunikkhandhake<sup>1</sup> anuññātattā vat̄tati.

Sāvatthiyam āyasmantam Belaṭṭhasīsam ārabbha sannidhikārakabhojanavatthusmiṁ paññattam, sādhāraṇapaññatti, anāñattikam, tikapācittiyam, sattāhakālikā yāvajīvikānam pana āhāratthāya paṭiggahaṇe ajjhohāre ca dukkaṭam. Yathā c’etāni āhāratthāya na kappanti, evam yāvakālikādīhi saṁsaṭṭhānapi. Vuttañh’etam “yāvakālikena bhikkhave yāmakālikam tadaupaṭiggahitam kāle kappati, vikale na kappati”ti-ādi<sup>2</sup>. Tasmā sacepi tam tam tena tena saddhim saṁsaṭṭham labhati, sace asambhinnarasam vā hoti sudhotam vā, yathā itarena saṁsaggo na paññāyati, attano kālānurūpena paribhuñjituṁ vat̄tati.

Sace pana sambhinnarasam vā hoti duddhotam vā, na vat̄tati. Yāvakālikānhi attanā saddhim sambhinnarasāni tīṇipī yāmakālikādīni attano sabhāvam upaneti, yāmakālikam dvepi sattāhakālikādīni attano sabhāvam upaneti, sattāhakālikam yāvajīvikameva attano sabhāvam upaneti. Tasmā tena tadaupaṭiggahitenā saddhim tadaupaṭiggahitam vā pure paṭiggahitam vā yāvajīvikam sattāham kappati, dvīhappaṭiggahitenā chāham, tīhappaṭiggahitenā pañcāham. -pa- sattāhappaṭiggahitenā tadaheva kappatī veditabbaṁ. Tasmā yeva hi “sattāhakālikena bhikkhave yāvajīvikam tadaupaṭiggahitan”ti avatvā “paṭiggahitam sattāham kappatī”ti<sup>2</sup> vuttam. Kālayāmasattāhātikkamesu c’etha Vikālabhojanasannidhibhesajjasikkhāpadānam vasena āpattiyo veditabbo, imesu pana catūsu

1. Vi 4. 462 piṭṭhe.

2. Vi 3. 349 piṭṭhe.

kālikesu yāvakālikam yāmakālikanti imameva dvayam antovuṭṭhañc'eva sannidhikārakañca, sattāhakālikam yāvajīvikañca akappiyakuṭiyam nikhipitumpi vaṭṭati, sannidhimpi na janeti. Akappiyakuṭiyam antovuṭṭhena pana tena saddhim itaradvayam tadaupatiggahitampi na vaṭṭati, mukhasannidhi nāma hoti, Mahāpaccariyam pana antovuṭṭham hotīti vuttam. Tattha nāmamattameva nānākaraṇam, āpatti pana dukkaṭameva. Tattha akappiyakuṭi nāma samghassa vā upasampannapuggalassa vā santakam vasanatthāya katageham. Tattha sahaseyyappahonake padese vuṭṭham yāvakālikañca yāmakālikañca samghikam vā upasampannapuggalassa vā santakam **antovuṭṭham** nāma hoti, tattha pakkam **antopakkam** nāma, yattha katthaci pana sayam pakkam **sāmam pakkam** nāma, tam sabbam anajjhoharaṇīyam. Tena tena saddhim saṁsaṭṭhampi tamgatikameva, sabbam ajjhoharantassa dukkaṭam. Tasmā antovuṭṭha-antopakkamocanattham Bhagavatā catasso kappiyabhūmiyo<sup>1</sup> anuññatā, tāsam vinicchayo Samantapāśadikāyam<sup>2</sup> vutto. Yattha pan'etā na santi, tattha anupasampannassa santakam katvā paribhuñjitum vaṭṭati. Sāmam pākampi puna pākam vaṭṭati, asannidhikārake sannidhikārakasaññino, vematikassa vā dukkaṭam. Asannidhikārakasaññino, yāvakālikādīni tīṇi<sup>3</sup> nidahitvā sakam sakam kālam anatikkamitvā, yāvajīvikam sadāpi sati paccaye paribhuñjantassa, ummattakādīnañca anāpatti. Āmisam sannidhibhāvo tassa ajjhoharaṇanti imān'ettha tīṇi aṅgāni. Samuṭṭhānādīni elakalomasadisān'evāti.

Sannidhikārakasikkhāpadavaṇṇanā niṭṭhitā.

### 9. Paṇītabhojanasikkhāpadavaṇṇanā

Navame paṇītabhojanānīti paṇītasamṣaṭṭhāni sattadhaññanibbattāni bhojanāni. Yathā hi ājaññayutto ratho ‘ājaññaratho’ti vuccati, evamidh'api paṇītasamṣaṭṭhāni bhojanāni paṇītabhojanānīti. Yehi pana paṇītehi samṣaṭṭhāni, tāni ‘paṇītabhojanānī’ti vuccanti, tesam pabhedadassanattham seyyathidam **sappi navanītanti-ādimāha**. Tattha **sappi-ādīni**

1. Vi 3. 337 piṭṭhe.

2. Vi-Tṭha 3. 379 piṭṭhe.

3. Yāvakālikādīni ca (Kam)

Bhesajjasikkhāpade<sup>1</sup> vuttalakkhaṇen’eva veditabbāni. Macchādīsu pana sabbopi ‘odako’ti<sup>2</sup> vuttalakkhaṇo maccho **maccho** yeva. Yesam pana māṁsam kappati, tesam **māṁsañca khīradadhīni** ca idh’ādhippetāni.

**Evarūpāni pañītabhojanānīti** yāni<sup>3</sup> etehi sappi-ādīhi saṁsaṭṭhattā ‘pañītabhojanānīti vuccanti, tathārūpāni pañītabhojanāni. **Agilānoti** yassa tehi vināpi phāsu hoti. **Attano atthāya viññāpetvāti** ettha pana yo agilāno suddhāni sappi-ādīni bhesajjatthāya viññāpeti, so Mahānāmasikkhāpadena<sup>4</sup> kāretabbo, macchādīni cattāri viññāpento sūpodanaviññattiyā<sup>5</sup> kāretabbo, sappi-ādīhi saṁsaṭṭhabhojanāni viññāpento iminā kāretabbo. Tatr’āyam vinicchayo—“sappinā bhattam dehi, sappim ākiritvā dehi, sappimissakam katvā dehi, saha sappinā dehi, sappiñca bhattañca dehī”ti evam viññāpentassa tāva viññattiyā dukkaṭam, paṭiggahaṇe dukkaṭam, ajjhoharaṇe ajjhoharaṇe pācittiyam. “Sappibhattam dehī”ti vutte pana yasmā sālibhattam viya sappibhattam nāma n’atthi, tasmā sūpodanaviññattiyā dukkaṭameva hoti. Sace pana “sappinā bhattam dehī”ti vutte bhattam datvā “sappim katvā bhuñjāhī”ti navanītakhīrādīni vā<sup>6</sup> kappiyabhaṇḍam vā deti “iminā sappim gahetvā<sup>7</sup> bhuñjāhī”ti, yathāvatthukameva. “Gosappinā bhattam dehī”ti vutte pana gosappim vā detu, tasmim asati purimanayena navanītādīni vā, gāvīm yeva vā detu “ito sappinā bhuñjāhī”ti yathāvatthukameva. Sace pana “gosappinā dehī”ti yācito ajikāsappi-ādīhi deti, visaṅketam. Evañhi sati aññam yācitena aññam dinnam nāma hoti, tasmā anāpatti. Esa nayo “ajikāsappinā dehī”ti-ādīsupi. “Kappiyasappinā dehī”ti vutte akappiyasappinā deti, visaṅketameva. “Akappiyasappinā dehī”ti vutte akappiyasappinā’va deti, paṭiggahaṇepi paribhogepi dukkaṭameva. Iminā nayena sabbapadesu vinicchayo veditabbo. Sace pana sabbehipi sappi-ādīhi ekaṭhāne vā nānāṭṭhāne vā viññāpetvā paṭiladdham ekato sambhinnarasam katvā tato kusaggena ekabindumpi ajjhoharati, nava pācittiyāni.

1. Kaṅkhā-Tīha 181 piṭṭhe.

2. Vi 2. 119 piṭṭhe.

3. Yāni panetāni (Karī)

4. Vi 2. 135; Kaṅkhā-Tīha 20 piṭṭhesu.

5. Vi 2. 253; Kaṅkhā-Tīha 31 piṭṭhesu.

6. Navanītam khīradadhīm vā.

7. Iminā gahetvā (Sī, Ka)

Sāvatthiyāṁ chabbaggiye bhikkhū ārabbha pañītabhojanaviññattivatthusmim paññattam, “agilāno”ti ayamettha anupaññatti, asādhāraṇapaññatti, anāṇattikam, tikapācittiyām, gilānassa agilānasaññino vematikassa vā dukkaṭam. Gilānasaññissa, gilānakāle viññāpetvā agilānassa bhuñjato, gilānassa sesake, nātakappavāritaṭṭhānato, aññassatthāya viññatte<sup>1</sup>, attano dhanena gahite, ummattakādīnañca anāpatti. Pañītabhojanatā agilānatā kataviññattiyā paṭilabho ajjhoharaṇanti imān’ettha cattāri aṅgāni. Addhānasamuṭṭhānam, kiriyam, nosaññāvimokkham, acittakam, paññattivajjam, kāyakammaṁ, vacīkammam, ticittam, tivedananti.

Pañītabhojanasikkhāpadavaṇṇanā niṭṭhitā.

## 10. Dantaponasikkhāpadavaṇṇanā

Dasame adinnanti kāyena vā kāyappaṭibaddhena vā gaṇhantassa hatthapāse ṭhatvā kāyakāyappaṭibaddhanissaggyānam aññatarena na dinnam, appatīggahitakass’etam nāmam. Appatīggahitakañhi bhikkhuno attano santakampi ajjhoharitum na vaṭṭati. Paṭīggahitam antamaso vissāsikasantakampi vaṭṭati, tassa lakkhaṇam vuttavipallāscena veditabbam. Sace hi yokoci anupasampanno antamaso tiracchānopi bhikkhussa vā bhikkhuniyā vā hatthapāse<sup>2</sup> ṭhito kāyādīnam aññatarena deti, tañce bhikkhunā yena kenaci sarīrāvayavena vā tappaṭibaddhena vā<sup>3</sup> saṁhārimena ca antamaso mañcen’āpi dhāretum samatthena ca antamaso atatthajātakarukkhapaṇṇen’āpi sūciyā parāmatṭhamatten’āpi paṭīggahitam, paṭīggahitameva hoti. Paṭibaddhappaṭibaddham nāma idha n’atthi, yampi natthukaraṇiyā diyyamānam nāsikāya, akallako vā mukhena paṭīggāṇhāti, sabbam vaṭṭati, ābhogamattameva h’etha pamāṇam. Pubbābhoge ca sati pacchā niddāyantassa patte dinnampi hatthapāse sati paṭīggahitameva hoti. Yampi “pattena paṭīggāṇhissāmī”ti nisinnass’eva hatthe patati, tam vaṭṭati yeva.

1. Viññāpentassa (Kam)

2. Bhikkhupi hatthapāse (Kam, Ka)

3. Kāyappaṭibaddhena vā (Kam)

abhihaṭṭabhbājanato patitarajampi vaṭṭati, tattha ṭhitanisinnanipannānam pavāraṇāsikkhāpade vuttanayen’eva hatthapāso veditabbo.

Sace pana dāyakappaṭiggāhakesu eko ākāse hoti, eko bhūmiyam, bhūmaṭṭhassa sīsena ākāsaṭṭhassa ca ṭhapetvā dātum vā gahetuṁ vā pasāritahatthām yam āsannatarām aṅgaṁ, tassa orimantena hatthapāsappamāṇam paricchinditabbam. Sacepi eko kūpe hoti eko kūpataṭe, eko vā rukkhe eko pathaviyan, vuttanayen’eva hatthapāsappamāṇam paricchinditabbam. Tasmīm ṭhatvā sacepi dve tayo vā sāmaṇerā yam majjhimo puriso ukkhipitum sakkoti, evarūpam bhāram pavaṭṭentā bhikkhuno bhūmiyam ṭhapitahatthām āropenti, ukkhipitvā vā bhikkhuno pasāritahatthe ekadesen’āpi ṭhapenti, tam paṭiggahitameva hoti. Yam pana piṇḍāya carantassa patte rajam patati, tam appaṭiggahitameva hoti, tasmā paṭiggahetvā’va bhikkhā gaṇhitabbā. Appaṭiggahetvā gaṇhantassa vinayadukkaṭam, tam pana puna paṭiggahetvā bhuñjantassa anāpatti. Sace “paṭiggahetvā dethā”ti vutte vacanam assutvā vā anādiyitvā vā bhikkham denti yeva, vinayadukkaṭā muccati, puna paṭiggahetvā aññā bhikkhā paṭiggahetabbā. Sace mahāvāto tato tato rajam pāteti, na sakkā hoti bhikkham gahetuṁ, “anupasampannassa dassāmī”ti suddhacittena ābhogam katvā gaṇhitum vaṭṭati. Tam anupasampannassa datvā puna tena dinnam vā tassa vissāsenā vā paṭiggahetvā bhuñjitum vaṭṭati. Assukheḷasiṅghāṇikādīsu yam<sup>1</sup> ṭhānato cavitvā hatthe vā patte vā patati, tam paṭiggahetabbam, aṅgalaggam paṭiggahitameva. Patantampi vocchinnañce antarā na gahetabbam, uggahitakaṁ nāma hoti, tam pacchā paṭiggahitampi na vaṭṭati. Yam pana bhesajjam vā mūlaphalam vā mātādīnam atthāya gahetvā chāyatthāya vā phalinisākhām ukkhipitvā gacchati, tato yam icchatī, tam puna paṭiggahetvā paribhuñjitum vaṭṭati. Yo pana tattha jātakaphalinisākhāya vā valliyā vā gahetvā cāleti. Tassa tato laddham phalam na vaṭṭati, durupaciṇḍadukkaṭañca<sup>2</sup> āpajjati, aññassa tam vaṭṭati, phalirukkham pana apassayitum vā ālambitum vā vaṭṭati, paṭiggahetvā ṭhāpīte yam aññam aṅkurādi uppajjati, paṭiggahitameva tam. Yāva hi hatthato mutte nirapekkho na hoti, nirapekkhatāya vā hatthato

1. Yam yam (Sī)

2. Durupaciṇḍadukkaṭameva (Kam)

na muccati, tāva na paṭiggahaṇam vijahati. Ayamettha saṅkhepo, vitthāro pana Samantapāsādikāyam<sup>1</sup> vutto.

**Mukhadvāranti** galanālīkam. Mukhena vā hi paviṭṭham hotu, nāsikāya vā, galena ajjhoharaṇīyatāya sabbampi tam mukhadvāram pavesitameva hoti. **Āhāranti** yam kiñci yāvakālikam vā yāmakālikam vā sattāhakālikam vā yāvajīvikam vā. Sabbaññ' etam ajjhoharaṇīyattā ‘āhāro’ti vuccati, tattha sabbampi dhaññam vā dhaññānulomam vā tālanālīkerapanasalabujā-alābukumbhaṇḍapussaphalatipusaphala-eḷālukasaṅkhātam navavidham mahāphalañc'eva aparaṇṇañca, yañc'aññam vanamūlapattapupphaphalādi-āhārattham pharati, tam sabbam yāva majjhānhikakālo, tāva paribhuñjitabbato **yāvakālikam** nāma. Ambapānam jambupānam cocapānam mocapānam madhukapānam muddikapānam sālūkapānam phārusakapānanti imāni atṭha pānāni, yāni ca tesam anulomāni vettatintiṇikamātuluṅgakapiṭṭhakosambakaramandādikhuddakaphalapānāni, etāni sabbāni anupasampannehi sītodakena madditvā katāni ādiccapākāni vā yāva rattiyā pacchimayāmāni nidahitvā paribhuñjitabbato **yāmakālikāni** nāma. Avasesesu anuññātaphalapattapuppharasesupi es'eva nayo. Sappi-ādīni pañca bhesajjāni sattāham nidahitvā paribhuñjitabbato **sattāhakālikāni** nāma. Idam pana yāvakālikādittayam kālavimuttañca udakam ṭhapetvā avasesa mūla phalāphalādi yam n'eva khādanīyattham na bhojanīyattham pharati, tam yāvajīvam nidahitvā sati paccaye paribhuñjitabbato **yāvajīvikam** nāma. **Āhareyyānti** paveseyya. **Aññatra udakadantaponāti** idam anāhārepi udate āhārasaññāya, dantapone ca “mukhadvāram āhaṭam idan”ti saññāya kukkuccāyantānam kukkuccavinodanattham vuttam. Udakañhi yathāsukham pātum dantakaṭṭhañca dantaponaparibhogena paribhuñjituṁ vatṭati. Ṭhapetvā pana idam dvayam avasesam ajjhoharaṇatthāya gaṇhato gahaṇe dukkaṭam, ajjhohāre ajjhohāre pācittiyam. Sacepi dantakaṭṭharaso ajānantassa anto pavisati, pācittiyameva.

Vesāliyam aññataram bhikkhum ārabbha adinnam āhāram āharaṇavatthusmim paññattam, “aññatra udakadantponā”ti ayamettha anupaññatti,

---

1. Vi-Ṭṭha 2. 108 piṭṭhe.

sādhāraṇapaññatti, anāṇattikam, tikapācittiyam, paṭiggahitake appaṭiggahitasaññino vematikassa vā dukkaṭam. Paṭiggahitasaññissa, udakadantapone, cattāri mahāvikaṭāni sati paccaye asati kappiyakārake sāmaṁ gahetvā paribhuñjantassa, ummattakādīnañca anāpatti. Ettha dubbacopi asamatthopi kappiyakārako asantapakkhe yeva tiṭṭhati. Chārikāya asati sukkhadārum jhāpetvā tasmiñca asati alladārum rukkhato chinditvāpi kātum<sup>1</sup> mattikatthāya ca pathavim khaṇitumpi vaṭṭati. Idam pana catubbidhampi mahāvikaṭam kālodissam nāma sappadaṭṭhakkhaṇe yeva sāmaṁ gahetum vaṭṭati, aññadā paṭiggāhāpetvā paribhuñjitabbam. Appaṭiggahitakatā ananuññatata dhūmādi-abbohārikābhāvo ajjhoharaṇanti imān’ettha cattāri aṅgāni. Samuṭṭhānādīni eļakalomasadisānīti.

Dantaponasikkhāpadavaṇṇanā niṭṭhitā.

Bhojanavaggo catuttho.

---

### 5. Acelakavagga 1. Acelakasikkhāpadavaṇṇanā

Acelakavaggassa paṭhame etesam acelakādīnam aññatitthiyānam yaṁ kiñci āmisam ekappayogena dentassa ekaṁ pācittiyam, avacchinditvā avacchinditvā dentassa payoge payoge pācittiyam.

Vesāliyam āyasmantam Ānandaṁ ārabba paribbājikāya dve pūve dānavatthusmim paññattam, asādhāraṇapaññatti, anāṇattikam, tikapācittiyam, udakadantaponam dentassa, atitthiye titthiyasaññissa, vematikassa ca dukkaṭam. Atitthiye atitthiyasaññissa, anupasampannena dāpentassa, tesam santike bhājanaṁ nikkhipitvā “idam gaṇhathā”ti bhaṇtantassa, tesam vā nikkhittabhājane dentassa, bāhiralepaṁ dentassa, ummattakādīnañca anāpatti. Aññatitthiyatā ananuññatata ajjhoharaṇīyam ajjhoharaṇatthāya sahatthā anikkhittabhājane dānanti imān’ettha tīṇi aṅgāni. Samuṭṭhānādīni eļakalomasadisānīti.

Acelakasikkhāpadavaṇṇanā niṭṭhitā.

---

1. Chārikam kātum vaṭṭati (Kam)

## 2. Uyyojanasikkhāpadavaṇṇanā

Dutiye dāpetvā vā adāpetvā vāti yam kiñci āmisam dāpetvā vā na dāpetvā vā. Uyyojettyāti mātugāmena saddhim hasanakīlanarahonisajjādīni kattukāmo ‘gacchā’ti-ādīni vatvā uyyojettya. Etadevāti etam anācārameva paccayam karitvā, na aññam patirūpam kāraṇam. Pācittiyanti uyyojanamatte tāva dukkaṭam, yadā pan’assa so dassanūpacāram vā savanūpacāram vā ekena pādena vijahati, aparam dukkaṭam, dutiyena vijahite pācittiyam. Ettha ca dassanūpacārassa ajjhokāse ṭhatvā dvādasahatthappamāṇam, tathā savanūpacārassa. Sace pana antarā kuṭṭadvārapākārādayo honti, tehi antaritabhāvo yeva upacārātikkamo.

Sāvatthiyaṁ Upanandaṁ ārabbha uyyojanavatthusmiṁ paññattam, sādhāraṇapaññatti, uyyojanānattikāya sāṇattikam, tikapācittiyam, anupasampanne tikadukkaṭam, ubhinnampi kalisāsanāropane<sup>1</sup> dukkaṭameva, “ubho ekato na yāpessāmā”ti evamādīhi patirūpakāraṇehi uyyojentassa, ummattakādīnañca anāpatti. Anācāram ācaritukāmatā tadaṭthameva upasampannassa uyyojanam evam uyyojitassa upacārātikkamoti imān’ettha tīni aṅgāni. Samuṭṭhānādīni adinnādānasadisānīti.

Uyyojanasikkhāpadavaṇṇanā niṭṭhitā.

---

## 3. Sabhojanasikkhāpadavaṇṇanā

Tatiye<sup>2</sup> saha ubhohi janehīti **sabhojanam**, tasmiṁ sabhojane. Atha vā **sabhojaneti** sabhoge, rāgapariyutṭhitapurisassa hi itthī bhogo, itthiyā ca puriso, ten’ev’assa padabhājane “itthī c’eva hoti, puriso cā”ti-ādi<sup>3</sup> vuttaṁ. **Anupakhajja nisajjam kappeyyāti** anupavisitvā nisīdeyya, yam tasmiṁ kule sayanigharam, tassa mahācatussālādīsu katassa mahallakassa piṭṭhasaṅghāṭato hatthapāsam vijahitvā anto sayanassa āsanne ṭhāne khuddakassa vā vemajjhām atikkamitvā nisīdeyyāti attho, evam nisinnassa pācittiyam.

1. Kalisāsanārocane (Sī, Kam)

2. Tatiye sabhojaneti (Kam)

3. Vi 2. 127 piṭṭhe.

Sāvatthiyam Upanandam ārabbha anupakhajja nisajjanavatthusmim paññattam, sādhāraṇapaññatti, anāṇattikam, tikapācittiyam, asayanighare sayanigharasaññino vematikassa vā dukkaṭam. Nasayanigharasaññissa, vuttalakkhaṇam padesam anatikkamitvā nisinnassa, bhikkhusmim dutiyake sati, ubhosu nikkhantesu vā vītarāgesu vā nisīdantassa, ummattakādīnañca anāpatti. Avītarāgajāyampatikānam sannihitatā sayanigharatā dutiyassa bhikkhuno abhāvo anupakhajja nisīdananti imān’ettha cattāri aṅgāni. Samuṭṭhānādīni paṭhamapārājikasadisānīti.

Sabhojanasikkhāpadavaṇṇanā niṭṭhitā.

---

#### **4-5. Rahopaticchannarahonisajjasikkhāpadavaṇṇanā**

Catutthapañcamāni Sāvatthiyam Upanandam ārabbha paṭicchannāsane ca raho ca nisajjanavatthusmim paññattāni, sādhāraṇapaññattiyo, etesampi samuṭṭhānādīni Paṭhamapārājikasadisān’eva. Seso kathānayo aniyatadvaye vuttanayen’eva veditabbo.

Rahopaticchannarahonisajjasikkhāpadavaṇṇanā niṭṭhitā.

---

#### **6. Cārittasikkhāpadavaṇṇanā**

Chaṭṭhe nimantitoti pañcannam bhojanānam aññatarena nimantito. **Sabhatto samānoti** ten’eva nimantanabhattena sabhatto samāno. **Santari** bhikkhum anāpucchāti anto-upacārasīmāya dassanūpacāre bhikkhum disvā yam sakkā hoti pakativacanena āpucchitum, tādisam “aham itthannāmassa gharam gacchāmi”ti vā “cārittam āpajjāmi”ti vā īdisena vacanena anāpucchitvā. **Purebhattam** vā pacchābhattam vāti yena bhattena nimantito, tasmim bhutte vā abhutte vā. **Kulesu cārittam āpajjeyyāti** yasmim kule nimantito<sup>1</sup>, tato aññāni kulāni paviseyya. **Aññatra samayā pācittiyanti** sace so bhikkhu vuttalakkhaṇam duvidhampi samayam ṭhapetvā

---

1. Nimantito sabhatto. (Kam)

avītivatte majjhānhike aññam<sup>1</sup> kulam pavisati, athassa gharūpacārokkamane dukkaṭam, paṭhamapādena ummāram atikkamantassa aparampi dukkaṭam, dutiyapādena atikkame pācittiyam.

Rājagahe Upanandam ārabba cārīttāpajjanavatthusmim paññattam, “santaṁ bhikkhum anāpucchā purebhattam pacchābhattam aññatra samayā”ti ayamettha catubbidhā anupaññatti, sādhāraṇapaññatti, anāṇattikam, tikapācittiyam, animantite nimantitasaññissa, vematikassa vā dukkaṭam. Tasmim animantitasaññissa, samaye santam bhikkhum āpucchitvā asantam bhikkhum anāpucchitvā pavisato, aññassa gharena vā gharūpacārena vā maggo hoti, tena gacchato, antarārāmabhikkhunupassayatitthiyaseyyapaṭikkamanabhattiyagharāni gacchato, āpadāsu, ummattakādīnañca anāpatti. Pañcannam bhojanānam aññatarena nimantanasādiyanam santam bhikkhum anāpucchanā bhattiyagharato aññagharappavisanam majjhānhikānatikkamo samayassa vā āpadānam vā abhāvoti imān’ ettha pañca aṅgāni. Samuṭṭhānādīni paṭhamakathinasadisān’eva, idam pana kiriyākiryanti.

Cārīttasikkhāpadavaṇṇanā niṭṭhitā.

## 7. Mahānāmasikkhāpadavaṇṇanā

Sattame catumāsappaccayapavāraṇāti cattāro māse gilānappaccayapavāraṇā, sabbañc’ etam vatthuvasena vuttam. Ayaṁ pan’ ettha attho—catumāsapavāraṇā vā<sup>2</sup> hotu, punapavāraṇā vā, niccapavāraṇā vā, sabbāpi sāditabbā, “idāni mama rogo n’athī”ti na paṭikkhipitabbā, “roge pana sati viññāpessāmī”ti adhivāsetabbāti. **Tato ce uttari sādiyeyyāti** ettha sace tattha rattīhi vā bhesajjehi vā paricchedo kato hoti “ettakā yeva rattiyo ettakāni vā bhesajjāni viññāpetabbānī”ti atha tato rattipariyantato vā bhesajjapariyantato vā uttari na bhesajjakaraṇīyena vā<sup>3</sup> bhesajjam aññabhesajjakaraṇīyena vā<sup>3</sup> aññam bhesajjam viññāpentassa pācittiyam.

1. Aññassa (Sī, Syā, Ka)

2. Cātummāsappaccayapavāraṇā vā (Kamī)

3. ...karaṇīye vā (Sī, Syā, Kamī)

Sakkesu chabbaggiye ārabbha bhesajjavīññāpanavatthusmim paññattam, sādhāraṇapaññatti, anāṇattikam, tikapācittiyam, natatuttari tatutarisaññino, vematikassa vā dukkaṭam. Natatuttari natatuttarisaññissa, yehi bhesajjehi pavārito, tato aññehi vā adhikatarehi vā atthe sati, yāsu ca rattīsu pavārito, tā atikkamitvāpi atthe sati yathābhūtam ācikkhitvā viññāpentassa, ye ca nātakē vā puggalikappavāraṇāya pavārite vā apariyantapavāraṇāya vā pavārite, aññassa vā atthāya, attano vā dhanena viññāpenti, tesam, ummattakādīnañca anāpatti. Saṅghapavāraṇatā tato bhesajjavīññatti agilānatā pariyantātikkamoti imān’ettha cattāri aṅgāni. Samuṭṭhānādīni sañcarittasadisānīti.

Mahānāmasikkhāpadavaṇṇanā niṭṭhitā.

---

#### 8. Uyyuttasenāsikkhāpadavaṇṇanā

Aṭṭhame **uyyuttanti** kata-uyyogam, gāmato nikkhantanti attho. **Senanti** caturaṅginim. **Aññatra tathārūpappaccayāti** yathārūpe kāraṇe asati kevalam senam dassanatthāya gacchato pade pade dukkaṭam, dassanūpacāre ṣhatvā passato pācittiyam. **Dassanūpacāro** nāma yattha ṣhito passati, tam pana vijahitvā punappunam passato payoge payoge pācittiyam.

Sāvatthiyam chabbaggiye ārabbha senādassanavatthusmim paññattam, “aññatra tathārūpappaccayā”ti ayamettha anupaññatti, sādhāraṇapaññatti, anāṇattikam, tikapācittiyam, hatthi-ādīsu ekamekam dassanāya gamane vuttanayen’eva dukkaṭam, tathā anuyyutte uyyuttasaññino vematikassa ca dukkaṭam. Anuyyuttasaññino pana ārāme ṣhatvā attano ṣhitokāsam āgataṁ paṭipatham āgacchantañca passato, tathārūpappaccaye, āpadāsu, ummattakādīnañca anāpatti. Uyyuttasenam dassanatthāya gamanam anuññātokāsato aññatra dassanam tathārūpappaccayassa āpadāya vā abhāvoti imān’ettha cattāri aṅgāni. Samuṭṭhānādīni eḷakalomasadisāni, idam pana lokavajjam, akusalacittam, tivedananti.

Uyyuttasenāsikkhāpadavaṇṇanā niṭṭhitā.

### 9. Senāvāsasikkhāpadavaṇṇanā

Navame tato ce uttarīti tirattato uttari catutthadivase atthaṅgate sūriye senāya tiṭṭhatu vā nisīdatu vā sayatu vā, sacepi ākāse iddhiyā kañci iriyāpatham kappeti, pācittiyameva.

Sāvatthiyam chabbaggiye ārabbha atirekatirattam senāya  
vasanavatthusmim paññattam, sādhāraṇapaññatti, anāṇattikam,  
tikapācittiyam, ūnakatiratte atirekasaññino vematikassa vā dukkaṭam.  
Ūnakasaññissa, tatiyāya rattiyā purāruṇā nikhamitvā puna vasato, gilānassa  
vā gilānakaraṇyena vā vasato, paṭisenāruddhāya senāya, kenaci  
palibuddhassa, āpadāsu, ummattakādīnañca anāpatti. Tirattātikkamo senāya  
sūriyassa atthaṅgamo gilānatādīnam abhāvoti imān’ettha tīṇi aṅgāni.  
Samuṭṭhānādīni elakalomasadisān’evāti.

Senāvāsasikkhāpadavaṇṇanā niṭṭhitā.

---

### 10. Uyyodhikasikkhāpadavaṇṇanā

Dasame uggantvā uggantvā ettha yujjantīti **uyyodhikam**,  
sampahāraṭṭhānass’etam nāmam. Balassa aggam jānanti eththāti **balaggam**,  
balagaṇanaṭṭhānanti attho. Senāya viyūham **senābyūham**, senānivesass’etam  
nāmam. Anīkassa dassanam **anīkadassanam**. **Anīkam** nāma “dvādasapuriso  
hatthī, tipuriso asso, catuppuriso ratho”ti iminā<sup>1</sup> lakkhaṇena tayo hatthī  
pacchimakam hatthānīkam, assānīkarathānīkesupi es’eva nayo. Cattāro pana  
āvudhahatthā purisā pacchimakam pattānīkam. Etesu yam kiñci dassanāya  
gacchato pade pade dukkaṭam, dassanūpacāre ṭhatvā passato pācittiyam,  
upacāram pana vijahitvā punappunam passato payoge payoge pācittiyam.  
Sesam Uyyuttasenāsikkhāpade vuttanayen’eva veditabbam, āpattibhedo  
pan’ettha n’atth’evāti.

Uyyodhikasikkhāpadavaṇṇanā niṭṭhitā.

Acelakavaggo pañcamo.

---

1. Vi 2. 140 piṭṭhe.

## 6. Surāpānavagga 1. Surāpānasikkhāpadavaṇṇanā

Surāpānavaggassa paṭhame surāmerayapāneti ettha piṭṭhādīhi kataṁ majjam surā, pupphādīhi kato āsavo merayam, tadubhayampi bījato paṭṭhāya kusaggen’āpi pivato payoge payoge pācittiyan.

Kosambiyam Sāgatattheram ārabbha majjapivanavatthusmiṁ paññattam, sādhāraṇapaññatti, anāṇattikam, tikapācittiyam, amajje majjasaññissa, vematikassa vā dukkaṭam. Amajjasaññissa, amajjam majjavaṇṇagandharasam loṇasovīrakam vā suttam vā pivato, vāsaggāhāpanattham īsakam majjam pakkhipitvā sūpādīni pacanti, tesu sūpasampākādīsu āmalakarasādīhi amajjam majjasadisam ariṭṭham karonti, tam pivato, ummattakādīnañca anāpatti. Majjabhāvo tassa pānañcāti imān’ettha dve aṅgāni. Samuṭṭhānādīni eļakalomasadisāni, idam pana lokavajjam, akusalacittam, tivedananti.

Surāpānasikkhāpadavaṇṇanā niṭṭhitā.

---

## 2. Aṅgulipatodakasikkhāpadavaṇṇanā

Dutiye aṅgulipatodaketi aṅgulīhi upakacchakādighaṭṭanam vuccati. Api ca yena kenaci sarīrāvayavena hasādhippāyassa upasampannam phusato pācittiyan.

Sāvatthiyaṁ chabbaggiye ārabbha aṅgulipatodakena hasanavatthusmiṁ paññattam, sādhāraṇapaññatti, anāṇattikam, tikapācittiyam, anupasampanne tikadukkaṭam, idha pana<sup>1</sup> bhikkhunīpi bhikkhusa bhikkhu ca bhikkhuniyā anupasampanno eva, kāyappaṭibaddhādīsu sabbattha dukkaṭameva. Na hasanādhippāyassa, sati karaṇīye āmasato, ummattakādīnañca anāpatti. Hasādhippāyatā upasampannassa kāyena kāyāmasananti imān’ettha dve aṅgāni. Samuṭṭhānādīni paṭhamapārājikasadisān’evāti.

Aṅgulipatodakasikkhāpadavaṇṇanā niṭṭhitā.

---

1. Ca (Sī, Kam)

### 3. Hasadhammasikkhāpadavaṇṇanā

Tatiye **udake hasadhammeti** udakakīlā<sup>1</sup> vuccati. Tasmā yo bhikkhu uparigopphake udake yeva gacchanto hasādhippāyo nimujjati vā ummujjati vā, tassa nimujjanādīnam atthāya otarantassa hatthavāre padavāre dukkaṭam, nimujjanummujjanesu payoge payoge pācittiyam, nimujjītvā anto-udake yeva gacchantassa hatthavārapadavāresu, tarantassa vā yena yena<sup>2</sup> aṅgena tarati, tassa tassa<sup>3</sup> payoge payoge pācittiyam.

Sāvatthiyam sattarasavaggiye bhikkhū ārabbha udake kīlanavatthusmim paññattam, sādhāraṇapaññatti, anāṇattikam, tikapācittiyam, udake ahasadhamme hasadhammasaññino vematikassa vā dukkaṭam, tathā nāvāya kīlato hatthena vā pādena vā kaṭṭhena vā kathalāya vā udakam paharato<sup>4</sup>, bhājanagataṁ udakam vā kañjikādīni vā cikkhallam vā khipanakīlāya kīlato dukkaṭam. Atthajotakam<sup>5</sup> pana akkharam chinditum vaṭṭati. Na hasādhippāyassa, sati karaṇīye otaritvā nimujjanādīni karontassa, pāram gacchato, āpadāsu, ummattakādīnañca anāpatti. Uparigopphakatā, hasādhippāyena kīlananti imān’etha dve aṅgāni. Samuṭṭhānādīni paṭhamapārājikasadisānīti.

Hasadhammasikkhāpadavaṇṇanā niṭṭhitā.

---

### 4. Anādariyasikkhāpadavaṇṇanā

Catutthe **anādariyeti** puggalassa vā dhammassa vā anādarakaraṇe. Tasmā yo bhikkhu upasampannena paññattena vuccamāno tassa vā vacanam akattukāmatāya, tam vā dhammarām asikkhitukāmatāya anādariyam karoti, tassa tasmim anādariye pācittiyam.

Kosambiyam Channatheram ārabbha anādariyakaraṇavatthusmim paññattam, sādhāraṇapaññatti, anāṇattikam, tikapācittiyam, anupasampanne tikadukkaṭam, upasampannena vā anupasampannena vā “idam na sallekhāya samvattati”ti-

1. Udkassa kīlikā (Ka, Syā)

3. Tassa (Sī, Kam)

4. Hanato (Sī)

2. Yenakenaci (Kam)

5. Tam atthajotakam (Mahāṭīkā)

ādinā<sup>1</sup> nayena apaññattena vuccamānassa anādariyepi dukkaṭameva. Paveṇi-āgatam pana ugghamā gahetvā “evam amhākam ācariyānam uggaho paripucchā”ti<sup>1</sup> bhaṇtantassa, ummattakādīnañca anāpatti. Upasampannassa paññattena vacanam anādariyakaraṇanti imān’ettha dve aṅgāni. Samuṭṭhānādīni adinnādānasadisāni, idam pana dukkhavedananti.

Anādariyasakikkhāpadavaṇṇanā niṭhitā.

---

### 5. Bhimsāpanasikkhāpadavaṇṇanā

Pañcame **bhimśāpeyyāti** bhimśāpanattham rūpādīni upasamihareyya, bhayānakakatham vā katheyya. So pana bhāyatu vā mā vā, itarassa pācittiyaṁ.

Sāvatthiyam chabbaggiye bhikkhū ārabbha bhimśāpanavatthusmim paññattam, sādhāraṇapaññatti, anāṇattikam, tikapācittiyaṁ. Anupasampanne tikadukkaṭam, na bhimśāpetukāmassa tathā karoto, ummattakādīnañca anāpatti. Upasampannatā tassa dassanasavanavisaye bhimśāpetukāmatāya vāyāmananti imān’ettha dve aṅgāni. Samuṭṭhānādīni anantarasikkhāpadasadisān’evāti.

Bhimśāpanasikkhāpadavaṇṇanā niṭhitā.

---

### 6. Jotisikkhāpadavaṇṇanā

Chaṭṭhe visibbanāpekkhoti tappitukāmo. **Samādaheyyāti** jāleyyya. **Aññatra tathārūpappaccayāti** padīpujjālanam vā pattapacanādīsu jotikaraṇam vāti evarūpam paccayam vinā. Tatr’āyam vinicchayo—sayam samādahantassa aranisaṇṭhāpanato paṭṭhāya yāva jālā na uṭṭhahati, tāva sabbappayogesu dukkaṭam, jāluṭṭhāne pācittiyaṁ. Samādahāpentassa āṇattiyā dukkaṭam, sakim āṇattena bahumpi samādahite ekameva pācittiyaṁ.

---

1. Vi 2. 150 piṭṭhe.

Bhaggesu sambahule bhikkhū ārabbha jotim samādahitvā visibbanavathusmīm paññattam, “agilāno, aññatra tathārūpappaccayā”ti imān’ettha dve anupaññattiyo, sādhāraṇapaññatti, sāñattikam, tikapācittiyam, gilānassa agilānasaññino vematikassa vā dukkaṭam, tathā paṭilātam ukkhipantassa, tañca avijjhātām ukkhipitvā yathāṭhāne ṭhapentassa. Vijaṭṭhātām pana jālayato pācittiyameva. Gilānassa gilānasaññissa, aññena kataṁ vā vītaccitaṅgāram vā visibbentassa, padīpajotikajantāgharādike tathārūpappaccaye, āpadāsu, ummattakādīnañca anāpatti. Agilānatā anuññātakāraṇābhāvo visibbetukāmatā samādahananti imān’ettha cattāri aṅgāni. Samuṭṭhānādīni Sañcaritte vuttanayen’eva veditabbānīti.

Jotisikkhāpadavaṇṇanā niṭṭhitā.

---

## 7. Nahānasikkhāpadavaṇṇanā

Sattame **nahāyeyyāti** yo bhikkhu Majjhimadesa nahānadivasato paṭṭhāya addhamāse apuṇṇe aññatra samayā “nahāyissāmī”ti cuṇṇam vā mattikam vā abhisāñkharoti, tassa tato paṭṭhāya sabbappayogesu dukkaṭam, nahānapariyosāne pācittiyam. Samayesu pariveṇasammajjanamattampi **kammasamayo**, addhayojanam gantukāmassa gacchato gatassa vā **addhānagamanasamayo**, sarajena vātena okiṇṇassa dvīsu vā tīsu vā udakaphusitesu kāye patitesu vātavuṭṭhisamayoti veditabbo. Sesam uttānameva.

Rājagahe sambahule bhikkhū ārabbha na mattam jānitvā nahāyanavathusmīm paññattam, “aññatra samayā”ti ayameththa chabbidhā anupaññatti, sādhāraṇapaññatti, anāñattikam, tikapācittiyam, atirekaddhamāse ūnakasaññino vematikassa vā dukkaṭam. Atirekasaññissa, samaye vā nahāyantassa, yo vā nadīpāram gacchanto vālukam ukkiritvā kata-āvāṭesupi nahāyati tassa, paccantime janapade sabbesam, āpadāsu, ummattakādīnañca anāpatti. Majjhimadeso ūnakaddhamāse nahānam samayānam vā nadīpāragamanassa

vā āpadānām vā abhāvoti imān’ettha tīṇi aṅgāni. Samuṭṭhānādīni elakalomasadisān’evāti.

Nahānasikkhāpadavaṇṇanā niṭṭhitā.

### 8. Dubbaṇṇakaraṇasikkhāpadavaṇṇanā

Aṭṭhame alabhīti<sup>1</sup> labho, labho eva lābho. Kim alabhi?<sup>2</sup> Cīvaraṁ. Kīdisam? Navam, iti “navacīvaralābhena”ti vattabbe anunāsikalopam akatvā navamīcīvaralābhenaṭi vuttam, paṭiladdhanavacīvarenāti attho. Majjhe ṭhitapadadvaye panāti nipātamattaṁ. Bhikkhunāti yena laddham, tassa nidassanām. Sesam padatthato uttānameva. Ayam pan’ettha vinicchayo— nivāsanapārupanupagam cīvaraṁ labhitvā tassa niṭṭhitarajanassa yasmim vā tasmiṁ vā padese kāmsanīlena vā pattanīlena vā kaddamena vā yena kenaci kālakena vā morakkhimaṇḍalamāṅgulapiṭṭhinām aññatarappamāṇam kappabindum ādiyitvā tam cīvaraṁ paribhuñjitabbam, anādiyitvā paribhuñjantassa pācittiyam.

Sāvatthiyam sambahule bhikkhū ārabbha attano cīvara-ajānanavatthusmim paññattam, sādhāraṇapaññatti, anāṇattikam, tikapācittiyam, ādinne anādinnasaññino vematikassa vā dukkaṭam. Ādinnasaññissa, kappe naṭṭhe, kappakatokāse jinhe, kappakatena akappakate saṃsibbite, pacchā āropitesu aggaṭa-anuvātariparibhaṇḍesu tam paribhuñjantassa, ummattakādīnañca anāpatti. Vuttappakārassa cīvarassa akatakappakatā na naṭṭhacīvarāditā nivāsanām vā pārupanām vāti imān’ettha tīṇi aṅgāni. Samuṭṭhānādīni elakalomasadisāni, idam pana kiriyākiriyyanti.

Dubbaṇṇakaraṇasikkhāpadavaṇṇanā niṭṭhitā.

### 9. Vikappanasikkhāpadavaṇṇanā

Navame vikappetvāti ettha dve vikappanā sammukhāvikappanā parammukhāvikappanā ca. Katham sammukhāvikappanā hoti? Cīvarānam ekabahubhāvam

---

1. Alabbhīti (Ka)

2. Kim alabbi (Ka)

sannihitāsannihitabhāvañca ñatvā ‘imām cīvaran’ti vā ‘imāni cīvarānī’ti vā ‘etam cīvaran’ti vā ‘etāni cīvarānī’ti vā vatvā ‘tuyham vikappemī’ti vattabbam. Ayamekā sammukhāvikappanā. Ettāvatā nidhetum vaṭṭati, paribhuñjituṁ pana<sup>1</sup> vissajjetuṁ vā adhiṭṭhatuṁ vā na vaṭṭati. “Mayham santakam, mayham santakāni paribhuñja vā vissajjehi vā yathāpaccayam karohī”ti<sup>2</sup> evam pana vutte paccuddhāro nāma hoti, tato pabhuti paribhogādayopi vaṭṭanti. Aparo nayo, tath’eva cīvarānam ekabahubhāvam sannihitāsannihitabhāvañca ñatvā tass’eva bhikkhuno santike ‘imām cīvaran’ti vā ‘imāni cīvarānī’ti vā ‘etam cīvaran’ti vā ‘etāni cīvarānī’ti vā vatvā pañcasu sahadhammikesu aññatarassa attanā abhirucitassa yassa kassaci nāmarūpam gahetvā ‘tissassa bhikkhuno vikappemī’ti vā “Tissāya bhikkhuniyā, sikkhamānāya, sāmañerassa, tissāya sāmañeriyā vikappemī”ti vā vattabbam. Ayam aparāpi sammukhāvikappanā. Ettāvatā nidhetum vaṭṭati, paribhogādīsu ekampi na vaṭṭati. Tena pana bhikkhunā “Tissassa bhikkhuno santakam. -pa- tissāya sāmañeriyā santakam paribhuñja vā vissajjehi vā yathāpaccayam karohī”ti vutte paccuddhāro nāma hoti, tato pabhuti paribhogādayopi vaṭṭanti.

Katham parammukhāvikappanā hoti? Cīvarānam tath’eva ekabahubhāvam sannihitāsannihitabhāvañca ñatvā ‘imām cīvaran’ti vā ‘imāni cīvarānī’ti vā ‘etam cīvaran’ti vā ‘etāni cīvarānī’ti vā vatvā “tuyham vikappanatthāya dammī”ti vattabbam. Tena vattabbo “ko te mitto vā sandiṭṭho vā”ti. Tato itarena purimanayen’eva ‘Tisso bhikkhū’ti vā -pa- ‘Tissā sāmañeri’ti vā vattabbam. Puna tena bhikkhunā “ahaṁ Tissassa bhikkhuno dammī”ti vā -pa- “Tissāya sāmañeriyā dammī”ti vā vattabbam. Ayam parammukhāvikappanā. Ettāvatā nidhetum vaṭṭati, paribhogādīsu ekampi na vaṭṭati. Tena pana bhikkhunā dutiyasammukhāvikappanāyam vuttanayen’eva “itthannāmassa santakam paribhuñja vā vissajjehi vā yathāpaccayam karohī”ti vutte paccuddhāro nāma hoti, tato pabhuti paribhogādayopi vaṭṭantīti. Pattavikappanāyampi es’eva nayo. Iti imāsu dvīsu vikappanāsu yāya kāyaci vikappanāya pañcasu sahadhammikesu yassa kassaci cīvaraṁ vikappetvā

---

1. Vā (Sī)

2. Vi 2. 161 piṭṭhe.

vuttanayena akatappaccuddhāram vā yena vinayakammam katan, tassa vā vissāsena aggahetvā paribhuñjantassa pācittiyam.

Sāvatthiyam Upanandam ārabbha appaccuddhāraṇam<sup>1</sup> paribhuñjanavatthusmim paññattam, sādhāraṇapaññatti, anāṇattikam, tikapācittiyam, tam pana adhiṭṭhahantassa vā vissajjentassa vā dukkaṭam, tathā paccuddhāraṇe appaccuddhāraṇasaññissa<sup>2</sup> vematikassa vā. Paccuddhāraṇasaññissa<sup>3</sup> pana vissāsena paribhuñjantassa, ummattakādīnañca anāpatti. Sāmaṁ vikappitassa appaccuddhāro vikappanupagacīvaratā paribhogoti imān’ettha tīṇi aṅgāni. Samuṭṭhānādīni paṭhamakathinasadisān’eva, idam pana kiriyākiryanti.

Vikappanasikkhāpadavaṇṇanā niṭhitā.

## 10. Apanidhānasikkhāpadavaṇṇanā

Dasame pattanti adhiṭṭhānupagam. Cīvaranti vikappanupagam. Nisīdanam nāma dasasam vuccati. Sūcigharam nāma sasūcikam vā asūcikam vā. Kāyabandhanam nāma paṭṭikā vā sūkarantakam vā. Apanidheyyāti apanetvā nidaheyya. Hasāpekkhoti hasādhippāyo. Pācittiyanti sayam apanidhentassa pācittiyam, aññam āñāpentassa āñattiyā dukkaṭam, tena apanihite itarassa pācittiyam.

Sāvatthiyam chabbaggiye ārabbha apanidhānavatthusmim paññattam, sādhāraṇapaññatti, sāṇattikam, tikapācittiyam, anupasampanne tikadukkaṭam, vuttappakārāni pana pattādīni ṭhapetvā aññam parikkhāram upasampannassa vā anupasampannassa vā santakaṁ apanidhentassa dukkaṭameva. Dunnikkhattam paṭisāmentassa, “dhammakathām katvā dassāmī”ti paṭisāmentassa, ummattakādīnañca anāpatti. Upasampannassa santakānam pattādīnam apanidhānam vihesetukāmatā vā hasādhippāyatā vāti imān’ettha dve aṅgāni. Samuṭṭhānādīni adinnādānasadisānīti.

Apanidhānasikkhāpadavaṇṇanā niṭhitā.

Surāpānavaggo chaṭṭho.

1. Apaccuddhārakam (Sī, Kam)
2. Paccuddhārake apaccuddhārakasaññissa (Sī, Kam)
3. Paccuddhārakasaññissa (Sī, Kam)

## 7. Sappāṇakavagga 1. Sañciccasikkhāpadavaṇṇanā

Sappāṇakavaggassa paṭhame pāṇoti tiracchānagatapāṇo adhippeto. Tam khuddakampi mahantampi mārentassa pācittiyameva, mahante pana upakkamamahantatāya akusalam̄ mahantaṁ hoti.

Sāvatthiyam̄ Udāyittheram̄ ārabbha pāṇam̄ jīvitā voropanavatthusmim̄ paññattam̄, sādhāraṇapaññatti, sāṇattikam̄ pāṇe vematikassa, apāṇe pāṇasaññino vematikassa vā dukkaṭam̄. Apāṇasaññissa, asañcicca, ajānantassa, namaraṇādhippāyassa, ummattakādīnañca anāpatti. Sesam manussaviggahe vuttanayamevāti.

Sañciccasikkhāpadavaṇṇanā niṭṭhitā.

---

## 2. Sappāṇakasikkhāpadavaṇṇanā

Dutiye sappāṇakanti ye pāṇakā paribhōgena maranti, tehi sappāṇakam̄, tādisañhi jānam̄ paribhuñjantassa payoge payoge pācittiyam̄.

Sāvatthiyam̄ chabbaggiye ārabbha jānam̄ sappāṇakam̄ udakam̄ paribhuñjanavatthusmim̄ paññattam̄. Sesameththa Siñcanasikkhāpade vuttanayen'eva veditabbanti.

Sappāṇakasikkhāpadavaṇṇanā niṭṭhitā.

---

## 3. Ukkotanasikkhāpadavaṇṇanā

Tatiye yathādhammanti yo yassa adhikaraṇassa vūpasamāya dhammo vutto, ten'eva dhammena. Nihatādhibarāṇanti nihitam̄ adhikaraṇam̄, Samathakkhandhake<sup>1</sup> Satthārā vuttadhammen'eva vūpasamitanti attho. Vūpasamananayam pan'assa adhikaraṇasamathesu dassayissāma.

Punakammāya ukkoṭeyyāti tassa tassa bhikkhuno santikam̄ gantvā “akataṁ kamman”ti-ādīni<sup>2</sup> vadanto punakaraṇatthāya uccāleyya. Yathāṭhitabhāvena patiṭṭhātum na dadeyya, tass'eva karontassa pācittiyam̄. Yam pana dhammena adhikaraṇam̄

---

1. Vi 4. 188 piṭṭhe.

2. Vi 2. 166 piṭṭhe.

nihatam, tam sunihatameva. Sace vippakate kamme paṭikkosati, tam saññāpetvā kātabbam. Itarathā kammañca kuppatti, kārakānañca āpatti.

Sāvatthiyām cabbaggiye bhikkhū ārabbha ukkoṭanavatthusmim paññattam, sādhāraṇapaññatti, anāṇattikam, dhammakamme vematikassa adhammakamme dhammakammasaññino vematikassa vā dukkaṭam. Ubhayesu adhammakammasaññissa, “adhammena vā vaggena vā akammārahassa vā kammam katan”ti jānantassa, ummattakādīnañca anāpatti. Yathādhammam nihatabhāvo jānanā ukkoṭanātī imān’ettha tīṇi aṅgāni. Samuṭṭhānādīni adinnādānasadisāni, idam pana dukkhavedananti.

Ukkoṭanasikkhāpadavaṇṇanā niṭṭhitā.

---

#### 4. Dutṭhullasikkhāpadavaṇṇanā

Catutthe dutṭhullanti saṃghādisesam adhippetam, tam yena kenaci upāyena ñatvā paṭicchādentassa pācittiyam. Sacepi “na dāni nam<sup>1</sup> kassaci bhikkhuno ārocessāmī”ti dhuram nikhipitvā pacchā āroceti, pācittiyam, āpajjivtva’va ārocessati. Sace pana evam dhuram nikhipitvā paṭicchādanatthameva aññassa āroceti, sopi aññassāti eten’upāyena samaṇasatampi āpajjati yeva tāva, yāva koṭi na chijjati. Katham pana koṭi chijjati? Sace hi āpanno ekassa āroceti, sopi aññassa āroceti, so nivattitvā yen’assa ārocitam, tass’eva āroceti, evam tatiyena puggalena dutiyassa ārocite koṭi chinnā hoti.

Sāvatthiyām aññataram bhikkhum ārabbha dutṭhullāpattipāṭicchādanavatthusmim paññattam, asādhāraṇapaññatti, anāṇattikam, dutṭhullāya āpattiyā ādipade pācittiyam, itaresu dvīsu dukkaṭam, aduṭṭhullāya tikadukkaṭam, anupasampannassa dutṭhulle vā aduṭṭhulle vā ajjhācāre dukkaṭameva. “Saṃghassa bhaṇḍānādīni bhavissantī”ti vā<sup>2</sup> “ayaṁ kakkhaṭo pharuso jīvitantarāyam vā brahmacariyantarāyam vā karissatī”ti vā anārocentassa, patirūpam bhikkhum

---

1. Sace pana dāni na (Kam)

2. Vi 2. 168 piṭhe.

apassato, na chādetukāmassa, “paññāyissati sakena kammenā”ti anārocentassa, ummattakādīnañca anāpatti. Upasampannassa duṭṭhullāpattijānanam paṭicchādetukāmatāya “n’ārocessāmī”ti dhuranikkhepoti imān’ettha dve aṅgāni. Samuṭṭhānādīni samanubhāsanasadisānevāti.

Duṭṭhullasikkhāpadavaṇṇanā niṭṭhitā.

### 5. Ūnavīsativassasikkhāpadavaṇṇanā

Pañcame ūnavīsativassanti paṭisandhiggahaṇato paṭṭhāya aparipuṇṇavīsativassam. Upasampādeyyāti upajjhāyo hutvā upasampādeyya. **So ca puggalo anupasampannoti** jānanten’āpi ajānanten’āpi upasampādito anupasampanno’va. Sace pana so dasavassaccayena aññam upasampādeti, tañce muñcitvā gaṇo pūrati, sūpasampanno. Sopi yāva na jānāti, tāva tassa n’eva saggantarāyo na mokkhantarāyo, ñatvā pana puna upasampajjitabbam. **Te ca bhikkhū gārayhāti** ṭhapetvā upajjhāyam avasesā gārayhā honti, sabbe dukkaṭam āpajjanti. **Idam tasmiṁ pācittiyanī** yo pana upajjhāyo hutvā upasampādeti, tasminn yeva puggale idam pācittiyanī veditabbam. Tasmā yo “evam upasampādessāmī”ti gaṇam vā ācariyam vā pattam vā cīvaraṁ vā pariyesati, sīmaṁ vā sammannati<sup>1</sup>, udakkukkhepaṁ vā paricchindati, so etesu sabbakiccesu ñattiyā dvīsu ca kammavācāsu dukkaṭāni āpajjītvā kammavācāpariyosāne pācittiyanī āpajjati.

Rājagahe sambahule bhikkhū ārabba ūnavīsativassam upasampādanavatthusmiṁ paññattam, asādhāraṇapaññatti, anāṇattikam, ūnavīsativasse vematikassa paripuṇṇavīsativasse ūnakasaññino vematikassa ca dukkaṭam. Ubhayattha paripuṇṇasaññissa, ummattakādīnañca anāpatti. Ūnavīsativassatā ūnakasaññitā upasampādananti imān’ettha tīṇi aṅgāni. Samuṭṭhānādīni adinnādānasadisāni, idam pana paññattivajjam, ticittam, tivedananti.

Ūnavīsativassasikkhāpadavaṇṇanā niṭṭhitā.

1. Vi 2. 171 piṭṭhe.

## 6. Theyyasatthasikkhāpadavaṇṇanā

Chaṭṭhe ye rājānam vā vañcetvā suñkam vā pariharitukāmā corā katakammā c’eva akatakammā ca maggappaṭipannā, tesu idha theyyasatthasaññino<sup>1</sup> tassa theyyasatthabhāvam īnatvā tena saddhim saṁvidhāya gacchantassa saṁvidhāne ca gamane ca Ovādavagge vuttanayena āpattivinicchayo veditabbo.

Sāvatthiyam aññataram bhikkhum ārabbha theyyasatthena saddhim saṁvidhāya ekaddhānamaggam paṭipajjanavatthusmiṁ paññattam, sādhāraṇapaññatti, anāṇattikam, manussesu asamvidahantesu sayameva samvidahitvā gacchantassa, theyyasatthe vematikassa, atheyyasatthe theyyasatthasaññino vematikassa ca dukkaṭam. Atheyyasatthasaññissa, asamvidahitvā vā kālavisaṅketena vā, āpadāsu vā, gacchantassa, ummattakādīnañca anāpatti. Theyyasatthabhāvo jānanam saṁvidhānam avisāṅketena gamananti imān’ ettha cattāri aṅgāni. Theyyasattasamuṭṭhanam, kiriyaṁ, saññāvimokkhām, sacittakam, paññattivajjam, kāyakammam, vacīkammam, ticittam, tivedananti.

Theyyasatthasikkhāpadavaṇṇanā niṭṭhitā.

## 7. Saṁvidhānasikkhāpadavaṇṇanā

Sattame Sāvatthiyam aññataram bhikkhum ārabbha mātugāmena saddhiṁ<sup>2</sup> ekaddhānamaggam paṭipajjanavatthusmiṁ paññattam. Sesameththa bhikkhuniyā saddhim saṁvidhānasikkhāpade vuttanayen’eva veditabbanti.

Saṁvidhānasikkhāpadavaṇṇanā niṭṭhitā.

## 8. Ariṭṭhasikkhāpadavaṇṇanā

Aṭṭhame saggamokkhānam antarāyam karontīti **antarāyikā**, te kammakilesavipāka-upavāda paññattivitikkamanavasena pañcavidhā. Tesu

1. Theyyasatthasaññā (Sī, Kam)

2. Saddhim saṁvidhāya (Sī)

mudukānam attharaṇādīnam phasso<sup>1</sup> viya itthisamphassopi vaṭṭatīti methunavītikkamane dosam adisvā paññattivītikkamantarāyike sandhāya “ye’me antarāyikā dhammā vuttā Bhagavatā, te paṭisevato n’ālam antarāyāyā”ti vuttam. **Anekapariyāyenāti** “aṭṭhikaṇkalūpamā kāmā”ti-ādīhi<sup>2</sup> anekehi kāraṇehi. **So bhikkhu bhikkhūhīti** ye passanti vā suṇanti vā, tehi tikkhattum evam vattabbo “mā āyasmā evam avaca -pa- alañca pana te paṭisevato antarāyāyā”ti. Evam vutte appaṭinissajjantassa dukkaṭam, sutvā avadantānampi dukkaṭam. Puna samghamajjhampi akaḍḍhitvā tath’eva vattabbo, tatr’āpi tassa appaṭinissajjane, itaresañca avacane dukkaṭameva. Evampi appaṭinissajjanto puna ñatticatutthena kammena yāvatatiyam samanubhāsitabbo, ath’assa appaṭinissajjato puna ñattiyā ca dvīhi ca kammavācāhi dukkaṭam, kammavācāpariyosāne pācittiyaṁ.

Sāvatthiyam Ariṭṭham ārabbha pāpikāya diṭṭhiyā appaṭinissajjanavatthusmim paññattam, sādhāraṇapaññatti, anāṇattikam, tikapācittiyaṁ, adhammakamme tikadukkaṭam. Asamanubhāsiyamānassa, paṭinissajjantassa, ummattakādīnañca anāpatti. Dhammakammataṁ samanubhāsanā appaṭinissajjananti imān’ettha tīṇi aṅgāni. Samuṭṭhānādīni samanubhāsanasadisān’evāti.

Ariṭṭhasikkhāpadavaṇṇanā niṭṭhitā.

---

## 9. Ukkhittasambhogasikkhāpadavaṇṇanā

Navame **tathāvādināti** “tathāham Bhagavatā dhamman”ti-ādivādinā. **Akatānudhammenāti** anudhammo vuccati āpattiyā adassane vā appaṭikamme vā pāpikāya diṭṭhiyā appaṭinissagge vā dhammena vinayena ukkhittakassa anulomavattam disvā kata-osāraṇā, so osāraṇasaṅkhāto anudhammo yassa na kato, ayam akatānudhammo nāma, tādisena saddhīnti attho. **Sambhuñjeyya** vāti āmisasambhogam vā dhammasambhogam vā kareyya. **Samvaseyya** vāti uposathādikam samghakammam

1. Samphasso (Sī, Kām)

2. Ma 2. 27; Dhi 2. 176; Khu 8. 282 piṭṭhādīsu.

kareyya. **Saha vā seyyam kappeyyāti** nānūpacārepi ekacchanne nipajjeyya. Tattha āmisaparibhoge ekappayogena bahūpi dadato vā gaṇhato vā ekaṁ pācittiyam, vicchindane sati payoge payoge pācittiyam. Dhammasambhoge padādīhi uddisantassa vā uddisāpentassa vā padasodhamme vuttanayena, saṁvāse kammapariyosānavasena, sahaseyyāya ekasmimnipanne itarassa nipajjanappayogavasena āpattiparicchedo veditabbo.

Sāvatthiyam chabbaggiye ārabbha Ariṭṭhena bhikkhunā saddhim sambhuñjanavatthusmim paññattam, sādharaṇapaññatti, anāṇattikam, ukhittake vematikassa, anukhittake ukhittakasaññino c’eva vematikassa ca dukkaṭam. Ubhosu anukhittakasaññissa, “osārito”ti vā “taṁ diṭṭhim paṭinissaṭṭho”ti vā jānantassa, ummattakādīnañca anāpatti. Akatānudhammatā jānanā<sup>1</sup> sambhogadikaraṇanti imān’ettha tīṇi aṅgāni. Samuṭṭhanādīni adinnādānasadisāni, idam pana paṇḍattivajjam, ticittam, tivedananti.

Ukkhittasambhogasikkhāpadavaṇṇanā niṭṭhitā.

---

## 10. Kanṭakasikkhāpadavaṇṇanā

Dasame samaṇuddesoti sāmaṇero. **Carāti** gaccha. **Pireti** para amāmaka. **Vinassāti** nassa, yattha tam na passāma, tattha gacchāti vuttam hoti. **Tathānāsitanti** ettha samvāsanāsanā liṅganāsanā daṇḍakammanāsanāti tisso nāsanā. Tattha āpattiyā adassanādīsu ukkhepanā **saṁvāsanāsanā** nāma. Dūsako nāsetabbo<sup>2</sup>, Mettiyam bhikkhunim nāsethāti<sup>3</sup> ayam **liṅganāsanā** nāma. “Ajjatagge te āvuso samaṇuddesa na c’eva so Bhagavā Satthā apadisitabboti<sup>4</sup> ayam **daṇḍakammanāsanā** nāma, ayam idh’ādhippetā. Tena vuttam “tathānāsitān”ti. **Upalāpeyyāti** “pattam vā cīvaraṁ vā uddesam vā paripuccham vā dassāmī”ti saṅgaṇheyya. **Upaṭṭhāpeyyāti** cuṇṇamattikādīni sādiyanto

1. Jananatā (Sī), jānanam (Kam)

3. Vi 1. 249 piṭṭhe.

2. Vi 1. 41; Vi 4. 197 piṭṭhesu.

4. Vi 2. 183 piṭṭhe.

tena attano upaṭṭhānam kārāpeyya. Sambhogasahaseyyā anantara sikkhāpade vuttanayā eva, tasmā āvattiparicchedo p'ettha tasminm vuttanayen'eva veditabbo.

Sāvatthiyam chabbaggiye bhikkhū ārabbha Kaṇṭakasamaṇuddesa-upalāpanavatthusmiṁ paññattam, sesam Ariṭṭhasikkhāpade vuttasadisamevāti.

Kaṇṭakasikkhāpadavaṇṇanā niṭṭhitā.

Sappāṇakavaggo sattamo.

---

#### 8. Sahadhammikavagga    1. Sahadhammikasikkhāpadavaṇṇanā

Sahadhammikavaggassa paṭhame **sahadhammikam** vuccamānoti imass'attho Dubbacasikkhāpade vutto. **Etasmīn sikkhāpadeti** etasmim sikkhāpade yam vuttam, tam na tāva sikkhissāmīti attho. **Pācittiyanti** etha pana anādariyabhayā lesena evam vadantassa vācāya vācāya pācittiyam veditabbam. **Sikkhamānenāti** ovādam sirasā sampaṭicchitvā sikkhitukāmen'eva hutvā. **Aññātabbanti** ājānitabbam. **Paripucchitabbanti** “imassa ko attho”ti paripucchitabbam. **Paripañhitabbanti** cintetabbam tulayitabbam.

Kosambiyam Channatheram ārabbha evam bhaṇanavatthusmiṁ paññattam, sādhāraṇapaññatti, anāṇattikam, tikapācittiyam, anupasampanne tikadukkaṭam, ubhohipi “idam na sallekhāyā”ti-ādinā<sup>1</sup> nayen'eva appaññattena vuccamānass'api evam vadato dukkaṭameva. “Jānissāmi sikkhissāmī”ti bhaṇtantassa<sup>2</sup>, ummattakādīnañca anāpatti. Upasampannassa paññattena vacanam asikkhitukāmatāya evam vacananti imān'etha dve aṅgāni. Samuṭṭhānādīni adinnādānasadisāni, idam pana dukkhavedananti.

Sahadhammikasikkhāpadavaṇṇanā niṭṭhitā.

---

1. Vi 2. 187 piṭṭhe.

2. Bhaṇtantassa pana (Sī, Kam)

## 2. Vilekhanasikkhāpadavaṇṇanā

Dutiye **uddissamāneti** ācariyena antevāsikassa vuccamāne vā sajjhāyavasena parivattiyamāne vā. **Khuddānukhuddakehīti** khuddakehi ca anukhuddakehi ca. **Yāvadevāti** tesam samvattanamariyādaparicchedavacanam. Idam vuttam hoti—etāni hi ye uddisanti vā uddisāpenti vā sajjhāyanti vā, tesam tāva samvattanti, yāva “kappati nu kho na kappati nu kho”ti kukkuccavippaṭisāro vihesā vicikicchā manovilekhā ca uppajjanti yeva. Atha vā **yāvadevāti** atisayavavatthāpanam. Tassa ‘samvattantī’ti iminā sambandho, kukkuccāya vihesāya vilekhāya ativiya samvattanti yevāti vuttam hoti. **Sikkhāpadavivaṇṇaketi** evam sikkhāpadānam vivaṇṇake garahaṇe pācittiyam hotīti attho.

Sāvatthiyam chabbaggiye ārabbha vinayavivaṇṇanavatthusmim paññattam, sādhāraṇapaññatti, anāṇattikam, tikapācittiyan, anupasampannassa vivāṇṇane<sup>1</sup> tikadukkaṭam, ubhinnampi aññadhammavivāṇṇane<sup>1</sup> dukkaṭameva. Na vivāṇṇetukāmassa, “iñgha tāva Suttante vā gāthāyo vā abhidhammam vā pariyāpuṇassu, pacchāpi vinayam pariyāpuṇissasī”ti bhaṇato, ummattakādīnañca anāpatti. Garahitukāmatā ca upasampannassa santike sikkhāpadavivaṇṇanañcāti<sup>2</sup> imān’ettha dve aṅgāni. Samuṭṭhānādīni adinnādānasadisāni, idam pana dukkhavedananti.

Vilekhanasikkhāpadavaṇṇanā niṭhitā.

---

## 3. Mohanasikkhāpadavaṇṇanā

Tatiye **anvāḍḍhamāsanti** anupaṭipāṭiyā addhamāse addhamāse. **Uddissamāneti** uposathavasena uddisiyamāne. **Yañca tattha āpattim** āpannoti yam so anācāram ācaritvā aññāṇakena āpannabhāvam jānāpetukāmo evamāha, tasmiṁ anācāre yam āpattim āpanno. **Tañca yathādhammo kāretabboti** aññāṇakena āpannattā mokkho n’atthi, yathā pana dhammo ca vinayo ca ṭhito, tathā tam āpattim kāretabbo, desanāgāminiyā desāpetabbo, vuṭṭhānagāminiyā

---

1. Vivāṇṇake (Kam)

2. Sikkhāpadavivaṇṇakañcāti (Kam)

vuṭṭhāpetabboti attho. **Uttari c’assa moho āropetabboti** yathādhammakaraṇato ca uttari “tassa te āvuso”ti-ādivacanehi ninditvā tassa puggalassa ñattidutiyakamme moho āropetabbo. **Idam tasmiṁ mohanake pācittiyanti** yo evam āropite mohe puna moheti, tasmiṁ mohanake puggale idam pācittiyam veditabbam, na anāropite moheti attho.

Sāvatthiyam chabbaggiye ārabbha mohanavatthusmim paññattam, sādhāraṇapaññatti, anāṇattikam, tikapācittiyam, adhammakamme tikadukkaṭam, anāropite mohe dukkaṭameva. Yena na vitthārena sutam, ūnakadvattikkhattum vā vitthārena sutam, ye ca na mohetukāmā tesam, ummattakādīnañca anāpatti. Mohāropanam mohetukāmatā vuttanayena sutabhāvo mohananti imān’ettha cattāri aṅgāni. Samuṭṭhānādīni adinnādānasadisāni, idam pana dukkhavedananti.

Mohanasikkhāpadavaṇṇanā niṭṭhitā.

---

#### **4. Pahārasikkhāpadavaṇṇanā**

Catutthe **pahāram dadeyyāti** ettha paharitukāmatāya pahāre dinne sacepi marati, pācittiyameva.

Sāvatthiyam chabbaggiye ārabbha pahāradānavatthusmim paññattam, sādhāraṇapaññatti, anāṇattikam, tikapācittiyam, anupasampanne tikadukkaṭam, virūpakaraṇādhippāyena pana upasampannassapi kaṇñādicchedane dukkaṭameva. Kenaci viheṭhiyamānassa pana mokkhādhippāyassa, ummattakādīnañca anāpatti. Kupitatā na mokkhādhippāyatā upasampannassa pahāradānanti imān’ettha tīṇi aṅgāni. Samuṭṭhānādīni paṭhamapārājikasadisāni, idam pana dukkhavedananti.

Pahārasikkhāpadavaṇṇanā niṭṭhitā.

---

#### **5. Talasattikasikkhāpadavaṇṇanā**

Pañcame **talasattikam uggireyyāti** pahāradānākāram dassento kāyam vā kāyappaṭibaddham vā uccāreyya. Ettha ca<sup>1</sup> uggiraṇapaccayā pācittiyam. Sace

---

1. Ettāvatā (Sī)

pana uggiritvā viraddho pahāram deti, na paharitukāmatāya dinnattā dukkaṭameva, tena pahārena hatthādīsu yaṁ kiñci bhijjati, dukkaṭameva. Sesamettha sabbam purimasikkhāpade vuttanayen’eva veditabbanti.

Talasattikasikkhāpadavaṇṇanā niṭṭhitā.

### 6. Amūlakasikkhāpadavaṇṇanā

Chaṭṭhe amūlakenāti diṭṭhadimūlavirahitena. **Anuddhamseyyāti** codeyya vā codāpeyya vā. **Pācittiyanti** sace cuditako taṅkhaṇaññeva “codeti man”ti jānāti, codakassa pācittiyam.

Sāvatthiyaṁ chabbaggiye ārabbha amūlakena saṅghādisesena anuddhamāsanavatthusmim paññattam, sādhāraṇapaññatti, sāṇattikam, tikapācittiyam, ācāravipattiyā vā diṭṭhivipattiyā vā anuddhamāsane dukkaṭam, anupasampanne tikadukkaṭam. Tathāsaññissa, ummattakādīnañca anāpatti. Upasampannatā saṅghādisesassa amūlakatā anuddhamāsanā<sup>1</sup> taṅkhaṇavijānanāti imān’ettha cattāri aṅgāni. Samuṭṭhānādīni adinnādānasadisāni, idam pana dukhavedananti.

Amūlakasikkhāpadavaṇṇanā niṭṭhitā.

### 7. Sañciccasikkhāpadavaṇṇanā

Sattame **kukkuccam upadaheyyāti** “ūnavīsativasso tvam maññe”ti-ādīni<sup>2</sup> bhaṇanto uppādeyya. Evam aññasmim uppādanapaccaye asati sañcicca uppādentassa vācāya vācāya pācittiyam.

Sāvatthiyaṁ chabbaggiye ārabbha kukkucca-uppādanavatthusmim paññattam, sādhāraṇapaññatti, anāṇattikam, tikapācittiyam, anupasampanne tikadukkaṭam. Na-uppādetukāmassa, kevalam hitesitāya tathā vadantassa, ummattakādīnañca anāpatti. Upasampannatā aphāsukāmatā kukkuccuppādananti imān’ettha tīṇi aṅgāni. Samuṭṭhānādīni anantarasadisānevāti.

Sañciccasikkhāpadavaṇṇanā niṭṭhitā.

1. Anuddhamāsanatā (Ka)

2. Vi 2. 196 piṭṭhe.

## 8. Upassutisikkhāpadavaṇṇanā

Aṭṭhame **vivādāpannānanti** bhaṇḍanakalahehi vivaḍḍhitam vivādādhikaraṇam āpannānam. **Upassutinti** sutisamīpam, yattha ṭhatvā sakkā hoti tesam vacanam sotum, tattha tiṭṭheyyāti attho. “Tattha<sup>1</sup> sossāmī”ti codetukāmatāya gacchato pade pade dukkaṭam, turitagamanepi ohīyamānepi es’eva nayo. Yattha pana ṭhito suṇāti, tattha ṭhitassa pācittiyam, attano ṭhitokāsam āgantvā tesu mantayamānesupi ukkāsitvā “aham ethhā”ti vā vatvā jānāpetabbam, evam akarontass’api savane pācittiyameva.

Sāvatthiyaṁ chabbaggiye ārabbha upassutiṭṭhānavatthusmiṁ paññattam, sādhāraṇapaññatti, anāṇattikam, tikapācittiyam, anupasampanne tikadukkaṭam, “imesam sutvā oramissāmi viramissāmi vūpasamissāmi attānam parimocessāmī”ti<sup>2</sup> gacchato, ummattakādīnañca anāpatti. Upasampannatā codanādhippāyo savananti imān’ettha tīṇi aṅgāni. Theyyasatthasamuṭṭhānam, (idam pana)<sup>3</sup> siyā kiriyaṁ, siyā akiriyaṁ, saññāvīmokkhām, sacittakam, lokavajjam, kāyakammam, vacīkammam, akusalacittam, dukkhavedananti.

Upassutisikkhāpadavaṇṇanā niṭṭhitā.

---

## 9. Kammappaṭibāhanasikkhāpadavaṇṇanā

Navame **dhammikānam kammānanti** dhammena vinayena Satthusāsanena katānam apalokanakammam ñattikammaṁ ñattidutiyakammaṁ ñatticatutthakammanti imesam catunnam kammānam. Tatr’āyam saṅkhepato kammavinicchayo—tatra **apalokanakammaṁ** nāma samaggassa saṅghassa anumatiyā tam tam vatthum kittetvā “ruccati saṅghassā”ti tikkhattum sāvetvā kattabbam kammam vuccati. Samaggass’eva pana saṅghassa anumatiyā ekāya ñattiya kattabbam kammam **ñattikammam** nāma. Ekāya ñattiya c’eva anussāvanāya ca kattabbam kammam **ñattidutiyakammaṁ** nāma.

1. Tassa (Kam)

2. Vi 2. 198 piṭṭhe.

3. ( ) Ethantare pāṭho Sīhaṇa-potthake n’atthi.

ekāya pana nāttiyā tīhi ca anussāvanāhi kattabbam kammam  
nātticatutthakammaṁ nāma.

Tesu apalākanakammaṁ<sup>1</sup> pañca ṭhānāni gacchati osāraṇam nissāraṇam bhanḍukammaṁ brahmadaṇḍam kammalakkhaṇanti. Tattha Kaṇṭakasāmanerassa nāsanā viya **nissāraṇā**, tādisam yeva sammāvattantam disvā pavesanā ‘**osāraṇā**’ti veditabbā. Pabbajjapekkhassa kesacchedanāpucchanam **bhanḍukammaṁ**<sup>2</sup> nāma. Mukharassa bhikkhuno bhikkhū duruttavacanehi ghaṭtentassa “itthannāmo bhikkhu mukharo bhikkhū duruttavacanehi ghaṭento viharati, so bhikkhu yaṁ iccheyya, tam vadeyya, bhikkhūhi itthannāmo bhikkhu n’eva vattabbo, na ovādānusāsanim kattabbo, na ovaditabbo”ti “samgham bhante pucchāmi ‘itthannāmassa bhikkhuno brahmadaṇḍassa dānam ruccati samghassā’ti, dutiyampi pucchāmi, tatiyampi pucchāmi ‘itthannāmassa bhante bhikkhuno brahmadaṇḍassa dānam ruccati samghassā’ti” evam kattabbam kammaṁ **brahmadaṇḍam**<sup>3</sup> nāma. Yaṁ pana Bhagavatā bhikkhunīnam ūrum vivaritvā dassanādivathūsu “avandiyo so bhikkhave bhikkhu bhikkhunisamghena kātabbo”ti<sup>4</sup> evam avandiyakammam anuññātam, yaṁ bhikkhunīhi “ayye asuko nāma ayyo bhikkhunīnam appasādanīyaṁ dasseti, etassa ayyassa avandiyakaraṇam ‘ruccati bhikkhunisamghassā’ti” evam upassaye nisinnāh’eva bhikkhunīhi kattabbam, evarūpam kammaṁ yasmā tassa kammaṁ yeva lakkhaṇam na osāraṇādīni, tasmā **kammalakkhaṇanti** vuccati. Idañca kammalakkhaṇam nāma bhikkhunimūlakam paññattam, api ca bhikkhūnampi labbhati, tasmā bhikkhūhi pi acchinnacīvarakādīnam cīvarādīni vā dentehi, paribhuñjitabbāni apanetabbānipi vatthūni paribhuñjantehi vā apanentehi vā tathārūpari vā dhammikari katikari karontehi tikkhattum sāvetvā apalokanakammaṁ kātabbam, sabbaññ’etam kammalakkhaṇameva pavisati, iti apalokanakammaṁ pañca ṭhānāni gacchati.

Ñattikammaṁ pana nava ṭhānāni gacchati osāraṇam nissāraṇam uposatham pavāraṇam sammutim dānam paṭiggaham paccukkadḍhanam kammalakkhaṇanti. Tattha “suñātu me bhante samgho, itthannāmo itthannāmassa āyasmato upasampadāpekkho, anusittho so mayā, yadi samghassa pattakallam, itthannāmo

1. Vi 5. 384; Vi-Tīha 4. 250 piṭṭhesu vitthāro.

3. Vi 4. 487 piṭṭhe.

2. Vi 3. 107 piṭṭhe.

4. Vi 4. 453 piṭṭhe.

āgaccheyya, ‘āgacchāhī’ti vattabbo”ti<sup>1</sup> evam upasampadāpekkhassa osāraṇā osāraṇā nāma. “Suṇantu me āyasmantā, ayam itthannāmo bhikkhu dhammakathiko, imassa n’eva puttam āgacchati, no puttavibhaṅgo, so attam asallakkhetvā byañjanacchāyāya attam paṭibāhati, yad’āyasmantānam pakkallam, itthannāmam bhikkhūn vuṭṭhāpetvā avasesā imam adhikaraṇam vūpasameyyāmā”ti evam ubbhāhikavinicchaye<sup>2</sup> dhammakathikassa bhikkhuno nissāraṇā nissāraṇā nāma. “Suṇātu me bhante samgho, ajjuposatho -pa- uposatham kareyyā”ti<sup>3</sup> evam uposathakammavasena ṭhapitā ñatti **uposatho** nāma. “Suṇātu me bhante samgho, ajja pavāraṇā pannarasī, yadi samghassa pakkallam, samgho pavāreyyā”ti<sup>4</sup> evam pavāraṇākammavasena ṭhapitā ñatti **pavāraṇā** nāma. “Suṇātu me bhante samgho, itthannāmo itthannāmassa upasampadāpekkho, yadi samghassa pakkallam, aham itthannāmam anusāseyyan”ti, “yadi samghassa pakkallam, itthannāmo itthannāmam anusāseyyā”ti<sup>5</sup> evam attānam vā param vā sammannitum ṭhapitā ñatti **sammuti** nāma. “Suṇātu me bhante samgho, imam cīvaraṁ itthannāmassa bhikkhuno nissaggiyam samghassa nissaṭṭham, yadi samghassa pakkallam, samgho imam cīvaraṁ itthannāmassa bhikkhuno dadeyyā”ti<sup>6</sup> evam nissaṭṭhacīvaraṇapattādīnam dānam **dānam** nāma. “Suṇātu me bhante samgho, ayam itthannāmo bhikkhu āpattim sarati vivarati uttānim karoti deseti, yadi samghassa pakkallam, aham itthannāmassa bhikkhuno āpattim paṭiggaṇheyyan”ti, tena vattabbo ‘passasi’ti, ‘āma passāmī’ti, “āyatim saṁvareyyāsī”ti<sup>7</sup> evam āpatti-paṭiggaṇhaho **paṭiggaṇhaho** nāma. “Suṇantu me āyasmantā āvāsikā, yad’āyasmantānam pakkallam, idāni uposatham kareyyāma, pātimokkhām uddiseyyāma, āgame kāle pavāreyyāmā”ti<sup>8</sup> evam katappavāraṇāpaccukkadḍhanā **paccukkadḍhanā** nāma.

Tiṇavatthārakasamathe<sup>9</sup> sabbasaṅgāhikañatti, ekekasmim pakkhe ekekā ñatti cāti tissopi ñattiyo **kammalakkhaṇam** nāma. Iti ñattikammam nava ṭhanāni gacchatī.

1. Vi 3. 131 piṭṭhe.

2. Vi 4. 224 piṭṭhe.

3. Vi 3. 140 piṭṭhe.

4. Vi 3. 223 piṭṭhe.

5. Vi 3. 131 piṭṭhe.

6. Vi 1. 295 piṭṭhe.

7. Vi 4. 235 piṭṭhe.

8. Vi 3. 260 piṭṭhe.

9. Vi 4. 200 piṭṭhe.

Ñattidutiyakammaṁ satta ṭhānāni gacchati osāraṇam nissāraṇam sammutim dānam uddhāram desanam kammalakkhaṇanti. Tattha bhikkhūnam alābhāya parisakkanādikehi aṭṭhahi angehi samannāgatassa upāsakassa samghena asambhogakaraṇattham pattanikkujjanavasena nissāraṇā **nissāraṇā** nāma. Tass'eva sammāvattantassa pattukujjanavasena **osāraṇā** ca veditabbā, sā Khuddakakkhandhake Vaddhalicchavivatthusmim<sup>1</sup> vuttā. Sīmāsammuti ticīvarena avippavāsasammuti santhatasammuti bhattuddesakasenāsanaggāhāpakabhaṇḍāgārikacīvarappaṭiggāhakayāgubhāja kaphalabhājakakhajjabhājaka-appamattakavissajjakasāṭiyaggāhāpakapattaggāhāpaka-ārāmikapesakasāmaṇerapesakasammutīti etāsam̄ sammutinām vasena **sammuti** veditabbā. Kathinacīvaramatakacīvaradānavasena **dānam** veditabbam. Kathinuddhāravasena **uddhāro** veditabbo. Kuṭīvatthuvihāravatthudesanāvasena **desanā** veditabbā. Yā pana Tiṇavatthārakasamathe<sup>2</sup> ekasmiṁ pakkhe ekā, ekasmiṁ pakkhe ekāti dve ñattidutiyakammavācā vuttā, yā ca mohāropanādīsu kammavācā<sup>3</sup> vuttā, tāsam̄ vasena **kammalakkhaṇam** veditabbam. Iti ñattidutiyakammam satta ṭhānāni gacchati.

Ñatticatutthakammampi satteva ṭhānāni gacchati osāraṇam nissāraṇam sammutim dānam niggaham̄ samanubhāsanam kammalakkhaṇanti. Tattha tajjanīyakammādīnam<sup>4</sup> sattannam kammānam vasena **nissāraṇā**, tesam̄ yeva kammānam patippassambhanavasena **osāraṇā** ca veditabbā, bhikkhunovādakasammutivasena<sup>5</sup> **sammuti**, parivāsadāna<sup>6</sup>mānattadānavasena<sup>7</sup> **dānam**, mūlāya paṭikassanavasena<sup>8</sup> **niggaho**, ukkhittānuvattikā, aṭṭha yāvatatiyakā, Aritṭho<sup>9</sup>, Caṇḍakālī<sup>10</sup> cāti ime te yāvatatiyakāti imāsam̄ ekādasannam̄ samanubhāsanānam vasena **samanubhāsanā**, upasampadākamma-abbhānakammavasena **kammalakkhaṇam** veditabbam. Iti ñatticatutthakammam satta ṭhānāni gacchati.

Imesu pana catūsu kammesu apalokanakammam apaloketvā'va kātabbam, ñattikammādivasena na kātabbam. Ñattikammampi ekam̄ ñattim thapetvāva kātabbam, apalokanakammādivasena na kātabbam.

Ñattidutiyakammaṁ pana

1. Vi 4. 262-263 piṭṭhe.

2. Vi 4. 209 piṭṭhe.

3. Vi 2. 191 piṭṭhe.

4. Vi 4. 1 (Pa) 68 piṭṭhesu.

5. Vi 2. 72 piṭṭhe.

6. Vi 4. 108, 236 piṭṭhesu.

7. Vi 4. 110 piṭṭhe.

8. Vi 4. 114 piṭṭhe.

9. Vi 2. 175 piṭṭhe.

10. Vi 2. 303 piṭṭhe.

apaloketvā kātabbampi atthi akātabbampi. Tattha sīmāsammuti sīmāsamūhananam<sup>1</sup> kathinacīvaradānam kathinuddhāro kuṭīvatthudesanā vihāravatthudesanāti imāni cha kammāni garukāni apaloketvā kātum na vatṭanti, nāttidutiyakammavācam sāvetvā'va kātabbāni. Avasesā terasa sammutiyo senāsanaggāhāpakamatakacīvaradānasammutiyo cāti etāni lahukammāni apaloketvāpi kātum vatṭanti, nāttikammādivasena pana na kātabbān'eva. Nātticatutthakammampi sakalakkhaṇen'eva kātabbam, na sesakammavasena. Evam attano attano lakkhaṇen'eva vatthuñatti-anussāvanāsīmāparisāsampattiyā katāni etāni kammāni dhammena vinayena Satthusāsanena katattā dhammo etesu atthīti **dhammikāni** nāma honti, iti etesām dhammikānam **kammānam chandam datvā pacchā khīyanadhammadam** āpajjantassa vācāya vācāya pācittiyam.

Sāvatthiyam chabbaggiye ārabbha khīyanadhammadapajjanavatthusmim paññattam, sādhāraṇapaññatti, anāṇattikam, dhammakamme vematikassa, adhammakamme dhammakammasaññino, vematikassa ca dukkaṭam. Adhammakammasaññissa, “ādhammena vā vaggena vā nakammārahassa vā kammām karontī”ti nātvā khīyantassa, ummattakādīnañca anāpatti. Dhammakammatā dhammakammasaññitā chandam datvā khīyananti imān'ettha tīṇi aṅgāni. Samuṭṭhānādīni Adinnādānasadisān'eva<sup>2</sup>, idam pana dukkhavedananti.

Kammappaṭibāhanasikkhāpadavaṇṇanā niṭṭhitā.

---

## 10. Chandaṇadatvāgamanasikkhāpadavaṇṇanā

Dasame **vinicchayakathāyāti** yāva ārocitaṁ vatthu avinicchikam, nāttim vā ṭhapetvā kammavācā aniṭṭhāpitā, tāva vinicchayakathā **vattamānā** nāma hoti. Yo bhikkhu etasmim antare kammaṁ kopetukāmatāya parisāya hatthapāsaṁ vijahati, tassa vijahane dukkaṭam, vijahite pācittiyam.

Sāvatthiyam aññataram bhikkhum ārabbha chandam adatvā pakkamanavatthusmim paññattam, sādhāraṇapaññatti, anāṇattikam, dhammakamme vematikassa,

1. Vi 3. 144, 149 piṭṭhesu.

2. Adinnādānasadisānevāti (Sī, Syā, Ka)

adhammakanme dhammadammasaññino vematikassa ca dukkaṭam. Adhammakanmmaññissa pana, yo ca “saṅghassa bhaṇḍanādīni vā bhavissanti, adhammena vā vaggena vā nakammārahassa vā kammam karissantī”ti<sup>1</sup> ñatvā gilāno vā hutvā gilānassa vā karaṇiyena uccārādīhi vā pīlito na ca kammam kopetukāmo “puna paccāgamissāmī”ti gacchati, tassa ummattakādīnañca anāpatti. Vinicchayakathāya vattamānatā dhammadhammadatā dhammadammasaññitā samānasimāyam ṛhitatā samānasamvāsakatā kopetukāmatāya hatthapāsavijahananti imān’ ettha cha aṅgāni. Samanubhāsanasamuṭṭhānam, kiriyākiriyaṁ, saññāvīmokkhām, sacittakām, lokavajjam, kāyakammam, vacīkammam, akusalacittam, dukkhavedananti.

Chandamadatvāgamanasikkhāpadavaṇṇanā niṭṭhitā.

---

### 11. Dubbalasikkhāpadavaṇṇanā

**Ekādasame samaggena saṅghenāti** samānasamvāsakena samānasimāyam ṛhitena saṅghena saddhim cīvaraṁ datvā. **Yathāsanthutanti** yo yo mittasandiṭṭha sambhattavasena santhuto, tassa tassāti attho. **Pācittiyanti** evam saṅghena saddhim sayameva senāsana paññāpanādivasena sammatassa bhikkhuno cīvaraṁ datvā pacchā khīyatassa vācāya vācāya pācittiyam.

Rājagahe chabbaggiye ārabbha cīvaraṁ datvā pacchā khīyanavatthusmiṁ paññattam, sādhāraṇapaññatti, anāṇattikam, dhammadamme tikapācittiyam, cīvaraṁ ṛhapetvā aññam vissajjiyavebhaṅgiyam parikkhāram datvā pacchā khīyatassa dukkaṭam. **Vissajjiyavebhaṅgiyo** nāma ṛhapetvā pañca garubhaṇḍāni<sup>2</sup> avaseso. Rāsivasena hi pañca garubhaṇḍāni vuttāni, tattha ārāmo ārāmavatthūti ekam, vihāro vihāravatthūti dutiyam, mañco pīṭham bhisi bimbohananti tatiyam, lohakumbhī lohabhāṇakam lohavārako lohakaṭāham vāsi parasu<sup>3</sup> kuṭhārī<sup>4</sup> kudālo nikhādananti catuttham, valli veļu muñjam pabbajam tiṇam

---

1. Vi 2. 201 piṭṭhe.    2. Vi 4. 321 piṭṭhe.    3. Pharasu (Sī, Kam)    4. Kudhārī (Ka)

mattikā dārubhaṇḍam mattikābhaṇḍanti pañcamam. Etāni hi pañca samghasantakāni n’eva samghassa na gaṇapuggalānam vissajjetum vā vibhajitum vā vaṭṭanti, vissajjitatibhattānipi samghikān’eva honti.

Thāvarena pana thāvaram itarena ca akappiyena mahagghakappiyena vā itaram samghassa upakāram sallakkhetvā kappiyaparivattanena parivattetum vaṭṭati, varasenāsanādīnam samrakkhaṇattham lāmakāni vissajjetum vissajjetvā paribhuñjituñca vaṭṭati. Ettha ca purimesu tīsu rāsīsu agarubhaṇḍam nāma kiñci n’atthi, catutthe lohakumbhī arañjarasaṇṭhānam lohabhāṇakam lohakaṭāhanti imāni tīpi antamaso pasatamatta-udakaggañhanakānipi garubhaṇḍāni. Lohavārako pana kālalohatambalohakam̄salohavaṭṭalohānam yena kenaci kato Sīhaṇadīpe pādaggañhanako bhājetabbo, **pādo** ca nāma magadhanāliyā pañcanālimattam gañhāti, tato atirekam̄ garubhaṇḍam. Imāni tāva Pāliyam̄ āgatāni lohabhājanāni.

Pāliyam<sup>1</sup> pana anāgatānipi bhiṅgārapaṭiggha-uluṇkadabbikāṭacchupātitaṭṭakasarakasamugga-aṅgārakapalladhūmakaṭacchu-ādīni khuddakānipi garubhaṇḍān’eva. Ayapatto ayathālakam tambalohathālakanti imāni pana bhājanīyāni, kam̄salohavaṭṭalohabhbājanavikati samghikaparibhogena vā gihivikaṭā vā vaṭṭati, puggalikaparibhogena na vaṭṭati. Ṭhapetvā pana tam bhājanavikatim aññasmimpi kappiyalohabhaṇḍe añjanī añjanisalākā natthudānam kaṇnamalaharaṇī sūci khuddako pipphaliko khuddakam̄ ārakanṭakam kuñcikā tālam kattarayaṭṭhi vedhako bhindivālako<sup>2</sup> yathā tathā ghanakataloham vippakatalohabhaṇḍāñca sabbam bhājanīyam. Dhūmanettaphāladīparukkhadīpakkapallika-olambakadīpa-itthipurisatiracchānarūpakāni pana aññāni vā bhitticchadanakavāṭādīsu upanetabbāni, antamaso lohakhilakam upādāya sabbānipi lohabhaṇḍāni garubhaṇḍāni yeva, attano laddhāni pariharitvāpi puggalikaparibhogena na paribhuñjitabbāni, samghikaparibhogena vā gihivikaṭāni vā vaṭṭanti, tipubhaṇḍepi es’eva nayo. Khīrapāsāñnamayāni taṭṭakasarakādīni garubhaṇḍāni yeva.

1. Vi 4. 321 piṭṭhe.

2. Bheṇḍivālako (Sī, Ka), Vi-Tītha 4. 80 piṭṭhe pana passitabbam.

Ghaṭako pana telabhājanam vā pādaggaṇhanakato atirekameva garubhaṇḍam, suvaṇṇarajata-ārakūṭajātiphalikabhājanāni gihivikaṭānipi na vaṭṭanti. Senāsanaparibhoge pana āmāsampi anāmāsampi sabbam vaṭṭati.

Vāsiyādīsu pana yāya vāsiyā dantakaṭṭhacchedana-ucchutacchanamattato aññam mahākammam kātum na sakkā, ayam bhājanīyā. Sesā yena kenaci ākārena katā garubhaṇḍam, parasu pana antamaso vejjānam sirāvedhakopi garubhaṇḍameva, tathā kuṭhārī. Yā pana āvudhasaṅkhepena katā, ayam anāmāsā, kudālo daṇḍabandhanikhādanam vā agarubhaṇḍam nāma n’atthi. Sammuñjanidaṇḍakhaṇanakam pana adaṇḍakam phalamattakameva, yam sakkā sipāṭikāya pakkipitvā pariharitum, tam bhājanīyam. Sikharampi nikhādanen’eva saṅgahitaṁ, yehi manussehi vihāre vāsi-ādīni dinnāni honti, te ce ghare dadḍhe vā vilutte vā “detha no bhante upakkhare, puna āharissāmā”ti<sup>1</sup> vadanti, dātabbā. Sace haranti<sup>2</sup>, na vāretabbā, anāharantāpi na codetabbā.

Kammārataṭṭakāracundakāranałakāramaṇikārapattabandhakānam<sup>3</sup> adhikaraṇimūṭhisāṇḍāsatulādīni sabbāni lohamayāni upakaraṇāni saṅghe dinnakālato paṭṭhāya garubhaṇḍāni. Tipukoṭṭakasuvāṇṇakāracammakāra-upakaraṇesupi es’eva nayo. Ayam pana viseso. Tipukoṭṭaka-upakaraṇesu tipucchedaṇakasatthakam, suvaṇṇakāra-upakaraṇesu suvaṇṇacchedanakasatthakam, cammakāra-upakaraṇesu kataparikammacammachedanakhuddakasatthanti imāni bhājanīyāni. Nhāpitatunnakāra-upakaraṇesupi ṭhapetvā mahākattarim mahāsaṇḍāsam mahāvippalikañca sabbam vaṭṭati, itarāni garubhaṇḍāni.

Valli-ādīsu vettavalli-ādikā yā kāci adḍhabāhuppamāṇā valli saṅghassa dinnā vā tatthajātakā vā rakkhitagopitā’va garubhaṇḍam, sā saṅghakamme ca cetiyakamme ca kate sace atirekā hoti, puggalikakammepi upanetum vaṭṭati, suttamakacivākanālikerahīracammamayā rajjukā vā yottāni vā vāke ca nālikerahīre ca vaṭṭetvā katā ekavaṭṭā vā dvivaṭṭā vā saṅghassa santakā garubhaṇḍam. Suttam pana avaṭṭetvā dinnam makacivākanālikerahīrā ca bhājanīyā. Yehi

1. Āharitvā demāti (Sī)

2. Āharanti (Ka)

3. Kammārathakāratacchakāra -pa- kānam (Sī, Kañ)

panetāni rajjukādīni dinnāni honti, te attano karaṇīyena harantā na vāretabbā.

Yo koci aṭṭhaṅgulasūcidāṇḍakamattopi veļu saṃghassa dinno vā tatthajātako vā rakkhitagopito garubhaṇḍam, sopi saṃghassa kamme ca cetiyakamme ca kate atireko puggalikakamme dātum vattati.

Pādaggaṇhanakatelanāli pana kattarayaṭṭhi upāhanadaṇḍako chattadaṇḍo chattasalākāti idamettha bhājanīyabhaṇḍam, daḍḍhagehamanussā gaṇhitvā gacchantā na vāretabbā.

Muñjañca pabbajañca avasesañca chadanatiṇam muṭṭhippamāṇampi chadanatiṇasaṅkhepagatesu tālapaṇṇādīsu yam kiñci ekapaṇṇampi saṃghassa dinnam vā tatthajātakam vā bahi-ārāme saṃghike tiṇavatthusmīm jātakam vā rakkhitagopitam garubhaṇḍam, tampi saṃghakamme ca cetiyakamme ca kate atirekam puggalikakamme dātum vattati. Daḍḍhagehamanussā gahetvā gacchantā na vāretabbā, aṭṭhaṅgulappamāṇopi rittakapotthako garubhaṇḍameva.

Mattikā pakatimattikā vā hotu pañcavaṇṇā vā sudhā vā sajjurasakaṅguṭṭhasilesādīsu vā yam kiñci dullabhaṭṭhāne ānetvā vā dinnam tatthajātakam vā rakkhitagopitam tālapakkamattam garubhaṇḍam hoti, tampi saṃghakamme ca cetiyakamme ca kate atirekam puggalikakamme dātum vattati. Hiṅguhiṅgulakaharitālamanosil’āñjanādīni pana bhājanīyāni.

Dārubhaṇḍe yo koci veļumhi vuttappamāṇo dārubhaṇḍako saṃghassa dinno vā tatthajātako vā rakkhitagopito garubhaṇḍam, api ca sabbāpi dāruveļucammappasāṇṇādivikati dārubhaṇḍena saṅgahitā, tattha mañcapīṭhehi asaṅgahitāni āsandikādīni antamaso colena vā palālehi vā paññehi vā katapīṭham upādāya sabbāni āsanāni.

Vaṇkaphalakam dīghaphalakam cīvaradhovanaphalakam  
ghaṭṭanaphalakam ghaṭṭanamuggaro dantakaṭṭhacchedanagaṇṭhikā  
daṇḍamuggaro nāvā ambaṇam rajanadoṇi udakapaṭicchako dārumayo vā  
dantamayo vā veļumayo vā sapādakopi apādakopi samuggo mañjūsā  
pādaggaṇhanakato atirekappamāṇo karaṇḍo udakadoṇi udakakaṭāham  
uļuňko kaṭacchupānīyasarāvam

pānīyasaṅkhoti etesu yam kiñci saṅghe dinnam garubhaṇḍam.  
Saṅkhathālakam pana bhājanīyam, tathā dārumayo udakatumbo.

Pādakathalikamaṇḍalam dārumayam vā hotu coḷapaṇṇādimayam vā sabbam garubhaṇḍam. Ādhārako pattapidhānam tālavaṇṭam bijanī caṅkoṭakam pacchi yaṭṭhisammuñjanī muṭṭhisammuñjanīti etesupi yam kiñci khuddakam vā mahantam vā dāruvelupaṇṇacammādīsu yena kenaci katham garubhaṇḍameva.

Thambhatulāsopānaphalakādīsu yam kiñci dārumayam vā pāsāṇamayam vā gehasambhārūpagam yo koci kaṭasārako yam kiñci bhūmattharaṇam yam kiñci akappiyacammasam, sabbam saṅghikam garubhaṇḍam, bhūmattharaṇam kātum vaṭṭati. Eḷakacammaṁ pana paccattharaṇagatikam hoti, tampi garubhaṇḍameva, kappiyacammasam bhājanīyāni, **Kurundiyaṁ** pana sabbam mañcappamāṇam cammasam garubhaṇḍanti vuttam.

Udukkhalam musalam suppam nisadam<sup>1</sup> nisadapoto pāsāṇadoni pāsāṇakāṭāham sabbam kasibhaṇḍampi garubhaṇḍam, sabbam cakkayuttayānam garubhaṇḍameva. Mañcapīṭhānam pādā ca aṭaniyo ca vāsiparasu-ādīnam daṇḍā cāti etesu yam kiñci aniṭṭhitam bhājanīyam, tacchitamatiṭṭham pana garubhaṇḍam hoti, anuññātavāsiyā daṇḍo chattam muṭṭhipaṇṇam kattarayaṭṭhi upāhanā<sup>2</sup> arañisahitam dhammadakaṇo pādaggāṇhanakato anatirittam āmalakatumbam āmalakaghaṭo lābukatumbam lābukaghaṭo visāṇatumbanti sabbametam bhājanīyam, tato param garubhaṇḍam.

Hatthidanto vā yam kiñci visāṇam vā atacchitam yathāgatameva bhājanīyam, tehi katamañcapīṭhapādādīsu purimasadiso'va vinicchayo. Tacchitaniṭṭhitopi hiṅgukaraṇḍako añjanikaraṇḍako gaṇṭhiko vidho añjanī añjanisalākā udakapuñchanīti idam sabbam bhājanīyameva.

Mattikābhaṇḍe sabbam manussānam upabhogaparibhogam ghaṭapiṭharādikulālabhājanam<sup>3</sup>, pattakaṭāham aṅgārakaṭāham dhūmadānakam dīparukkhako dīpakapallikā cayaniṭṭhakā chadaniṭṭhakā thupikāti sabbam garubhaṇḍam, etesu pana vuttanayesu garubhaṇḍesu yam kiñci veļu-ādīm attano atthāya gaṇṭhantenā samakam vā atirekam vā phāṭikammarāt kātvā gahetabbarāt.

1. Nisado (Sī), nisadā (Kam); Vi-Tṭha 4. 83 piṭṭhe pana passitabbarāt.

2. Upāhanadaṇḍako (Sī)

3. Ghaṭapidhānādikulālabhājanam (Syā, Ka)

Pādaggaṇhanakato anatirittappamāṇo pana ghaṭako patto thālakam kañcanako kuṇḍikāti idamettha bhājanīyam. Yathā ca mattikābhāṇḍe evam lohabhaṇḍepi kuṇḍikā bhājanīyakoṭṭhāsameva bhajati. Iti yaṁ bhājanīyam vissajjanīyampi tam<sup>1</sup> evam vissajjiyavebhaṅgiyasaṅkhātam aññam parikkhāram datvā khīyatassa dukkaṭam, itaram pana dātumeva na vaṭṭati. Issaravaṭāya dento thullaccayam āpajjati, theyyacittra gaṇhanto bhaṇḍam agghāpetvā kāretabbo. Yathā ca aññam parikkhāram datvā khīyatassa dukkaṭam, tathā saṅghena asammatassa cīvaram vā aññam vā parikkhāram datvā khīyatassa dukkaṭameva, anupasampanne sabbattha tikadukkaṭam. Pakatiyā pana chandādivasena<sup>2</sup> karontam disvā “ko attho tassa dinnena, laddhāpi vinipātessati, na sammā upanessat”ti khīyatassa, ummattakādīnañca anāpatti. Upasampannatā, dhammena laddhasammutitā, saṅghena saddhim vikappanupagacīvaradānam, pacchā khīyitukāmatāya khīyanāti imān’ ettha cattāri aṅgāni. Samuṭṭhānādīni adinnādānasadisāni, idam pana dukkhavedananti.

Dubbalasikkhāpadavaṇṇanā niṭṭhitā.

## 12. Pariṇāmanasikkhāpadavaṇṇanā

Dvādasame sabbam Timśakakaṇḍe Pariṇāmanasikkhāpade vuttanayameva. Ayameva hi viseso. Tattha attano pariṇāmitattā nissaggyam pācittiyam, idha puggalassa pariṇāmitattā suddhikapācittiyanti.

Pariṇāmanasikkhāpadavaṇṇanā niṭṭhitā.

Sahadhammikavaggo aṭṭhamo.

## 9. Ratanavagga 1. Antepurasikkhāpadavaṇṇanā

Ratanavaggassa paṭhame **khattiyassāti** khattiyajātikassa, muddhābhisittassāti khattiyābhisekena muddhani abhisittassa. Anikkhanto rāja

---

1. Etam (Sī, Kam)

2. Vi 2. 203 piṭṭhe.

itoti anikkhantarājakam, tasmim **anikkhantarājake**, sayanighareti attho. **Ratanam** vuccati mahesī, **niggatanti** nikkhantam<sup>1</sup>, aniggataṁ<sup>2</sup> ratanam itoti aniggataratanakam<sup>3</sup>, tasmim **aniggataratanake**<sup>4</sup>, sayanighareti attho. **Indakhilam atikkameyyāti** ettha attano āgatabhāvam ajānāpetvā sayanigharassa ummāram paṭhamam pādām atikkāmentassa dukkaṭam, dutiyam<sup>5</sup> pācittiyaṁ.

Sāvatthiyam āyasmantam Ānandam ārabbha rañño antepurappavisanavatthusmim paññattam, asādhāraṇapaññatti, anāñattikam, tikapācittiyan, paṭisamvidite appaṭisamviditasāññino, vematikassa ca dukkaṭam. Paṭisamviditasāññissa, na khattiyassa vā na khattiyābhisekena abhisittassa vā ubhosu vā ubhinnam vā aññatarasmim nikkhante sayanigharam pavasantassa, asayanighare, ummattakādīnañca anāpatti. Khattiyatā abhisittatā ubhinnampi sayanigharato anikkhantatā appaṭisamviditatā indakhilatikkamoti imān’ettha pañca aṅgāni. Samuṭṭhanādīni paṭhamakathinasadisāni, idam pana kiriyākiriyyanti.

Antepurasikkhāpadavaṇṇanā niṭṭhitā.

---

## 2. Ratasikkhāpadavaṇṇanā

Dutiye **ratananti** muttādidasavidham. **Ratasammatanti** yam kiñci manussānam upabhogaparibhogam. **Ajjhārāme** vāti parikkhittassa antoparikkhepe aparikkhittassa dvinnam ledḍupātānam anto. **Ajjhāvasatheti** parikkhittassa antopaṭikkhepe, aparikkhittassa musalapātabbhantare. Ayam pan’ ettha vinicchayo—jatarūparajataṁ attano athāya uggañhantassa vā uggañhāpentassa vā nissaggiyam pācittiyaṁ.

Samghagaṇapuggalacetiyananavakammānam atthāya dukkaṭam, avasese muttādiratane sabbesampi atthāya dukkaṭameva. Kappiyavatthum vā akappiyavatthum vā antamaso mātusantakampi bhaṇḍāgārikasīsenā paṭisāmentassa pācittiyaṁ, tādisam pana attano santakam katvā paṭisāmetum vat̄ati. “Idam paṭisāmethā”ti vutte pana

1. Anībhantanti anikkhanti (Sī, Syā, Kam)

2. Anībhatarām (Sī, Syā, Kam)

3. Anībhataratanakam (Sī, Syā, Kam)

4. Anībhataratanake (Sī, Syā, Kam)

5. Dutiye (Sī), Mahāṭīkā 4. 273 piṭṭhe.

“na vaṭṭatī”ti paṭikkhipitabbam. Sace kupitā pātetylā gacchanti, palibodho nāma hoti, paṭisāmetabbam. Vihāre kammam karontā vadḍhakī-ādayo vā rājavallabhā vā “yam kiñci upakaraṇam vā sayanabhaṇḍam vā paṭisāmetvā dethā”ti vadanti, chandenapi bhayenapi na kātabbameva, guttaṭṭhānam pana dassetum vaṭṭati.

Ajjhārāma-ajjhāvasathesupi yādise ṭhāne “bhikkhūhi vā sāmaṇerehi vā gahitam bhavissatī”ti āsaṅkā uppajjati, tādise yeva ṭhāne uggahetvā vā uggahāpetvā vā saññāṇam katvā nikkipitabbam, “yassa bhaṇḍam naṭṭham, so āgacchatū”ti ca ācikkhitabbam. Atha yo āgacchati, so “kīdisam te bhaṇḍam naṭṭhan”ti pucchitabbo, sace saññāṇena sampādeti, dātabbam. No ce, ‘vicināhī’ti vattabbo. Tamhā āvāsā pakkamantena<sup>1</sup> patirūpānam bhikkhūnam hatthe, tesu asati patirūpānam gahapatikānam hatthe nikkipitvā pakkamitabbam. Yo pana n’eva pakkamati, na sāmikam passati, tena thāvaraṁ senāsanam vā cetiyam vā pokkharaṇim vā kāretabbo. Sace dīghassa addhuno accayena sāmiko āgacchati, tam dassetvā ‘anumodāhi’ti vattabbo. Sace n’ānumodati, “dehi me dhanan”ti codeti, samādapetvā dātabbam.

Sāvatthiyam aññataram bhikkhum ārabbha ratana-uggaṇhanavatthusmiṁ paññattam, “aññatra ajjhārāmā vā ajjhāvasathā vā”ti ayamettha duvidhā anupaññatti, sādhāraṇapaññatti, sāṇattikam, anuññātaṭṭhāne anādariyena uggahetvā anikkipantassa dukkaṭam. Anuññātaṭṭhāne gahetvā nikkipantassa, yam hoti āmāsam ratanasammataṁ, tam vissāsam vā tāvakālikam vā uggāṇhantassa, paṁsukūlasaññāya gaṇhato, ummattakādīnañca anāpatti. Ananuññātakaraṇam<sup>2</sup> parasantakatā vissāsagāhapāṁsukūlasaññānam abhāvo uggahaṇam vā uggahāpanam vāti imān’ettha cattāri aṅgāni. Samutṭhānādīni sañcarittasadisānīti.

Ratasikkhāpadavaṇṇanā niṭṭhitā.

1. Pakkamantenapi (Sī), Vi 2. 213 piṭhe pana passitabbam.

2. Ananuññātakāraṇam (Sī, Ka)

### 3. Vikālagāmappavesanasikkāpadavaṇṇanā

Tatiye santam bhikkhum anāpucchāti idam cāritte vuttanayameva.

Vikāleti majjhānhikātikkamato paṭṭhāya anto-aruṇe, etasmim antare “vikāle gāmappavesanam āpucchāmī”ti vā “gāmam pavisissāmī”ti vā anāpucchitvā asati tathārūpe accāyike karaṇīye parikkhittassa gāmassa parikkhepaṁ atikkamantassa aparikkhittassa upacāram okkamantassa paṭhamapāde dukkaṭam, dutiyapāde pācittiyyam. Sacepi sambahulā kenaci kammena gāmam pavisanti, sabbehi aññamaññam āpucchitabbam. “Tasmim gāme tam kammam na sampajjati”ti aññam gāmam gacchantānam puna āpucchanakiccam n’atthi. Sace pana ussāham paṭipassambhetvā vihāram gacchantā antarā aññam gāmam pavisitukāmā honti, āpucchitabbameva. Kulaghare vā āsanasālāyam vā bhattakiccam katvā telabhikkhāya vā sappibhikkhāya vā caritukāmena sace passe bhikkhu atthi, āpucchitabbo, asante ‘n’atthī’ti gantabbam. Vīthim otaritvā pana bhikkhum disvāpi āpucchanakiccam n’atthi. Yo pana gāmamajjhena maggo hoti, sace tena gacchantassa “telādīnam atthāya carissāmī”ti cittam uppajjati, passe bhikkhum disvā āpucchitabbam. Maggā anokkamma carantassa pana āpucchanakiccam n’atthi, okkamantassa vuttanayen’eva pācittiym.

Sāvatthiyam chabbaggiye ārabbha vikāle gāmappavesanavatthusmim paññattam, “santam bhikkhun”ti ca “anāpucchā”ti ca “aññatra tathārūpā accāyikā karaṇīyā”ti<sup>1</sup> ca imā pan’ettha tisso anupaññattiyo, asādhāraṇapaññatti, anāṇattikam, tikapācittiyyam, kāle vikālasaññino, vematikassa ca dukkaṭam. Kālasaññino pana, yo ca accāyike vā karaṇīye<sup>2</sup>, santam vā āpucchitvā, asantam vā anāpucchitvā pavisati, antarārāmabhikkhunupassyatitthiyaseyyapātikkamanesu vā aññataram gacchat, tassa, gāmena maggo hoti, tena gacchato, āpadāsu, ummattakādīnañca anāpatti. Santam bhikkhum anāpucchatā, anuññātakāraṇābhāvo, vikāle gāmappavisananti imān’ettha tīṇi aṅgāni. Samutṭihānādīni kathinasadisān’eva, idam pana kiriyākiryanti. Vikālagāmappavesanasikkāpadavaṇṇanā niṭṭhitā.

1. Tathārūpā accāyikā (Sī, Ka)

2. Accāyikena vā karaṇīyena (Ka)

#### 4. Sūcigharasikkhāpadavaṇṇanā

Catutthe bhedanameva bhedanakam, tam assa atthīti **bhedanakam**. Tasmā evarūpe sūcighare karaṇakārāpanesu dukkaṭam, paṭilābhena pana tam bhinditvā pācittiyaṁ desetabbam.

Sakkesu sambahule bhikkhū ārabba  
bahusūcigharavīññāpanavatthusmim paññattam, sādhāraṇapaññatti,  
sāṇattikam, attanā vippakataṁ attanā vā parehi vā parehi vippakatampi  
attanā vā parehi vā pariyosāpetvā labhantassa catukkapācittiyaṁ.  
Aññassatthāya karaṇakārāpanesu, aññena kataṁ paṭilabhitvā paribhuñjane  
dukkataṁ. Gaṇṭhike arañike vidhe añjaniyā añjanisalākāya vāsijaṭe  
udakapuñchaniyāti etesu yam kiñci aṭṭhi-ādīhi karontassa,  
ummattakādīnañca anāpatti. Sūcigharatā, aṭṭhimayāditā, attano atthāya  
karaṇam vā kārāpetvā vā paṭilābhoti imān’ettha tīṇi aṅgāni. Samuṭṭhānādīni  
sañcarittasadisānīti.

Sūcigharasikkhāpadavaṇṇanā niṭṭhitā.

---

#### 5. Mañcapīṭhasikkhāpadavaṇṇanā

Pañcame mañcanti masārakādīsu aññataram. Pīṭhampi tādisameva, tam  
pana mañco viya atidīgham, āsandiko viya ca samaṁ caturassam na hoti.  
**Chedanakam** bhedanakasadisameva.

Sāvatthiyam Upanandaṁ ārabba ucce mañce sayanavatthusmim  
paññattam, pamāṇikam karontassa, pamāṇātikkantam labhitvā chinditvā  
yathā pamāṇameva upari dissati, evam nikhaṇitvā vā, uttānam vā katvā,  
aṭṭakam vā bandhitvā paribhuñjantassa, ummattakādīnañca anāpatti.  
Pamāṇātikkantamañcapīṭhatā, attano atthāya karaṇam vā kārāpetvā vā  
paṭilābhoti imān’ettha dve aṅgāni. Sesam sabbam  
Sūcigharasikkhāpadasadisamevāti.

Mañcapīṭhasikkhāpadavaṇṇanā niṭṭhitā.

## 6. Tūlonaddhasikkhāpadavaṇṇanā

Chaṭṭhe tūlam̄ onaddhametthāti **tūlonaddham̄**, cimilikam̄ pattharitvā tūlam̄ pakkhipitvā upari cimilikāya<sup>1</sup> onaddhanti vuttam̄ hoti. **Uddālanakam̄** bhedanakasadisameva.

Sāvatthiyaṁ chabbaggiye ārabbha tūlonaddhakārāpanavatthusmim̄ paññattam̄, āyoge kāyabandhane aṁsabaddhake pattatthavikāya parissāvane bimbohane, aññena kataṁ tūlonaddham̄ paṭilabhitvā uddāletvā paribhuñjantassa, ummattakādīnañca anāpatti. **Bimbohanañc’ettha** sīsappamāṇameva vat̄ṭati, sīsappamāṇam̄ nāma yassa vitthārato tīsu koṇesu dvinnam̄ antaram̄ vidathicaturaṅgulam̄ hoti, majjhe muṭṭhiratanam̄, dīghato diyadḍharatanam̄ vā dviratanam̄ vā. Tūlonaddhamañcapīṭhatā, attano atthāya karaṇam̄ vā kārāpetvā vā paṭilābhōti imān’ettha dve aṅgāni. Sesam̄ vuttanayen’eva veditabbanti.

Tūlonaddhasikkhāpadavaṇṇanā niṭṭhitā.

---

## 7. Nisīdanasikkhāpadavaṇṇanā

Sattame **nisīdananti** santhatasadisam̄ santharitvā ekasmim̄ ante Sugatavidatthippamāṇam̄ dvīsu ṭhānesu phāletvā katāhi tīhi dasāhi yuttassa parikkhārass’etam̄ nāmam̄.

Sāvatthiyaṁ chabbaggiye ārabbha appamāṇikāni nisīdanāni dhāraṇavatthusmim̄ paññattam̄, “dasā vidathī”ti ayamettha anupaññatti, asādhāraṇapaññatti, pamāṇikam̄ vā ūnakam̄ vā karontassa, aññena kataṁ pamāṇātikkantam̄ paṭilabhitvā chinditvā paribhuñjantassa, vitānādīsu yan kiñci karontassa, ummattakādīnañca anāpatti. Nisīdanassa pamāṇātikkantatā attano atthāya karaṇam̄ vā kārāpetvā vā paṭilābhōti imān’ettha dve aṅgāni. Sesam̄ vuttanayen’eva veditabbanti.

Nisīdanasikkhāpadavaṇṇanā niṭṭhitā.

---

1. Cilimikāya (Sī, Syā, Kam)

### **8. Kaṇḍuppaṭicchādisikkhāpadavaṇṇanā**

Aṭṭhame kaṇḍuppaṭicchādinti adhonābhi-ubbhajāṇumandalam kaṇḍupīlaka-assāvathullakacchābādhānam paṭicchādanattham anuññātam cīvaraṁ.

Sāvatthiyam chabbaggiye ārabbha appamāṇikāyo kaṇḍuppaṭicchādikāyo dhāraṇavatthusmim paññattam, sādhāraṇapaññatti, sesam Nisidane vuttanayen’eva veditabbanti.

Kaṇḍuppaṭicchādisikkhāpadavaṇṇanā niṭṭhitā.

---

### **9. Vassikasāṭikasikkhāpadavaṇṇanā**

Navame Sāvatthiyam chabbaggiye ārabbha appamāṇikāyo vassikasāṭikāyo dhāraṇavatthusmim paññattam. Sesamettha yam vattabbaṁ, tam Nisidane vuttanayamevāti.

Vassikasāṭikasikkhāpadavaṇṇanā niṭṭhitā.

---

### **10. Nandasikkhāpadavaṇṇanā**

Dasame Sāvatthiyam āyasmantam Nandam ārabbha Sugatacīvarappamāṇam cīvaraṁ dhāraṇavatthusmim paññattam, sādhāraṇapaññatti, sesam Nisidane vuttanayamevāti.

Nandasikkhāpadavaṇṇanā niṭṭhitā.

Ratanavaggo navamo.

Kaṅkhāvitarāṇiyā pātimokkhavaṇṇanāya

Suddhapācittiyavaṇṇanā niṭṭhitā.

# Pāṭidesanīyakaṇḍa

## 1. Paṭhamapāṭidesanīyasikkhāpadavaṇṇanā

Pāṭidesanīyesu paṭhame **antaragharam paviṭṭhāyāti** vacanato sace tassā antarāramādīsu ṣhatvāpi dadamānāya hatthato sayam rathiyābyūhasiṅghāṭakagharānam aññatarasmiṁ ṣhitopi gaṇhāti, doso n’atthi. Tassā pana rathiyādīsu ṣhatvā dadamānāya rathiyādīsu vā antarāramādīsu vā ṣhatvāpi yam kiñci āmisam ajjhoharaṇatthāya gaṇhato paṭiggahaṇe dukkaṭam, ajjhohāre ajjhohāre pāṭidesanīyam. Tassa desetabbākāro **gārayham** āvusoti-ādinā nayena sikkhāpade dassito yeva.

Sāvatthiyam aññatararam bhikkhum ārabbha aññātikāya bhikkhuniyā antaragharam paviṭṭhāya hatthato āmisam paṭiggahaṇavatthusmim paññattam, asādhāraṇapaññatti, anāṇattikam, yathā c’etam, tathā sesānipi, tikapāṭidesanīyam, yāmakālikādīsu paṭiggahaṇepi ajjhoharaṇepi dukkaṭam, ekato-upasampannāya yāvakālikepi tath’eva, ñātikāya aññātikasaññivematikānampi es’eva nayo. Ñātikasaññino pana, ñātikāya vā dāpentiyā, upanikkhipitvā vā dadamānāya, yā ca antarāramabhikkhunupassayatithiyaseyyapaṭikkamanesu ṣhatvā gāmato bahi nīharitvā, yāmakālikādīni vā “sati paccaye paribhuñjā”ti deti, tassa, sikkhamānasāmaṇerīnañca hatthato gahetvā paribhuñjantassa, ummattakādīnañca anāpatti. Paripuṇṇūpasampannaṭā aññātikatā antaraghare ṣhitāya hatthato sahatthā paṭiggahaṇam yāvakālikatā ajjhoharaṇanti imān’ettha pañca aṅgāni. Samuṭṭhānādīni elakalomasadisānīti.

Paṭhamapāṭidesanīyasikkhāpadavaṇṇanā niṭṭhitā.

---

## 2. Dutiyapāṭidesanīyasikkhāpadavaṇṇanā

Dutiye idha sūpanti-ādi vosāsanākāradassanam. **Apasakka tāva bhaginīti-ādi** apasādetabbākāradassanam. Tatr’āyam vinicchayo—

eken'āpi bhikkhunā<sup>1</sup> anapasādite ajjhoharaṇatthāya āmisam gaṇhantānam paṭiggahaṇe dukkaṭam, ajjhohāre ajjhohāre pāṭidesanīyanti.

Rājagahe chabbaggiye ārabbha bhikkhuniyā vosāsantiyā nanivāraṇavatthusmiṁ paññattam, tikapāṭidesanīyam, ekato-upasampannāya vosāsantiyā nanivārentassa dukkaṭam, tathā anupasampannāya upasampannasaññino vematikassa ca. Anupasampannasaññino, pana yo ca attano vā bhattam dāpentiyā, aññesam vā bhattam dentiyā, yam vā na dinnam, tam dāpentiyā, yattha vā na dinnam, tattha, sabbesam vā samakam dāpentiyā, sikkhamānāya vā sāmaṇeriyā vā vosāsantiyā paṭiggahetvā bhuñjati, tassa pañca bhojanāni ṭhapetvā sabbattha, ummattakādīnañca anāpatti. Paripuṇṇūpasampannaṭa pañcabhojanatā antaraghare anuññātapakārato aññathā vosāsanā anivāraṇā, ajjhoharaṇanti imān'ettha pañca aṅgāni. Samuṭṭhānādīni kathinasadisānīti.

Dutiyapāṭidesanīyasikkhāpadavaṇṇanā niṭṭhitā.

---

### 3. Tatiyapāṭidesanīyasikkhāpadavaṇṇanā

Tatiye sekκhasammatānīti laddhasekkhasammutikāni. Pubbe animantoti gharūpacārokkamanato paṭhamataram upacāram anokkamante yeva pubbe animantito. **Agilāno** nāma yo sakkoti piṇḍāya caritum. Pāṭidesanīyanti gharūpacāram okkamitvā āmisam gaṇhantassa paṭiggahaṇe tāva dukkaṭam, tam gahetvā yattha katthaci bhuñjantassa ajjhohāre ajjhohāre pāṭidesanīyanti.

Sāvatthiyam sambahule bhikkhū ārabbha na mattam jānitvā paṭiggahaṇavatthusmiṁ paññattam, “pubbe animantito agilāno”ti imā pan'ettha dve anupaññattiyo, tikapāṭidesanīyam, yāmakālikādīsu paṭiggahaṇepi ajjhohārepi dukkaṭam, tathā asekκhasammate sekκhasammatasāññino vematikassa ca. Asekκhasammatasāññino pana yo ca pubbe nimantito

---

1. Ettha ṭhāne ‘evan’ti pāṭho Kambodiyamūle atthi.

vā gilāno vā aññassa vā tesam ghare paññattam bhikkham gaṇhāti, yassa ca gharato nīharitvā, āsanasālādīsu vā bhikkhum adisvā paṭhamam yeva nīharitvā, dvāramūle vā ṭhapitam denti, tassa tam bhuñjantassa, niccabhattake, salākabhatte, pakkhike, uposathike, pāṭipadike, yāmakālikādīm<sup>1</sup> “sati paccaye paribhuñjā”ti dinnam<sup>2</sup> paribhuñjantassa, ummattakādīnañca anāpatti. Sekkhasammata pubbe animantitatā agilānatā gharūpacārokkamanam ṭhapetvā niccabhattakādīni añnam āmisam gahetvā bhuñjananti imān’ettha pañca aṅgāni. Samuṭṭhanādīni eḷakalomasadisānīti.

Tatiyapāṭidesanīyasikkhāpadavaṇṇanā niṭṭhitā.

---

#### 4. Catutthapāṭidesanīyasikkhāpadavaṇṇanā

Catutthe yāni kho pana tāni āraññakānīti-ādi Cīvaravippavāsasikkhāpade vuttanayen’eva veditabbarā. **Pubbe appaṭisamñviditanti** ettha yam itthiyā vā purisena vā gahaṭṭhena vā pabbajitena vā ārāmam vā ārāmūpacāram vā pavisitvā “itthannāmassa bhante kulassa khādanīyam vā bhojanīyam vā āhariyissatī”ti<sup>3</sup> ārocitam, tam pacchā yathā-ārocitameva vā āhariyatu, tassa parivāram katvā añnam vā tena saddhim bahukampi, “itthannāmam kularā paṭisamñviditam katvā khādanīyam vā bhojanīyam vā gahetvā gacchatī”ti sutvā aññāni vā kulāni tehi saddhim āharantu, tam sabbam **paṭisamñviditam** nāma. Yam pana evam anārocitam anāhaṭañca, tam **appaṭisamñviditam** nāma. **Agilāno** nāma yo sakkoti piṇḍaya gantum. **Pāṭidesanīyanti** evarūpam antamaso ārāmamajjhena gacchanterhi addhikehi dinnampi ārāme vā ārāmūpacāre vā paṭiggahetvā ajjhoharantassa paṭiggahaṇe dukkaṭam, ajjhohāre ajjhohāre pāṭidesanīyanti.

Sakkesu sambahule bhikkhū ārabbha ārāme core paṭivasante anārocanavatthusmīm paññattam, “agilāno”ti ayameththa ekā anupaññatti,

1. Yāmakālikādīni (Sī), yāmakālikādīsu yamkiñci (Kam)

2. Aññena dinnam (Kam)

3. Vi 2. 237 piṭṭhe.

tikapāṭidesanīyam, yāmakālikādīsu āhāratthāya paṭiggahaṇepi ajjhohārepi dukkaṭameva, tathā paṭisamvidite appaṭisamviditasaññino vematikassa ca, paṭisamviditasaññino, pana gilānassa, yo ca paṭisamviditam katvā āhaṭam vā gilānāvasesakam vā bahārāme vā paṭiggahitam, tatthajātakameva vā mūlaphalādiṁ, yāmakālikādīsu vā yaṁkiñci “sati paccaye paribhuñjā”ti laddham paribhuñjantassa, ummattakādīnañca anāpatti. Yathāvutta-āraññakasenāsanatā yāvakālikassa atathajātakatā agilānatā agilānāvasesakatā appaṭisamviditatā ajjhārāme paṭiggahaṇam ajjhoharaṇanti imān’ettha satta aṅgāni. Samuṭṭhānādīni Kathinasadisān’eva, idam pana kiriyākiriyantri.

Catutthapāṭidesanīyasikkhāpadavaṇṇanā niṭṭhitā.

Kaṇkhāvitaraṇiyā pātimokkhavaṇṇanāya

Pāṭidesanīyavaṇṇanā niṭṭhitā.

# Sekhiyakaṇḍa

## 1. Parimāṇḍalasikkhāpadavaṇṇanā

Sekhiyesu<sup>1</sup> paṭhame **parimāṇḍalanti** samantato maṇḍalam. **Sikkhā karaṇīyāti** “evam nivāsessāmī”ti ārāmepi antaragharepi sabbattha sikkhā kātabbā, ettha ca yasmā Vattakkhandhake vuttavattānipi sikkhitabbattā<sup>2</sup> sekhiyān’eva honti, tasmā pārājikādīsu viya paricchedo na kato. Cārittavinayadassanathañca “yo pana bhikkhu olambento nivāseyya, dukkaṭan”ti evam āpattināmena avatvā “sikkhā karaṇīyā”ti evam sabbasikkhāpadesu Pāli āropitā, Padabhājane<sup>3</sup> pana “āpatti dukkaṭassā”ti vuttattā sabbattha anādariyakaraṇe dukkaṭam veditabbam.

Idāni **parimāṇḍalanti** ettha nābhimaṇḍalam paṭicchādetvā jāṇumaṇḍalassa hetṭhā jaṅghaṭṭikato paṭṭhāya aṭṭhaṅgulamattam nivāsanam otāretvā nivāsentena parimāṇḍalam nivattham nāma hoti, evam anivāsetvā anādariyena purato vā pacchato vā olambetvā nivāsentassa dukkaṭam. Na kevalañca tass’eva, ye c’aññe “tena kho pana samayena chabbaggyā gihinivattham nivāsentī, hatthisoṇḍakam macchavālakam catukkaṇṇakam tālavaṇṭakam satavalikam nivāsentī, saṁvalliyam nivāsentī”ti Khandhake<sup>4</sup> nivāsanadosā vuttā, tathā nivāsentassapi dukkaṭameva.

Tattha **hatthisoṇḍakam** nāma nābhimūlato hatthisoṇḍasañṭhānam olambakam katvā nivattham colika-itthīnam<sup>5</sup> nivāsanam viya. **Macchavālakam** nāma ekato dasantam ekato pāasantam olambetvā nivattham. **Catukkaṇṇakam** nāma upari dve, heṭṭhato dveti evam cattāro kanṇe dassetvā nivattham. **Tālavaṇṭakam** nāma tālavaṇṭakārena sāṭakam olambetvā nivattham. **Satavalikam** nāma dīghasāṭakam anekakkhattum obhujitvā<sup>6</sup> ovaṭṭikam karontena nivattham, vāmadakkhiṇapassesu vā nirantaram valiyo dassetvā nivattham. Sace pana jāṇuto paṭṭhāya ekā vā dve vā valiyo paññāyanti, vaṭṭati.

1. Chabbisatisāruppā (Kam)

3. Vi 2. 239 piṭṭhe.

5. Nivatthacolakithīnam (Sī)

2. Tathāsikkhitabbattā (Sī)

4. Vi 4. 277 piṭṭhe.

6. Obhañjītvā (Sī, Kam), Vi-Tṭha 4. 54 piṭṭhe.

**Sarivalliyanti** mallakammakārādīhi viya kaccham bandhitvā nivattham. Evam nivāsetum gilānass’āpi maggappaṭipannass’āpi na vaṭṭati. Yampi maggām gacchantā ekam vā dve vā kaṇe ukkhipitvā antaravāsakassa upari lagganti, anto vā ekam kāsāvam tathā nivāsetvā bahi aparam nivāsentī, sabbam na vaṭṭati.

Gilāno pana antokāsāvassa ovaṭṭikam dassetvā aparam upari nivāsetum labhati, agilānenā dve nivāsentena saguṇam katvā nivāsetabbāni. Iti imaṁ Khandhake paṭikkhittañca olambakañca sabbam vivajjetvā vuttalakkhaṇasampannam nibbikāram parimaṇḍalam nivāsetabbam, tathā anivāsetvā yam kiñci vikāram karontassa dukkaṭam.

“Nidānam puggalam vatthun”ti-ādike<sup>1</sup> pana vinicchaye surusurukārakam Kosambiyam paññattam, sāmisena hatthena pānīyathālakasitthakapattadhoverapatiṣamyuttadvayam Bhaggesu sambahule bhikkhū ārabbha, sesāni sabbān’eva Sāvatthiyam chabbaggiye ārabbha olambetvā nivāsanādivatthusmim paññattāni. Sūpodanaviññattiyaṁ dhammadesanādīsu ca gilānavasena ekā anupaññatti, sabbāni sādhāraṇapaññattiyo, anāṇattikāni, sabbesu dukkaṭameva, añño āpattibhedo n’atti, vipattivicāraṇā vuttā yeva, samuṭṭhanādīni sabbesam avasāne dassayissāma. Anāpattimattam pana aṅgañca sabbattha vattabbam, tayidam vuccati. Imasmim tāva sikkhāpade asañcicca, assatiyā, ajānantassa, gilānassa, āpadāsu, ummattakādīnañca anāpatti.

Tattha **asañciccati** “aparimaṇḍalam nivāsessāmī”ti evam asañcicca atha kho “parimaṇḍalam yeva nivāsessāmī”ti virajjhitvā aparimaṇḍalam nivāsentassa anāpatti. **Assatiyāti** aññāvihitass’āpi tathā nivāsentassa anāpatti. **Ajānantassāti** parimaṇḍalam nivāsetum ajānantassa anāpatti, api ca nivāsanavattam uggahetabbaṁ. Yo pana sukkhajaṅgho vā hoti mahāpiṇḍikamāṁso vā, tassa sāruppatthāya atṭhaṅgulādhikampi otāretvā nivāsetum vaṭṭati. **Gilānassāti** yassa jaṅghāya vā pāde vā vaṇo hoti, tassa ukkhipitvā vā otāretvā vā nivāsetum vaṭṭati. **Āpadāsūti** vālā vā corā vā anubandhanti, evarūpāsu āpadāsu

---

1. Kaṅkhā-Tīha 109 piṭṭhe.

anāpatti. **Ummattakādayo** vuttanayā eva. Anādariyam anāpattikāraṇābhāvo aparimaṇḍalanivāsananti imān’ ettha tīṇi aṅgāni. Yathā c’ ettha, evam sabbattha purimāni dve tattha tattha vuttappaṭipakkhakaraṇāñcāti tīṇi yeva honti, tasmā ito param tānipi avatvā anāpattimattameva vakkhāmāti.

## 2. Dutiyaparimaṇḍalasikkhāpadavaṇṇanā

Dutiye “na bhikkhave gihipārutarām pārupitabban”ti<sup>1</sup> evam paṭikkhittam gihipārutam apārupitvā ubho kaṇe samam katvā pārupanam **parimaṇḍalapārupanam** nāma, tattha yam kiñci setapaṭapārutam paribbājakapārutam ekasāṭakapārutam surāsonḍapārutam antepurikapārutam mahājetṭhapārutam kuṭippavesakapārutam brāhmaṇapārutam pālikārakapārutanti evamādi parimaṇḍalalakkhaṇato aññathā pārutam, sabbametam **gihipārutam** nāma. Tasmā yathā setapaṭā adḍhapālakanigaṇṭhā pārupanti, yathā ca ekacce paribbājakā uram vivaritvā dvīsu aṁsakūṭesu pāvuraṇam ṛhpenti, yathā ca ekasāṭakā manussā nivatthasāṭakassa ekena antena piṭṭhim pārupitvā ubho kaṇe ubhosu aṁsakūṭesu ṛhpenti, yathā ca surāsonḍādayo sāṭakena gīvam parikkhipitvā ubho ante ure vā olambenti, piṭṭhiyam vā khipanti, yathā ca antepurikāyo akkhitārakamattam dassetvā oguṇṭhitam pārupanti, yathā ca mahājetṭhā dīghasāṭakam nivāsetvā tass’eva ekenantena sakalarirām pārupanti, yathā ca kassakā khettakuṭim pavasantā sāṭakam paliveṭhetvā upakacchake pakkhipitvā tass’eva ekenantena sarīram pārupanti, yathā ca brāhmaṇā ubhinnam upakacchakānam antare sāṭakam pavesetvā aṁsakūṭesu pakkhipanti, yathā ca Pālikārako bhikkhu ekāṁsapārupanena pārutam vāmabāhum vivaritvā cīvaram aṁsakūṭe āropeti, evam apārupitvā sabbepi ete aññe ca evarūpe pārupanadose vajjetvā nibbikāram parimaṇḍalam pārupitabbam. Tathā apārupitvā ārāme vā antaraghare vā anādarena yam kiñci vikāram karontassa dukkaṭam, anāpatti purimasadisā yeva, yathā c’ ettha, evam sabbattha. Yattha pana viseso bhavissati, tattha vakkhāmāti.

---

1. Vi 4. 278 piṭṭhe.

### **3-4. Suppaṭicchannasikkhāpadavaṇṇanā**

Tatiye **suppaṭicchannoti** suṭṭhu paṭicchanno, gaṇṭhikam paṭimuñcivtā anuvātantenā gīvam paṭicchādetvā ubho kaṇṭe samam katvā paṭisaṅgharitvā yāva maṇibandham paṭicchādetvā antaraghare gamissāmīti attho, tathā akatvā pana jāṇuṁ vā uram vā vivaritvā gacchantassa dukkaṭam.

Catutthe galavāṭakato paṭṭhāya sīsam maṇibandhato paṭṭhāya hatthe, piṇḍikamarīsato paṭṭhāya pāde vivaritvā sesam chādetvā nisinno **suppaṭicchanno** nāma hoti, ettha pana vāsūpagatassa anāpatti.

### **5-6. Susamvutasikkhāpadavaṇṇanā**

Pañcame **susamvutoti** hattham vā pādam vā akīlāpento suvinītoti attho. Chatṭhepi es'eva nayo.

### **7-8. Okkhittacakkhusikkhāpadavaṇṇanā**

Sattame **okkhittacakkhūti** heṭṭhā khittacakkhu hutvā purato yugamattam bhūmibhāgam pekkhamāno, ekasmiṁ pana ṭhāne ṭhatvā hatthi-assādiparissayābhāvam oloketum vattati. Atṭhamepi es'eva nayo.

### **9-10. Ukkhittakasikkhāpadavaṇṇanā**

Navame **ukkhittakāyāti** ukkhepena, itthambhūtalakkhaṇe karaṇavacanam, ekato vā ubhato vā ukkhittacīvaro hutvāti attho, anto indakhīlato paṭṭhāya evam na gantabbam.

Dasame nisinnakāle dhamakaraṇam nīharanten'āpi cīvaraṁ anukkhipitvā'va nīharitabbam, vāsūpagatassa pana anāpatti.

### **11-12. Ujjagghikasikkhāpadavaṇṇanā**

Ekādasame **ujjagghikāyāti** mahāhasitaṁ hasantoti attho. Idh'āpi hi itthambhūtalakkhaṇe yeva karaṇavacanam.

Dvādasamepi es'eva nayo. Ubhayattha hasanīyasmim vatthusmim mihitamattam<sup>1</sup> karontassa anāpatti.

1. Hasitamattam (Kam)

### 13-14. Uccasaddasikkhāpadavaṇṇanā

Terasame **appasaddoti** na uccāsaddamahāsaddo hutvā<sup>1</sup>. Cuddasamepi es’eva nayo. Ayam pan’ettha appasaddatāparicchedo<sup>2</sup>—sace dvādasahatthe gehe ādimhi saṃghatthero, majjhe dutiyatthero, ante tatiyattheroti evam nisinnesu yam saṃghatthero dutiyattherena saddhim manteti, dutiyatthero ca tassa saddam suṇāti, kathañca vavatthapeti. Tatiyatthero pana saddameva suṇāti, katham na vavatthapeti, ettāvatā **appasaddo** hoti. Sace pana tatiyatthero kathañca vavatthapeti, **mahāsaddo** nāma hoti.

### 15-20. Kāyappacālakādisikkhāpadavaṇṇanā

Ito paresu chasu **kāyappacālanti** kāyam cāletvā cāletvā, esa nayo sabbattha. Tasmā kāyādīni paggahetvā niccalāni ujukāni ṭhapetvā gantabbañc’eva nisīditabbañca, nisīdanappaṭisamiyutttesu tīsu vāsūpagatassa anāpatti.

### 21-22. Khambhakatasikkhāpadavaṇṇanā

Ekavīsadvāvīsesu **khambhakatoti** kaṭiyam hattham ṭhapetvā katakhambo.

### 23-24. Oguṇṭhitasikkhāpadavaṇṇanā

Tevīsacatuviśesu **oguṇṭhitoti** sasīsam pāruto.

### 25. Ukkutikasikkhāpadavaṇṇanā

Pañcavīse **ukkutiṭkā** vuccati pañhiyo ukkhipitvā aggapādeheva, aggapāde vā ukkhipitvā pañhīhi yeva bhūmiyam phusantassa gamanam, karaṇavacanam pan’ettha vuttalakkhaṇameva.

1. Hutvāti attho (Syā, Kamī)

2. Appasaddākāraparicchedo (Syā, Kamī)

## 26. Pallatthikasikkhāpadavaṇṇanā

Chabbīse **na pallatthikāyāti** hatthapallatthikāya vā dussapallatthikāya vā na nisīditabbam. Anādarena nisīdantassa dukkaṭam, vāsūpagatassa pana idhāpi purimesu ca dvāvīsacatuvinīsesu anāpatti<sup>1</sup>.

Chabbīsatisārūppasikkhāpadavaṇṇanā niṭhitā.

---

## 27. Sakkaccapatiggahaṇasikkhāpadavaṇṇanā

Bhojanappaṭisamyuttesu paṭhame **sakkaccanti** satim upatthāpetvā.

## 28. Pattasaññīpatiggahaṇasikkhāpadavaṇṇanā

Dutiye patte saññā pattasaññā, sā assa atthīti **pattasaññī**, attano bhājane upanibaddhasaññī hutvāti attho.

## 29. Samasūpakapaṭiggahaṇasikkhāpadavaṇṇanā

Tatiye **samasūpako** nāma yattha muggamāsehi vā kulatthādīhi vā kato hatthahāriyo sūpo bhattassa catutthabhāgappamāṇo hoti, tato hi adhikam gaṇhantassa dukkaṭam. Ṭhapetvā pana sūpam avasesā sabbāpi sūpeyyabyañjanavikati **rasaraso** nāma hoti, tasmim rasarase, nātakānam vā pavāritānam vā aññassatthāya vā attano dhanena vā idha anāpatti.

## 30-32. Samatittikasikkhāpadavaṇṇanā

Catutthe **samatittikanti** samapuṇṇam samabharitam adhiṭṭhānupagapattassa antomukhavaṭṭilekham anatikkamitvā racitam. **Piṇḍapātanti** yam kiñci yāvakālikam. Anadhiṭṭhānupage pana yāvakālikam yāmakālikādīni ca yattha katthaci thūpīkatānipi vaṭṭanti, yam pana dvīsu patesu gahetvā ekam pūretvā vihāram harati, yam vā pakkhipiyamānam pūva-ucchukkhaṇḍaphalāphalādi heṭṭhā orohati, takkolavaṭṭamāsakādayo vā upari ṭhapetvā diyyanti, yañca paṇṇe vā thālake vā pakkhipitvā pattamatthake ṭhāpitam hoti, na tam thūpīkatam nāma, tasmā tam sabbam vaṭṭati. Idha pana gilānass’api anāpatti n’atthi, tasmā tena pi

---

1. Dvīsu anāpatti (Sī)

samatittiko yeva gahetabbo. Sabbattha pana paṭiggahetumeva na vaṭṭati, paṭiggahitam pana suppaṭiggahitam paribhuñjitum vaṭṭati. Pañcamachaṭṭhāni vuttanayān’eva.

### 33-34. Sapadānasikkhāpadavanṇanā

Sattame **sapadānanti** tattha tattha odhim akatvā anupaṭipāṭiyā. Yo pana aññesam vā dento, aññabhājane vā ākiranto tato tato omasati, tassa uttaribhaṅgañca uppāṭipāṭiyā gaṇhantass’āpi idha anāpatti. Aṭṭhamam vuttanayameva.

### 35. Thūpakatasikkhāpadavanṇanā

Navame **thūpaketoti** matthakato vemajjhato attho. Yo pana parittake sese ekato saṅkaddhitvā omadditvā bhuñjati, tass’āpi anāpatti.

### 36. Odanappaṭicchādanasikkhāpadavanṇanā

Dasame yassa bhattasāmikā Māghātasamayādīsu byañjanam paṭicchādetvā denti, yo ca na bhiyyokamyatāya paṭicchādeti, tesam<sup>1</sup> anāpatti, gilānassa pana anāgatattā āpatti yeva.

### 37. Sūpodanaviññattisikkhāpadavanṇanā

Ekādasame nātakānam vā pavāritānam vā aññassatthāya attano dhanenāti idam anāpattiyaṁ adhikam.

### 38. Ujjhānasaññisikkhāpadavanṇanā

Dvādasame ujjhāne saññā ujjhānasaññā, sā assa atthīti **ujjhānasaññī**. Idh’āpi gilāno na muccati, “dassāmī”ti vā “dāpessāmī”ti vā olokentassa pana na ujjhānasaññissa ca anāpatti.

### 39. Kabalasikkhāpadavanṇanā

Terasame **nātimahantanti** mayūraṇḍam atimahantam, kukkuṭaṇḍam atikhuddakam, tesam vemajjhappamāṇam. Mūlakhādanīyādibhede pana sabbakhajjake phalāphale ca anāpatti.

1. Tesampi (Syā, Kam)

#### 40. Ālopasikkhāpadavaṇṇanā

Cuddasame **parimāṇḍalanti** adīgham. Idha pana khajjakaphalāphalehi<sup>1</sup> saddhim uttaribhaṅgepi anāpatti.

#### 41-42. Anāhaṭasikkhāpadavaṇṇanā

Pannarasame **anāhaṭeti** anāharite, mukhadvāram asampatteti attho. Soḷasame **sabbahatthanti** sakalarū hattham.

#### 43. Sakabalasikkhāpadavaṇṇanā

Sattarasame **sakabalenāti** ettha yattakena vacanam aparipuṇṇam hoti, tattake sati kathentassa āpatti. Yo pana dhammarūm kathento hariṭakādīni mukhe pakkipitvā katheti, yattakena vacanam aparipuṇṇam na hoti, tattake (mukhamhi)<sup>2</sup> sati vaṭṭati.

#### 44. Piṇḍukkhepakasikkhāpadavaṇṇanā

Atṭhārasame **piṇḍukkhepakanti** piṇḍam ukkhipitvā ukkhipitvā, idh'āpi khajjakaphalāphalesu anāpatti.

#### 45. Kabaḷāvacchedakasikkhāpadavaṇṇanā

Ekūnavīsatime<sup>3</sup> **kabaḷāvacchedakanti** kabaḷam avacchinditvā avacchinditvā, idha khajjakaphalāphalehi saddhim uttaribhaṅgepi anāpatti.

#### 46. Avagaṇḍakārakasikkhāpadavaṇṇanā

Vīsatime **avagaṇḍakārakanti** makkaṭo viya gaṇde katvā katvā, idha phalāphalamattake anāpatti.

#### 47. Hatthaniddhunakasikkhāpadavaṇṇanā

Ekavīsatime **hatthaniddhunakanti** hattham niddhunitvā niddhunitvā, anāpattiyaṁ pan'ettha “kacavaram chaddento hattham niddhunāti”ti<sup>4</sup> idam adhikam.

1. Sabbakhajjakaphalāphalehi (Syā, Karū)

2. ( ) Etthantare pāṭho (Sī, Syā, Kam) mūle n'atthi.

3. Ekūnavīse (Sī, Ka), Mahāṭīkā 4. 352 piṭṭhe.

4. Vi 2. 257 piṭṭhe.

### **48. Sitthāvakārakasikkhāpadavaṇṇanā**

Dvāvīsatime **sitthāvakārakanti** sitthāni avakirityā avakirityā, idh’āpi “kacavaram chaddento sittham chaddayatī”ti<sup>1</sup> idam anāpattiyam adhikam.

### **49. Jivhānicchārakasikkhāpadavaṇṇanā**

Tevīsatime **jivhānicchārakanti** jivham nicchāretvā nicchāretvā.

### **50-51. Capucapukārakasikkhāpadavaṇṇanā**

Catuvīsatime **capucapukārakanti** capu capūti evam saddam katvā katvā. Pañcavīsatimepi es’eva nayo.

### **52-54. Hatthanillehakādisikkhāpadavaṇṇanā**

Chabbīsatime **hatthanillehakanti** hattham nillehitvā nillehitvā. Bhuñjantena hi aṅgulimattampi nillehitum na vat̄tati. Ghanayāguphāṇitapāyāsādike pana aṅgulīhi gahetvā aṅguliyo mukhe pavesetvā bhuñjitum vat̄tati, sattavīsatima-aṭṭhavīsatimesupi es’eva nayo. Tasmā ekaṅguliyāpi patto na nillehitabbo, eka-oṭṭhopi ca jivhāya na nillehitabbo, oṭṭhamamsehi eva pana gahetvā anto pavesetum vat̄tati.

### **55. Sāmisasikkhāpadavaṇṇanā**

Ekūnatimsatime **na sāmisenāti** etam paṭikūlavasena paṭikkittam, tasmā samghikampi puggalikampi gihisantakampi attano santakampi saṅkhopi sarāvakampi thālakampi na gahetabbameva, gaṇhantassa dukkaṭam. Sace pana hatthassa ekadeso āmisamakkhito na hoti, tena padesena gahetum vat̄tati, idha “dhovissāmīti vā dhovāpessāmīti vā paṭiggaṇhātī”ti<sup>2</sup> anāpattiyam adhikam.

### **56. Sasitthakasikkhāpadavaṇṇanā**

Timsatime “uddharityā vā bhindityā vā paṭiggahe<sup>3</sup> vā nīharityā vā chaddetī”ti idam anāpattiyam adhikam. Tattha **uddharityā vāti** sitthāni

1. Vi 2. 257 piṭṭhe.

2. Vi 2. 261 piṭṭhe.

3. Paṭiggahetvā (Sī), Vi 2. 261 piṭṭhe pana passitabbam.

udakato uddharitvā, ekasmim ṭhāne rāsim̄katvā udakam̄ chaḍḍeti. **Bhinditvā** vāti sitthāni bhinditvā udakagatikāni katvā chaḍḍeti. **Paṭiggahē** vāti paṭiggahena paṭicchantānam̄ paṭiggahē chaḍḍeti. **Nīharitvā** bahi nīharitvā chaḍḍeti, evam̄ chaḍḍentassa anāpatti.

Timsabhojanappaṭisamyuttasikkhāpadavaṇṇanā niṭṭhitā.

### 57. Chattapāṇisikkhāpadavaṇṇanā

Dhammadesanāpapaṭisamyuttesu pathame yam̄ kiñci chattam̄ pāṇimhi assāti **chattapāṇi**. So tam̄ chattam̄ yattha katthaci sarīrāvayave ṭhapetvāpi yāva hatthena na muñcati, tāv'assa dhammam̄ desetum̄ na vaṭṭati. Sace pan'assa añño chattam̄ dhāreti, passe vā ṭhitam̄<sup>1</sup> hoti, hathato apagatamatte chattapāṇi nāma na hoti, tassa desetum̄ vaṭṭati. Dhammaparicchedo c'ettha Padasodhamme vuttanayen'eva veditabbo.

### 58-59. Daṇḍapāṇisikkhāpadavaṇṇanā

Dutiye **daṇḍo** nāma majjhimassa purisassa catuhatthappamāṇo, daṇḍapāṇibhāvo pan'assa chattapāṇimhi vuttanayen'eva veditabbo. Tatiyepi es'eva nayo. Asim̄ sannahitvā ṭhitopi hi satthapāṇisaṅkhyam̄ na gacchati.

### 60. Āvudhapāṇisikkhāpadavaṇṇanā

Catutthe sabbāpi dhanuvikati saddhim̄ saravikatiyā **āvudhanti** veditabbā, tasmā saddhim̄ vā sarena dhanum̄ gahetvā, suddhadhanum̄ vā suddhasaram̄ vā sajiyadhanum̄ vā nijjiyadhanum̄ vā gahetvā ṭhitassa vā nisinnassa vā dhammam̄ desetum̄ na vaṭṭati. Sace pan'assa dhanu khandhepi paṭimukkam̄ hoti, yāva na gaṇhāti, tāva vaṭṭati.

### 61-62. Pādukasikkhāpadavaṇṇanā

Pañcame **pādukāruṇhassāti** chattadaṇḍake aṅgulantarikam̄ appavesetvā kevalam̄ akkantassa vā, pavesetvā ṭhānavasena paṭimukkassa vā. Chaṭṭhe pi

---

1. Thapitam̄ (Sī)

es'eva nayo. Idha pana yv'āyam pañhikabandham omuñcitvā ṭhānavasena “omukko”ti vuccati, tass'āpi na vaṭṭati.

### 63. Yānasikkhāpadavaṇṇanā

Sattame sacepi dvīhi janehi hatthasaṅghāṭena gahito, sāṭake vā ṭhapetvā vamsena vayhati, ayutte vā vayhādike yāne visaṅkharitvā vā ṭhāpīte cakkamattepi nisinno hoti, **yānagato** tv'eva saṅkham gacchati. Sace pana dvepi ekayāne nisinnā honti, vaṭṭati. Visum nisinnesupi ucce yāne nisinnena nīce nisinnassa desetum vaṭṭati, samappamāṇepi vaṭṭati, tathā purime nisinnena pacchime nisinnassa. Pacchime pana uccatarepī nisinnena desetum na vaṭṭati.

### 64. Sayanasikkhāpadavaṇṇanā

Aṭṭhame **sayanagatassāti** antamaso kaṭasārakepi pakatibhūmiyampi nipannassa uccepi mañce vā pīṭhe vā bhūmippadese vā ṭhitena nisinnena vā desetum na vaṭṭati. Sayanagatena pana sayanagatassa uccatare vā samappamāṇe vā nipannena<sup>1</sup> desetum vaṭṭati. Nipannena pana ṭhitassa vā nisinnassa vā nipannassa vā, nisinnena ca ṭhitassa vā nisinnassa vā, ṭhitena ṭhitass'eva vaṭṭati.

### 65. Pallatthikasikkhāpadavaṇṇanā

Navame hatthapallatthikādīsu yāya kāyaci nisinnassa desetum na vaṭṭati.

### 66. Vethitasikkhāpadavaṇṇanā

Dasame **vethitasīsassāti** dussaveṭhenā vā moli-ādīhi vā yathā kesanto na dissati, evam veṭhitasīsassa, ten'ev'assa anāpattiyyam “kesantam vivarāpetvā deseti”ti<sup>2</sup> vuttam.

### 67. Oguṇṭhitasikkhāpadavaṇṇanā

Ekādasame **oguṇṭhitasīsassāti** sasīsam pārutassa, anāpattiyyam pan'ettha “sīsam vivarāpetvā deseti”ti<sup>2</sup> adhikam.

1. Nisinnena (Kam)

2. Vi 2. 266 piṭṭhe.

### **68. Chamāsikkhāpadavaṇṇanā**

Dvādasame **chamāyam** nisīditvāti bhūmiyam nisīditvā. Āsaneti antamaso vatthampi tiṇānipi santharitvā nisinnassa.

### **69. Nīcāsanasikkhāpadavaṇṇanā**

Terasame **ucce āsaneti** antamaso bhūmippadesepi unnatappadese nisinnassa.

### **70. Thitasikkhāpadavaṇṇanā**

Cuddasame **na thito nisinnassāti** sace therassa upaṭṭhānam gantvā ṭhitām daharam āsane nisinno mahāthero pañham pucchati, na kathetabbam. Gāravena pana theram “uṭṭahitvā pucchā”ti vattum na sakkā, tasmā “passe ṭhitassa bhikkhuno kathessāmī”ti kathetum vattati.

### **71. Pacchatogamanasikkhāpadavaṇṇanā**

Pannarasame sace purato gacchanto pañham pucchati, tassa tam akathetvā “pacchimassa bhikkhuno kathessāmī”ti kathetabbam. Saddhim uggahitadhammarām pana sajjhāyitum, samadhurena vā gacchantassa kathetum vaṭṭati.

### **72. Uppatenagamanasikkhāpadavaṇṇanā**

Solásame **na uppathenāti** ettha sace dvepi sakātamaggasmin ekekacakkapathena vā uppathena vā samadhurām gacchanti, vaṭṭati.

### **73. Ṭhito-uccārasikkhāpadavaṇṇanā**

Sattarasame “asañcicca”ti anāpattiyaṁ<sup>1</sup> sace paṭicchannaṭṭhānam gacchantassa sahasā uccāro vā passāvo vā nikhamati, asañcicca kato nāma hoti.

### **74. Harite-uccārasikkhāpadavaṇṇanā**

Aṭṭhārasame yampi jīvamānarukkhassa mūlam pathaviyam dissamānam gacchati, sākhā vā bhūmilaggā gacchati, sabbam haritasāñkhātameva. Khandhe nisīditvā pana

1. Anāpatti-adhikam (Kam)

appaharitaṭṭhāne pātetum vattati. Sace appaharitaṭṭhānam olokentass'eva sahasā nikhamati, gilānaṭṭhāne ṭhito hoti, “appaharite kato haritam ottharatī”ti<sup>1</sup> idamettha anāpattiyaṁ adhikam. Tattha sacepi appaharitam alabhantena tiṇaṇḍupakam vā palalaṇḍupakam vā ṭhapetvā kato pacchā haritam ottharati, vattati yeva. Khelena c'ettha siṅghāṇikāpi saṅgahitā.

### 75. Udake-uccārasikkhāpadavaṇṇanā

Ekūnavīsatime **na udaketi** etam paribhoga-udakameva sandhāya vuttam, vaccakuṭisamuddādi-udakesu pana aparibhogesu anāpatti. Deve vassante samantato udakoghe jāte anudakaṭṭhānam alabhantena udake kāturi<sup>2</sup> vattati, idh'api “thale kato udakam ottharatī”ti<sup>3</sup> idam anāpattiyaṁ adhikam, sesam sabbasikkhāpadesu uttānameva.

Samuṭṭhānādīpanatthāya pan'ettha idam pakiṇṇakam—ujjagghika-uccāsaddappaṭisaṁyuttāni cattāri, sakabaļena mukhena byāharanam ekam, chamānīcāsananisinnāṭhitapacchatogamana-uppathagamanappaṭisaṁyuttāni pañcāti imāni dasa sikkhāpadāni samanubhāsanamasuṭṭhānāni, ekekamettha kiriyam, saññāvīmokkham, sacittakam, lokavajjam, kāyakammam, vacīkammam, akusalacittam, dukkhavedanam.

Sūpodanaviññattisikkhāpadam theyyasatthasamuṭṭhānam, kiriyam, saññāvīmokkham, sacittakam, lokavajjam, kāyakammam, vacīkammam, akusalacittam, dukkhavedanam. Chattapāṇidāṇḍapāṇisatthapāṇi-āvudhapāṇipādukā-upāhanayānasayanapallatthikaveṭhita-oguṇṭhitānāmakāni ekādasa dhammadesanāsamuṭṭhānāni, kiriyākiryāni, saññāvīmokkhāni, sacittakāni, lokavajjāni, vacīkammāni, akusalacittāni, dukkhavedanāni. Sesāni tepanṇāsa Pathamapārājikasamuṭṭhānādibhedānīti.

Ekūnavīsatidhammadesanāpaṭisaṁyuttasikkhāpadavaṇṇanā niṭṭhitā.

Kaṅkhāvitaranīyā pātimokkhavaṇṇanāya

Sekhiyavaṇṇanā niṭṭhitā.

1. Vi 2. 270 piṭṭhe.

2. Pātetum Mahāṭīkā 4. 369 piṭṭhe.

3. Vi 2. 271 piṭṭhe.

### Adhikaraṇasamathavaṇṇanā

Adhikaraṇasamathesu **sattāti** tesam gaṇanaparicchedo. Adhikaraṇāni samenti vūpasamentīti **adhikaraṇasamathā**. Uddesam āgacchantīti āpattādhikaraṇasaṅkhātāsu ca avasesādhikaraṇattayapaccayāsu ca āpattīsu parisuddhabhāvām pucchanatthaṁ uddisitabbataṁ āgacchanti.

**Uppannuppannānanti** uppannānam uppannānam. **Adhikaraṇānanti** vivādādhikaraṇam anuvādādhikaraṇam āpattādhikaraṇam kiccādhikaraṇanti imesam catunnam. **Samathāya vūpasamāyāti** samanatthañc'eva vūpasamanatthañca sammukhāvinayo dātabbo -pa- tiṇavatthārakoti ime satta samathā dātabbā. Tatr'āyam vinicchayo—adhikaraṇesu tāva “dhammo”ti vā “adhammo”ti vā aṭṭhārasahi vatthūhi vivadantānam bhikkhūnam yo vivādo, idam **vivādādhikaraṇam** nāma. Sīlavipatti�ā vā ācāradīṭhi-ājīvavipatti�ā vā anuvadantānam yo anuvādo upavadanā c'eva codanā ca, idam **anuvādādhikaraṇam** nāma. Mātikāya āgatā pañca, Vibhaṅge dveti sattapi āpattikkhandhā **āpattādhikaraṇam** nāma. Yam saṅghassa apalokanādīnam catunnam kammānam karaṇam, idam **kiccādhikaraṇam** nāma.

Tattha **vivādādhikaraṇam**<sup>1</sup> dvīhi samathehi sammati sammukhāvinayena ca yebhuuyyasikāya ca, sammukhāvinayen'eva sammamānam yasmim vihāre uppannam, tasmim yeva vā, aññattha vūpasametum gacchantānam antarāmagge vā yattha gantvā saṅghassa niyyātitam<sup>2</sup>, tattha saṅghena vā vūpasametum asakkonte tatth'eva ubbāhikāya sammatapuggalehi vā vinicchitam sammati, evam sammamāne ca pana tasmim yā saṅghasammukhatā dhammasammukhatā vinayasammukhatā puggalasammukhatā ayam **sammukhāvinayo** nāma. Tattha ca kārakasamghassa saṅghasāmaggivasena sammukhībhāvo **saṅghasammukhatā**, sametabbassa vatthuno bhūtatā **dhammasammukhatā**, yathā tam sametabbam, tath'ev'assa samanam **vinayasammukhatā**, yo ca vivadati, yena ca vivadati, tesam ubhinnam attapaccatthikānam<sup>3</sup> sammukhībhāvo **puggalasammukhatā**. Ubbāhikāya vūpasamane pan'ettha saṅghasammukhatā parihāyati, evam tāva sammukhāvinayen'eva sammati.

1. Vi 4. 220 piṭṭhe.

2. Niyyātentī, tam (Sī, Kām, Ka)

3. Attapaccatthikānam (Sī) Mahāṭīkā passitabbā.

Sace pan'evampi na sammati, atha nam ubbāhikāya sammatā bhikkhū “na mayam sakkoma vūpasametun”ti saṃghass'eva niyyatenti, tato saṃgho pañcaṅgasamannāgatam bhikkhum salākaggāhāpakaṃ sammannitvā tena guṇhakavivatṭakasakaṇṇajappakesu tīsu salākaggāhesu aññataravasena salākaṃ gāhetvā sannipatitaparisāya dhammavādīnam yebhuuyatāya yathā te dhammavādino vadanti, evam vūpasantam adhikaraṇam sammukhāvinayena ca yebhuuyasikāya ca vūpasantam hoti. Tattha sammukhāvinayo vuttanayo eva, yam pana yebhuuyasikakammassa karaṇam. Ayam **yebhuuyasikā** nāma, evam vivādādhikaraṇam dvīhi samathehi sammati.

**Anuvādādhikaraṇam**<sup>1</sup> catūhi samathehi sammati sammukhāvinayena ca sativinayena ca amūlḥavinayena ca tassapāpiyasikāya ca.

Sammukhāvinayen'eva sammamānam yo ca anuvadati, yañca anuvadati, tesam vacanam sutvā sace kāci āpatti n'atthi, ubho khamāpetvā, sace atthi, “ayam nām' ettha āpattī”ti evam vinicchitam vūpasammati, tattha sammukhāvinayalakkhaṇam vuttanayameva. Yadā pana khīṇāsavassa bhikkhuno amūlikāya sīlavipattiyā anuddhamositassa sativinayam yācamānassa saṃgho ḡatticatutthena kammena<sup>1</sup> sativinayam deti, tadā sammukhāvinayena ca sativinayena ca vūpasantam hoti, dinne pana sativinaye puna tasmim puggale kassaci anuvādo na ruhati. Yadā ummattako bhikkhu ummādavasena gate assāmaṇake ajjhācāre “sarātāyasmā evarūpim āpattin”ti bhikkhūhi codiyamāno “ummattakena me āvuso etam kataṁ, n'āham tam sarāmī”ti bhaṇantopi bhikkhūhi codiyamāno'va puna acodanathāya amūlḥavinayam yācati, saṃgho c'assa ḡatticatutthena kammena amūlḥavinayam deti. Tadā sammukhāvinayena ca amūlḥavinayena ca vūpasantam hoti, dinne pana amūlḥavinaye puna tasmim puggale kassaci tappaccayā anuvādo na ruhati.

Yadā pana pārājikena vā pārājikasāmantena vā codiyamānassa aññen'aññam paṭicarato pāpuṣṣannatāya pāpiyassa puggalassa “sac'āyam acchinnaṃulo bhavissati, sammā vattitvā osāraṇam labhissati, sace chinnamūlo, sayamev'assa nāsanā bhavissatī”ti maññamāno saṃgho

---

1. Vi 4. 229 piṭṭhe.

ñatticatutthena kammena tassapāpiyasakiṁ kammāṁ karoti, tadā sammukhāvinayena ca tassapāpiyasakiya ca vūpasantam hoti, evam anuvādādhikaraṇam catūhi samathehi sammati.

**Āpattādhikaraṇam**<sup>1</sup> tīhi samathehi sammati sammukhāvinayena ca paṭiññātakaraṇena ca tiṇavatthārakena ca. Tassa sammukhāvinayen’eva vūpasamo n’atthi, yadā pana ekassa vā bhikkhuno nissaggyavaṇṇanāyaṁ vuttanayena samghagaṇamajjheshu vā bhikkhu lahukam āpattim deseti, tadā āpattādhikaraṇam sammukhāvinayena ca paṭiññātakaraṇena ca vūpasammati. Tattha sammukhāvinaye tāva yo ca deseti, yassa ca deseti, tesam sammukhībhāvo puggalasammukhatā, sesam vuttanayameva. Puggalassa ca gaṇassa ca desanākāle samghasammukhatā parihāyati.

Yā pan’ettha “aham bhante itthannāmām āpattim āpanno”ti ca, “passasi”ti, “āma passāmī”ti ca paṭiññā, tāya “āyatim samvareyyāsī”ti karaṇam paṭiññātakaraṇam nāma. Samīghādisese parivāsādiyācanā paṭiññā, parivāsādīnam dānam paṭiññātakaraṇam nāma. Dvepakkhajātā pana bhanḍanakārakā bhikkhū bahum assāmaṇakam ajjhācāram caritvā puna lajjidhamme uppanne “sace mayam imāhi āpattihi aññamaññam karissāma, siyāpi tam adhikaraṇam kakkhaṭatthāya vālatthāya samvatteyyā”ti aññamaññam āpattiyā kārāpane dosam disvā yadā tiṇavatthārakakammam karonti, tadā āpattādhikaraṇam sammukhāvinayena ca tiṇavatthārakena ca sammati. Tatra hi yattakā hatthapāsūpagaṭā “na m’etam khamati”ti evam diṭṭhāvikammam akatvā niddampi okkamantā honti, sabbesam ṭhapetvā thullavajjañca gihippatisarṇyuttañca sabbāpattiyo vutṭhahanti, evam āpattādhikaraṇam tīhi samathehi sammati.

**Kiccādhikaraṇam**<sup>2</sup> ekena samathena sammati sammukhāvinayen’eva. Iti imāni cattāri adhikaraṇāni yathānurūpam imehi sattahi samathehi sammanti, tena vuttam “uppannuppannānam adhikaraṇānam samathāya vūpasamāya

1. Vi 4. 233 piṭhe.

2. Vi 4. 238 piṭhe.

sammukhāvinayo dātabbo -pa- tiṇavatthārako”ti. Ayamettha vinicchayanayo. Vitthāro pana Samathakkhandhake<sup>1</sup> āgato yeva, vinicchayopi’ssa Samantapāsādikāyam vutto.

**Tatth’āyasmante pucchāmi, kacci’ttha parisuddhāti tesu sattasu adhikaraṇasamathesu kacci’ttha parisuddhā, n’atthi vo kiñci samathehi vūpasametabbanti pucchāmi, etena sabbāpattīhi parisuddhabhāvo pucchito hoti.**

**Uddiṭṭham** kho āyasmanto **nidānanti-ādi** nigamanavacanam. Tattha ettakanti ettakam sikkhāpadam. **Suttāgatanti** sutte pātimokkhe āgatam. **Suttapariyāpannanti** tatth’eva antogadham. **Anvaddhamāsam uddesam** āgacchatīti addhamāse addhamāse uposathavasena<sup>2</sup> uddisitabbatam āgacchat. **Samaggehīti** kāyasāmaggivasena samaggehi. **Sammodamānehīti** cittasāmaggivasena ekajjhāsayatāya suṭṭhu modamānehi. **Avivadamānehīti** atṭhārasasu vivādavatthūsu aññataravasen’āpi avivadamānehi. **Sikkhitabbanti** tam tam sikkhāpadam avītikkamantehi adhisilasikkhā sampādetabbā. Antarantarā pana yam na vuttam, tam sabbam purime purime sikkhāpade vuttattā c’eva uttānatthattā cāti.

Adhikaraṇasamathavaṇṇanā niṭṭhitā.

Kaṅkhāvitarañīyā pātimokkhavaṇṇanāya

Bhikkhupātimokkhavaṇṇanā niṭṭhitā.

---

1. Vi 4. 188 piṭṭhe.

2. Uposathadivase (Kam)

# Bhikkhunīpātimokkhavaṇṇanā

---

Namo tassa Bhagavato Arahato SammāsamBuddhassa.

## Pārājikakaṇḍa

Bhikkhunīnam hitatthāya, pātimokkham pakāsayi.  
Yam Nātho, tassa dān’eso, sampatto vaṇṇanākkamo.

## Sādhāraṇapārājika

### 1 -pa- 4. Methunadhammasikkhāpadavaṇṇanā

Tattha **suṇātu meti-ādīnam** bhikkhupātimokkhavaṇṇanāyam vuttanayen’eva attho veditabbo. Kevalañhi bhante, ayyeti-ādivasena tasmiñca idha ca abhilāpamattameva liṅgabhedamattañca viseso. Yasmā ca bhikkhuniyā sikkhāpaccakkhānam nāma n’atthi, tasmā bhikkhūnīnam “sikkhāsājīvasamāpannā sikkham apaccakkhāya dubbalyam anāvikatvā”ti avatvā **yā pana bhikkhunī chandaso methunam dhammarūpa paṭiseveyyāti** vuttam. Tattha **chandasoti** methunarāgapappaṭisaiyuttena chandena c’eva ruciyā ca. Chande pana asati balakkārena padhamisitāya anāpatti, tasmā yā paripuṇṇūpasampadā bhikkhunī manussāmanussatiracchānajātīsu purisa-ubhatobyāñjanakapaṇḍakānam yassa cassaci sajīvassa vā nijjīvassa vā santhatassa vā asanthatassa vā akkhāyitassa vā yebhuyyena akkhāyitassa vā aṅgajātassa attano vaccamaggapassāvamaggamukhesu tīsu yattha katthaci santhate vā asanthate vā pakativātena asamphuṭthe allokāse antamaso tilaphalamattampi padesam chandaso paveseti, parena vā pavesiyamānā pavesanapavīṭhaṭṭhita-uddharaṇesu yam kiñci sādiyati, ayaṁ pārājikā hoti. Sesamettha ito paresu ca sādhāraṇasikkhāpadesu vuttanayānusāren’eva veditabbam.

### Asādhāraṇapārājika

#### 5. Ubbhajāṇumāṇḍalikāsikkhāpadavaṇṇanā

Asādhāraṇesu pana catunnām tāva pārājikānām paṭhame **avassutāti** kāyasamāsagarāgena tintā, kilinnāti attho. Dutiyapadepi es’eva nayo. Purisapuggalassāti kāyasamāsaggam samāpajjitum viññussa manussajātikassa purisasaṅkhātassa puggalassa. **Adhakkhakanti** attano akkhakānām adho. **Ubbhajāṇumāṇḍalanti** jāṇumāṇḍalānām upari, ettha ca ubbhakapparampi ubbhajāṇumāṇḍalen’eva saṅgahitam. Āmasananti āmajjanām phuṭṭhokāsām anatikkamitvā<sup>1</sup> tatth’eva samghaṭanām. **Parāmasananti** ito c’ito ca sañcaraṇām. **Gahaṇanti** gahitamattam. **Chupananti** saṅghaṭtetvā phuṭṭhamattam. **Paṭipilananti** aṅge gahetvā nippilānām. **Sādiyeyyāti** yā bhikkhunī attano yathāparicchinne kāye purisassa etam āmasanādīm sādiyati, sayam vā pana tena kāyena purisassa yam kiñci kāyappadesam sādayamānā chupati, ayam ubbhajāṇumāṇḍalikā nāma pārājikāti ayam eththa saṅkhepo.

“Nidānam puggalam vatthun”ti-ādike<sup>2</sup> pana vitthāravinicchaye yasmā sabbān’eva asādhāraṇapaññattiyo honti, tasmā ito paṭṭhāya santim anupaññattim vatvā sādhāraṇapaññattīti vā asādhāraṇapaññattīti vā na vakkhāma, āṇatti�am yattha āṇatti n’atthi, tattha kiñci avatvā yattha atthi, tatth’eva vakkhāma, vipattivicāraṇā vuttā yeva.

Avasesam pana sabbattha vattabbam, tayidam vuccati, Idam tāva sikkhāpadam Sāvatthiyam Sundarīnandam ārabhya kāyasamāsaggam samāpajjanavatthusmīm paññattam, ekato-avassute<sup>3</sup> yathāparicchinnena kāyena purisassa kāyam ubhato-avassutepi kāyena kāyappaṭibaddham yathāparicchinnakāyappaṭibaddhena vā avasesakāyena vā tassa kāyam āmasantiyā thullaccayam, yakkhapetapanḍakatiracchānagatamanussaviggahānām ubhato-avassute yathāparicchinnena kāyena kāyam āmasantiyāpi thullaccayam, sace pana purisassa kāyasamāsagarāgo n’atthi, pārājikakkhettepi thullaccayameva. Avasese pana kāyappaṭibaddhena kāyappaṭibaddhādibhede methunarāgaghehasitapemesu ca sabbattha dukkaṭam. Asañcicca, assatiyā, ajānantiyā,

---

1. Anatikkamitvāpi (Sī, Kam)

3. Avassave (Sī, uparipi)

2. Kaṅkhā-Tīha 109 piṭṭhe.

asādiyantiyā, ummattikādīnañca anāpatti. Aṅgāni samuṭṭhānādīni ca Bhikkhupātimokkhe Kāyasamsagge vuttanayen’eva veditabbānīti.

Ubbhajāṇumaṇḍalikāsikkhāpadavaṇṇanā niṭṭhitā.

---

### **6. Vajjappaṭicchādikāsikkhāpadavaṇṇanā**

Dutiye gaṇassāti aññāsam bhikkhunīnam. Ṭhitāti saliṅge ṭhitā. Cutāti kālaṅkatā. Nāsitāti liṅganāsanāya sayam vā naṭṭhā, aññehi vā nāsitā. Avassaṭāti titthāyatanaṁ saṅkantā. Pubbe’v’āham ayye aññāsinti idam tassā vacanakāladassanaṁ, saliṅge ṭhitāya pana pārājikabhāvam īnatvā “na dāni nam kassaci ārocessāmī”ti dhure nikkhittamatte yeva ayam vajjappaṭicchādikā nāma pārājikā hotīti.

Sāvatthiyam Thullanandam ārabba n’eva-attanāpaṭicodanā nagaṇassa ārocanavatthusmim paññattam, Sesameththa Sappāṇakavaggamhi Duṭṭhullāpattippaṭicchādanasikkhāpade vuttanayen’eva veditabbam. Tatra hi pācittiyanam, idha pārājikanti ayameva viseso, sesam tādisamevāti.

Vajjappaṭicchādikāsikkhāpadavaṇṇanā niṭṭhitā.

---

### **7. Ukkhittānuvattikāsikkhāpadavaṇṇanā**

Tatiye ukkhattanti āpatti�ā adassanādīsu ukkhitam. Dhammenāti bhūtena vatthunā. Vinayenāti codetvā sāretvā. Satthusāsanenāti idh’āpi codetvā sāretvā karaṇameva Satthusāsanam nāma. Anādaranti yena samghena ukkhepaniyakammam katam, tasmin vā, tattha pariyāpannagaṇe vā ekapuggale vā tasmin vā kamme ādaravirahitam, sammāvattanāya avattamānanti attho. Appaṭikāranti paṭikārarahitam, anosāritanti attho. Akatasahāyanti ekakammādike saṁvāse saha ayanabhāvena samānasamvāsakā bhikkhū sahāyā nāma, yassa pana so samvāso tehi saddhim n’atthi na tena te sahāyā katā

honti, iti so akatasahāyo nāma, tam akatasahāyam,  
 samānasamivāsakabhāvam anupagatanti attho. **Tamanuvatteyyāti** tam  
 ukkhattakam ukkhattakabhāve yeva ṭhitam bhikkhum yā bhikkhunī  
 yamdiṭṭhiko so hoti, tāya diṭṭhiyā gahaṇabhbāvena anuvatteyya. Sā bhikkhunī  
 bhikkhunīhi Saṅghabhedasikkhāpadādīsu vuttanayena visum saṅghamajjhē  
 ca vuccamānā tam vatthum appatiṇissajjantī  
 samanubhbāsanakammapariyosāne ukkittānuvattikā nāma pārājikā hotīti.

Sāvatthiyam Thullanandam ārabba ukkittānuvattanavatthusmim  
 paññattam, ñatti�ā dukkaṭam, dvīhi kammavācāhi dve thullaccayā, “yassā na  
 kkhamati, sā bhāseyyā”ti evam yya-kārappattāya tatiyakammavācāya  
 pārājikam, adhammakamme tikadukkaṭam, sesam  
 Saṅghabhedasikkhāpadādīsu vuttanayen’eva veditabbam.

Ukkittānuvattikāsikkhāpadavaṇṇanā niṭṭhitā.

---

### 8. Aṭṭhavatthukāsikkhāpadavaṇṇanā

Catutthe **avassutāti** lokassādamittasanthavavasena kāyasamsaggarāgena  
 tintā. Ayameva hi attho Sīhaṭamātikāṭṭhakathāyam vutto,  
 Samantapāsādikāyam<sup>1</sup> pan’assa vicāraṇā katā, dutiyapadepi es’eva nayo.  
**Purisapuggalassa hatthaggahaṇam vāti-ādīsu** pana yam purisapuggalena  
 hatthe gahaṇam katarī, tam “purisapuggalassa hatthaggahaṇan”ti vuttam,  
 es’eva nayo saṅghāṭikaṇṇaggahaṇepi. **Hatthaggahaṇanti** ettha ca yassa  
 kassaci apārājikakkhettabhūtassa aṅgassa gahaṇam hatthaggahaṇam, yassa  
 kassaci nivathassa vā pārutassa vā gahaṇam **saṅghāṭikaṇṇaggahaṇam**.  
**Santiṭṭheyya vāti-ādīsu** kāyasamsaggasaṅkhātassa asaddhammassa  
 patisevanatthāya purisassa hatthapāse santiṭṭheyya vā, tattha ṭhitā sallapeyya  
 vā, purisena vā “itthannāmam ṭhānam āgacchā”ti vuttā tam saṅketam  
 gaccheyya, tassa vā purisassa abbhāgamanam<sup>2</sup> sādiyeyya, yena kenaci vā  
 paṭicchannam

---

1. Vi-Tṭha 3. 177 piṭṭhe.

2. Āgamanam (Sī, Kam)

okāsam paviseyya, purisassa hatthapāse ṛthatvā kāyam upasamihareyyāti evamattho datṭhabbo. **Ayampi pārājikāti** yathā purimāyo, evam ayampi bhikkhunī etassa kāyasamīsaggasaṅkhātassa asaddhammassa paṭisevanatthāya etāni atṭha vatthūni paṭipātiyā vā uppāṭipātiyā vā pūretvā atṭhavatthukā nāma pārājikā hotīti.

Sāvatthiyam chabbaggyā bhikkhuniyo ārabbha atṭhamam vatthum paripūraṇavatthusmiṁ paññattam, saṅketagamane pade pade dukkaṭam, purisassa hatthapāsam okkantamatte thullaccayam, purisassa abbhāgamanasādayamānepi dukkaṭam. Hatthapāsokkamane thullaccayam, sesesu ekekasmīm thullaccayameva, atṭhame paripuṇṇe pārājikam. Ekekasmīm pana vatthusmiṁ satakkhattumpi vītikkante tā āpattiyo desetvā muccati, apic’ettha **gaṇanūpikā** āpatti veditabbā, “idāni n’āpajjissāmī”ti hi dhuranikkhepaṁ katvā desitā gaṇanūpikā, desitagaṇanām upeti, pārājikassa aṅgam na hoti. Tasmā yā ekam āpannā dhuranikkhepaṁ katvā desetvā puna kilesavasena āpajjati, punapi deseti, evam atṭhamam paripūrentīpi pārājikā na hoti. Yā pana āpajjivā “punapi aññam vatthum āpajjissāmī”ti sa-ussāhāva deseti, tassā sā āpatti agaṇanūpikā, desitāpi adesitā hoti, pārājikassa aṅgam hoti. Asañcicca, assatiyā, ajānantiyā asādiyantiyā, ummattikādīnañca anāpatti. Kāyasamīsaggarāgo, sa-ussāhatā, atṭhamassa vatthussa pūraṇanti imān’ettha tīṇi aṅgāni. Samanubhāsanasamuṭṭhānam, kiriyākiriyan, saññāvīmokkham, sacittakam, lokavajjam, kāyakammam, vacīkammam, akusalacittam, dvivedananti.

Atṭhavatthukāsikkhāpadavaṇṇanā niṭṭhitā.

**Udditṭhā kho ayyāyo atṭha pārājikā dhammāti** bhikkhū ārabbha paññattā sādhāraṇā cattāro ime cattāroti evam pātimokkhuddesamaggena atṭha pārājikā dhammā udditṭhāti evamettha attho veditabbo, sesam bhikkhupāmokkhavaṇṇanāyām vuttanayamevāti.

Kaṅkhāvitaraṇiyā pātimokkhavaṇṇanāyā

Bhikkhunipātimokkhe

Pārājikavaṇṇanā niṭṭhitā.

# Samghādisesakaṇḍa

## 1. Ussayavādikāsikkhāpadavaṇṇanā

Samghādisesu paṭhame ussayavādikāti mānussayavasena kodhussayavasena aḍḍakaraṇatthāya vinicchayamahāmattānam santike vivadamānā. **Gahapatinā** vāti-ādīhi ṭhapetvā pañca sahadhammike avasesā gahaṭṭhapabbajitā saṅgahitā. Ayam bhikkhunī paṭhamāpattikanti ādimhi paṭhamam āpatti etassāti paṭhamāpattiko, vītikkamakkhaṇe yeva āpajjitatboti attho, tam paṭhamāpattikam. Āpannāti aḍḍapariyosāne āpannā. Bhikkhunim samghato nissāretīti **nissāraṇīyo**, tam nissāraṇīyam.

**Samghādisesanti** evamnāmakam.

Sāvatthiyam Thullanandam ārabbha ussayavādikavatthusmiṁ paññattam, sāṇattikam, “aḍḍam karissāmī”ti yam kiñci dutiyikam vā sakkhim vā sahāyam vā pariyesantiyā pariyesane dukkaṭam, yattha ṭhitāya “aḍḍam kātum gacchāmī”ti cittam uppajjati, tato paṭṭhāya gacchantiyā pade pade dukkaṭam, yattha katthaci antamaso bhikkhunupassayam āgatepi vohārike disvā attano katham ārocentiyā dukkaṭam. Itarena attano kathāya ārocitāya bhikkhuniyā thullaccayaṁ, paṭhamam itarena pacchā bhikkhuniyā ārocanepi es’eva nayo. Sace pana bhikkhunī tam vadati “mama ca tava ca katham tvam yeva ārocehī”ti, so attano vā katham paṭhamam ārocetu, tassā vā, paṭhamārocane bhikkhuniyā dukkaṭam, dutiye thullaccayaṁ, tena evam vuttāya bhikkhuniyā ārocanepi es’eva nayo. Sace pana bhikkhunī aññena kathāpeti, tatr’āpi es’eva nayo. Yathā vā tathā vā hi ārociyamāne paṭhamārocane bhikkhuniyā dukkaṭam, dutiye thullaccayaṁ. Ubhinnam pana katham sutvā vohārikehi vinicchaye kate aḍḍapariyosānam nāma hoti, tasmim aḍḍapariyosāne bhikkhuniyā jayepi parājayepi samghādiseso.

Yā pana paccatthikamanussehi dūtam vā pahiṇitvā sayam vā āgantvā “ehi ayye”ti ākadḍhiyamānā gacchati, yā vā upassaye aññehi katam anācāram anodissa ācikkhantī rakkham yācati, yāya ca kiñci

avuttā vohārikā aññato sutvā sayameva aḍḍam pariyośāpentī, tassā, ummattikādīnañca anāpatti. Aññehi anākaḍḍhitāya aḍḍakaraṇam aḍḍapariyośānanti imān’ettha dve aṅgāni. Samuṭṭhānādīni paṭhamakathinasadisāni, idam pana kiriyamevāti.

Ussayavādikāsikkhāpadavaṇṇanā niṭṭhitā.

---

## 2. Corivuṭṭhāpikāsikkhāpadavaṇṇanā

Dutiye yāya pañcamāsagghanakato paṭṭhāya yam kiñci parasantakam avaharitam<sup>1</sup>, ayam **corī** nāma, tam corim. **Vajjhām** veditanti tena kammena “vadhārahā ayan”ti evam veditam. **Anapaloketvāti** anāpuccchā. **Gaṇanti** mallagaṇabhaṭṭiputtaṇādikam<sup>2</sup>. **Pūganti** dhammadagaṇam. **Seṇinti** gandhikaseṇidussikaseṇi-ādikam. Yattha yattha hi rājāno gaṇādīnam gāmanigame niyyātentī “tumh’eva ettha anusāsathā”ti, tattha tattha te yeva issarā honti, tasmā te sandhāya idam vuttam. Ettha ca rājānam vā gaṇādike vā apaloketvāpi bhikkhunisaṁgho apaloketabbo’va. **Aññatra kappāti** titthiyesu vā aññabhikkhunīsu vā pabbajitapubbā kappā nāma, tam ṭhapetvā aññam upasampādentiyā gaṇa-ācarinī<sup>3</sup> pattacīvarapariyesanesu sīmāsammutiyā ñattiyā ca dukkaṭam, dvīhi kammavācāhi thullaccayam, kammavācāpariyosāne samghādiseso.

Sāvatthiyam Thullanandam ārabbha corim vuṭṭhāpanavatthusmim paññattam, coriyā vematikāya dukkaṭam, tathā acoriyā corisaññāya c’eva vematikāya ca. Acorisaññāya, ajānantiyā, apaloketvā vuṭṭhāpentiyā, kappam vuṭṭhāpentiyā, ummattikādīnañca anāpatti. Coritā corisaññitā aññatra anuññātakāraṇā vuṭṭhāpananti, imān’ettha tīṇi aṅgāni. Corivuṭṭhāpanasamuṭṭhānam, kiriyākiriyaṁ, saññāvīmokkhām, sacittakam, paññattivajjam, kāyakammam, vacīkammam, ticittam, tivedananti.

Corivuṭṭhāpikāsikkhāpadavaṇṇanā niṭṭhitā.

1. Haritam (Sī, Kām), ādinnam (Ka)

2. Bhāṭṭiputtaṇādikam (Sī, Kām)

3. Gaṇācarinī (Sī), Vi 2. 292 piṭhe pana passitabbam.

### 3. Ekagāmantaragamanasikkhāpadavaṇṇanā

Tatiye gāmantaranti-ādīsu sakagāmato tāva nikkhampatiyā anāpatti, nikkhampitvā pana aññam gāmaṁ gacchantiyā pade pade dukkaṭam, ekena pādena itarassa gāmassa parikkhepe vā upacāre vā atikkante thullaccayam, dutiyena atikkantamatte saṅghādiseso, tato nikkhampitvā puna sakagāmam pavisantiyāpi es'eva nayo. Sace pana khaṇḍapākārena vā vaticchiddena vā bhikkhunivihārabhūmiṁ yeva sakkā hoti pavisitum, evam pavisamānāya kappiyabhūmiyā paviṭṭhā nāma hoti, tasmā vaṭṭati. Bahigāme ṭhatvā yam kiñci sakagāmam vā paragāmam vā akappiyabhūmim padasā pavisantiyā āpattītī ayamettha saṅkhepo.

Nadipāragamane vuttalakkhaṇāya nadiyā dutiyikam vinā paratīram gacchantiyā vā antarānadiyam<sup>1</sup> dutiyikāya saddhim bhaṇḍitvā puna orimatīrameva paccuttarantiyā vā paṭhamapādam uddharitvā tīre ṭhapitakkhaṇe thullaccayam, dutiyapāduddhare saṅghādiseso. Iddhisetuyānanāvāhi pana paratīram otaritum, nahānādikāraṇena ca otīṇāya orimatīram padasāpi paccuttaritum vaṭṭati.

Rattivippavāse “pure aruṇe yeva dutiyikāya hatthapāsaṁ okkamissāmī”ti ābhogaṁ vinā ekagabbhepi dutiyikāya hatthapāsātikkame ṭhatvā aruṇam utṭhāpentiyā āpatti.

**Ekā vā gaṇamhāti** ettha pana ekā bhikkhunīpi gaṇo yeva. **Ohīyeyyāti** avahīyeyya, dassanūpacāram vā savanūpacāram vā vijaheyyāti attho. Tasmā indakhīlātikkamato paṭṭhāya bahigāme rukkhathambhasāṇipākārādi-antaritabhbāven’āpi dutiyikāya dassanūpacāre vijahite sacepi savanūpacāro atthi, āpatti yeva. Ajjhokāse pana dūrepī dassanūpacāro hoti, tattha maggamūļhasaddena viya dhammassavanārocanaasaddena viya ca ‘ayye’ti saddāyantiyā saddassavanātikkame āpatti yeva. Sace pana maggam gacchantī ohīyitvā “idāni pāpuṇissāmī”ti sa-ussāhā<sup>2</sup> anubandhati, vaṭṭati.

1. Antarāya nadiyā (Sī)

2. Sa-ussāham (Sī)

Sāvatthiyam aññataram bhikkhunim ārabbha  
gāmantaragamanavatthusmim paññattam, “ekā vā nadipāran”ti-ādikā ettha  
tividhā anupaññatti, pure aruṇe sakagāmato nikkhmitvā aruṇuggamanakale  
gāmantarapariyāpannam nadipāram okkamanantiyā pana catassopi āpattiyo  
ekakkhaṇe yeva honti. Vuttampi c’etam—

“Sikkhāpadā Buddhavarena vaṇṇitā,  
Samghādisesā caturo bhaveyyum.  
Āpajjeyya ekapayogena sabbā,  
Pañhā m’esā kusalehi cintitā”ti<sup>1</sup>.

Etenupāyena tiṇam, dvinnañca ekatobhāvo veditabbo. Dutiyikāya pana  
pakkantāya vā vibbhantāya vā kālaṅkatāya vā pakkhasaṅkantāya vā āpadāsu  
vā gāmantaragamanādīni karontiyā ummattikādīnañca anāpatti. Antarāyena  
ekatobhāvo gāmantaragamanādīsu aññataratāpajjanam, āpadāya abhāvoti  
imān’ettha tīṇi aṅgāni. Samuṭṭhānādīni paṭhamapārājikasadisāni, idam pana  
paññattivajjam, ticittam, tivedananti.

Ekagāmantaragamanasikkhāpadavaṇṇanā niṭṭhitā.

#### 4. Ukkhittaka-osāraṇasikkhāpadavaṇṇanā

Catutthe ukkhattanti āpattiyā adassanādīsu ukkittam. **Anaññāya**  
**gaṇassa chandanti** tass’eva kārakasamghassa chandam ajānitvā. **Osāreyyāti**  
osāraṇakammam kareyya. Tassā evam karontiyā, gaṇapariyesane  
sīmāsammutiyā ñattiyā ca dukkaṭam, dvīhi kammavācāhi thullaccayam,  
kammavācāpariyosāne saṃghādiseso.

Sāvatthiyam Thullanandam ārabbha evam osāraṇavatthusmim  
paññattam, tikasamghādisesam, adhammakamme tikadukkaṭam,  
kārakasamgham vā āpucchitvā gaṇassa vā chandam jānitvā vatte vā  
vattantim asante kārakasamghe osārentiyā, ummattikādīnañca anāpatti.  
Dhammakamma ukkhittatā aññatra

1. Vi 5. 374 piṭṭhe.

anuññātakāraṇā osāraṇanti imān’ettha dve aṅgāni. Samuṭṭhānādīni Saṅghabhedasikkhāpade vuttanayān’eva, idam pana kiriyākiriyyanti.

Ukkhittaka-osāraṇasikkhāpadavaṇṇanā niṭṭhitā.

---

### 5. Bhojanappaṭiggahaṇapāṭhamasikkhāpadavaṇṇanā

Pañcame **avassutāti** chandarāgena tintā. **Avassutassāti** tādisass’eva. **Khādeyya vā bhuñjeyya vāti** ettha paṭiggahaṇe thullaccayām, ajjhohāre ajjhohāre saṅghādiseso.

Sāvatthiyām Sundarīnandam ārabbha avassutāya avassutassa hatthato āmisappaṭiggahaṇavatthusmim paññattam, ekato-avassute paṭiggahaṇe dukkaṭam, ajjhohāre ajjhohāre thullaccayām, yakkhapetapanḍakatiracchānagatamanussaviggahānam hatthato ubhato-avassutepi sati es’eva nayo. Tattha pana ekato-avassute sati dukkaṭam, sabbattha udakadantaponaggahaṇepi paribhogepi dukkaṭameva. Ubhosu anavassutesu, “anavassuto”ti vā ñatvā gaṇhantiyā, ummattikādīnañca anāpatti. Udakadantaponato aññam ajjhoharaṇīyām ubhato-avassutatā sahatthā gahaṇam ajjhoharaṇanti imān’ettha cattāri aṅgāni. Samuṭṭhānādīni paṭhamapārājikasadisānīti.

Bhojanappaṭiggahaṇapāṭhamasikkhāpadavaṇṇanā niṭṭhitā.

---

### 6. Bhojanappaṭiggahaṇadutiyasikkhāpadavaṇṇanā

Chatthe yato tvanti yasmā tvam. Inghāti uyyojanatthe nipāto. **Ayampīti** yā evam uyyojeti, sā evam uyyojanena ca tena vacanena itarissā paṭiggahaṇena ca dukkaṭāni ajjhohāragaṇānāya thullaccayāni ca āpajjitvā bhojanapariyosāne saṅghādisesam āpajjati.

Sāvatthiyām aññataram bhikkhunim ārabbha evam uyyojanavatthusmim paññattam, sāṇattikameva, purisassa vā yakkhādīnam vā hatthato udakadantaponappaṭiggahaṇuyyojane ca tesam paribhoge ca dukkaṭam, esa nayo yakkhādīnam hatthato avasesaggahaṇattham uyyojane tesam gahaṇe ajjhohāre ca. Bhojanapariyosāne pana thullaccayām. “Anavassuto”ti

ñatvā vā “kupitā na paṭiggaṇhatī”ti vā “kulānuddayatāya na paṭiggaṇhatī”ti vā uyyojentiyā, ummattikādīnañca anāpatti. Manussapurisatā aññatra anuññātakāraṇā “khādanīyam bhojanīyam gahetvā bhuñjā”ti uyyojanā tena vacanena gahetvā itarissā bhojanapariyosānanti imān’ettha tīṇi aṅgāni. Samuṭṭhānādīni adinnādānasadisānīti.

Bhojanappaṭiggahaṇadutiyasikkhāpadavaṇṇanā niṭṭhitā.

---

### 7-9. Sañcarittādisikkhāpadavaṇṇanā

Sattama-aṭṭhamanavamasikkhāpadānām sañcarittādittaye vuttanayen’eva vinicchayo veditabbo.

Sañcarittādisikkhāpadavaṇṇanā niṭṭhitā.

---

### 10. Sikkhamāpaccācikkhaṇasikkhāpadavaṇṇanā

Dasame kiṁ nu’mā’va samaṇiyoti kiṁ nu imā eva samaṇiyo.

Tās’āhanti tāsamī aham. Yāvatatiyakapadattho Bhikkhupātimokkhavaṇṇanāyam<sup>1</sup>, avasesavinicchayo ca tath’eva Samghabhedasikkhāpadavaṇṇanāyam vuttanayen’eva veditabbo. Idam pana Sāvatthiyam Caṇḍakālibhikkhunim<sup>2</sup> ārabbha “Buddham paccācikkhāmī”ti-ādivacanavatthusmī paññattam, evam vacanameva c’ettha catūsu aṅgesu paṭhamam aṅganti ayam viseso, sesam tādisamevāti.

Sikkhamāpaccācikkhaṇasikkhāpadavaṇṇanā niṭṭhitā.

---

### 11. Adhikaraṇakupitasikkhāpadavaṇṇanā

Ekādasame kismiñcideva adhikaraṇeti catunnām aññatarasmiṁ. Paccākatāti parājītā. Idampi Sāvatthiyam Caṇḍakālīm ārabbha “chandagāminiyo ca bhikkhuniyo”ti-ādivacanavatthusmī paññattam, sesam dasame vuttanayen’eva veditabbanti.

Adhikaraṇakupitasikkhāpadavaṇṇanā niṭṭhitā.

---

1. Kaṇkhā-Ṭīha 144 piṭṭhe.

2. Vi 2. 303 piṭṭhe.

## 12. Pāpasamācārapaṭhamasikkhāpadavaṇṇanā

Dvādasame **samsatthati** pabbajitānam ananulomena gihinam  
koṭṭanapacanasāsanaharaṇādinā kāyikavācasikena missibhūtā. Pāpo  
kāyikavācasiko ācāro etāsanti **pāpācārā**. Pāpo kittisaddo etāsanti **pāpasaddā**.  
Pāpo ājīvasaṅkhāto siloko etāsanti **pāpasilokā**. **Bhikkhunisamghassa**  
**vihesikāti** aññamaññissā kamme kariyamāne paṭikkosanena vihesikā.  
**Vajjappaṭicchādikāti** khuddānukhuddakassa vajjassa paṭicchādikā.

Sāvatthiyam sambahulā bhikkhuniyo ārabbha  
samsatthavihāravatthusmim paññattam, sesametth'āpi dasame  
vuttanayen'eva veditabbam, samanubhāsanakammakāle pana dve tisso ekato  
samanubhāsitabbāti.

Pāpasamācārapaṭhamasikkhāpadavaṇṇanā niṭhitā.

---

## 13. Pāpasamācāradutiyasikkhāpadavaṇṇanā

Terasame **evam vadeyyāti** tā samanubhāṭṭhā bhikkhuniyo evam  
vadeyya. **Evācārāti** evam ācārā, yādiso tumhākam ācāro, tādiso ācāroti  
attho, esa nayo sabbattha. **Uññāyāti** avaññāya nīcam katvā jānanāya.  
**Paribhavenāti** “kim imā karissantī”ti evam paribhavitvā jānanena.  
**Akkhantiyāti** asahanatāya, kodhenāti attho. **Vebhassiyāti**<sup>1</sup> balavantassa  
bhāvena, attano balappakāsanena samutrāsenāti attho. **Dubbalyāti** tumhākam  
dubbalabhbhāvena, sabbattha uññāya ca paribhavana cāti evam samuccayattho  
daṭṭhabbo. **Viviccathāti** nānā hotha, ananulomikam  
kāyikavācasikasamaggam pajahathāti attho.

Sāvatthiyam Thullanandam ārabbha “samsatthāva ayye tumhe  
viharatha, mā tumhe nānā viharithā”ti uyyojanavatthusmim paññattam,  
sesametth'āpi dasame vuttanayen'eva veditabbanti.

Pāpasamācāradutiyasikkhāpadavaṇṇanā niṭhitā.

---

1. Vebhassāti (Sī, Kam)

#### 14. Saṅghabhedakādisikkhāpadavaṇṇanā

Saṅghabhedādīsu catūsu vuttanayen’eva vinicchayo veditabbo.

Kevalañhi bhikkhunī saṅgham na bhindati, bhedāya pana parakkamati c’eva anuvattati ca. **Udditthā kho ayyāyo sattarasa saṅghādisesā dhammāti** bhikkhū ārabba paññattā sādhāraṇā satta, asādhāraṇā dasāti evam sattarasa. **Ubhatosaṅghe pakkhamānattam caritabbanti** bhikkhuniyā hi āpattim chādentiyāpi parivāso nāma n’atthi, chādanapaccayāpi na dukkaṭam āpajjati, tasmā chādetvāpi achādetvāpi ekam pakkhamānattameva caritabbam. Tam bhikkhunīhi attano sīmarā sodhetvā vihārasīmāya vā, sodhetum asakkontīhi khaṇḍasīmāya vā sabbantimena paricchedena catuvggam gaṇam sannipāpetvā dātabbam. Sace ekā āpatti hoti, ekissā vasena, sace dve vā ti so vā sambahulā vā ekavatthukā vā nānāvatthukā vā, tāsam tāsam vasena Bhikkhupātimokkhavaṇṇanāyam vuttavatthugottanāma-āpattibhedesu yam yam icchatī, tam tam ādāya yojanā kātabbā.

Tatr’idam paṭhamāpattivasena mukhamattanidassanam—tāya āpannāya bhikkhuniyā<sup>1</sup> bhikkhunisaṅgham upasaṅkamitvā ekamśam uttarāsaṅgam karitvā vuḍḍhānam bhikkhunīnam pāde vanditvā ukkuṭikam nisiditvā añjaliṁ paggahetvā evamassavacanīyo “aham ayye ekam āpattim āpajjim ussayavādam, s’āham ayye saṅgham ekissā āpattiyā ussayavādāya pakkhamānattam yācāmī”ti, evam tikkhattum yācāpetvā byattāya bhikkhuniyā paṭibalāya saṅgho nāpetabbo—

“suṇātu me ayye saṅgho, ayaṁ itthannāmā bhikkhunī ekaṁ āpattim āpajjim ussayavādam, sā saṅgham ekissā āpattiyā ussayavādāya pakkhamānattam yācati, yadi saṅghassa pattakallam, saṅgho itthannāmāya bhikkhuniyā ekissā āpattiyā ussayavādāya pakkhamānattam dadeyya, esā nātti.

Suṇātu me ayye saṅgho, ayaṁ itthannāmā bhikkhunī -pa-. Dutiyampi -pa-. Tatiyampi etamattham vadāmi. Suṇātu me ayye saṅgho -pa- sā bhāseyya. Dinnam saṅghena itthannāmāya bhikkhuniyā ekissā

1. Āpannāya (Syā, Ka)

āpattiyā ussayavādāya pakkhamānattam. Khamati samghassa, tasmā tuṇhī, evametam dhārayāmī”ti.

Kammavācāpariyosāne “vattam samādiyāmi, mānattam samādiyāmī”ti samādiyitvā samghassa ārocetvā nikkhittavattena<sup>1</sup> tāva vasitukāmāya tatth’eva samghamajjhe vā pakkantāsu bhikkhunīsu ekabhikkhuniyā vā dutiyikāya vā santike “vattam nikhipāmi, mānattam nikhipāmī”ti nikhipitabbam. Aññissā pana āgantukāya santike ārocetvā nikhipitabbam, nikkhittakālato paṭṭhāya pakatattaṭṭhāne tiṭṭhati, tato pure-aruṇe yeva catūhi bhikkhunīhi tam bhikkhuniṁ gahetvā gāmūpacārato ca bhikkhūnam vihārūpacārato ca dve leḍḍupāte atikkamitvā mahāmaggā okkamma gumbavati-ādīhi paṭicchanne okāse nisīditabbam. Catūhi bhikkhūhipi tattha gantabbam, gantvā bhikkhunīnam avidūre visum nisīditabbam. Atha tāya bhikkhuniyā vuttanayen’eva vattam samādiyitvā bhikkhunisaṃghassa tāva evam ārocetabbam—

“aham ayye ekam āpattim āpajjim ussayavādam, s’āham samgham ekissā āpattiyā ussayavādāya pakkhamānattam yācim, tassā me samgho ekissā āpattiyā ussayavādāya pakkhamānattam adāsi, s’āham mānattam carāmi, vedayām’aham ayye, ‘vedayatī’ti mām samgho dhāretū”ti.

Tato bhikkhusaṃghassa santikam gantvā evam ārocetabbam “aham ayyā ekam āpattim āpajjim -pa- vedayām’aham ayyā, ‘vedayatī’ti mām samgho dhāretū”ti. Ārocetvā bhikkhunisaṃghass’eva santike nisīditabbam, tato paṭṭhāya bhikkhūsu vā dutiyikam ṭhapetvā bhikkhunīsu vā pakkantāsupi ubhatosaṃghe mānattam ciṇḍameva hoti. Yāva aruṇam na uṭṭhahati, tāva yam paṭhamam passati bhikkhūm vā bhikkhunīm vā, tassā ārocetabbam. Uṭṭhite aruṇe vattam nikhipitvā upassayaṁ gantabbam, evam pañcadasa aruṇā gahetabbā.

Anikkhittavattāya pana āgantukesu asati catunnam bhikkhūnañca bhikkhunīnañca devasikam ārocetvā āgantukesu sati sabbesampi āgantukānam

1. Nikkhittavattāya tāya (Sī, Kam)

ārocentiyā pañcadasa divasāni Pārivāsikakkhandake<sup>1</sup> vuttanayen’eva  
 sammā vattitabbanti ayamettha saṅkhepo. Vitthāro pana  
 Samantapāsādikāyam<sup>2</sup> vutto. **Ciṇṇamānattāya bhikkhuniyāti** yadā evam  
 ciṇṇamānattā bhikkhunī hoti, ath’assā **yattha siyā vīsatigāṇo**  
**bhikkhunisaṅghoti** vuttanayen’eva abbhānakammam kātabbam, sesam  
 uttānamevāti.

Kaṅkhāvitarāṇiyā pātimokkhavaṇṇanāya

Bhikkhunipātimokkhe

Saṅghādisesavaṇṇanā niṭṭhitā.

---

1. Vi 4. 82 pitthe.

2. Vi-Tṭha 4. 6 piṭṭhādīsu.

# Nissaggyakaṇḍa

## 1. Pattasannicayasikkhāpadavaṇṇanā

Nissaggiyesu ādivaggassa tāva paṭhame **pattasannicayam kareyyāti** pattasannidhim kareyya, ekāham anadhiṭṭhahitvā vā avikappetvā vā adhiṭṭhānupagam pattaṁ ṭhapeyyāti attho.

Sāvatthiyaṁ chabbaggyā bhikkhuniyo ārabbha  
pattasannicayavatthusmiṁ paññattam, sesakathāmaggo  
bhikkhupātimokkhavaṇṇanāyam vuttanayen’eva veditabbo. Tatra hi  
dasāhātikkame āpatti, idha ekāhātikkameti ettakameva tassa ca imassa ca  
nānākaraṇam, sesam tādisamevāti.

Pattasannicayasikkhāpadavaṇṇanā niṭṭhitā.

---

## 2. Akālacīvarasikkhāpadavaṇṇanā

Dutiye **akālacīvaranti** atthathe kathine kathinamāsehi, anatthate cīvaramāsato aññasmim kāle uppannam, yam vā pana kālepi ādissa dinnam. **Ādissa dinnam** nāma “sampattā bhājentū”ti vatvā vā “idam gaṇassa, idam tumhākam dammī”ti vatvā vā, dātukāmatāya pādamūle ṭhapetvā vā dinnam. Icc’etam akālacīvaraṁ “kālacīvaran”ti adhiṭṭhahitvā bhājāpentiyā payoge dukkaṭam, yam attanā laddham, tam nissaggyam hoti. Nissaṭṭham paṭilabhitvāpi yathādāne yeva upanetabbam. Aññasmimpi evarūpe sikkhāpade es’eva nayo.

Sāvatthiyam Thullanandam ārabbha akālacīvaraṁ “kālacīvaran”ti adhiṭṭhahitvā bhājanavatthusmiṁ paññattam, akālacīvare vematikāya, kālacīvare akālacīvarasaññāya c’eva vematikāya ca dukkaṭam. Ubhosu kālacīvarasaññāya, ummattikādīnañca anāpatti. Akālacīvaratā tathāsaññitā “kālacīvaran”ti adhiṭṭhāya lesena bhājāpanam paṭilābhoti imān’ettha cattāri aṅgāni. Samuṭṭhānādīni adinnādānasadisānīti.

Akālacīvarasikkhāpadavaṇṇanā niṭṭhitā.

### 3. Cīvaraparivattanasikkhāpadavaṇṇanā

Tatiye **handāti** gaṇha. Acchindeyyāti sayam acchindantiyā bandhitvā ṭhapitesu bahūsupi ekāpatti, itaresu vatthugaṇanāya āpattiyo. Acchindāpane pana ekāya āṇattiyā bahūsu acchinnesupi ekā'v'āpatti.

Sāvatthiyaṁ Thullanandam ārabba cīvaraṁ parivattetvā acchindanavatthusmiṁ paññattam, sāṇattikam, tikapācittiyam, aññasmim parikkhāre tikadukkaṭam, anupasampannāya cīvarepi tikadukkaṭameva. Yā pana tāya vā diyamānam, tassā vā vissāsam<sup>1</sup> gaṇhāti, tassā, ummattikādīnañca anāpatti. Upasampannatā parivattitacīvarassa vikappanupagatā sakasaññāya acchindanam vā acchindāpanam vati imān'ettha tīṇi aṅgāni. Samuṭṭhānādīni adinnādānasadisāni, idam pana dukkhavedananti.

Cīvaraparivattanasikkhāpadavaṇṇanā niṭṭhitā.

---

### 4. Aññaviññāpanasikkhāpadavaṇṇanā

Catutthe **viññāpetvāti** jānāpetvā, “idam nāma āharā”ti yācitvā vā. **Aññam viññāpeyyāti** yam pubbe “kinte ayye aphāsu, kim āhariyatū”ti vuttāya viññāpitam, tam paṭikkhipitvā tañc’eva aññañca gahetukāmā tato aññam viññāpeyya, tassā viññattiyā dukkaṭam, paṭilābhena nissaggyam hoti.

Sāvatthiyaṁ Thullanandam ārabba aññam viññāpetvā aññam viññāpanavatthusmiṁ paññattam, tikapācittiyam, anaññe dvikadukkaṭam. Anaññe anaññasaññāya pana tasmiṁ appahonte puna taññeva aññenapi atthe sati tena saddhim aññañca yañca viññattam, tato ce aññam samagghataram hoti, imam ānisamsam dassetvā suddham aññameva ca viññāpentiyā, ummattikādīnañca anāpatti. Lesena gahetukāmatā aññassa viññāpanam paṭilābhoti imān'ettha tīṇi aṅgāni. Samuṭṭhānādīni sañcarittasadisānīti.

Aññaviññāpanasikkhāpadavaṇṇanā niṭṭhitā.

---

1. Vissāsā (Sī)

### 5. Aññacetāpanasikkhāpadavaṇṇanā

Pañcame **aññam** **cetāpetvā** attano kappiyabhaṇḍena “idam nāma āharā”ti aññam parivattāpetvā. **Aññam** **cetāpeyyāti** “evam me idam datvā aññampi āharissatī”ti maññamānā “na me iminā attho, idam nāma me āharā”ti tato aññam cetāpeyya. Tassā cetāpanappayoge dukkaṭam, paṭilābhena tena vā aññena vā mūlena<sup>1</sup> āhaṭam<sup>2</sup> nissaggyam hoti, sesam catutthasadisamevāti.

Aññacetāpanasikkhāpadavaṇṇanā niṭhitā.

---

### 6. Paṭhamasaṃghikacetāpanasikkhāpadavaṇṇanā

Chaṭṭhe **aññadatthikenāti** aññassatthāya dinnena. **Aññuddisikenāti** aññam uddisitvā dinnena. **Saṃghikenāti** saṃghassa pariccattena. **Parikkhārenāti** kappiyabhaṇḍena. **Aññam** **cetāpeyyāti** “idam nāma paribhuñjeyyāthā”ti yam uddisitvā niyametvā yo parikkhāro dinno, tato aññam parivattāpeyya, tassā payoge dukkaṭam, paṭilābhena nissaggyam.

Sāvatthiyam sambahulā bhikkhuniyo ārabbha tādisena parikkhārena aññam cetāpanavatthusmim paññattam, tikapācittiyam, anaññadatthike dvikadukkaṭam. Tasmim pana anaññadatthikasaññāya, sesakam upanentiyā, “tumhehi etadatthāya dinno, amhākañca iminā nāma attho”ti sāmike apaloketvā upanentiyā, yadā bhikkhuniyo vihārampi chaḍḍetvā pakkamanti, evarūpāsu āpadāsu upanentīnam, ummattikādīnañca anāpatti. Sesam catutthasadisamevāti.

Paṭhamasaṃghikacetāpanasikkhāpadavaṇṇanā niṭhitā.

---

### 7. DutiyaSaṃghikacetāpanasikkhāpadavaṇṇanā

Sattame **saññācikenāti** sayam yācitakenāpi. Etadev’ettha nānākaraṇam, sesam chaṭṭhasadisamevāti.

Dutiyasaṃghikacetāpanasikkhāpadavaṇṇanā niṭhitā.

1. Aññena mūlena (Sī)

2. Ābhataṁ (Sī)

### **8. Paṭhamagaṇikacetāpanasikkhāpadavaṇṇanā**

Aṭṭhame **mahājanikenāti** gaṇassa pariccattena, idamettha chatthato nānākaraṇam.

Paṭhamagaṇikacetāpanasikkhāpadavaṇṇanā niṭṭhitā.

---

### **9. Dutiyagaṇikacetāpanasikkhāpadavaṇṇanā**

Navame **saññācikenāti** idam aṭṭhamato atirittam, sesam dvīsupi chaṭṭhasikkhāpadasadisamevāti.

Dutiyagaṇikacetāpanasikkhāpadavaṇṇanā niṭṭhitā.

---

### **10. Puggalikacetāpanasikkhāpadavaṇṇanā**

Dasame **puggalikenāti** ekabhikkhuniyā pariccattena. **Saññācikenāti** sayam yācitakena ca. **Aññām cetāpeyyāti** yam uddisitvā dinnam, tato aññām cetāpentiyā payoge dukkaṭam, paṭilābhena nissaggyam hoti.

Sāvatthiyam Thullanandam ārabbha tādisena parikkhārena aññām cetāpanavatthusmim paññattam, sesam chaṭṭhasadisamevāti.

Puggalikacetāpanasikkhāpadavaṇṇanā niṭṭhitā.

Pattavaggo paṭhamo.

---

### **11. Garupāvuraṇasikkhāpadavaṇṇanā**

Dutiyassa paṭhame **garupāvuraṇanti** sītakāle pāvuraṇam. **Catukkāṁsaparamanti** kamso nāma catukkahāpaṇiko hoti, tasmā sośasakahāpaṇagghanakam. **Cetāpetabbanti** ṭhapetvā sahadhammike ca ñātakappavārite ca aññena kismiñcideva guṇe parituṭṭhenā “vadeth’āyye, yen’attho”ti vuttāya viññāpetabbam. **Tato ce uttarīti** tatuttari viññāpentiyā dukkaṭam, patiladdham nissaggyam hoti.

Sāvatthiyam Thullanandam ārabbha rājānam kambalam  
 viññāpanavatthusmim paññattam, tikapācittiyam, ūnakacatukkamse  
 dvikadukkaṭam. Tasmim pana ūnakasaññāya catukkamśaparamam  
 cetāpentiyā ñātakappavārite vā aññassa vā atthāya, attano vā dhanena,  
 mahaggham cetāpentam appaggham<sup>1</sup> cetāpentiyā, ummattikādīnañca  
 anāpatti. Garupāvuraṇatā atirekatukkamśatā ananuññātaṭṭhāne viññatti  
 paṭilābhoti imān'ettha cattāri aṅgāni. Samuṭṭhānādīni sañcarittasadisānīti.

Garupāvuraṇasikkhāpadavaṇṇanā niṭṭhitā.

---

## 12. Lahupāvuraṇasikkhāpadavaṇṇanā

Dutiye lahupāvuraṇanti uṇhakāle pāvuraṇam.  
**Aḍḍhateyyakamśaparamanti** dasakahāpaṇagghanakam, sesam  
 paṭhamasadisamevāti.

Lahupāvuraṇasikkhāpadavaṇṇanā niṭṭhitā.

Ito parāni imasmim vagge aṭṭha tatiyavagge dasāti imāni aṭṭhārasa  
 sikkhāpadāni Bhikkhupātimokkhavaṇṇanāyam vuttanayen'eva veditabbānīti.

Jātarūpavaggo tatiyo.

**Uddiṭṭhā** kho ayyāyo tiṁsa nissaggiyā pācittiyā dhammāti bhikkhū  
 ārabbha paññattā sādhāraṇā aṭṭhārasa asādhāraṇā dvādasāti evam tiṁsa.  
 Sesam sabbattha uttānamevāti.

Kaṅkhāvitaraniyā pātimokkhavaṇṇanāya

Bhikkhunipātimokkhe

Nissaggiyapācittiyavaṇṇanā niṭṭhitā.

---

1. Samaggham (Syā, Kam, Ka)

## Pācittiya

### 1. Lasuṇavagga 2. Lasuṇasikkhāpadavaṇṇanā

Pācittiyesu Lasuṇavaggassa tāva paṭhame lasuṇanti Magadharatthe jātam āmakam bhaṇḍikalasuṇameva<sup>1</sup>, na ekadvitimiñjakam. Tañhi “khādissāmī”ti paṭiggaṇhantiyā dukkaṭam, ajjhohāre ajjhohāre pācittiyan.

Sāvatthiyām Thullanandam ārabbha lasuṇam harāpanavatthusmim paññattam, tīkapācittiyan, alasuṇe dvikadukkaṭam. Tasmin pana alasuṇasaññāya, palaṇḍuke, bhañjanake, haritake, cāpalasuṇe, sūpasampāke, maṁsasampāke, telasampāke, sālave, uttaribhaṅge, ummattikādīnañca anāpatti. Āmakalasuṇañc’eva ajjhoharaṇañcāti imān’ettha dve aṅgāni. Samuṭṭhānādīni eļakalomasadisānīti.

Lasuṇasikkhāpadavaṇṇanā niṭṭhitā.

### 2. Sambādhalomasikkhāpadavaṇṇanā

Dutiye sambādheti paṭicchannokāse, upakacchakesu ca muttakaraṇe cāti attho. Samharāpeyyāti ettha khurasañḍāsakattari-ādīsu yena kenaci samharāpentiyā payogagaṇanāya pācittiyan, na lomagaṇanāya.

Sāvatthiyām Chabbaggiyā bhikkhuniyo ārabbha sambādhe lomam samharāpanavatthusmim paññattam, attano atthāya aññam āṇāpentiyā sāṇattikam, āpattibhedo n’atthi. Ābādhapaccayā, ummattikādīnañca anāpatti. Ābādhābhāvo sambādhe lomasamharānti imān’ettha dve aṅgāni. Samuṭṭhānādīni bhikkhuniyā saddhim ekaddhānamaggagamanasikkhāpadasadisānīti.

Sambādhalomasikkhāpadavaṇṇanā niṭṭhitā.

---

1. Gaṇḍikalasuṇameva (Pācītyādiyojanā 1. 116 piṭṭhe.)

### 3. Talaghātakasikkhāpadavaṇṇanā

Tatiye **talaghātaketi** antamaso uppakesaren’āpi muttakaranāssa talaghātane muttakaraṇamhi pahāradāne pācittiyanti attho.

Sāvatthiyam dve bhikkhuniyo ārabbha talaghātakaraṇavatthusmim paññattam, purimanayen’eva sāṇattikam, āpattibhedo n’atthi. Ito param pana yattha n’atthi, tattha avatvā’va gamissāma. Ābādhapaccayā gaṇḍam vā vaṇam vā paharantiyā, ummattikādīnañca anāpatti. Ābādhābhāvo muttakaraṇe pahāradānam phassasādiyananti imān’ettha tīṇi aṅgāni. Samuṭṭhānādīni paṭhamapārājikasadisānīti.

Talaghātakasikkhāpadavaṇṇanā niṭṭhitā.

---

### 4. Jatumaṭṭhakasikkhāpadavaṇṇanā

Catutthe **jatumaṭṭhaketi** jatunā kate maṭṭhadanḍake. Vatthuvasen’etam vuttam, kāmarāgena pana uppakesarampi pavesentiyā āpatti.

Sāvatthiyam aññataram bhikkhunim ārabbha  
jatumaṭṭhakasādiyanavatthusmim paññattam, sesam tatiyasadisamevāti.

Jatumaṭṭhakasikkhāpadavaṇṇanā niṭṭhitā.

---

### 5. Udakasuddhikasikkhāpadavaṇṇanā

Pañcame **udakasuddhikanti** muttakaranāssa dhovanam. Ādiyamānāyāti karontiyā. **Dvaṅgulapabbaparamam** ādātabbanti dvīsu aṅgulisu ekekam katvā dvaṅgulapabbaparamam ādātabbam. **Tam atikkāmentiyāti** sace dhovanakāle rāgavasena vitthārato tatiyāya aṅguliyā aggapabbam gambhīrato ekissāva aṅguliyā tatiyapabbam paveseti pācittiyam.

Sakkesu aññataram bhikkhunim ārabbha atigambhīram udakasuddhikam ādiyanavatthusmim paññattam, tikapācittiyam, ūnakadvaṅgulapabbe dvikadukkātam. Tasmin

pana ūnakasaññāya, dvaṅgulapabbaparamam ādiyantiyā, ābādhapaccayā atirekampi, ummattikādīnañca anāpatti, sesam tatiyasadisamevāti.

Udakasuddhikasikkhāpadavaṇṇanā niṭṭhitā.

---

### 6. Upatiṭṭhanasikkhāpadavaṇṇanā

Chaṭṭhe bhuñjantassāti pañcannam bhojanānam aññataram bhuñjato. Pānīyenāti suddhena vā udakena, takkādīsu vā aññatarena. Vidhūpanenāti yāya kāyaci bījaniyā. Upatiṭṭheyyāti yā etesu dvīsu aññataram gahetvā hatthapāse tiṭṭhati, tassā pācittiyam.

Sāvatthiyam aññataram bhikkhunim ārabba bhuñjantassa evam tiṭṭhanavatthusmim paññattam, tikapācittiyam, hatthapāsam vijahitvā khādanīyam khādantassa upatiṭṭhantiyā dukkaṭam, anupasampanne tikadukkaṭam. “Imam pivatha, iminā bijathā”ti evam dentiyā vā dāpentiyā vā anupasampannam vā upatiṭṭhāpanattham āñāpentiyā, ummattikādīnañca anāpatti. Bhuñjantassa bhikkhuno hatthapāse ṭhānam pānīyassa vā vidhūpan’assa vā gahaṇanti imān’ettha dve aṅgāni. Samuṭṭhānādīni elakalomasadisānīti.

Upatiṭṭhanasikkhāpadavaṇṇanā niṭṭhitā.

---

### 7. Āmakadhaññasikkhāpadavaṇṇanā

Sattame viññatvāti antamaso mātarampi yācitvā. Bhuñjeyyāti ajjhohareyya. Ettha ca viññatti c’eva bhojanañca pamāṇam, tasmā sayam viññatvā aññāya bhajjanādīni kārāpetvā vā aññāya viññāpetvā sayam bhajjanādīni katvā vā paṭiggahaṇato paṭṭhāya yāva dantehi samkhādanam, tāva pubbappayogesu dukkaṭāni, ajjhohāre ajjhohāre pācittiyam.

Sāvatthiyam sambahulā bhikkhuniyo ārabba āmakadhaññam viññāpanavatthusmim paññattam, sayam vā aññāya vā aviññattiyā laddham bhajjanādīni

katvā vā kāretvā vā bhuñjantiyā dukkaṭam, aññāya viññattiyā laddham pana sayam bhajjanādīni katvāpi kāretvāpi bhuñjantiyā dukkaṭameva. Ābādhe sati sedakammādīnam atthāya viññāpentiyā, aviññattiyā labbhamañnam navakammathāya sampaṭicchantiyā, ñātakappavāritaṭṭhāne muggamāsādi-aparaṇṇam viññāpentiyā, ummattikādīnañca anāpatti. Sattannam dhaññānam aññatarassa viññāpanam vā viññāpanam vā paṭilābho bhajjanādīni katvā vā kāretvā vā ajjhoharaṇanti imān’ettha tīṇi aṅgāni. Samuṭṭhānādīni addhānamaggasikkhāpadasadisānīti.

Āmakadhaññasikkhāpadavaṇṇanā niṭṭhitā.

---

#### 8. Paṭhama-uccārachaḍḍanasikkhāpadavaṇṇanā

Aṭṭhame saṅkāranti kacavaram. Vighāsanti yam kiñci paribhuttāvasesam ucchiṭṭhodakampi dantakaṭṭhampi, aṭṭhikacalakesu pana vattabbameva n’atthi. **Tirokuṭṭe vā tiropākāre vā**ti yassa kassaci kuṭṭassa vā pākārassa vā parato. **Chadḍeyya vā chadḍāpeyya vā**ti sabbāni p’etāni ekato chaḍḍentiyā ekappayoge ekāpatti, sakim āṇattiyā bahukepi chaḍḍite ekā’va.

Sāvatthiyam aññatarām bhikkhunim ārabba uccāram tirokuṭṭe chaḍḍanavatthusmim paññattam, sāṇattikam, bhikkhusa dukkaṭam, oloketvā vā avalañje vā chaḍḍentiyā, ummattikādīnañca anāpatti. Uccārādibhāvo anolokanam valañjanaṭṭhānam tirokuṭṭatiropākāratā chaḍḍanam vā chaḍḍāpanam vāti imān’ettha pañca aṅgāni. Samuṭṭhānādīni sañcarittasadisāni, idam pana kiriyākiriyantri.

Paṭhama-uccārachaḍḍanasikkhāpadavaṇṇanā niṭṭhitā.

---

#### 9. Dutiya-uccārachadḍanasikkhāpadavaṇṇanā

Navame hariteti khette vā nālikerādi-ārāme vā yattha katthaci ropimaharitaṭṭhāne. Tāni vatthūni chaḍḍentiyā vā chaḍḍāpentiyā vā

purimanayen'eva āpatti, tādise ṭhāne nisīditvā antamaso udakam pivitvā matthakacchinnam nālikerampi chaḍḍentiyā āpatti yeva.

Sāvatthiyam sambahulā bhikkhuniyo ārabbha uccārādīni harite chaḍḍanavatthusmim paññattam, sāṇattikam, tikapācittiyam, bhikkhuno dukkaṭam, bhikkhuniyāpi nikkhittabije khette yāva aṅkuro na utṭhahati, tāva dukkaṭam, aharite dvikadukkaṭam. Tasmim pana aharitasāññāya chaḍḍitakhette vā sāmike apaloketvā vā chaḍḍentiyā, ummattikādīnañca anāpatti. Sesam atṭhamasadisamevāti.

Dutiya-uccārachaḍḍanasikkhāpadavaṇṇanā niṭhitā.

---

## 10. Naccagītasikkhāpadavaṇṇanā

Dasame **naccanti** antamaso moranaccampi. **Gītanti** antamaso Dhammadbhāṇakagītampi. **Vāditanti** antamaso udakabherivāditampi. **Dassanāyāti** etesu yam kiñci dassanāya gacchantiyā pade pade dukkaṭam, yattha ṭhitā passati vā suṇāti vā, ekappayoge ekāpatti, tam tam disam olokentiyā payoge payoge āpatti.

Rājagahe chabbaggiyā bhikkhuniyo ārabbha naccādīni dassanāya gamanavatthusmim paññattam, sayam tāni vatthūni karontiyā aññam vā aññāpentiyā, “cetiyassa upahāram dethā”ti īdisena pariyāyena vā bhaṇtiyā, “cetiyassa upahāram karomā”ti vā vutte “sādhū”ti sampaṭicchantiyā ca pācittiyamevāti sabba-aṭṭhakathāsu vuttam<sup>1</sup>, bhikkhuno sabbattha dukkaṭam. “Tumhākaṁ cetiyassa upaṭṭhānam karomā”ti vutte pana “upaṭṭhānakaraṇam nāma sundaran”ti īdisam pariyāyam bhaṇtiyā, ārāme ṭhatvā passantiyā vā suṇantiyā vā, tathā attano ṭhitokāsam āgantvā payojitam paṭipatham gacchantiyā sammukhībhūtam salākabhāttādike sati karaṇīye gantvā āpadāsu vā samajjaṭṭhānam pavisitvāpi passantiyā vā suṇantiyā vā, ummattikādīnañca anāpatti. Naccādīnam aññataratā aññatra anuññātakāraṇā gamanam dassanam vā

---

1. Vi-Ṭṭha 3. 201 piṭṭhe.

savanam vāti imān'ettha tīṇi aṅgāni. Samuṭṭhānādīni eḷakalomasadisāni, idam pana lokavajjam, akusalacittam, tivedananti.

Naccagītasikkhāpadavaṇṇanā niṭṭhitā.

Lasuṇavaggo paṭhamo.

---

## 2. Rattandhakāravagga 1. Rattandhakārasikkhāpadavaṇṇanā

Andhakāravaggassa paṭhame **rattandhakāreti** ratti-andhakāre<sup>1</sup>. **Appadīpeti** pajjotacandasūriya-aggisu ekeken'āpi anobhāsite. **Purisenāti** santiṭṭhitum sallapituñca viññunā manussapurisena saddhim. **Santiṭṭheyya** vāti hatthapāse ṭhitamattāya pācittiyam. **Sallapeyyāti** tattha ṭhatvā gehasitakatham kathentiyāpi pācittiyameva.

Sāvatthiyam aññataram bhikkhunim ārabba evam santiṭṭhanavatthusmiṁ paññattam, purisassa hatthapāsam vijahitvā yakkhādīnam hatthapāsam avijahitvāpi santiṭṭhantiyā, sallapentiyā vā dukkaṭam, yam kiñci viññum dutiyam gahetvā evam karontiyā, arahopekkhāya, aññavihitāya, ummattikādīnañca anāpatti. Rattandhakāratā purisassa hatthapāse ṭhānam vā sallapanam vā sahāyābhāvo rahopekkhatāti imān'ettha cattāri aṅgāni. Theyyasatthasamuṭṭhānam, kiriyaṁ, saññāvimokkham, sacittakam, lokavajjam, kāyakammaṁ, vacīkammam, akusalacittam, tivedananti.

Rattandhakārasikkhāpadavaṇṇanā niṭṭhitā.

---

## 2. Paṭicchannokāsasikkhāpadavaṇṇanā

Dutiye **paṭicchanne** okāseti kuṭṭādīsu yena kenaci paṭicchanne, idamev'ettha nānattam.

Paṭicchannokāsasikkhāpadavaṇṇanā niṭṭhitā.

---

1. Rattim andhakāre (Sī, Kam)

### 3. Ajjhokāsallasappaṇasikkhāpadavaṇṇanā

Tatiye **ajjhokāseti** nānam<sup>1</sup>, sesam ubhayatth’āpi paṭhamasadisamevāti.

Ajjhokāsallasappaṇasikkhāpadavaṇṇanā niṭṭhitā.

### 4. Dutiyika-uyyojanasikkhāpadavaṇṇanā

Catutthe **rathikāyāti** racchāyam. **Byūheti** anividdharacchāyam.

**Singhātaketi** caccare. **Nikanṇikam** vā **jappeyyāti** kaṇṇamūle kiñci jappeyya. **Uyyojettyāti** anācāram caritukāmatāya “gaccha tvan”ti dutiyikam uyyojettya. **Pācittiyanti** purimanayen’eva tāva santiṭthanādīsu tīni pācittiyāni, uyyojentiyā pana uyyojane ca hatthapāsavijahane ca dukkaṭam, vijahite pācittiyam.

Sāvatthiyam Thullanandam ārabbha evam santiṭthanavatthusmim paññattam, sesam purimattayasadisameva. Anāpattiyam pana “na anācāram ācaritukāmā sati karaṇīye dutiyikam bhikkhunim uyyojeti”ti<sup>2</sup> ettakam adhikanti.

Dutiyika-uyyojanasikkhāpadavaṇṇanā niṭṭhitā.

### 5. Anāpucchāpakkamanasikkhāpadavaṇṇanā

Pañcame **purebhettanti** aruṇuggamanam upādāya yāva majjhānhikam. **Āsaneti** pallākass’okāsabhūte. **Sāmike anāpucchāti** tasmin kule yam kiñci viññum manussam anāpucchā. **Pakkameyyāti** ettha channassa anto nisiditvā anovassakam ajjhokāse upacāram atikkāmentiyā paṭhamapāde dukkaṭam, dutiye pācittiyam.

Sāvatthiyam aññataram bhikkhunim ārabbha anāpucchā pakkamanavatthusmim paññattam, tikapācittiyam, pallākassa anokāse dukkaṭam, tathā

1. Nānattam (Sī)

2. Vi 2. 356 piṭhe.

āpucchite anāpucchitasaññāya c’eva vematikāya ca. Āpucchitasaññāya pana asamhārime gilānāya āpadāsu ummattikādīnañca anāpatti. Purebhattatā antaraghare nisajjā āsanassa pallaṅkokāsatā aññatra anuññātakāraṇā anāpucchanam vuttparicchedātikkamoti imān’ettha pañca aṅgāni. Samuṭṭhānādīni kathinasadisāni, idam pana kiriyākiriyyanti.

Anāpucchāpakkamanasikkhāpadavaṇṇanā niṭṭhitā.

---

#### 6. Anāpucchā-abhinisīdanasikkhāpadavaṇṇanā

Chaṭṭhe pacchābhettanti majjhānhike vītivatte yāva sūriyassa atthaṅgamā<sup>1</sup>. Abhinisīdeyya vāti ādimhi nisīditvā gacchantiyā ekā āpatti, anisīditvā nipajjītvā gacchantiyāpi ekā, nisīditvā nipajjantiyā dve.

Sāvatthiyam Thullanandam ārabbha āsane abhinisīdanavatthusmim paññattam, sesam pañcamasadisameva. Yathā pana tattha asamhārime, evamidha dhuvapaññatte anāpattīti.

Anāpucchā-abhinisīdanasikkhāpadavaṇṇanā niṭṭhitā.

---

#### 7. Anāpucchāsantharaṇasikkhāpadavaṇṇanā

Sattame vikāleti atthaṅgate sūriye. Seyyanti antamaso paññasanthārampi. Sesam chaṭṭhasadisameva.

Idam pana Sāvatthiyam sambahulā bhikkhuniyo ārabbha vikāle kulāni upasaṅkamitvā sāmike anāpucchitvā seyyam santharitvā abhinisīdanavatthusmim paññattam, anāpattiyāñc’ettha dhuvapaññattam nāma n’atthīti.

Anāpucchāsantharaṇasikkhāpadavaṇṇanā niṭṭhitā.

---

1. Atthaṅgamanā (Syā, Kam, Ka)

### 8. Para-ujjhāpanakasikkhāpadavaṇṇanā

Aṭṭhame duggahitena dūpadhāritenāti yam vuttam, tato aññathā gahitena ca upadhāritena ca. Paranti “aham kirayye ayyam na sakkaccaṁ upaṭṭhahāmī”ti-ādinā<sup>1</sup> nayena upasampannam ujjhāpentiyā pācittiyam.

Sāvatthiyam aññataram bhikkhunim ārabbha evam param ujjhāpanavathusmim paññattam, tikapācittiyam, anupasampannāya tikadukkaṭam, ummattikādīnam yeva anāpatti. Duggahitatā ujjhāpanam yam ujjhāpeti, tassā upasampannatātī imān’ettha tīṇi aṅgāni. Samuṭṭhānādīni adinnādānasadisāni, idam pana dukkhavedananti.

Para-ujjhāpanakasikkhāpadavaṇṇanā niṭhitā.

### 9. Para-abhisapanasikkhāpadavaṇṇanā

Navame abhisapeyyāti sapatham kareyya. Tattha “niraye upapajjāmi, niraye upapajjatū”ti evamādīni vadāmānā **nirayena abhisapati** nāma, akkosatīti attho. “Gihinī homi, gihinī hotū”ti evamādīni vadāmānā **brahmacariyena**. Tassā vācāya vācāya pācittiyam.

Sāvatthiyam Caṇḍakālim ārabbha evam abhisapanavathusmim paññattam, tikapācittiyam, anupasampannāya tikadukkaṭam, tiracchānayoniyā vā pettivisayena vā manussadobhaggena vā abhisapanē dukkaṭam. Atthadhammānusāsanipurekkhārānam ummattikādīnañca anāpatti. Nirayena vā brahmacariyena vā<sup>2</sup> abhisapanam upasampannatā atthadhammapurekkhārādīnam<sup>3</sup> abhāvoti imān’ettha tīṇi aṅgāni. Samuṭṭhānādīni aṭṭhamasadisān’evāti.

Para-abhisapanasikkhāpadavaṇṇanā niṭhitā.

### 10. Rodanasikkhāpadavaṇṇanā

Dasame vadhitvāti hatthādīhi paharitvā, ubhayam karontiyā’va pācittiyam.

1. Vi 2. 362 piṭhe.

2. Nirayabrahmacariyehi (Syā, Kam, Ka)

3. Atthapurekkhārādīnam (Sī)

Sāvatthiyam Cañḍakālim ārabbha attānam vadhitvā rodanavatthusmiṁ paññattam, kevalam vadhantiyā vā rodantiyā vā dukkaṭameva. Nātirogabhogabyasanchi phuṭhāya kevalam rodantiyā eva na vadhantiyā, ummattikādīnañca anāpatti. Attānam vadhanañc’eva rodanañcāti imān’ettha dve aṅgāni. Samuṭṭhānādīni samanubhāsanasadisāni, idam pana kiriyamevāti.

Rodanasikkhāpadavañṇanā niṭṭhitā.

Rattandhakāravaggo dutiyo.

---

### **3. Naggavagga    1. Naggasikkhāpadavañṇanā**

Naggavaggassa paṭhame **naggāti** anivatthā vā apārutā vā. Evañhi nahāyantiyā sabbappayogesu dukkaṭam, nahānapariyosāne pācittiyam.

Sāvatthiyam sambahulā bhikkhuniyo ārabbha evam nahānavatthusmiṁ paññattam, udakasāṭikacīvare acchinne vā naṭṭhe vā “mahaggham idam disvā corāpi hareyyun”ti evarūpāsu āpadāsu vā nahāyantiyā, ummattikādīnañca anāpatti. Naggatā anuññātakāraṇābhāvo nahānapariyosānanti imān’ettha tīṇi aṅgāni. Samuṭṭhānādi eļakalomasadisānīti.

Naggasikkhāpadavañṇanā niṭṭhitā.

---

### **2. Udakasāṭikasikkhāpadavañṇanā**

Dutiye Sāvatthiyam chabbaggiyā bhikkhuniyo ārabbha appamāṇikāyo udakasāṭikāyo dhāraṇavatthusmiṁ paññattam, Sesamettha sabbaṁ Ratanavagge Nisīdanasikkhāpade vuttanayen’eva veditabbanti.

Udakasāṭikasikkhāpadavañṇanā niṭṭhitā.

---

### **3. Cīvarasibbanasikkhāpadavañṇanā**

Tatiye visibbetvāti dussibbitam punasibbanatthāya visibbetvā. Anantarāyikinīti dasasu antarāyesu ekekasmimpi asati. Aññatra

**catūhapañcāhāti** visibbitadivasato pañca divase atikkāmetvā “n’eva sibbissāmi, na sibbāpanāya ussukkam̄ karissāmī”ti dhuram̄ nikkhittamatte pācittiyam̄.

Sāvatthiyam̄ Thullanandam̄ ārabbha cīvaraṁ visibbetvā na sibbanavatthusmim̄ paññattam̄, tikapācittiyam̄, anupasampannāya tikadukkaṭam̄, tathā ubhinnampi aññasmim̄ parikkhāre. Yā pana antarāyikinī vā hoti, pariyesitvā vā kiñci na labhati, karontī vā pañcāham̄ atikkāmeti, tassā ca, gilānāya ca, āpadāsu ca, ummattikādīnañca anāpatti. Nivāsanapārupanupagacīvaratā, upasampannāya santakatā, sibbanathāya visibbanam̄ vā visibbāpanam̄ vā, aññatra anuññātakāraṇā pañcāhātikkamo, dhuranikkhepoti imān’ettha pañca aṅgāni. Samuṭṭhānādīni samanubhāsanasadisānīti.

Cīvarasibbanasikkhāpadavaṇṇanā niṭṭhitā.

---

#### 4. Saṅghāticārasikkhāpadavaṇṇanā

Catutthe pañca ahāni pañcāham̄, pañcāhameva **pañcāhikam̄**. Saṅghātinam̄ cāro **saṅghāticāro**, paribhogavasena vā otāpanavasena vā saṅghaṭitaṭṭhena ‘saṅghāṭī’ti laddhanāmām̄ ticīvaraṁ udakasāṭikā samkaccikāti imesam̄ pañcannam̄ cīvarānam̄ parivattananti atho. **Atikkāmeyya pācittiyanti** chaṭṭhe aruṇuggamane ekasmim̄ cīvare vuttanayena aparivattite ekā āpatti, pañcasu pañca.

Sāvatthiyam̄ sambahulā bhikkhuniyo ārabbha cīvaraṁ nikhipitvā santaruttarena janapadacārikam̄ pakkamanavatthusmim̄ paññattam̄, tikapācittiyam̄, pañcāhānatikkante dvikadukkaṭam̄. Tasmiṁ pana anatikkantasaññāya, pañcamam̄ divasam̄ pañca cīvarāni nivāsentiyā vā pārupantiyā vā otāpentiyā vā, gilānāya, “idam̄ me cīvaraṁ mahagham̄ īdise corabhaye na sakkā dhāretun”ti evarūpāsu āpadāsu, ummattikādīnañca anāpatti. Pañcannam̄ cīvarānam̄ aññataratā pañcāhātikkamo anuññātakāraṇābhavo aparivattananti imān’ettha cattāri aṅgāni. Samuṭṭhānādīni kathinasadisānīti.

Saṅghāticārasikkhāpadavaṇṇanā niṭṭhitā.

### 5. Cīvaraśaṅkamanīyasikkhāpadavaṇṇanā

Pañcame cīvaraśaṅkamanīyanti saṅkametabbam cīvaraṁ, aññissā santakam anāpuccchā gahitam puna paṭidātabbam<sup>1</sup> pañcannam aññataram cīvaranti attho. Dhāreyyāti sace tam nivāseti vā pārupati vā pācittiyam.

Sāvatthiyaṁ aññataram bhikkhunim ārabbha bhikkhuniyā cīvaraṁ ādāya anāpuccchā pārupanavatthusmiṁ paññattam, tikapācittiyam, anupasampannāya tikadukkaṭam. Yā pana tāya vā dinnam, tam vā āpuccchā, acchinnanaṭṭhacīvarikā vā hutvā, “idam me cīvaraṁ mahaggham īdise corabhaye na sakkā dhāretun”ti evarūpāsu āpadāsu vā dhāreti, tassā, ummattikādīnañca anāpatti. Cīvaraśaṅkamanīyatā upasampannāya santakatā anuññātakāraṇābhāvo dhāraṇanti imān’ettha cattāri aṅgāni. Samuṭṭhānādīni paṭhamakathinasadisāni, idam pana kiriyākiriyyanti.

Cīvaraśaṅkamanīyasikkhāpadavaṇṇanā niṭṭhitā.

---

### 6. Gaṇacīvaraśikkhāpadavaṇṇanā

Chaṭṭhe gaṇassāti bhikkhunisamghassa. Cīvaralābhanti vikappanupagampi pacchimam labhitabbam cīvaraṁ. Antarāyam kareyyāti yathā te dātukāmā na denti, evam parakkameyya. Pācittiyanti sace tassā vacanena te na denti, bhikkhuniyā pācittiyam.

Sāvatthiyaṁ Thullanandam ārabbha gaṇassa cīvaralābhantarāyakaraṇavatthusmiṁ paññattam, aññasmim parikkhāre dukkaṭam, sambahulānam pana ekabhippakhuniyā vā cīvaralābhēpi dukkaṭameva. “Samagghakāle dassathā”ti evam ānisamsam dassetvā nivārentiyā, ummattikādīnañca anāpatti. Vikappanupagapacchimatā<sup>2</sup> samghassa pariṇatabhāvo vinā ānisamsadassanena antarāyakaraṇanti imān’ettha tīṇi aṅgāni. Samuṭṭhānādīni adinnādānasadisānīti.

Gaṇacīvaraśikkhāpadavaṇṇanā niṭṭhitā.

---

1. Dātabbam (Sī)

2. Vikappanupagapacchimatā (Kam, Ka)

### 7. Paṭibāhanasikkhāpadavaṇṇanā

Sattame dhammikam cīvaravibhaṅganti samaggena saṃghena sannipatitvā karīyamānam cīvaravibhaṅgam. Paṭibāheyyāti paṭisedheyā, evam paṭisedhentiyā pācittiyam.

Sāvatthiyam Thullanandam ārabba dhammikam cīvaravibhaṅgam paṭibāhanavatthusmiṁ paññattam, dhammike vematikāya, adhammike dhammikasaññāya c’eva vematikāya ca dukkaṭam. Ubhayattha adhammikasaññāya, ānisamsam dassetvā paṭibāhantiyā, ummattikādīnañca anāpatti. Cīvaravibhaṅgassa dhammikatā dhammikasaññitā vinā ānisamsena paṭibāhananti imān’ettha tīṇi aṅgāni. Samuṭṭhānādīni adinnādānasadisān’evāti.

Paṭibāhanasikkhāpadavaṇṇanā niṭhitā.

---

### 8. Cīvaradānasikkhāpadavaṇṇanā

Aṭṭhame samaṇacīvaranti kappakatam nivāsanapārupanupagam, evarūpam ṭhapetvā pañca sahadhammike mātāpitaro ca yassa kassaci gahaṭṭhassa vā pabbajitassa vā pariccajivtā dentiyā pācittiyam.

Sāvatthiyam Thullanandam ārabba agārikassa samaṇacīvaradānavatthusmiṁ paññattam, bhikkhuno dukkaṭam. Mātāpitūnam pariccajivtāpi, aññesam tāvakālikameva dentiyā, ummattikādīnañca anāpatti. Samaṇacīvaratā ṭhapetvā sahadhammike ca mātāpitaro ca aññesam dānam atāvakālikatāti imān’ettha tīṇi aṅgāni. Samuṭṭhānādīni Sañcarittasadisānīti.

Cīvaradānasikkhāpadavaṇṇanā niṭhitā.

---

### 9. Kāla-atikkamanasikkhāpadavaṇṇanā

Navame dubbalacīvarapaccāsāyāti dubbalāya cīvarapaccāsāya, “sace sakkoma dassāmā”ti ettakamattam sutvā uppāditāya āsāyā ti

attho. **Cīvarakālasamayam atikkāmeyyāti** vassamīvuṭṭhabhikkhunīhi kālacīvare bhājiyamāne “āgameyyātha ayye, athi samghassa cīvarapaccāsā”ti vatvā tam cīvaravibhaṅgam cīvarakālam atikkāmeyya, tassā anatthate kathine vassānassa pacchimamāsam atthate kathine kathinubbhāradivasam atikkāmentiyā pācittiyam.

Sāvatthiyam Thullanandam ārabbha dubbalacīvarapaccāsāya cīvarakālasamayam atikkamanavatthusmiṁ paññattam, dubbalacīvare vematikāya, adubbalacīvare dubbalacīvarasaññāya c’eva vematikāya ca dukkaṭam. Ubhayattha adubbalacīvarasaññāya, kiñcāpi ‘na sakkomā’ti vadanti, “idāni pana tesam kappāso vā uppajjissati, saddho vā puriso āgamissati, tasmiṁ āgate addhā dassantī”ti evam ānisamsam dassetvā nivārentiyā, ummattikādīnañca anāpatti. Dubbalacīvaraṭā dubbalasañnitā vinā ānisamsena nivāraṇanti imān’ettha tīṇi aṅgāni. Samuṭṭhānādīni Adinnādānasadisānīti.

Kāla-atikkamanasikkhāpadavaṇṇanā niṭṭhitā.

---

## 10. Kathinuddhārasikkhāpadavaṇṇanā

Dasame **Dhammikam kathinuddhāranti** sabbāsam bhikkhūnīnam akālacīvaram dātukāmena upāsakena yattako atthāramūliko ānisamso, tato adhikam vā samakam vā datvā yācitena samaggena bhikkhunisamghena yam kathinam ñattidutiyakamma antarā uddharīyati, tassa so uddhāro ‘dhammiko’ti vuccati, evarūpaṁ kathinuddhāranti attho. **Paṭibāheyyāti** nivāreyya, tassa evarūpaṁ kathinuddhāram nivārentiyā pācittiyam.

Sāvatthiyam Thullanandam ārabbha kathinuddhāram paṭibāhanavatthusmiṁ paññattam, sesam sattame vuttanayen’eva veditabbanti.

Kathinuddhārasikkhāpadavaṇṇanā niṭṭhitā.

Naggavaggo tatiyo.

#### **4. Tuvaṭṭavagga 1. Ekamañcatuvaṭṭanasikkhāpadavaṇṇanā**

Tuvaṭṭavaggassa paṭhame **tuvaṭṭayyunti** nipajjeyyūm. Tāsu pana ekāya vā nipannāya aparā nipajjatu, dvepi vā saheva nipajjantu, dvinnampi pācittiyam.

Sāvatthiyam sambahulā bhikkhuniyo ārabbha dvinnam ekamañce tuvaṭṭanavatthusmim<sup>1</sup> paññattam, sace pana ekāya nipannāya ekā nisīdati, ubho vā nisīdanti, tāsam, ummattikādīnañca anāpatti. Ekamañcatā dvinnam tuvaṭṭananti imān’ettha dve aṅgāni. Samuṭṭhānādīni elakalomasadisānīti.

Ekamañcatuvaṭṭanasikkhāpadavaṇṇanā niṭṭhitā.

---

#### **2. Ekattharaṇatuvaṭṭanasikkhāpadavaṇṇanā**

Dutiye ekam attharaṇañc’eva pāvuraṇañca etāsanti **ekattharaṇapāvuraṇā**, samhārimānam pāvārattharaṇakaṭasārakādīnam ekam antam attharitvā ekam pārupitvā tuvaṭṭentīnametam adhivacanam. **Pācittiyanti** tam yeva attharitvā tam pārupitvā nipajjantīnam pācittiyam.

Sāvatthiyam sambahulā bhikkhuniyo ārabbha evam tuvaṭṭanavatthusmim paññattam, tikapācittiyam, attharaṇe vā pāvuraṇe vā ekasmim dukkaṭam, nānattharaṇapāvuraṇe dvikadukkaṭam. Tasmiṁ pana nānattharaṇapāvuraṇasaññāya, vavatthānām dassetvā nipajjantiyā, ummattikādīnañca anāpatti. Sesam paṭhamasadisamevāti.

Ekattharaṇatuvaṭṭanasikkhāpadavaṇṇanā niṭṭhitā.

---

#### **3. Aphāsukaraṇasikkhāpadavaṇṇanā**

Tatiye **aphāsunti** “imīnā imissā aphāsu<sup>2</sup> bhavissatī”ti anāpucchā purato caṅkamanaṭṭhānanissajjādayo vā uddisa-uddisāpanaparipucchanasajjhāyam<sup>3</sup> vā karontiyā caṅkamane nivattanagaṇanāya ṭhānādīsu payogagaṇanāya uddesādīsu padagaṇanāya pācittiyam.

---

1. Nipajjanavatthusmim (Sī)

2. Aphāsukam (Sī, Kam)

3. Uddesa uddisāpana sajjhāyam vā (Sī, Kam)

Sāvatthiyam Thullanandam ārabbha sañcicca aphāsukaraṇavatthusmim paññattam, tīkapācittiyaṁ, anupasampannāya tīkadukkaṭam, na aphāsukāmatāya, āpucchā purato caṅkamanādīni karontiyā, ummattikādīnañca anāpatti. Upasampannatā aphāsukāmatā aphāsukaraṇam anāpucchananti imān’ ettha cattāri aṅgāni. Samuṭṭhānādīni Adinnādānasadisāni, idam pana kiriyākiriyaṁ, dukkhavedananti.

Aphāsukaraṇasikkhāpadavaṇṇanā niṭṭhitā.

---

#### 4. Na-upaṭṭhāpanasikkhāpadavaṇṇanā

Catutthe **dukkhitanti** gilānam. **Sahajīvininti** saddhivihārinim. N’eva **upaṭṭhaheyyāti** tassā upaṭṭhānam sayam vā akarontiyā parehi vā akārentiyā dhuram nikkhittamatte pācittiyaṁ.

Sāvatthiyam Thullanandam ārabbha dukkhitam sahajīvinim anupaṭṭhānavatthusmim paññattam, antevāsiniyā vā anupasampannāya vā dukkaṭam, dasasu aññatarantarāye sati pariyesitvā alabhantiyā, gilānya, āpadāsu, ummattikādīnañca anāpatti. Gilānatā saddhivihāritā anuññātakāraṇābhāvo upaṭṭhāne dhuranikkhepoti imān’ ettha cattāri aṅgāni. Samuṭṭhānādīni Samanubhāsanasadisānīti.

Na-upaṭṭhāpanasikkhāpadavaṇṇanā niṭṭhitā.

---

#### 5. Nikkaḍḍhanasikkhāpadavaṇṇanā

Pañcame **upassayaṁ datvāti** sakavāṭabaddham attano puggalikavihāram datvā. **Nikkaḍḍheyyāti** bahūnipi dvārāni ekappayogena nikkaḍḍhentiyā ekā āpatti, nānāpayogehi payogagaṇanāya āpattiyo, āṇattiyampi es’eva nayo. Sace pana “imañc’imañca dvāram atikkāmehī”ti āṇāpeti, ekāya āṇattiyā eva dvāragaṇanāya āpattiyo.

Sāvatthiyam Thullanandam ārabbha etādise vatthusmiṁ paññattam, tikapācittiyam, akavāṭabaddhato dukkaṭam, anupasampannāya tikadukkataṁ, sakavāṭabaddhato vā akavāṭabaddhato vā ubhinnampi parikkhāranikkadḍhane dukkaṭameva, sesam Samghikavihāranikkadḍhanasikkhāpade vuttanayamevāti.

Nikkadḍhanasikkhāpadavaṇṇanā niṭhitā.

#### **6. Saṁsaṭṭhasikkhāpadavaṇṇanā**

Chaṭṭham uttānapadatthameva. Sāvatthiyam Caṇḍakālīm ārabbha saṁsaṭṭhavihāravatthusmim paññattam. Sesamettha Paṭhama-arīṭṭhasikkhāpade vuttavinicchayasadisamevāti.

Saṁsaṭṭhasikkhāpadavaṇṇanā niṭhitā.

#### **7. Antoraṭṭhasikkhāpadavaṇṇanā**

Sattame antoraṭṭheti yassa vijite viharati, tassa rāṭṭhe. **Asatthikā cārikanti** vinā satthena gacchantiyā, gāmantaragaṇanāya, agāmake araññe addhayojanagaṇanāya pācittiyam.

Sāvatthiyam sambahulā bhikkhuniyo ārabbha vuttanayen’eva desacārikam<sup>1</sup> pakkamanavatthusmim paññattam. Satthena saha gacchantiyā, kheme appaṭibhaye, āpadāsu, ummattikādīnañca anāpatti. Antoraṭṭhatā akhematā anuññātakāraṇābhāvo cārikam pakkamananti imān’ettha cattāri aṅgāni. Samuṭṭhānādīni elakalomasadisānīti.

Antoraṭṭhasikkhāpadavaṇṇanā niṭhitā.

#### **8. Tiroraṭṭhasikkhāpadavaṇṇanā**

Aṭṭhame tiroraṭṭheti yassa vijite viharati, tam ṭhapetvā aññassa rāṭṭhe. Sesam sattame vuttanayen’eva veditabbam. Nagaram pan’ettha Rājagahanti.

Tiroraṭṭhasikkhāpadavaṇṇanā niṭhitā.

---

1. Padese cārikam (Sī)

### 9. Antovassasikkhāpadavaṇṇanā

Navame **antovassanti** purimam vā temāsam, pacchimam vā temāsam avasitvā tassa vassassa anto yeva. Idha sattāhakaraṇīyena vā kenaci ubbalhāya vā āpadāsu vā gacchantiyā ummattikādīnañca anāpatti. Sesam aṭṭhamasadisamevāti.

Antovassasikkhāpadavaṇṇanā niṭṭhitā.

---

### 10. Cārikanapakkamanasikkhāpadavaṇṇanā

Dasame **vassamvuṭṭhāti** purimam vā temāsam pacchimam vā temāsam vuṭṭhā. **Chappañcayojanānīti** ettha pavāretvā pañca yojanāni gantumpi vaṭṭati, chasu vattabbameva n’atthi. Sace pana tīṇi gantvā ten’eva maggena paccāgacchatī, na vaṭṭati, aññena āgantum vaṭṭati. “Vuttappamāṇam<sup>1</sup> addhānam na gacchissāmī”ti dhure nikkhittamatte pācittiyanī.

Rājagahe sambahulā bhikkhuniyo ārabbhā vassam vasitvā cārikam apakkamanavatthusmīm paññattam. Antarāye sati, pariyesitvā dutiyikam bhikkhunīm alabhantiyā, gilānāya, āpadāsu, ummattikādīnañca anāpatti. Vassamvuṭṭhatā anuññātakāraṇābhāvo pañcayojanānatikkamoti imān’ettha tīṇi aṅgāni. Samuṭṭhānādīni paṭhamapārājikasadisāni, idam pana akiriyam, dukkhavedananti.

Cārikanapakkamanasikkhāpadavaṇṇanā niṭṭhitā.

Tuvaṭṭavaggo catuttho.

---

### 5. Cittāgāravagga    1. Rājāgārasikkhāpadavaṇṇanā

Cittāgāravaggassa paṭhame **rājāgāranti** rañño kīlanagharam<sup>2</sup>. **Cittāgāranti** kīlanacittasālam. Ārāmanti kīlana-upavanam. Uyyānanti kīlanuyyānam. **Pokkharapinti** kīlanapokkharapinti. **Dassanāyāti** “etesu yam kiñci

1. Vuttappakāram (Sī)

2. Kīlāgharam (Sī, Kam)

passissāmī”ti gacchantiyā pade pade dukkaṭam, yattha ṭhatvā passati, tattha padam anuddharitvā pañc’api passantiyā ekā’va āpatti. Sace pana tam tam viloketvā passati, givām parivattanappayogagaṇanāya āpattiyo, na ummīlanagaṇanāya.

Sāvatthiyam chabbaggyā bhikkhuniyo ārabbha cittāgāram dassanāya gamanavatthusmim paññattam, bhikkhussa sabbattha dukkaṭam, avaseso vinicchayo Naccadassanasikkhāpade vuttanayen’eva veditabboti.

Rājāgārasikkhāpadavaṇṇanā niṭṭhitā.

## 2. Āsandiparibhuñjanasikkhāpadavaṇṇanā

Dutiye āsandī nāma atikkantappamāṇā vuccati. **Pallaṅko** nāma samhārimena vālena<sup>1</sup> katoti vutto. **Paribhuñjeyyāti** ettha pana nisīdananipajjanappayogagaṇanāya pācittiyam veditabbam.

Sāvatthiyam sambahulā bhikkhuniyo ārabbha āsandipallaṅkaparibhogavatthusmim paññattam, āsandiyā pāde chinditvā, pallaṅkassa vāle bhinditvā paribhuñjantiyā, ummattikādīnañca anāpatti. Āsandipallaṅkatā nisīdanam nipajjanam vāti imān’ettha dve aṅgāni. Samuṭṭhānādīni eļakalomasadisānīti.

Āsandiparibhuñjanasikkhāpadavaṇṇanā niṭṭhitā.

## 3. Suttakantanasikkhāpadavaṇṇanā

Tatiye **suttanti** channam aññataram. **Kanteyyāti** ettha yattakam hatthena añchitam hoti, tasminm takkamhi veṭhite ekā āpatti. Idañhi sandhāya Padabhājanīye<sup>2</sup> “ujjavujjave”ti vuttam.

Sāvatthiyam chabbaggyā bhikkhuniyo ārabbha suttam kantanavatthusmim paññattam, kantanato pubbe kappāsaviciananam ādim katvā sabbappayogesu

1. Āharimehi vālehi, Vi 2. 393 piṭṭhe.

2. Vi 2. 394 piṭṭhe.

hatthavāragaṇanāya dukkaṭam. Kantitasuttam kantantiyā, ummattikādīnañca anāpatti. Akantitatā kantananti imān’ettha dve aṅgāni. Samuṭṭhānādīni eļakalomasadisānīti.

Suttakantanasikkhāpadavaṇṇanā niṭṭhitā.

---

#### 4. Gihiveyyāvaccasikkhāpadavaṇṇanā

Catutthe gihiveyyāvaccanti gihīnam veyyāvaccam. Sacepi hi mātāpitaro attano kiñci kammam akārāpetvā tesam yāgupacanādīni karonti, pubbappayogesu payogagaṇanāya dukkaṭāni āpajjivtā yāgu-ādīsu bhājanagaṇanāya, khādanīyādīsu pūvagaṇanāya pācittiyam āpajjati.

Sāvatthiyam sambahulā bhikkhuniyo ārabbha gihīnam  
veyyāvaccakaraṇavatthusmiṁ paññattam, manussehi saṁghassa yāgupāne  
vā bhatte vā cetiyapūjaya vā karīyamānāya tesam sahāyabhāvena  
yāgupacanādīni, attano veyyāvaccakarassa ca tāni yeva karontiyā,  
ummattikādīnañca anāpatti. Gihiveyyāvaccakaraṇam anuññātakāraṇābhāvoti  
imān’ettha dve aṅgāni. Samuṭṭhānādīni eļakalomasadisān’evāti.

Gihiveyyāvaccasikkhāpadavaṇṇanā niṭṭhitā.

---

#### 5. Adhikaraṇasikkhāpadavaṇṇanā

Pañcame adhikaraṇanti catunnam aññataram. Pācittiyanti idha  
cīvarasibbane viya dhuram nikkhittamatte pācittiyam, ekāhampi parihāro  
n’atthi.

Sāvatthiyam Thullanandam ārabbha adhikaraṇam  
navūpasamanavatthusmiṁ paññattam, Sesamettha Cīvarasibbanasikkhāpade  
vuttanayen’eva veditabbanti.

Adhikaraṇasikkhāpadavaṇṇanā niṭṭhitā.

## 6. Bhojanadānasikkhāpadavaṇṇanā

Chatthe sahatthāti kāyena vā kāyappaṭibaddhena vā nissaggiyena vā ṭhapetvā pañcasahadhammike avasesānam aññatra udakadantaponā yam kiñci ajjhoharaṇiyam dadantiyā pācittiyam.

Sāvatthiyam Thullanandam ārabbha agārikassa khādanīyabhojanīyadānavatthusmim paññattam, udakadantapone dukkaṭam. Yā pana dāpeti na deti, upanikkhipitvā deti, bāhiralepam deti, tassā, ummattikādīnañca anāpatti. Aññatra udakadantaponā ajjhoharaṇiyam ṭhapetvā pañca sahadhammike aññassa sahatthā dānanti imān’ettha dve aṅgāni. Samuṭṭhānādīni eļakalomasadisānīti.

Bhojanadānasikkhāpadavaṇṇanā niṭṭhitā.

## 7. Āvasathacīvarasikkhāpadavaṇṇanā

Sattame āvasathacīvaranti “utuniyo bhikkhuniyo paribhuñjantū”ti dinnacīvaram. **Anissajjītvāti** catutthe divase dhovitvā aññissā antamaso sāmaṇeriyāpi utuniyā adatvā. **Pācittiyanti** evam anissajjītvā paribhuñjantiyā pācittiyam.

Sāvatthiyam Thullanandam ārabbha āvasathacīvaram anissajjītvā paribhuñjanavatthusmim paññattam, tikapācittiyam, nissajjite dvikadukkaṭam. Tasmim pana nissajjitasāññāya<sup>1</sup>, puna pariyāyena vā, aññāsam utunīnam abhāvena vā<sup>2</sup>, acchinnaṭṭhacīvarikāya<sup>3</sup> vā, āpadāsu vā paribhuñjantiyā, ummattikādīnañca anāpatti. Āvasathacīvaratā catutthadivasatā dhovitvā anissajjanam anuññātakāraṇābhāvoti imān’ettha cattāri aṅgāni. Samuṭṭhānādīni kathinasadisāni, idam pana kiriyākiriyyanti.

Āvasathacīvarasikkhāpadavaṇṇanā niṭṭhitā.

1. Tasmim pana nissajjite (Sī, Karī)

2. Abhāve vā (Sī)

3. Ettha ṭhāne mūlantaresu ‘tatthā’ti pāṭho atthi.

### 8. Āvasathavihārasikkhāpadavaṇṇanā

Aṭṭhame āvasathanti kavāṭabaddhvihāram. Anissajjītvāti rakkhaṇatthāya adatvā, “idam jaggeyyāsi”ti evam anāpucchitvāti attho. Cārikam pakkameyya pācittiyanti ettha sakagāmato aññam gāmam ekarattivāsatthāyapi pakkamantiyā parikkhittassa āvasathassa parikkhepam aparikkhittassa upacāram paṭhamapādena atikkantamatte dukkaṭam, dutiyena pācittiyam.

Sāvatthiyam Thullanandam ārabba āvasatham anissajjītvā cārikam pakkamanavatthusmim paññattam, tikapācittiyam, akavāṭabaddhe dukkaṭam, nissajjite dvikadukkaṭam. Tasmim pana nissajjitasāññāya<sup>1</sup>, sati antarāye, paṭijaggikam pariyesitvā alabhantiyā, gilānāya, āpadāsu, ummattikādīnañca anāpatti. Sakavāṭabaddhatā vuttanayena pakkamanam anuññātakāraṇābhāvoti imān’ettha tīṇi aṅgāni. Samuṭṭhānādīni kathinasadisānīti, idam pana kiriyākiryanti.

Āvasathavihārasikkhāpadavaṇṇanā niṭṭhitā.

---

### 9. Tiracchānavijjāpariyāpuṇanasikkhāpadavaṇṇanā

Navame tiracchānavijjājanti yam kiñci bāhirakaṁ anatthasamhitam hatthi-assarathadhanutharusippa-āthabbaṇakhilan ’āsīkaraṇasosāpanamantāgadappayogādibhedam parūpaghātakaram vijjam. Pariyāpuṇeyyāti ettha yassa cassaci santike tam padādivasena pariyāpuṇantiyā padagaṇanāya c’eva akkharagaṇanāya ca pācittiyanti.

Tiracchānavijjāpariyāpuṇanasikkhāpadavaṇṇanā niṭṭhitā.

---

### 10. Tiracchānavijjāvācanasikkhāpadavaṇṇanā

Dasame vāceyyāti padam viseso. Ubhayampi Sāvatthiyam chabbaggiyā c’eva sambahulā bhikkhuniyo ca ārabba tiracchānavijjam pariyāpuṇanavācanavatthusmim paññattam. Lekhe dhāraṇāya ca guttatthāya ca

---

1. Tasmim pana nissajjite (Sī, Kam)

yakkhaporittanāgamaṇḍalādike sabbaparitte, ummattikādīnañca anāpatti. Tiracchānavijjatā pariyāpuṇanavācanā anuññātakāraṇābhāvoti imān’ettha dvīsupi tīṇi aṅgāni. Samuṭṭhānādīni padasodhammasadisānīti.

Tiracchānavijjāvācanasikkhāpadavaṇṇanā niṭṭhitā.

Cittāgāravaggo pañcamo.

## 6. Ārāmavagga 1. Ārāmapavisanasikkhāpadavaṇṇanā

Ārāmavaggassa paṭhame **sabhikkhukam** ārāmanti yattha bhikkhū rukkhamūlepi vasanti, tam padesam. **Anāpucchāti** ettha bhikkhusāmaṇera-ārāmikesu yam kiñci anāpucchā, parikkhittassa ārāmassa parikkhepam atikkamantiyā, aparikkhittassa upacāram okkamantiyā paṭhamapāde dukkaṭam, dutiyapāde pācittiyam.

Sāvatthiyam sambahulā bhikkhuniyo ārabbha anāpucchā ārāmam pavisana vatthusmim paññattam, “santam bhikkhum anāpucchā”ti ca “jānam sabhikkhukan”ti ca imān’ettha dve anupaññattiyo, sabhikkhuke vematikāya, abhikkhuke sabhikkhukasaññāya c’eva vematikāya ca dukkaṭam. Tasminm pana duvidhepi abhikkhukasaññāya, santam bhikkhum āpucchā pavisantiyā, paṭhamappavīṭhānam vā bhikkhunīnam sīsamnulokikāya, yattha vā bhikkhuniyo sannipatitā, tattha “tāsam santikam gacchāmī”ti saññāya, ārāmena vā maggo hoti, tena gacchantiyā, āpadāsu, ummattikādīnañca anāpatti. Sabhikkhukārāmatā, sabhikkhukasaññitā vuttaparicchedātikkamo anuññātakāraṇābhāvoti imān’ettha cattāri aṅgāni.

Samanubhāsanasamuṭṭhānam, kiriyākiriyaṁ, saññāvimokkhām, sacittakam, paññattivajjam, kāyakammam, vacikammam, ticittam, tivedananti.

Ārāmapavisanasikkhāpadavaṇṇanā niṭṭhitā.

## 2. Bhikkhu-akkosanasikkhāpadavaṇṇanā

Dutiye **akkoseyyāti** dasannam akkosavatthūnam aññatarena sammukhā vā parammukhā vā akkoseyya. **Paribhāseyyāti** bhayamassa upadamseyya<sup>1</sup>. Pācittiyanti tassā evam karontiyā pācittiyam.

1. Upadasseyya (Ka)

Vesāliyam chabbaggyā bhikkhuniyo ārabbha āyasmantam Upālim akkosanavatthusmim paññattam, tikapācittiyam, anupasampanne tikadukkaṭam, atthadhamma-anusāsanipurekkhārāya, ummattikādīnañca anāpatti. Upasampannatā akkosanaparibhāsanam atthapurekkhāratādīnam<sup>1</sup> abhāvoti imān’ettha tīṇi aṅgāni. Samuṭṭhānādīni adinnādānasadisāni, idam pana dukkhavedananti.

Bhikkhu-akkosanasikkhāpadavaṇṇanā niṭṭhitā.

---

### 3. Gaṇaparibhāsanasikkhāpadavaṇṇanā

Tatiye cāṇḍikatāti kuddhā. Gaṇanti bhikkhunisaṃgham. Paribhāseyyāti ettha “bālā etā abyattā etā, n’etā jānanti kammam vā kammadosam vā kammasampattim vā kammavipattim vā”ti evam yattha katthaci paribhāsantiyā pācittiyam.

Sāvatthiyam Thullanandam ārabbha gaṇam paribhāsanavatthusmim paññattam, sambahulā vā ekam vā anupasampannam vā paribhāsantiyā dukkaṭam. Sesam dutiyasadisamevāti.

Gaṇaparibhāsanasikkhāpadavaṇṇanā niṭṭhitā.

---

### 4. Pavāritasikkhāpadavaṇṇanā

Catutthe gaṇabhojane vuttanayena nimantitā, pavāraṇāsikkhāpade vuttanayena pavāritā veditabbā. Pācittiyanti tassā purebhattam ṭhapetvā yāguñc’eva sesāni ca tīṇi kālikāni aññam yam kiñci āmisam ajjhoharaṇatthāya paṭiggaṇhantiyā gahaṇe dukkaṭam, ajjhohāre ajjhohāre pācittiyam.

Sāvatthiyam sambahulā bhikkhuniyo ārabbha aññatra bhuñjanavatthusmim paññattam, tīṇi kālikāni āhāratthāya paṭiggaṇhantiyāpi ajjhoharantiyāpi dukkaṭam. Yā pana nimantitā appavāritā yāgum pivati, sāmike

---

1. Na-atthapurekkhārāditāti (Sī)

apaloketvā bhuñjati, tīṇi kālikāni sati paccaye paribhuñjati, tassā, ummattikādīnañca anāpatti. Nimantitā vā pavāritā vā tam ubhayam vā purebhuttam vuttalakkhaṇassa āmisassa ajjhohāro sāmikānām anāpucchananti imān’ettha tīṇi aṅgāni. Addhānasamuṭṭhānam, nimantitāya anāpucchā bhuñjantiyā āpattisambhavato siyā kiriyākiriyaṁ, pavāritāya kappiyam kāretvāpi akāretvāpi paribhuñjantiyā āpattisambhavato siyā kiriyam, nosaññāvimokkham, acittakam, paññattivajjam kāyakammam, vacīkammaṁ, ticittam, tivedananti.

Pavāritasikkhāpadavaṇṇanā niṭṭhitā.

---

### 5. Kulamaccharinīsikkhāpadavaṇṇanā

Pañcame kule maccharo kulamaccharo, kulamaccharo etissā atthi, kulam vā maccharāyatīti **kulamaccharinī**. Assāti yā īdisī bhaveyya. Pācittiyanti tassā “yam kulam bhikkhunīnam paccaye dātukāmam, katham nāma tattha bhikkhuniyo na gaccheyyun”ti bhikkhunīnam vā santike kulassa, “katham nāma ime tāsam kiñci na dajjeyyun”ti kulassa vā santike bhikkhunīnam avaṇṇam bhāsantiyā pācittiyam.

Sāvatthiyam aññataram bhikkhunim ārabba kulamaccharāyanavatthusmim paññattam. Amaccharāyitvā santam yeva ādīnavam ācikkhantiyā, ummattikādīnañca anāpatti. Bhikkhunīnam alābhakāmatā kulassa vā santike bhikkhunīnam bhikkhunīnam vā santike kulassa avaṇṇabhaṇananti imān’ettha dve aṅgāni. Samuṭṭhānādīni adinnādānasadisāni, idam pana dukkhavedananti.

Kulamaccharinīsikkhāpadavaṇṇanā niṭṭhitā.

---

### 6. Abhikkhukāvāsasikkhāpadavaṇṇanā

Chaṭṭhe sace<sup>1</sup> bhikkhunupassayato addhayojanabbhantare ovādadāyakā bhikkhū na vasanti, maggo vā akhemo hoti na sakkā anantarāyena

---

1. Sace te (Sī)

gantum, ayam **abhikkhuko** nāma āvāso. Tattha “vassam vassissāmī”ti senāsanapaññāpanapānīya-upaṭṭhāpanādīni karontiyā dukkaṭam, saha aruṇuggamanā pācittiyam. Ayamettha saṅkhepo, vitthāro pana Samantapāsādikāyam<sup>1</sup> vutto.

Sāvatthiyam sambahulā bhikkhuniyo ārabbha abhikkhuke āvāse vassam vasanavatthusmiṁ paññattam, yattha pana vassūpagatā bhikkhū pakkantā vā hoti vibbhantā vā kālaṅkatā vā pakkhasaṅkantā vā tattha vasantiyā, āpadāsu, ummattikādīnañca anāpatti. Abhikkhukāvāsatā vassūpagamanam aruṇuggamananti imān’ettha tīṇi aṅgāni. Samuṭṭhanādīni elakalomasadisān’evāti.

Abhikkhukāvāsasikkhāpadavaṇṇanā niṭṭhitā.

---

### 7. Apavāraṇāsikkhāpadavaṇṇanā

Sattame vassamvuṭṭhāti purimam vā pacchimam vā temāsam vuṭṭhā. **ubhatosarīgheti** bhikkhunisarīghē c’eva bhikkhusarīghē ca. Ayam pan’ettha vinicchayakathā—bhikkhunīhi cātuddase yeva sannipatitvā “suṇātu me ayye saṅgho, ajja pavāraṇā cātuddasī, yadi saṅghassa pattakallam, saṅgho pavāreyyā”ti evam sabbasaṅgāhikañattim vā, “tevācikam pavāreyyā”ti evam tevācikañattim vā, sati antarāye “dvevācikam, ekavācikam, samānavassikam pavāreyyā”ti evam dvevācikādiñattim vā ṭhapetvā sabbasaṅgāhikañatti ce ṭhapitā<sup>2</sup>, “saṅgham ayye pavāremi diṭṭhena vā sutena vā parisāṅkāya vā, vadantu marū ayyāyo anukampam upādāya, passantī paṭikarissāmī”ti<sup>3</sup> evam sakim vā “dutiyampi ayye saṅgham -pa-. Tatiyampi ayye saṅgham -pa-paṭikarissāmī”ti evam dvattikkhattum vā vatvā paṭipāṭiyā pavāretabbam. Tevācikāya ñattiyā vacanam<sup>4</sup> na hāpetabbam, dvevācikādīsu vaḍḍhetum vaṭṭati, hāpetum na vaṭṭati. Evam bhikkhunisarīghē pavāretvā tath’eva ekā bhikkhunī Bhikkhunikkhandhake<sup>5</sup> vuttena ñattidutiyakammena bhikkhunisarīghassatthāya bhikkhusaṅgham pavāretum sammannitabbā. Tāya sammatāya bhikkhuniyā

1. Vi-Tṭha 3. 52 piṭṭhādīsu.

3. Vi 2. 413; Vi 4. 469 piṭṭhesu.

5. Vi 4. 469 piṭṭhe.

2. Ñattiyā ca thapitāya (Sī)

4. Thapitavacanam (Sī)

pannarase bhikkhunisamgham ādāya bhikkhusamgham upasaṅkamitvā ekamsam uttarāsaṅgam karitvā añjalim paggahetvā evamassa vacanīyo “bhikkhunisamgho ayya bhikkhusamgham pavāreti diṭṭhena vā sutena vā parisaṅkāya vā, vadat’āyya bhikkhusamgho bhikkhunisamgham anukampam upādāya, passanto paṭikarissati. Dutiyampi ayya -pa-. Tatiyampi ayya -pa- passanto paṭikarissatī”ti evam pavāretabbam.

Sace pañcavaggo bhikkhunisamgho na pūrati, catūhi vā tīhi vā gaṇañattim ṭhapetvā dvīhi vinā ñattiyā aññamaññam pavāretabbam. Ekāya “ajja me pavāraṇā”ti adhiṭṭhātabbam.

Vihāram pana gantvā “bhikkhuniyo ayya bhikkhusamgham pavārenti diṭṭhena vā sutena vā parisaṅkāya vā, vadat’āyya bhikkhusamgho bhikkhuniyo anukampam upādāya, passantiyo paṭikarissantī”ti ca, “aham ayya bhikkhusamgham pavāremi diṭṭhena vā sutena vā parisaṅkāya vā, vadatu mām ayya bhikkhusamgho anukampaṁ upādāya, passantī paṭikarissāmī”ti ca evam tikkhattum vattabbam.

Sace bhikkhusamgho na pūrati, “bhikkhunisamgho ayya ayye pavāreti diṭṭhena vā sutena vā parisaṅkāya vā, vadantu ayyā bhikkhunisamgham anukampam upādāya, passanto paṭikarissatī”ti ca “bhikkhunisamgho ayya ayyam pavāreti diṭṭhena vā sutena vā parisaṅkāya vā, vadat’āyyo bhikkhuniyo anukampaṁ upādāya, passanto paṭikarissatī”ti ca evam tikkhattum vattabbam.

Ubhinnam aparipūriyā “bhikkhuniyo ayyā ayye pavārenti diṭṭhena vā sutena vā parisaṅkāya vā, vadantāyyā bhikkhuniyo anukampaṁ upādāya, passantiyo paṭikarissantī”ti ca “bhikkhuniyo ayya ayyam pavārenti diṭṭhena vā sutena vā parisaṅkāya vā, vadatāyyo bhikkhuniyo anukampaṁ upādāya, passantiyo paṭikarissantī”ti ca “aham ayyā ayye pavāremi diṭṭhena vā sutena vā -pa- vadantu mām ayyā anukampaṁ upādāya, passantī paṭikarissāmī”ti ca “aham ayya ayyam pavāremi diṭṭhena vā sutena vā -pa- vadatu mām ayyo anukampaṁ upādāya, passantī paṭikarissāmī”ti ca evam tikkhattum vattabbam. Sabbāh’eva hi iminā nayena

ubhatosamghe pavāritā hoti, yā pana vassamvuṭṭhā “ubhatosamghe evam na pavāressāmī”ti dhuram nikhipati, tassā saha dhuranikkhepena pācittiyam.

Sāvatthiyam sambahulā bhikkhuniyo ārabbha vassam vasitvā na pavāraṇāvatthusmim paññattam. Antarāye pana sati, pariyesitvā bhikkhū alabhantiyā, gilānāya, āpadāsu, ummattikādīnañca anāpatti. Vassamvuṭṭhatā na ubhatosamghe pavāraṇā anuññātakāraṇābhāvoti imān’ettha tīṇi aṅgāni. Samuṭṭhānādīni samanubhāsanasadisānīti.

Apavāraṇāsikkhāpadavaṇṇanā niṭṭhitā.

---

### 8. Ovādasikkhāpadavaṇṇanā

Aṭṭhame **ovādāyāti** garudhammassavanatthāya. **Samvāsāyāti** uposathapucchāvanatthāya c’eva pavāraṇatthāya ca. **Pācittiyanti** “etesam atthāya na gacchāmī”ti dhuram<sup>1</sup> nikkhittamatte pācittiyam.

Sakkesu chabbaggyā bhikkhuniyo ārabbha ovādāya agamanavatthusmim paññattam. Antarāye pana sati, pariyesitvā dutiyikam alabhantiyā, gilānāya, āpadāsu, ummattikādīnañca anāpatti. Ovādasamvāsānam atthāya agamanam anuññātakāraṇābhāvoti imān’ettha dve aṅgāni. Samuṭṭhānādīni paṭhamapārājikasadisāni, idam pana akiriyam, dukkhavedananti.

Ovādasikkhāpadavaṇṇanā niṭṭhitā.

---

### 9. Ovādūpasāṅkamanasikkhāpadavaṇṇanā

Navame **anvaddhamāsanti** addhamāse addhamāse.  
**Upasathapucchakanti** uposathapucchānam. **Ovādūpasāṅkamananti** ovādatthāya upasaṅkamanam. **Tarī atikkāmentiyāti** ettha bhikkhunīhi terase vā cātuddase vā ārāmām gantvā “ayaṁ uposatho cātuddaso pannaraso”ti<sup>2</sup> pucchitabbam,

---

1. Dhure (Sī, Kam)

2. Cātuddasiyo pannarasiyo (Sī)

uposathadivase nidānavañṇanāyam vuttanayena ovādūpasaṅkamanam  
yācitabbam. Yā bhikkhunī vuttappakāre kāle tadubhayam na karoti, sā tam  
atikkāmeti nāma, tassā “uposathampi na pucchissāmi, ovādampi na  
yācissāmī”ti dhuram<sup>1</sup> nikkhittamatte pācittiyan.

Sāvatthiyam sambahulā bhikkhuniyo ārabba uposatha-ovādānam  
apucchana-ayācanavatthusmiṁ paññattam, anāpatti aṭṭhamasadisā yeva.  
Uposathovādānam apucchana-ayācanāyam dhuranikkhepo  
anuññātakāraṇābhāvoti imān’ ettha dve aṅgāni. Samuṭṭhānādīni  
samanubhāsanasadisānīti.

Ovādūpasaṅkamanasikkhāpadavañṇanā niṭṭhitā.

## 10. Pasākhejātasikkhāpadavañṇanā

Dasame pasākheti nābhiyā heṭṭhā jāṇumaṇḍalānam uparipade. Tato hi yasmā rukkhassa sākhā viya ubho ūrū pabhijjivtā gaṭā, tasmā so “pasākho”ti vuccati, tasmīm pasākhe. **Gaṇḍanti** yam kiñci gaṇḍam. **Rudhitanti** vaṇam. **Bhedāpeyya** vāti-ādīsu sace “bhinda phālehi”ti sabbāni āṇāpeti, so ca tath’eva karoti, cha dukkaṭāni cha ca pācittiyan. Ath’api “yam kiñci ettha kattabbam, tam sabbam karohī”ti evam āṇāpeti, so ca sabbānipi bhedanādīni karoti, ekavācāya cha dukkaṭāni cha ca pācittiyan. Sace pana bhedanādīsu ekam yeva “idam nāma karohī”ti āṇāpeti, so ca sabbāni karoti. Yam āṇattam, tass’eva karaṇe pācittiyan.

Sāvatthiyam aññataram bhikkhunim ārabba pasākhe jātam gaṇḍam purisena bhedāpanavatthusmīm paññattam, apaloketvā vā viññum vā yam kañci dutiyikam gahetvā evam karontiyā, ummattikādīnañca anāpatti. Pasākhe jātatā anapalokanam dutiyikābhāvo purisena bhedādīnam kārāpananti imān’ ettha cattāri aṅgāni. Samuṭṭhānādīni Kathinasadisāni, idam pana kiriyākiriyanti.

Pasākhejātasikkhāpadavañṇanā niṭṭhitā.

Ārāmavaggo chaṭṭho.

### 7. Gabbhinīvagga 1. Gabbhinisikkhāpadavaṇṇanā

Gabbhinivaggassa paṭhame “**gabbhini**”ti jānitvā upajjhāyāya vuṭṭhpentiyā gaṇapariyesanādīsu ca nātikammavācādvaye ca<sup>1</sup> dukkaṭam, kammavācāpariyosāne pācittiyam.

Sāvatthiyam sambahulā bhikkhuniyo ārabbha gabbhiniṁ vuṭṭhpāpanavatthusmīn paññattam, gabbhiniyā vematikāya, agabbhiniyā gabbhinisaññāya c’eva vematikāya ca dukkaṭam. Ubhosu agabbhinisaññāya, ummattikādīmañca anāpatti. Gabbhinitā ‘gabbhini’ti jānanam vuṭṭhpāpananti imān’ettha tīṇi aṅgāni. Samuṭṭhānādīni Adinnādānasadisāni, idam pana paññattivajjam, ticittam, tivedananti.

Gabbhinisikkhāpadavaṇṇanā niṭṭhitā.

---

### 2. Pāyantisikkhāpadavaṇṇanā

Dutiye pāyantinti thaññam pāyamānam, yam pāyeti, tassa mātā vā, dhāti vā. Idam vatthumattamev’ettha viseso, sesam paṭhamasikkhāpadasadisamevāti.

Pāyantisikkhāpadavaṇṇanā niṭṭhitā.

---

### 3. Paṭhamasikkhamānasikkhāpadavaṇṇanā

Tatiye dve vassānīti pavāraṇāvasena dve saṁvaccharāni. **Chasu dhammesūti** pāṇātipāṭāveramaṇi-ādīsu vikālabhojanāveramaṇipariyosānesu chasu sikkhāpadesu. **Asikkhitasikkhanti** Padabhājane<sup>2</sup> vuttanayen’eva adinnasikkham vā kupitasikkham vā. **Sikkhamānam vuṭṭhāpeyyāti** tesu chasu dhammesu<sup>2</sup> sikkhanato, te vā sikkhāsaṅkhāte dhamme mānanato evam laddhanāmam anupasampannam upasampādeyya. **Pācittiyanti** paṭhamasikkhāpade vuttanayen’eva kammavācāpariyosāne pācittiyam.

---

1. Nātikammavācāya ca (Sī)

2. Vi 2. 419 piṭhe.

3. Tesu dhammesu (Sī)

Sāvatthiyaṁ sambahulā bhikkhuniyo ārabbha evarūpaṁ sikkhamānam  
vuṭṭhāpanavatthusmim paññattam, dhammadamme tikapācittiyam,  
adhammadamme tikadukkataṁ. Dve vassāni chasu dhammesu  
sikkhitasikkham sikkhamānam vuṭṭhāpentiyā, ummattikādīnañca anāpatti.  
Vuttanayena asikkhitasikkhatā dhammadammatā kammavācāpariyosānanti  
imān’ettha tīṇi aṅgāni. Samuṭṭhānādīni paṭhame vuttanayān’evāti.

Paṭhamasikkhamānasikkhāpadavaṇṇanā niṭṭhitā.

#### 4. Dutiyasikkhamānasikkhāpadavaṇṇanā

Catutthe **samghena asammatanti** yassā samghena antamaso  
upasampadāmālakepi Padabhājane<sup>1</sup> vuttā upasampadāsammuti na dinnā  
hoti, tam. Imā dvepi **mahāsikkhamānā** nāma. Idha samghena sammataṁ  
vuṭṭhāpentiyā, ummattikādīnañca anāpatti. Sesam tatiye vuttasadisameva,  
idam pana kiriyačikiriyam hotīti.

Dutiyasikkhamānasikkhāpadavaṇṇanā niṭṭhitā.

#### 5. Paṭhamagihigatasikkhāpadavaṇṇanā

Pañcame **gihigatanti** purisantaragataṁ, idh’api idam vatthumattameva<sup>2</sup>  
viseso. Ūnadvādasavassañca paripuṇṇasaññāya vuṭṭhāpentiyā kiñcāpi  
anāpatti, sā pana anupasampannā’va hoti. Sesam  
paṭhamasikkhāpadasadisamevāti.

Paṭhamagihigatasikkhāpadavaṇṇanā niṭṭhitā.

#### 6-7. Dutiyatatiyagihigatasikkhāpadavaṇṇanā

Chaṭṭhe sabbam tatiye vuttanayena. Sattamepi sabbam catutthe  
vuttanayen’eva veditabbanti.

Dutiyatatiyagihigatasikkhāpadavaṇṇanā niṭṭhitā.

---

1. Vi 2. 422 piṭhe.

2. Vatthumeva (Sī)

### 8. Paṭhamasahajīvinisikkhāpadavaṇṇanā

Aṭṭhame sahajīvininti saddhivihārinim. N’eva anuggaṇheyyāti sayam uddesādīhi nānuggaṇheyya. Na anuggaṇhāpeyyāti “imissā ayye uddesādīni dehī”ti evam na aññāya anuggaṇhāpeyya. Pācittiyanti dhure nikkhittamatte pācittiyam.

Sāvatthiyam Thullanandam ārabbha evarūpe vatthusmim paññattam, Sesamettha Tuvaṭṭavagge Dukkhitasahajīvinisikkhāpade vuttasadisamevāti.

Paṭhamasahajīvinisikkhāpadavaṇṇanā niṭṭhitā.

### 9. Nānubandhanasikkhāpadavaṇṇanā

Navame vuṭṭhāpitam pavattininti vuṭṭhāpitam pavattinim<sup>1</sup> yāya upasampāditā, tam upajjhāyininti attho. N’ānubandheyyāti cuṇṇena mattikāya dantakaṭṭhena mukhodakenāti evam tena tena karaṇīyena na upaṭṭhaheyya. Pācittiyanti n’ānubandhissanti dhure nikkhittamatte pācittiyam.

Sāvatthiyam sambahulā bhikkhuniyo ārabbha nānubandhanavatthusmim paññattam. Bālam pana alajjiniṁ vā ananubandhantiyā, gilānāya, āpadāsu, ummattikādīnañca anāpatti. Vuṭṭhāpitappavattinitā dve vassāni ananubandhane dhuranikkhepo anuññātakāraṇābhāvoti imān’ ettha tīṇi aṅgāni. Samuṭṭhānādīni paṭhamapārājikasadisāni, idam pana akiriyam, dukkhavedananti.

Nānubandhanasikkhāpadavaṇṇanā niṭṭhitā.

### 10. Dutiyasahajīvinisikkhāpadavaṇṇanā

Dasame n’eva vūpakāseyyāti na gahetvā gaccheyya. Na vūpakāsāpeyyāti “imam ayye gahetvā gacchāhī”ti aññam na aṇāpeyya. Pācittiyanti dhure nikkhittamatte pācittiyam.

Sāvatthiyam Thullanandam ārabbha sahajīviniyā avūpakāsanavatthusmim paññattam. Sati pana antarāye, pariyesitvā dutiyikam alabhantiyā,

1. Vuṭṭhāpitapavattinim (Sī)

gilānāya, āpadāsu, ummattikādīnañca anāpatti. Sahajīvinitā vūpakāsavūpakāsāpane dhuranikkhepo anuññātakāraṇābhāvoti imān’ettha tīṇi aṅgāni. Samuṭṭhānādīni Samanubhāsanasadisānīti.

Dutiyasahajīvinisikkhāpadavaṇṇanā niṭṭhitā.

Gabbhinvaggo sattamo.

---

## 8. Kumāribhūtavagga

### 1-3. Paṭhamakumāribhūtādisikkhāpadavaṇṇanā

Kumāribhūtavaggassa paṭhamadutiyatatiyāni tīhi gihigatasikkhāpadehi sadisān’eva. Yā pana tā sabbapaṭhamā dve mahāsikkhamānā, tā atikkantavīsativassāti veditabbā. Tā hi gihigatā vā hontu agihigatā vā, sammutikammādīsu “sikkhamānā”icc’eva vattabbā, “gihigaṭā”ti vā “kumāribhūtā”ti vā na vattabbā. Gihigatāya dasavassakāle sikkhāsammutim datvā dvādasavassakāle upasampadā kātabbā, ekādasavassakāle datvā terasavassakāle kātabbā, dvādasaterasacuddasapannarasasolasasattarasa-atiṭṭharasavassakāle sikkhāsammutim datvā vīsativassakāle upasampadā kātabbā. Atiṭṭharasavassakālato paṭṭhāya ca pan’āyam “gihigatā”tipi “kumāribhūtā”tipi vattum vaṭṭati. Yā pan’āyam “kumāribhūtā”ti vuttā sāmaṇerī, sā “gihigatā”ti na vattabbā, “kumāribhūtā”icc’eva vattabbā. Sikkhāsammutidānavasena pana sabbāpi “sikkhamānā”ti vattum vaṭṭatīti.

Paṭhamakumāribhūtādisikkhāpadavaṇṇanā niṭṭhitā.

---

### 4. Ūnadvādasavassasikkhāpadavaṇṇanā

Catutthe ūnadvādasavassāti upasampadāvasena aparipuṇḍrādvādasavassā. Pācittiyanti upajjhāyā hutvā vuṭṭhāpentiyā vuttanayen’eva dukkaṭāni antarā, kammavācāpariyosāne pācittiyanti.

Ūnadvādasavassasikkhāpadavaṇṇanā niṭṭhitā.

### 5. Paripuṇṇadvādasavassasikkhāpadavaṇṇanā

Pañcame **samghena asammatāti** yassā samghena padabhājane<sup>1</sup> vuttā vuṭṭhāpanasammuti na dinnā. Sesam ubhayatthāpi Mahāsikkhamānāsikkhāpadadvayasadisamevāti.

Paripuṇṇadvādasavassasikkhāpadavaṇṇanā niṭṭhitā.

### 6. Khīyanadhammasikkhāpadavaṇṇanā

Chaṭṭhe alam tāva te ayye vuṭṭhāpitēnāti vuccamānāti vuṭṭhāpanasammutiyā yācitāya samghena upaparikkhipitvā “yasmā bālā abyattā ca alajjinī ca hoti, tasmā alam tāva tuyham upasampāditenā”ti evam nivārīyamānā. **Pacchā khīyanadhammantī pacchā aññāsam byattānam lajjinīnam vuṭṭhāpanasammutim diyyamānam disvā “ahameva nūna bālā”ti-ādīni bhaṇamānā yattha katthaci khīyeyya. Pācittiyanti evam khīyanadhammam āpajjantiyā pācittiyam.**

Sāvatthiyam Caṇḍakālim ārabba evam khīyanadhammam āpajjanavatthusmim paññattam, pakatiyā chandādīnam vasena karontīnam khīyantiyā, ummattikādīnañca anāpatti. Vuṭṭhāpanasammutiyā yācanam upaparikkhitvā na chandādivasena paṭikkhittāya “sādhū”ti paṭissavo pacchākhīyananti imān’ettha tīṇi aṅgāni. Samuṭṭhānādīni adinnādānasadisāni, idam pana dukkhavedananti.

Khīyanadhammasikkhāpadavaṇṇanā niṭṭhitā.

### 7-8. Sikkhamāna navvuṭṭhāpanapaṭhamadutiyasikkhāpadavaṇṇanā

Sattame sā pacchātī sikkhamānāya upasampadāya yāciyamānāya sā bhikkhunī evam vatvā laddhe cīvare pacchā asati antarāye “n’eva vuṭṭhāpessāmi, na vuṭṭhāpanāya ussukkam karissāmī”ti dhuram nikkiheyya, tassā saha dhuranikkhepena pācittiyanti. Aṭṭhamepi es’eva nayo.

Ubhayampi<sup>2</sup> Sāvatthiyam Thullanandam ārabba etesu vatthūsu paññattam, dvīsupi sati antarāye, pariyesitvā alabhanīyā, gilānāya, āpadāsu,

1. Vi 2. 435 piṭṭhe.

2. Ubhayam (Syā, Kam, Ka)

ummattikādīnañca anāpatti. Ubhayattha “ev’āham tam vuṭṭhāpessāmī”ti paṭiññā ākañkhitanipphatti pacchā dhuranikkhepo anuññātakāraṇābhāvoti imān’ettha cattāri aṅgāni. Samuṭṭhānādīni samanubhāsanasadisānīti.

Sikkhamāna navvuṭṭhāpanapāṭhamadutiyasikkhāpadavaṇṇanā niṭṭhitā.

### 9. Sokāvāsasikkhāpadavaṇṇanā

Navame **sokāvāsanti** saṅketam katvā āgacchamānā<sup>1</sup> purisānam antosokam pavesetīti sokāvāsā, tam sokāvāsam. Atha vā gharam viya gharasāmikā ayampi purisasamāgamam alabhamānā sokam āvisati, iti yam āvisati, sv’āssā āvāso hotīti sokāvāsā. Ten’ev’assa Padabhājane<sup>2</sup> “sokāvāsā nāma paresam dukkham uppādeti, sokam āvisatī”ti dvidhā attho vutto. **Pācittiyanti** evarūpam vuṭṭhāpentiyā vuttanayen’eva kammavācāpariyosāne upajjhāyāya pācittiyam.

Sāvatthiyam Thullanandam ārabbha evarūpam sikkhamānam vuṭṭhāpanavatthusmim paññattam. Ajānantiyā, ummattikādīnañca anāpatti. Sokāvāsatā jānanam vuṭṭhāpananti imān’ettha tīṇi aṅgāni. Samuṭṭhānādīni gabbhinivuṭṭhāpanasadisān’evāti.

Sokāvāsasikkhāpadavaṇṇanā niṭṭhitā.

### 10. Ananuññātasikkhāpadavaṇṇanā

Dasame **mātāpitūhīti** vijātamātarā ca janakapitarā ca. **Sāmikenāti** yena pariggahitā, tena. **Ananuññātanti** upasampadatthāya ananuññātam. Dvikkhattuñhi bhikkhunīhi āpucchitabbam, pabbajjākāle<sup>3</sup> ca upasampadākāle ca, bhikkhūnam pana sakim āpucchitepi vaṭṭati. Tasmā yā upasampadākāle anāpucchā upasampādeti, tassā vuttanayen’eva pācittiyam.

1. Agacchamānā (Vi-Tīha 3. 223 piṭṭhe.)

2. Vi 2. 446 piṭṭhe.

3. Pabbajanakāle (Sī, Ka)

Sāvatthiyam Thullanandam ārabbha ananuññātavuṭṭhāpanavatthusmim paññattam. Apaloketvā vuṭṭhāpentiyā, tesam atthibhāvam ajānantiyā, ummattikādīnañca anāpatti. Anapalokanam atthibhāvajānanam vuṭṭhāpananti imān’ettha tīṇi aṅgāni. Ananuññātasamuṭṭhānam, kiriyākiriyanam, nosaññāvimokkham, acittakañ, paññattivajjam, kāyakammam, vacīkammam, ticittam, tivedananti.

Ananuññātasikkhāpadavaṇṇanā niṭṭhitā.

---

### 11. Pārivāsikasikkhāpadavaṇṇanā

Ekādasame pārivāsikachandadānenāti pārivāsiyena chandadānena. Tattha catubbidham pārivāsiyam parisapārivāsiyam rattipārivāsiyam chandapārivāsiyam ajjhāsayapārivāsiyanti.

Tattha parisapārivāsiyam nāma bhikkhū kenacideva karaṇīyena sannipatitā honti, atha megho vā uṭṭhahati, ussāraṇā vā karīyati, manussā vā ajjhottharantā āgacchanti, bhikkhū “anokāsā mayam, aññatra gacchāmā”ti chandam avissajjivā’va uṭṭhahanti, idam **parisapārivāsiyam** nāma, kiñcapi parisapārivāsiyam, chandassa pana avissaṭṭhattā kammañ kātum vattati.

Puna bhikkhū “uposathādīni karissāmā”ti rattim sannipatitvā “yāva sabbe sannipatanti, tāva dhammadūruṇā”ti ekam ajhesanti, tasmiñ Dhammakatham kathente yeva aruṇo uggacchati. Sace “cātuddasikam uposatham karissāmā”ti nisinnā, “pannaraso”ti kātum vattati. Sace pannarasikañ kātum nisinnā, pāṭipade anuposathe uposatham kātum na vattati. Aññam pana samghakiccam kātum vattati. Idam **rattipārivāsiyam** nāma.

Puna bhikkhū “kiñcideva abbhānādisamghakammam karissāmā”ti sannisinnā honti, tatr’eko nakkhattapāṭhako bhikkhu evam vadati “ajja nakkhattam dāruṇam, mā idam kammam karothā”ti. Te tassa vacanena chandam vissajjetvā tatth’eva nisinnā honti, ath’añño āgantvā “nakkhattam patimānentam,

attho bālam upajjhagā<sup>1</sup>, kiṁ nakkhattenā karothā”ti vadati, idam chandapārivāsiyañc’eva ajjhāsayapārivāsiyañca. Etasmim pārivāsiye puna chandapārisuddhim anāharitvā kammam kātum na vaṭṭati, idam sandhāya vuttam “pārivāsikachandadānena”ti. Pācittiyanti evam vuṭṭhāpentiyā vuttanayen’eva kammavācāpariyosāne pācittiyam.

Rājagahe Thullanandam ārabbha evam vuṭṭhāpanavatthusmim paññattam. Chandam avissajjetvā’va avuṭṭhitāya parisāya vuṭṭhāpentiyā, ummattikādīnañca anāpatti. Pārivāsikachandadānatā, vuṭṭhāpananti imān’ettha dve aṅgāni. Samuṭṭhanādīni gabbhinisikkhāpadasadisān’evāti.

Pārivāsikasikkhāpadavaṇṇanā niṭṭhitā.

---

## 12. Anuvassasikkhāpadavaṇṇanā

Dvādasame anuvassanti anusam̄vaccharam. Evam vuṭṭhāpentiyāpi vuttanayen’eva pācittiyam.

Sāvatthiyam sambahulā bhikkhuniyo ārabbha anuvassam vuṭṭhāpanavatthusmim paññattam. Ekantarikam vuṭṭhāpentiyā, ummattikādīnañca anāpatti. Anuvassatā, vuṭṭhāpananti imān’ettha dve aṅgāni. Samuṭṭhanādīni ekādasame vuttanayān’evāti.

Anuvassasikkhāpadavaṇṇanā niṭṭhitā.

---

## 13. Ekavassasikkhāpadavaṇṇanā

Terasame ekantarikam ekaṁ vuṭṭhāpentiyā, ummattikādīnañca anāpatti. Sesam dvādasamena sadisamevāti.

Ekavassasikkhāpadavaṇṇanā niṭṭhitā.

Kumāribhūtavaggo atṭhamo.

---

1. Khu 5. 12 piṭhe Jātake.

### 9. Chattupāhanavagga 1. Chattupāhanasikkhāpadavaṇṇanā

Chattavaggassa paṭhame **chattupāhananti** Padabhājane<sup>1</sup> vuttalakkhaṇam chattañca upāhanāyo ca. **Dhāreyyāti** paribhogavasena maggagamane ekappayogen’eva divasampi dhārentiyā ekā<sup>2</sup> āpatti. Sace pana tādisam ṭhānam patvā chattampi apanāmetvā upāhanāpi omuñcivā punappunaṁ dhāreti, payogagaṇanāya pācittiyam.

Sāvatthiyam chabbaggiyā bhikkhuniyo ārabbha chattupāhanadhāraṇavatthusmiṁ paññattam, “agilānā”ti ayamettha anupaññatti, chattass’eva upāhanānam yeva vā dhāraṇe dukkaṭam, agilānāya tikapācittiyam, gilānāya dvikadukkaṭam. Gilānasaññāya pana ārāme ārāmūpacāre dhārentiyā, āpadāsu, ummattikādīnañca anāpatti. Ubhinnam dhāraṇam anuññātakāraṇābhāvoti imān’ettha dve aṅgāni. Samuṭṭhānādīni elakalomasadisānīti.

Chattupāhanasikkhāpadavaṇṇanā niṭṭhitā.

---

### 2. Yānasikkhāpadavaṇṇanā

Dutiye **yānenāti** vayhādinā. Etth’āpi orohitvā punappunaṁ abhiruhantiyā payogagaṇanāya pācittiyam. Anāpattiyaṁ “ārāme ārāmūpacāre”ti n’atthi, sesam paṭhame vuttanayen’eva veditabbanti.

Yānasikkhāpadavaṇṇanā niṭṭhitā.

---

### 3. Saṅghāṇisikkhāpadavaṇṇanā

Tatiye **saṅghāṇinti** yam kiñci kaṭupagam. **Dhāreyyāti** kaṭiyam paṭimuñceyya. Etth’āpi omuñcivā omuñcivā dhārentiyā payogagaṇanāya pācittiyam.

Sāvatthiyam aññataram bhikkhunim ārabbha saṅghāṇim dhāraṇavatthusmiṁ paññattam. Ābādhapaccayā kaṭisuttam dhārentiyā, ummattikādīnañca anāpatti. Sesam vuttanayen’eva veditabbam, idam pana akusalacittanti.

Saṅghāṇisikkhāpadavaṇṇanā niṭṭhitā.

---

1. Vi 2. 451 piṭṭhe.

2. Ekāva (Sī, Kam)

#### **4. Itthālaṅkārasikkhāpadavaṇṇanā**

Catutthe **itthālaṅkāranti** sīsūpagādīsu aññataram yam kiñci piñlandhanam. Idha tassa tassa vasena vatthugaṇanāya āpatti veditabbā.

Sāvatthiyam chabbaggyā bhikkhuniyo ārabbha itthālaṅkāram dhāraṇavatthusmim paññattam, ābādhapaccayā kiñcideva dhārentiyā, ummattikādīnañca anāpatti. Sesam vuttasadisamevāti.

Itthālaṅkārasikkhāpadavaṇṇanā niṭhitā.

---

#### **5. Gandhavaṇṇakasikkhāpadavaṇṇanā**

Pañcame **gandhavaṇṇakenāti** yena kenaci gandhena ca vaṇṇakena ca. Idha gandhādiyojanato paṭṭhāya pubbapayoge dukkaṭam, nahānapariyosāne pācittiyam. Ābādhapaccayā, ummattikādīnañca anāpatti. Sesam catutthasadisamevāti.

Gandhavaṇṇakasikkhāpadavaṇṇanā niṭhitā.

---

#### **6. Vāsitakasikkhāpadavaṇṇanā**

Chaṭṭhe **vāsitakenāti** gandhvāsitakena. Viññākenāti tilapiṭṭhena. Sesam pañcamasadisamevāti.

Vāsitakasikkhāpadavaṇṇanā niṭhitā.

---

#### **7. Bhikkhuni-ummaddāpanasikkhāpadavaṇṇanā**

Sattame **ummaddāpeyyāti** ubbaṭṭāpeyya. Parimaddāpeyyāti sambāhāpeyya. Ettha ca hattham amuñcitvā ubbaṭṭane ekā'va āpatti, mocetvā mocetvā ubbaṭṭane payogagaṇanāya āpattiyo. Sambāhanepi es'eva nayo.

Sāvatthiyam sambahulā bhikkhuniyo ārabbha bhikkhuniyā ummaddāpanaparimaddāpanavatthusmiṁ paññattam, gilānāya, āpadāsu, ummattikādīnañca anāpatti. Idha maggagamanaparissamopi gelāññam, corabhayādīhi sarīrakampanādayopi āpadā. Sesam catutthe vuttanayen’eva veditabbanti.

Bhikkhuni-ummaddāpanasikkhāpadavaṇṇanā niṭhitā.

#### 8-9-10. Sikkhamāna-ummaddāpanādisikkhāpadavaṇṇanā

Aṭṭhamanavamadasamesupi sikkhamānāya sāmañeriyā gihiniyāti ettakameva nānam. Sesam sattamasadisamevāti.

Sikkhamāna-ummaddāpanādisikkhāpadavaṇṇanā niṭhitā.

#### 11. Anāpucchāsikkhāpadavaṇṇanā

Ekādasame **bhikkhussa puratoti** na abhimukhamevāti attho, idam pana upacāram sandhāya kathitanti veditabbam. Tasmā bhikkhussa upacāre antamaso chamāyapi “nisidāmi ayyā”ti anāpucchitvā nisidantiyā pācittiyam.

Sāvatthiyam sambahulā bhikkhuniyo ārabbha anāpucchā nisidana vatthusmiṁ paññattam, tikapācittiyam, āpucchite dvikadukkaṭam. Tasmīm āpucchitasaññāya, gilānāya, āpadāsu, ummattikādīnañca anāpatti. Bhikkhussa anāpucchā upacāre nisajjā anuññātakāraṇābhāvoti imān’ettha tīṇi aṅgāni. Samuṭṭhānādīni kathinasadisāni, idam pana kiriyākiriyantri.

Anāpucchāsikkhāpadavaṇṇanā niṭhitā.

#### 12. Pañhāpucchanasikkhāpadavaṇṇanā

Dvādasame **anokāsakatanti** “asukasmīm nāma ṭhāne pucchāmī”ti evam akata-okāsam, tasmā Suttante<sup>1</sup> okāsam kārāpetvā vinayam vā abhidhammam vā pucchantiyā pācittiyam. Sesesupi es’eva nayo, sabbaso akārite pana vattabbameva n’atthi.

1. Suttantena (Sī), Vi 2. 460 piṭhe pana passitabbam.

Sāvatthiyaṁ sambahulā bhikkhuniyo ārabbha anokāsakataṁ bhikkhum pañham pucchanavathusmīm paññattam. Tattha tattha okāsam kārāpetvā pucchantiyā, anodissa okāsam kārāpetvā yaatha katthaci pucchantiyā, ummattikādīnañca anāpatti. Bhikkhussa anokāsakārāpanam pañham pucchananti imān’ettha dve aṅgāni. Samuṭṭhānādīni padasodhammasadisāni, idam pana kiriyākiriyanți.

Pañhāpucchakasikkhāpadavaṇṇanā niṭṭhitā.

### 13. Asamkaccikasikkhāpadavaṇṇanā

Terasame **asamkaccikāti** adhakkhaka-ubbhanābhimaṇḍalasaṅkhātassa sarīrassa paṭicchādanattham anuññātasamkaccikavirahitā. **Gāmarūpa** viseyyāti ettha parikkhittassa gāmassa parikkhepam aparikkhittassa upacāram atikkamantiyā vā okkamantiyā vā paṭhamapāde dukkaṭam, dutiye pācittiyam.

Sāvatthiyaṁ aññataram bhikkhunim ārabbha asamkaccikāya gāmaṁ pavisana vatthusmīm paññattam. Yassā pana samkaccikacīvaraṁ acchinnam vā naṭṭham vā, tassā, gilānāya, āpadāsu, ummattikādīnañca anāpatti. Asamkaccikatā vuttaparicchedatikkamo anuññātakāraṇābhāvoti imān’ettha tīṇi aṅgāni. Samuṭṭhānādīni elakalomasadisānīti.

Asamkaccikasikkhāpadavaṇṇanā niṭṭhitā.

Chattupāhanavaggo navamo.

### 10-16. Musāvādādivagga

#### Musāvādādisikkhāpadavaṇṇanā

Ito paresu<sup>1</sup> Musāvādavaggādīsu sattasu vaggesu Bhikkhupātimokkhavaṇṇanāyam vuttanayen’eva vinicchayo veditabboti.

Solasamavaggo.

1. Param (Sī)

**Udditthā** kho ayyāyo chasaṭṭhisatā pācittiyā dhammāti bhikkhū ārabba paññattā sādhāraṇā sattati, asādhāraṇā channavutīti evam chasaṭṭhisatā. Sesam sabbattha uttānamevāti.

Kaṅkhāvitaraniyā pātimokkhavaṇṇanāya

Bhikkhunipātimokkhe

Suddhapācittiyavaṇṇanā niṭṭhitā.

Tatr'āyam saṅkhepato asādhāraṇasikkhāpadesu samuṭṭhanavinicchayo—giraggasamajjā Cittāgarasikkhāpadam Saṅghāṇī Itthālaṅkāro Gandhavaṇṇako Vāsitakapiññāko bhikkhuni-ādīhi ummaddanaparimaddanāti imāni dasa sikkhāpadāni acittakāni lokavajjāni akusalacittāni. Ayam pan'ettha adhippāyo, vināpi cittena āpajjitabbattā acittakāni, citte pana sati akusalen'eva āpajjitabbattā lokavajjāni c'eva akusalacittāni cāti. Avasesāni sacittakāni paṇṇattivajjān'eva. Corivuṭṭhāpanam Gāmantaram Ārāmasikkhāpadam Gabbhinivagge ādito paṭṭhāya satta, Kumāribhūtavagge ādito paṭṭhāya pañca Purisādisaṁsaṭṭham Pārivāsikachandadānam Anuvassavuṭṭhāpanam ekantarikavuṭṭhāpananti imāni ekūnavīsatī sikkhāpadāni sacittakāni paṇṇattivajjāni. Avasesāni sacittakāni lokavajjān'evāti.

# Pāṭidesanīyakaṇḍa

## 1. Sappiviññāpanasikkhāpadavaṇṇanā

Pāṭidesanīyesu paṭhame sappinti pubbe vuttavinicchayam Pāli-āgatam<sup>1</sup> gosappi-ādimeva. **Viññāpetvā bhuñjeyyāti** ettha “viññattiyā paṭiladdham bhuñjissāmī”ti gahaṇe dukkaṭam, gahitassa ajjhohāre ajjhohāre pāṭidesanīyam.

Sāvatthiyam chabbaggyā bhikkhuniyo ārabbha sappim viññāpetvā bhuñjanavatthusmiṁ paññattam, “agilānā”ti ayamettha anupaññatti, tikapāṭidesanīyam, gilānāya dvikadukkaṭam. Yā pana gilānā gilānasaññā, gilānakāle vā viññāpetvā pacchā agilānā hutvā bhuñjati, gilānāya vā sesakam, nātakappavāritaṭṭhānato vā viññattam, aññassa vā atthāya, attano vā dhanena gahitam bhuñjati, tassā, ummattikādīnañca anāpatti. Vuttalakkhaṇasappitā anuññātakāraṇābhāvo viññatti ajjhohāroti imān’ ettha cattāri aṅgāni. Samuṭṭhānādīni Addhānasadisānīti.

Sappiviññāpanasikkhāpadavaṇṇanā niṭṭhitā.

---

## 2. Telaviññāpanādisikkhāpadavaṇṇanā

Dutiyādīsupi telādīni pubbe vuttavinicchayāni Pāliyam<sup>2</sup> āgatān’eva. Pāliyam anāgatesu pana aṭṭhasupi dukkaṭameva. Sesam sabbattha paṭhame vuttasadisamevāti.

Telaviññāpanādisikkhāpadavaṇṇanā niṭṭhitā.

Kaṅkhāvitaraniyā pātimokkhavaṇṇanāya

Bhikkhunipātimokkhe

Pāṭidesanīyavaṇṇanā niṭṭhitā.

---

1. Vi 2. 464 piṭṭhe.

2. Vi 2. 466 piṭṭhe.

### **1. Parimaṇḍalādisikkhāpadavanṇanā**

Ito param pana sekhiyāni c'eva adhikaraṇasamathā ca sabbapakārato bhikkhupātimokkhavaṇṇanāyam vuttanayen'eva veditabbāti.

Kaṅkhāvitaranīyā pātimokkhavaṇṇanāya

Bhikkhunipātimokkhavaṇṇanā niṭṭhitā.

### **Nigamanakathā**

**Ettāvatā ca—**

Vaṇṇanām pātimokkhassa, **Sonattherena** yācito.

Vinaye jātakaṅkhānam, kaṅkhāvitaranātthiko<sup>1</sup>.

Ārabhim yamahaṁ sabbam, Sīhaṭṭhakathānayaṁ,  
Mahāvihārvāsīnam, vācanāmagganissitam.

Nissāya sā ayam niṭṭham, gatā ādāya sabbaso.

Sabbam Aṭṭhakathāsāram, Pāliyatthañca kevalam.

Na h'ettha tam padam atthi, yam virujjheyya Pāliyā,  
Mahāvihārvāsīnam, Porāṇaṭṭhakathāhi vā.

Yasmā tasmā akatvā'va, ettha kaṅkham hitesinā,  
Sikkhitabbā'va sakkaccam, **Kaṅkhāvitaranī** ayaṁ.

Yathā ca niṭṭham sampattā, Kaṅkhāvitaranī ayam.  
Dvāvīsatī bhāṇavāra-parimāṇāya Pāliyā.

Evam anantarāyena, niṭṭham kalyāṇanissitā.  
Aciram sabbasattānam, yantu sabbe manorathāti.

1. Kaṅkhānītharāṇatthiko (Sī)

Paramavisuddhasaddhābuddhvīriyappaṭimaṇḍitena  
 sīlācārajjavamaddavādiguṇasamudayasamuditena  
 sakasamayasamayantaragahanajjhogāhaṇasamatthena  
 paññāveyyattiyasamannāgatena Tipiṭakapariyattippabhede sāṭṭhakathe  
 Satthusāsane appaṭihatañāṇappabhāvena mahāveyyākaraṇena  
 karaṇasampattijanitasuviniggatamadhurodāravacanalāvaṇṇayuttena<sup>1</sup>  
 yuttamuttavādinā vādīvarena mahākavinā pabhinnapaṭisambhidāparivāre  
 chaṭṭabhiññādippabhedaguṇappaṭimaṇḍite uttarimanussadhamme  
 suppatiṭṭhitabuddhīnam Theravāṁsappadīpānam therānam  
 Mahāvihārvāsīnam vaṁśālaṅkārabhūtena vipulavisuddhabuddhinā  
**Buddhaghosoti** garūhi gahitanāmadheyyena therena katā ayam  
**Kaṅkhāvitaraṇī** nāma pātimokkavaṇṇanā—

Tāva tiṭṭhatu lokasmim, lokanittharaṇesinam,  
 Dassentī kulaputtānam, nayam sīlavisuddhiyā.

Yāva “Buddho”ti nāmampi, suddhacittassa tādino,  
 Lokamhi Lokajetṭhassa, pavattati Mahesinoti.

### Kaṅkhāvitaraṇī-āṭṭhakathā niṭṭhitā.

---

1. ...vacananelavaṇṇayuttena (Ka) Vi-Tīha 4. 264 piṭhe pana passitabbam.



## Kañkhāvitaranī-aṭṭhakathāya

### Samvaṇṇitapadānam anukkamanikā

Padānukkamo	Pitṭhaṅko	Padānukkamo	Pitṭhaṅko
[ A ]		[ A ]	
Akatasahāyam	295	Aññam	309, 310, 311
Akatānudhammena	249	Aññatarassa vā	
Akappiyakatam	222	aññatarassa vā	128
Akāmā	145	Aññatra	158, 173, 194
Akālacīvaraṁ	159, 308	Aññatra adhimānā	125
Akāle sāvanaṁ	106	Aññatra pārivattakā	165
Akiriyato	112	Aññatra samayā	166
Akkoseyya	335	Aññatra supinantā	127
Akkhantiyā	304	Aññadatthikena	310
Agilānenā	215	Aññabhāgiyassa	139
Agilāno	228, 273-4	Aññamaññavacanena	143
Agalaṭṭhapanāya	207	Aññamaññavuṭṭhāpanena	143
Aṅgam	110	Aññavādako	199
Aṅgassa parāmasanam	128	Aññātabbam	251
Aṅgulipatodake	238	Aññātikāya	163, 165
Acittakā	112	Aññuddisikena	310
Accekacīvaraṁ	187	Aṭṭha	297
Acchindāpeyya	184	Adḍhateyyakarīsaparamam	312
Acchindeyya	184, 309	Atikkāmayato	155
Ajānam	125	Atikkāmentiyā	340
Ajānantassa	123, 277	Atikkāmeyya	266, 323
Ajjuposatho	86	Atikhuddakā	87
Ajjhārāme vā	266	Atimahatī	88
Ajjhāvasathe	266	Atirekacīvaraṁ	153
Ajjhokāse	201, 319	Atirekapatto	178
Ajjhottharantena	88	Attakāmapāricariyāya	130

Padānukkamo	Pitṭhaṇko	Padānukkamo	Pitṭhaṇko
[ A ]		[ A ]	
Attano	228	Anabhijānam	124
Attuddesam	134	Anādaram	295
Attupanāyikam	124	Anādariye	239
Attham	171	Anādā ce	174
Atthasādhako	117	Anāpatti	110
Atthāya	228	Anāpuccham	201
Attho me āvuso	170	Anāpucchā	234, 319, 335
Adiṭṭham	137	Anārambhām saparikkamanam	135
Adinnam	115, 229	Anāvikatvā	107
Adinnam ādiyamāno	120	Anāhaṭe	283
Adinnādānasamuṭṭhānā	111	Anikkhantarājake	266
Adinnādāne	119	Aniggataratanake	266
Addhānagamanasamayo	217, 241	Animantito	273
Addhānamaggapaṭipannassa	174	Animittā	88
Addhānasamuṭṭhānā	111	Aniyato	150
Adhakkhakam	294	Anissajjivtā	333
Adhikaraṇam	138, 139, 141, 332	Anīkadassanam	237
Adhikaraṇasamathā	289	Anuggaṇhāpeyya	344
Adhikaraṇānam	289	Anuggaṇheyya	344
Adhimānā	125	Anuccāritakatam	222
Adhogāminim	214	Anuddhamseyya	137, 254
Anaññāya	301	Anupakhajja	204, 233
Anatirittam	222	Anupasampannena	192
Anattamano	205	Anupasampanno	247
Ananuññātam	347	Anuppannapaññatti	110
Ananuññātasamuṭṭhānā	111	Anubhoti	171
Anantarāyikinī	322	Anuvattakā	142
Anantarāyiko	145	Anuvassam	349
Anapaloketvā	299	Anekapariyāyena	123, 249
Anabbhito	148	Anokāsakataṁ	352

Padānukkamo	Pitṭhaṇko	Padānukkamo	Pitṭhaṇko
[ A ]		[ A ]	
Antamaso	109, 132	Abhinisīdeyya	206, 320
Antaragharam	272	Abhinetabbā	135
Antaraghare	188	Abhisapeyya	321
Antarāyam	324	Abhihaṭṭhum	166, 226
Antarāyikā	248	Abhuttāvinā kataṁ	223
Antarāyiko	103	Amūlakañceva	138
Antimavatthu-ajjhā-pannapubbo	104	Amūlakena	136, 254
Antoraṭṭhe	329	Ambho purisa	122
Antovassam	330	Amhākampetam khamati	142
Anvaddhamāsam	292, 340	Ayam dhammo	150
Apaccakkhāya	107	Ayampi	302
Apanidheyya	244	Araññā vā	115
Aparisaṅkitam	137	Arahantaghātako	105
Apassam	125	Alamkammaniye	150
Apasakka tāva bhagini	272	Alamariyañāṇadassanaṁ	124
Appaṭikāram	295	Alametam sabbanti avuttam	223
Appaṭiggahitakataṁ	222	Avagaṇḍakārakam	283
Appaṭisamviditaṁ	274	Avalittā	134
Appatīto	136	Avassaṭṭā	295
Appadīpe	318	Avassutassa	302
Appasaddo	280	Avassutā	294, 296, 302
Appaharite	207	Avahareyya	116
Appitam	186	Avippavāsasimā	90
Appeva nāma nam	137	Avivadamānehi	292
Aphāsum	327	Avivadamāno	141
Abaddhasimā	90	Asamkaccikā	353
Abbhetabbo	148	Asamvāso	109
Abhi	166, 206	Asañcicca	123, 277
Abhikkhuko	338	Asatthikā	329
Abhinipphādeyya	170	Asanam	219

Padānukkamo	Pitṭhaṇko	Padānukkamo	Pitṭhaṇko
[ A ]			[ Ā ]
Asantiyā āpattiyā	100	Āmasanaṁ	294
Asante hārake	174	Āmisahetu	211
Asamanuggāhīyamāno vā	138	Āyatam	186
Asammato	209	Āyasmanto	127
Asāmikam	134	Āyasmā	168
Asikkhitasikkham	342	Āraññakāni	187
Assa	103, 122, 141, 162, 337	Ārāmam	330, 335
Assatiyā	277	Ārāmiko vā	169
Assutam	137	Āropetabbo	253
Ahatthapāse kataṁ	223	Ālokasandhiparikammāya	207
[ Ā ]			[ I ]
Ākaṅkhamānenā	162	Iccetam kusalam	141, 170
Āṇatti	110	Iti cittamano	122
Āṇattiko	117, 121	Iti jānāmi	124
Āñāpātimokkham	94	Iti passāmi	124
Ādātabbā	173	Itthālaṅkāram	351
Ādiyamānāya	314	Itthimatiṁ	131
Ādiyeyya	116	Itthiyā vā	131
Ādissa	308		
Ādissa deti	126		
Āpatti	110, 146		
Āpattisaññī ca	144		
Āpattisandassanā	137		
Āpatti ca hoti	144		
Āpadāsu	277		
Āpannā	298		
Āpanno	124, 252		
Ābhataṁ	169, 171		

Padānukkamo	Pitṭhaṇko	Padānukkamo	Pitṭhaṇko
[ I ]		[ U ]	
Iddhimayo	122	Udake	239, 288
Idha sūpam	272	Uddālanakam	270
Indakhīlam	266	Uddissa	167
Imamhā brahmacariyā	137	Uddissamāne	252
Iminā	169	Uddesam	289
Ime	104	Uddesam āgacchanti	104, 127
Iriyāpatham vikopeyya	116	Uddesapariyāpannesu	143
[ U ]		Uddhamgāminim	214
Ukkuṭikā	280	Uddharāpeyya	201
Ukkoṭeyya	245	Upakkhaṭam	167
Ukkhittam	295, 301	Upatṭhaheyya	328
Ukkhittakāya	279	Upatṭhāpeyya	250
Uggaṇhāpeyya vā	175	Upatiṭṭheyya	315
Uggaṇheyya vā	175	Upadaheyya	254
Uggireyya	253	Upanikkhittam vā	175
Ucce āsane	287	Upanissāya viharati	143
Ujjagghikāya	279	Uparivehāsakuṭiyā	206
Ujjhānasaññī	282	Upalāpeyya	250
Ujjhāpanakam	200	Upavassam	187
Uññāya	304	Upasampādeyya	247
Utukkhānam	96	Upassayam	328
Uttarichappañcavācāhi	194	Upassutim	255
Uttari chārattam	148	Upādāya	168
Uttaridirattatirattam	192	Upāsako vā	169
Uttarimanussadhammam	195	Uposathapucchakam	340
Udakadantaponā	231	Uposatho	87
Udakasuddhikam	314	Uppajjeyya	159
Udakukkhepasīmā	90	Uppathena	287
Udakukkhepā	91	Uppannuppannānam	289
		Ubbhajāṇumāṇḍalam	294

Padānukkamo	Pitṭhaṅko	Padānukkamo	Pitṭhaṅko
	[ U ]		[ E ]
Ubbhatasmiṁ kathine	152	Etena dhammena	131
Ubhatobyāñjanako	106	Ettakam	292
Ubhatosamghassa	161	Evam vadeyya	125, 304
Ubhatosamghe	305, 338	Evam saṁvaddhā hi	143
Ummaddāpeyya	351	Evañca so	141, 144
Uyyānam	330	Evamassa vacanīyo	141
Uyyuttam	236	Evarūpam vā evarūpam vā	168
Uyyojeyya	233, 319	Evarūpāni	228
Uyyodhikam	237	Evācārā	304
Ullittā	134	Eḷakalomasamuṭṭhānā	111
Ullittāvalittā	134		[ O ]
Ussayavādikā	298	Okāsaparikappo	118
	[ Ū ]	Okkhittacakkhu	279
Ūnadvādasavassā	345	Oguṇṭhitasīsassa	286
Ūnapañcabandhano	179	Oguṇṭhito	280
Ūnavīsativassam	247	Otiṇño	128
Ūnavīsativasso	104	Odano	220
	[ E ]	Obhāseyya	129
Ekatopaññatti	110	Omasavāde	190
Ekattharaṇapāvuraṇā	327	Orena	183
Ekaddhānamaggam	213	Orena ce channam vassānam	173
Ekabhaṇḍapañcakam	116	Orenaddhamāso	183
Ekasamuṭṭhānā	110	Ovadeyya	209, 210
Ekuddeso	141	Ovādapātimokkham	94
Ekūposatho	91	Ovādāya	340
Eko	215	Ovādūpasāñkamanam	340
Eko ekāya	150	Ovādo	96
Etadaggam	131	Osāreyya	301
Etadeva	233	Ohīyeyya	300

Padānukkamo	Pitṭhaṇko	Padānukkamo	Pitṭhaṇko
[ Ka ]		[ Ka ]	
Kaccittha	126, 292	Kim saṁghassa pubbakiccam	95
Kaṇḍuppaṭicchādim	271	Kiñci	171
Katikāya	160	Kiriyato samuṭṭhāti	112
Kattikatemāsikapuṇṇamam	186	Kiriyākiriyato samuṭṭhāti	112
Katvā nivāsetabbam	182	Kiriyāsaññācittehi nānattam	111
Katvā nivāseyya	183	Kismiñcideva	303
Kathinasamuṭṭhānā	111	Kukkuccam	254
Kathinuddhāram	326	Kuṭīm	134
Kanteyya	331	Kupito	205
Kappā	299	Kuladūsako	143
Kappeyya	193, 233, 250	Kulamaccharinī	337
Kabalāvacchedakam	283	Kulesu	234
Kammappattā	87	Kusāvahāro	119
Kammasamayo	241	Kocideva	188
Kammānam	259	Koccham	201
Kayavikkayam	177	Kosiyamissakam	172
Kalyāṇakamyataṁ	168	[ Kha ]	
Kalyāṇadhammam	131	Khaṇḍanimittā	88
Kāyakammam vacikammañca	112	Khaṇḍasimā	90
Kāyappacālakam	280	Khattiyassa	265
Kāyabandhanam	244	Khamati	142
Kayāsaṁsaggam		Khambhakato	280
samāpajjeyya	128	Khādanīyam vā	
Kārayamānenā	134	bhojanīyam vā	223
Kārāpeyya	172	Khādeyya vā bhuñjeyya vā	223
Kāretabbam	162	Khippameva	162
Kāretabbo	252	Khiyyanakam	208
Kālena	169	Khīyanadhammam	346
Kālo	121		
Kim tuyhiminā	122		
Kimnumāva	303		

Padānukkamo	Pitṭhaṅko	Padānukkamo	Pitṭhaṅko
[ Kha-Ga ]		[ Ga-Gha ]	
[ Ca ]			
Khīradadhīni	228	Gītam	317
Khuddānukhuddakehi	252	Gocariyānam	173
Gaccheyya	201	Gharam	115
Gaṇam	299, 336	Gharūpacāro	115
Gaṇabhojane	216		
Gaṇamhā	300		
Gaṇassa	295, 301, 324	Caṇḍikatā	336
Gaṇo	216	Catukkamīsaparamam	311
Gandhavaṇṇakena	351	Catumāsappaccayapavāraṇā	235
Gabbhinī	342	Catusamuṭṭhānā	111
Garupāvuraṇam	311	Catūhapañcāhā	323
Gahaṇam	294	Cattāro	104
Gahapatānim	165	Cara	250
Gahapatim	165	Caritabbam	305
Gahapatinā	298	Cārikam	334
Gāmam	353	Cārittam āpajjeyya	234
Gāmaṁ vā nigamam vā	143	Cāveyyam	137
Gāmantaram	300	Ciṇṇamānattāya	307
Gāmasīmā	90	Cittasaṅkappo	122
Gāmā vā	115	Cittāgāram	330
Gāmūpacāro	115	Cīvaraṁ	165, 212, 244
Gāmo	115, 197	Cīvarakārasamayo	217
Gārayham	272	Cīvarakālasamayam	183, 326
Gārayhā	148, 247	Cīvaracetāpannam	167
Gilānasamayo	217	Cīvaralābhām	324
Gilānā	211	Cīvaravibhaṅgam	325
Gilānātirittam	223	Cīvarasaṅkamanīyam	324
Gihigataṁ	343	Cīvarena acchādessāmi	167
Gihiveyyāvaccam	332	Cutā	295
Gihisamārambhā	214	Cetāpetabbam	311

Padānukkamo	Pitṭhaṇko	Padānukkamo	Pitṭhaṇko
[ Ca ]		[ Ja ]	
Cetāpetvā	167	Jāyattane vā	132
Corivuṭṭhāpanasamuṭṭhānā	111	Jārattane vā	132
Corī	299	Jīvitā voropeyya	121
Corosi	120	[ Ā-Ṭha ]	
[ Cha ]		[ Ā-Ṭha ]	
Chakkhattuparamam	170	Ñatti-aparāmasanam	106
Chaddāpeyya	316	Ṭhānā cāveyya	116
Chaddeyya	316	Ṭhānāraham	107
Chattupāhanam	350	Ṭhito nisinnassa	287
Chandaṁ datvā	259	[ Ta ]	
Chandagāmino	144	Tam	99, 129, 155
Chandapārisuddhi	95	Taṅkhaṇikāyapi	132
Chandaso	293	Tañce	166
Chappañcayojanāni	330	Tato	171
Chamāyam	287	Tato aparena samayena	124, 138
Cha samuṭṭhānā	111	Tato cīvaraṁ sāditabbam	166
Chasu dhammesu	342	Tato ce uttari	163, 208, 215, 237
Chāyānimittā	88	Tathānāsitam	250
Chupanam	294	Tathā pacchā	126
Chedanakam	269	Tathārūparam bhikkhu	120
[ Ja ]		Tathārūpappaccayā	236, 240
Jatumaṭṭhake	314	Tathāvādinā	249
Jātarūparajatam	175	Tattha	171, 292
Jātassare sammatā	88	Tattha tattha yathāraham	113
Jātassaro	91	Tatra	104, 148, 168
Jānam	204, 208, 224		
Jānam paṭicchādeti	144		
Jānāti no	142		

Padānukkamo	Pitṭhaṇko	Padānukkamo	Pitṭhaṇko
[ Ta ]		[ Ta-Tha ]	
Tatridam pamāṇam	134	Telam	181
Tamanuvatteyya	296	Tela	355
Talaghātake	314	Tehi bhikkhūhi	135
Talasattikam	253	Thāvaro	121
Tasmā	103	Thūpakato	282
Tasmīm	247	Theno	115
Tassā bhikkhuparisāya	180	Thenosi	120
Tasseva kho pana	142	Theyyasamvāsako	104
Tāni paṭiggahetvā	181	Theyyasañkhātam	115
Tāvatīham	145	Theyyasatthasamuṭṭhānā	111
Tāsāham	303	Theyyāvahārapañcakam	117
Tikadvayavidhim	112	Theyyāvahāro	117
Ticīvarena	158	[ Da ]	
Titthiyapakkantako	105	Dakkhiṇeyyasamṛgho	85
Tiyojanaparamam	174	Daṇḍo	285
Tiracchānagatāyapi	109	Dadeyya	253
Tiracchānagato	93, 105	Dasāhaparamam	153
Tiracchānavijjam	334	Dasāhānāgatam	186
Tiriyaṁ	134	Dassanāya	317, 330
Tiriyaṁ taranāya	214	Dāpetvā vā adāpetvā vā	233
Tirokuṭṭe	316	Dinnam	308
Tiropākāre	316	Dīghaso	134
Tiroratṭhe	329	Dukkhitam	328
Tividhasampattiuyttā	88	Duggahitena	321
Tisamuṭṭhānā	110	Duṭṭhullam	195, 246
Tuccham musā vilapim	125	Duṭṭhullāhi vācāhi	129
Tuvaṭṭeyyum	327	Duṭṭho	136
Tūlonaddham	270	Dubbacajātiko	143
Tena cīvarena	188	Dubbalacīvarapaccāsāya	325
Terasa	127		

Padānukkamo	Pitṭhaṇko	Padānukkamo	Pitṭhaṇko
[ Da ]			[ Na ]
Dubbalyam	107	Nadī	90
Dubbalyā	304	Namaraṇādhippāyassa	123
Dūpadhāritena	321	Navamīcīvaralābhena	242
Deso	140	Navanītam	181
Doso	136	Nahāyeyya	241
Dvaṅgulapabbaparamam	314	Nātimahantam	282
Dvatticchadanassa	207	Nānappakārakam	176
Dvattipattapūrā	218	Nānābhaṇḍapañcakam	116
Dvattipattapūre	218	Nānubandheyya	344
Dvādasa vidatthiyo	134	Nāmaṁ	146
Dvisamuṭṭhānā	110	Nāvābhiruhanasamayo	217
Dve bhāgā	173	Nāsitā	295
[ Dha ]			Nikaṇṇikam
Dhammarām	192	Nikkaddhāpeyya	205
Dhammarām deseyya	194	Nikkaddhēyya	205, 328
Dhammadesanāsamuṭṭhānā	111	Niggataṁ	266
Dhammā	104, 127	Niṭṭhitacīvarasmiṁ	152
Dhammikam	325	Nidānam	116
Dhammikānam kammānam	255	Niddisitabbo	169
Dhammikāni	259	Nimantitā	336
Dhammena	295	Nimantito	234
Dhāreyya	324, 350	Nimittakammam	117
Dhuranikkhepo	117	Nirayena	321
Dhovāpeyya vā	163	Nisajjam	233
[ Na ]			Nisajjam kappeyya
Naggā	322	Nisīdanam	150
Naccam	317	Nissaggyam	244, 270
Nadiyā sammatā	88	Nissaggiyo	155, 171, 175, 184
		Nissāraṇīyo	117, 121
		Nihatādhikarāṇam	298
			245

Padānukkamo	Pitṭhaṇko	Padānukkamo	Pitṭhaṇko
[ Na ]		[ Pa ]	
No ca'ssa pāripūrī	162	Paṭiseveyya	109
No ce paṭinissajjeyya	141	Paṭhamapārājikasamuṭṭhānā	111
No saññāvimokkhā	112	Paṭhamāpattikām	298
[ Pa ]		[ Pa ]	
Pakatatto	145	Pañṭabhojanāni	227-8
Pakkameyya	319, 334	Pañṭattivajjā	112
Pakkhamānattam	305	Pattam	244
Paggayha tiṭṭheyya	141	Pattakallam	87
Paccayo	188	Pattapariyanto	180
Paccākaṭā	303	Pattasaññī	281
Paccāsāya	162	Pattasannicayam	308
Paccekapuṭṭhassa	101	Pathavim	196
Pacchā		Padaso	192
khīyanadhammadmām	259, 346	Padasodhammasamuṭṭhānā	111
Pacchāñattīṭṭhapanam	106	Padātabbo	180
Pacchābhuttam vā	234, 320	Padesapaññatti	110
Pañcāhikam	323	Pana	242
Paññattividhim	110	Pannaraso	86
Paññāyati	219	Pabbājeyyam vā	120
Paṭikkhepo	220	Pamāṇikā kāretabbā	134
Paṭiggaṇheyya	165	Payogo	108
Paṭiggahetvā	218	Param	321
Paṭicchannaparivāso	145	Parakkameyya	141
Paṭicchannāvahāro	118	Paramparabhojane	217
Paṭicchanne okāse	150, 318	Parāmasanam	294
Paṭijānamāno	150	Parikappāvahāro	118
Paṭipajjitabbam	148	Parikkhārena	310
Paṭipīlanam	294	Paricareyya	131
Paṭibāheyya	325-6	Pariṇatam	188
Paṭisāyanīyāni	181	Pariṇāmeyya	189

Padānukkamo	Pitṭhaṇko	Padānukkamo	Pitṭhaṇko
[ Pa ]		[ Pa ]	
Paripañhitabbam	251	Pāṇātipāto	121
Paripucchitabbam	251	Pāṇo	121, 245
Paribhavena	304	Pātimokkham	84
Paribhāseyya	335-6	Pāṇiyena	315
Paribhuñjeyya	331	Pāpasaddā	304
Parimañḍalam	276, 283	Pāpasamācāro	143
Parimañḍalapārupanam	278	Pāpasilokā	304
Parimaddāpeyya	351	Pāpācārā	304
Pariyāpuṇeyya	334	Pāyantim	342
Pariyāyam	207	Pārājikā	104, 297
Pariyesitabbam	182	Pārājikena	137
Pariyeseyya	122, 183	Pārājiko hoti	109, 123
Parivatthabbam	145	Pārivattakā	165
Parisuddhā	292	Pārivāsikachandadānena	348
Pallatthikāya	281	Pārisuddhim	99
Pavattinim	344	Piññākena	351
Pavāritā	336	Piñḍapātam	281
Pavārito	219	Piñḍapātamattampi	186
Pavāreyya	166, 224	Piñḍukkhepakaṁ	283
Pavitthāya	272	Pitughātake	105
Paviseyya	353	Pire	250
Pasayhāvahāro	118	Pīṭham	269
Pasākhe	341	Pīṭhe	201
Pahāram	253	Puggala-aparāmasanam	106
Pahiṇeyya	169	Puggalassa	162
Pācittiyam	155, 192, 199, 200, 233, 336	Puggalikena	311
Pāṭidesanīyam	273-4	Puggalo	108, 110
Pāṇātipātassa payogo	121	Punakammāya	245
Pāṇātipātī	121	Pubbakiccam	95
		Pubbapayogapañcakam	117

Padānukkamo	Pitṭhañko	Padānukkamo	Pitṭhañko
[ Pa ]		[ Bha ]	
Pubbapayogo	117	Bhaṇḍaparikappo	118
Pubbupagatam	204	Bhāsatī	142
Pubbe appavārito	185	Bhāseyya	131
Pubbe gihisamārambhā	214	Bhimśāpeyya	240
Purāṇacīvaraṁ	163	Bhikkhāpaññattiyā	161
Purāṇasanthataṁ	173	Bhikkhu	104
Purisattakaro	134	Bhikkhugaṇanā	96
Purisapuggalassa	294	Bhikkhunā	242
Purisamatim	131	Bhikkhunidūsako	106
Purisaviggahena	194	Bhikkhuniparipācitaṁ	214
Purisassa vā	131	Bhikkhuniyā	163
Purisena	318	Bhikkhunupassayaṁ	211
Purebhattam vā	234, 319	Bhikkhupesuññe	191
Pūgam	299	Bhikkhumānattāya	148
Pūvehi	218	Bhikkhusammutiyā	158, 195
Pokkharaṇim	330	Bhikkhussa	195
[ Pha-Ba ]		Bhikkhussa purato	352
Phāṇitam	181	Bhikkhū	211
Phāsu viharati	141	Bhikkhū abhinetabbā	135
Phāsu hoti	103	Bhisi	201
Baddhasīmā	87	Bhuñjantassa	315
Bandheyum vā	119	Bhuñjitabbo	215
Balaggam	237	Bhuñjeyya	315, 355
Bahisīme ṭhitasammata	88	Bhuttasmim	224
Bālosi	120	Bhuttāvinā kataṁ	223
Bimbohanam	270	Bhuttāvī	219
Byūhe	319	Bhūtagāmapātabyatāya	197
Brahmacariyā	137	Bhūtasmiṁ	195
Brahmacariyena	321	Bhūtārocanasamuṭṭhānā	111
Brahmacārim	131	Bhedanakam	269

Padānukkamo	Pitṭhaṇko	Padānukkamo	Pitṭhaṇko	
[ Bha ]				
Bhedanasamīvattanikam	141	Māso seso gimhānaṁ	182	
Bhedāpeyya	341	Mukhadvāram	231	
Bhedāya parakkameyya	141	Muddhābhisisuttassa	265	
Bhesajjāni	181	Musā	125	
Bhojanam	219	Mūlhosi	120	
[ Ma ]				
Maṁsaṁ	228	Me	85	
Macchamamīsesu	221	Methunam dhammam	109, 293	
Maccho	228	Methunupasamīhitāhi	130	
Majjhimassa purisassa	91	Methunupasamīhitena	131	
Mañcam	269	Merayam	238	
Mañco	201	Mohanake	253	
Madhu	181	[ Ya ]		
Manasi karoma	99	Yata'ssa	171	
Manussaviggaham	120	Yato tvam	302	
Manthehi	218	Yathā tam	129	
Mama vacanāya	143	Yathādhammam	245	
Maraṇavaṇṇam vā saṁvaṇṇeyya	122	Yathādhammo	252	
Maraṇāya vā samādapeyya	122	Yathā pure	126	
Mahallakam	136, 207	Yathārūpe	119	
Mahājanikena	311	Yathāsanthutam	260	
Mahāsamayo	217	Yadidam	143	
Mahāsikkhamāna	343	Yassa siyā	99	
Mātāpitūhi	347	Yānagato	286	
Mātugāmam	129	Yānenā	350	
Mātugāmassa santike	130	Yāvatatiyakā	144, 303	
Mātugāmena saddhim	128, 150, 193	Yāvatikā	87	
Mātughātako	105	Yāvatihām	144	
		Yāvadeva	252	
		Yāva dvārakosā	207	

Padānukkamo	Pitṭhañko	Padānukkamo	Pitṭhañko
	[ Ya ]		[ Va ]
Yuñjantāyasmanto sakam	171	Vajjanīyā ca puggalā	93
Yena vā sā	150	Vajjappaṭicchādikā	304
Yebhuyyasikā	290	Vajjhāni viditam	299
Yo ca	180	Vaññam bhāseyya	131
Yo pana	104	Vata	168
	[ Ra ]		
Ratanam	266	Vatthu	104, 110, 121
Ratanasammataṁ	266	Vatthu-aparāmasanam	106
Rattandhakāre	318	Vatthudesanāya	135
Rathikāya	319	Vatthu desetabbam	135
Raho	150	Vatthusandassanā	137
Rājabhoggo	169	Vadatu saha dhammena	143
Rājāgāram	330	Vadeyya	125
Rājāno	119	Vadhītvā	321
Rudhitam	341	Vassamvuṭṭhasamghassa	162
Rūpiyasamvohāram	176	Vassamvuṭṭhā	330, 338
	[ La ]	Vāceyya	192, 334
Lasuṇam	313	Vātavuṭṭhisamayo	241
Lahupāvuraṇam	312	Vāditam	317
Lābhām	188	Vāyāpeyya	184
Leso	140	Vāsitakena	351
Lokavajjā	112	Vikappam	168, 186
Lohituppādako	106	Vikappetvā	242
	[ Va ]	Vikāle	225, 268, 320
Vaggavādakā	142	Vighāsam	316
Vacanīyo	141	Vijānanam	108
Vaciñkammam	112	Vijjāmayo	122
		Viññatvā	315

Padānukkamo	Pitṭhaṇko	Padānukkamo	Pitṭhaṇko
[ Va ]		[ Va ]	
Viññāpetvā	184, 228, 309, 355	Vūpakāseyya	344
Viññāpeyya	166	Vūpasamāya	289
Viññunā	194	Veñhitasīsassa	286
Vitthataṁ	186	Veñī	128
Vidhūpanena	315	Vebhassiyā	304
Vinayena	295	Veyyāvaccakaro	169
Vinassa	250	Vo sakam	171
Vinicchayakathāya	259	[ Sa ]	
Vipatti	110	Samgha-aparāmasanāṁ	106
Vipariṇatena cittena	128	Samghassa deti	161
Vippavaseyya	158, 188	Samghādiseso	121
Viramathāyasmanto	143	Saṅghikam	188, 201
Vilapim	125	Samghikena	310
Vivādāpannānaṁ	255	Samghena asammataṁ	343
Vivicatha	304	Samghena asammatā	346
Visibbetvā	322	Samgho	85
Visuddhāpekkhena	103	Samgho uposathāṁ kareyya	93
Visuddhāpekkho	125	Samvaṇṇeyya	122
Vihāram	207	Samvaseyya vā	249
Vihāre	202	Samvāsappaṭikkhepo	137
Vihesako	199	Samvāsāya	340
Vihesikā	304	Samvidhāya	213
Vīsatigaṇo	148	Samvidhāvahāro	117
Vuccamānā	346	Samvibhajitabbam	219
Vuccamāno	251	Saṁsaṭṭhā	304
Vuṭṭhāpitam	344	Samharāpeyya	313
Vuṭṭhāpitena	346	Sakabalenā	283
Vuṭṭhāpeyya	342	Sakkaccam	281
Vūpakāsāpeyya	344	Saṅkāram	316

Padānukkamo	Pitṭhaṇko	Padānukkamo	Pitṭhaṇko
[ Sa ]		[ Sa ]	
Saṅketakammam	117	Sapadānam	282
Saṅghāṭikāṇaggaṇaṇam	296	Saparikkamanam	135
Saṅghāṭicāro	323	Sappaṭibhayāni	188
Saṅghāṇim	350	Sappāṇakam	208, 245
Sacittakā	112	Sappi	181, 355
Sajātisādhāraṇam	146	Sabbatthapaññatti	110
Sañcarittam	131	Sabbasādhāraṇam	146
Sañcarittasamuṭṭhānā	111	Sabbahattham	283
Sañcicca	120	Sabbeva santā	99
Saññatto	170	Sabhatto	234
Saññācikā	133	Sabhāgāpattiyo	92
Saññācikena	310-1	Sabhikkhukam	335
Saññāvimokkhā	112	Sabhojanam	233
Satiyā paccāsāya	162	Samaggassa saṅghassa	141
Satta	289	Samaggena saṅghena	260
Sattantarā	134	Samaggehi	292
Sattabbhantarasīmā	90	Samaṇacīvaram	325
Satthagamanīyo	213	Samaṇabhattasamayo	217
Satthahārakam	122	Samaṇuddeso	250
Satthusāsanena	295	Samatittikam	281
Saddheyavacasā	150	Samathāya	289
Santam bhikkhum	268	Samanuggāhīyamāno vā	138
Santaruttaparamam	166	Samanubhāsanasamuṭṭhānā	111
Santike	130	Samanubhāsitabbo	141
Santiṭṭheyya	296, 318	Samantā	173
Santī āpatti	103	Samantā sattabbhantarā	90
Santhataṁ	172	Samasūpako	281
Santharāpetvā	201	Samādapeyya	122
Santharitvā	201	Samādaheyya	240
Sannidhikārakam	181, 225	Samādāya	141

Padānukkamo	Pitṭhaṅko	Padānukkamo	Pitṭhaṅko
[ Sa ]		[ Sa ]	
Samānasamīvāsasīmā	90	Sādiyeyya	175, 235, 294
Samānasamīvāsā	91	Sādhāraṇapaññatti	110
Samāpajjeyya	131	Sādhu	168
Samāpanno	107	Sādhukamī suñoma	99
Samārambho	214	Sā pacchā	346
Samuṭṭhānavidhiṁ	110	Sāmamī	184
Samudācareyya	124	Sāmike	319
Samudde sammatā	88	Sāmisena	284
Samuddo	90	Sāmīci	149, 171
Sametāyasmantānaṁ		Sāmīcippaṭikkhepo	137
samghena	142	Sārambhe ce	135
Sametāyasmā samghena	141	Sāvanāya hāpanamī	106
Sampajānamusāvāda’ssa	102	Sāsaṅkasammatāni	188
Sampajānamusāvāde	190	Sāhatthikapañcakam	116
Sambādhe	313	Sāhatthiko	116, 121
Sambhindantena	88	Sikkhamī apaccakkhāya	107
Sambhuñjeyya vā	249	Sikkhamānaṁ	342
Sammukhāvinayo	289	Sikkhamānenā	251
Sammutisamīgho	85	Sikkhā karaṇīyā	276
Sammodamānehi	292	Sikkhāpadavivāṇṇake	252
Sammodamāno	141	Sikkhāpade	251
Sayanagatassa	286	Sikkhāsajīvasamāpanno	107
Sallapeyya	318	Sikkhitabbamī	292
Sahajīvinimī	328, 344	Siṅghātakē	319
Sahatthā	174, 333	Siñcāpeyya	208
Sahadhammikamī	251	Siñceyya	208
Sahadhammikamī vuccamāno	143	Sibbāpeyya	212
Sahapayogo	117	Sibbeyya	212
Sahaseyyamī	192	Siyā	99, 148
Sāditabbamī	166		

Padānukkamo	Pitṭhaṇko	Padānukkamo	Pitṭhaṇko
[ Sa ]		[ Sa ]	
Siyā akiriyato	112	Sūcigharam	244
Siyā kiriyato	112	Sekkhasammatāni	273
Siyā kiriyākiriyato	112	Seṇim	299
Sīmāya sīmam		Senam	236
ajjhottarantena sammatā	88	Senābyūham	237
Sīmāya sīmam sambhindantena		Seyyam	202, 320
sammatā	88	Seyyam kappeyya	204
Sīlavantam	131	So	144
Sukkavissaṭṭhi	127	Sokāvāsam	347
Sugatavidatthiyā	134	So tassa	180
Suṇātu	85	So bhikkhu	143
Suttam	184, 331	[ Ha ]	
Suttapariyāpannam	292	Hatthaggahaṇam	296
Suttāgataṁ	292	Hatthaggāham vā	128
Suttuddeso	93	Hatthaniddhunakam	283
Suddhakālakānam	172	Hatthapāse	220
Suddhantaparivāso	147	Hattho	128
Supinantā	127	Haneyyum vā	119
Suppaṭicchanno	279	Handa	309
Suppavāyitam	186	Haritam	207
Surāmerayapāne	238	Harite	316
Suvitacchitam	186	Hareyya	116
Suvilekhitam	186	Hasadhamme	239
Suvītam	186	Hasāpekkho	244
Susamvuto	279	Hi	103

## Kaṇkhāvitaranī-att̄hakathāya

### Lakkhitabbānam anukkamaṇikā

Padānukkamo	Pitṭhaṇko	Padānukkamo	Pitṭhaṇko
[ A ]		[ A ]	
Āmsabaddhaka	270	Attheyeva ādaro	
Akappiyakuṭi	227	kattabbo	114
Akappiyabhūmi		Adiṭṭham nāma	137
saṁvidhānasikkhāpade	213	Adhikaraṇam	138, 139
Akappiyabhojanam	221	Adhikaraṇāni cattāri	289
Akappiyasamādānāpatti	113	Adhiṭṭhānavijahana-	
Akālacīvaraṁ	159, 308	kāraṇāni att̄ha	155
Akkosavatthūni dasa	191	Adhiṭṭhānuposatha-	
Agāmakam araññam	90	karaṇanayo	95
Agghasamodhāno	148	Adhimāno	125
Accekacīvaraṁ	187	Anīkam	237
Ajātapatthavī	196	Anuṭṭhāpanīyapuggalā	204
Ajānanta	114	Anuddhamāsanākāro	137
Ajjhārāma	266	Anudhammo	249
Ajjhāvasatha	266	Anupaññatti tividhā	113
Ajjhāsayapārivāsiyam	349	Anuppannapaññatti	110
Ajjhokāsa	201	Anulomapānāni	231
Añjanisalākā	269	Anuvādādhikaraṇam	
Añjanī	269	tassa catūhi	
Aññāpadesam katvā		samathehi sammanatā	290
akkosanam	191	Anussāvanadosā pañca	106
Atirittam	223	Antaraghare cīvaranikkhipane	
Atirekapatto	178	aṅgāni cattāri	188
Attano atthāya viññāpane		Antaravāsakassa pamāṇam	
āpattiyo	228	lāmakato	154
Atthasādhako	117	Antarāyikā dhammā	
		pañcavidhā	248

Padānukkamo	Pitṭhaṇko	Padānukkamo	Pitṭhaṇko
[ A ]		[ Ā ]	
Antepurikapāruta	278	Ācāravipatti āpattiyo	157
Antopakkam	227	Ājīvavipatti	157
Antovuṭṭham	227	Ājīvavipattipaccayā paññattā	
Apatto	178, 179	āpattikkhandhā cha	157
Aparañṇam	207, 231	Āṇattiko	117, 121
Aparisaṅkitam nāma	137	Āṇattiniyāmakā cha	121
Apalokanakamma	255	Āṇāpātimokkham	94
tassa pañcaṭṭhānagamanatā	256	Ādikammiko	114
Appaṭicchannamānattam	148	Ādissa dinnam nāma	308
Appasaddatāparicchedo	280	Ādissa deti	159, 162
Abbhantarapamāṇa	90	Āpatti-āpajjanākārā cha	100
Abhikkhuko nāma		Āpattipaṭicchādanalakkhaṇāni	
āvāso	337-8	dasa	144-5
Amūlhavinaya	290	Āpattiyo duvidhā	
Araññam	115	saññāvasena	112
Araññalakkhaṇam	187	vajjavasena	112
Araṇika	269	Āpattiyo tividhā	
Arahantaghātako	105	kammabhedena	112
Ariṭṭha	238	Āpattiyo pañcavidhā	
Arunuggamanagananānayo	155	kiryāvasena	111-2
Alajjilakkhaṇam	100	Āpattiyo terasa	
Avalittā kuṭi	134	samuṭṭhānavasena	111
Avahārā pañcavīsatī	116-9	Āpattisandassanā	137
Avippavāsasimā	90	Āpattādhikaraṇam	289
Asantī āpatti	101	tassa tīhi samathehi	
Asādiyanto	114	sammanatā	291
Asādhāraṇasikkhāpadesu		Āmisasambhoga	249-250
samuṭṭhānavinicchayo	354		
Assānīka	237		
Assutam nāma	137		

Padānukkamo	Pitṭhaṇko	Padānukkamo	Pitṭhaṇko	
[ Ā ]				
Āyoga	270	Uposathā		
Āvasathapiṇḍa	215	tayo	86, 93	
Āvikaraṇūpāyo	103	catuvīsatī	86	
Āvudham	285	nava	95	
Āsandī	331	Ubhatobyāñjanako	106	
[ I ]				
Itthiyo tisso	109	Ubhatosañghassa		
Iddhimayo	122	deti	159, 161-2	
[ U ]				
Ukkuṭikā	280	Ubhayatthenako	105	
Uttarattharaṇam	203	Ummattako	114	
Uttarāsaṅgassa		Ullittā kuṭī	134	
pamāṇam lāmakato	154	Ullittāvalittā kuṭī	134	
Uttarimanussadhamme	124	[ E ]		
Udakapuñchanī	269	Ekasamuṭṭhānā	110	
Udakanimitta	89	Ekasāṭakapārutanā	278	
Udakukkhepasīmā	90	Eko vā dve vā tayo		
tassā kappiyabhūmi	91	vāti vacane kāraṇam	142	
Uddesa	143	[ O ]		
Uddhāro	258	Okāsaparikappo	118	
Upacārasīmā	159	Odano	220	
Uparivehāsakuṭī	206	Odhānasamodhāno	148	
Upasampadā atṭha	104	Obhāsanākāro	129	
Upasampadāya		Omasavādā dasa	190	
anussāvanasampatti	106	Ovādapātimokkha	94	
ñattisampatti	106	Ovādūpasāñkamanayācanā	96-7	
parisāsamappatti	107	Osāraṇā	256-8	
vatthu	104	[ Ka ]		
sīmāsamappatti	106-7	Kamso	311	
		Katikāya deti	159, 160-1	
		Kathinatthāro	152	

Padānukkamo	Pitṭhaṇko	Padānukkamo	Pitṭhaṇko		
<b>[ Ka ]</b>			<b>[ Ka-Kha-Ga ]</b>		
Kathinānisaṁsā pañca	153	Kusāvahāro	119		
Kathinassubbhārāya mātikā aṭṭha	153	Koccha	201		
Kathinuddhāro dhammiko	326	Kaṇḍasīmā	90		
Kappabindupamāṇa	242	Khittacitto	114		
Kappā	299	Khīṇāsavopi sañcarittāpattim āpajjati	133		
Kappiyakārakā dasa	169-171	Gaṇa	295, 299, 300, 336		
Kappiyabhūmiyo	227	Gaṇanūpikā āpatti	297		
Kabalapamāṇam	282	Gaṇassa nissajjanānayo	156		
Kammalakkhaṇam	256-8	Gaṇo	216		
Kammāni dhammikāni cattāri	255	Gaṇṭhika	269		
Kayam samāpajjati	177	Ganthapātimokkha	84		
Karaṇanivāsanakkhettam	183	Garukammāni	259		
Kalyāṇadhamma	131	Garubhaṇḍavinicchayo	260-5		
Kāyabandhana	270	Garubhaṇḍāni pañca	260		
Kālikasammisse daṭṭhabbanayo	226	Gahapatānī	165		
Kālo	121	Gahapati	165, 298		
Kālodissa	232	Gāmasīmā	90		
Kiccādhikarāṇam tassa ekena samathena	289	Gāmūpacāro	115		
sammanatā	291	Gāmo	115		
Kuṭippavesakapārutam	278	Gilānātiritta	223		
Kuṭiminananayo	134	Gihigatāya sammutidāna- upasampadākaraṇakālo	345		
Kuṭijo tisso	134	Gihipārutam nānāvidham	278		
Kuṭhārī	260, 262	<b>[ Gha ]</b>			
Kudālo	260, 262	Gharam	115		
Kumāribhūtā	345	Gharūpacāro	115		
Kummāso	220				
Kuladūsanākārā	143				

Padānukkamo	Pitṭhaṇko	Padānukkamo	Pitṭhaṇko	
<b>[ Ca-Cha ]</b>			<b>[ Ja ]</b>	
Cakkavālaśīmā	160	Janapadasīmā	160	
Catukkaṇṇakam	276	Jātapatthavī tividhā	196	
Catuvgaggādikattabba-kammāni	85-6	Jātarūparajata-uggaṇhana-uggaṇhāpanapaṭisāmanesu vinicchayo	266-7	
Catusamuṭṭhānā	111	Jātassara	91	
Cammakkhanḍo	203	<b>[ Ḍa ]</b>		
Cāpalasuṇa	313	Ñattikamma	255	
Cimilikā	203	tassa navatṭhānagamanatā	256-7	
Cīvaram chabbidham	153	Ñatticatutthakamma	256	
Cīvarakālasamayo	187	tassa sattaṭṭhānagamanatā	258	
Cīvarakālo	159	Ñattidutiyakamma	255	
Cīvarakuṭikā	202	tassa sattaṭṭhānagamanatā	258	
Cīvaranikkhepaṭṭhānāni pannarasa	158	Ñattidosā pañca	106	
Cīvarassa adhiṭṭhānāni dve	154	<b>[ Ta ]</b>		
Cīvarassa nissajjananayo	155-7	Taṭṭikā	203	
Cīvarassuppādāya mātikā atṭha	159-162	Tassapāpiyasiṇī	290	
Cīvarādhīṭṭhānanayo	154	Tālavaṇṭakam	276	
Cīvarānam adhiṭṭhātabba-vikappetabbatā	153	Tikapācittiya	164	
Cīvarāni nava	153	Ticīvarassa saṅghāṭīti laddhanāmatā	323	
Cūlaṣuddhanto	147	Tiṇam	260, 263	
Codanā catasso	137	Tiṇavatthārakakammam	291	
Codanādhippāyā atṭha	138	Titthiyapakkantako	105	
Codanāmūlāni	137	Tiracchānagata	93, 105	
Corī	299	Tiracchānagatā	109	
Chandadānam	96	Tiracchānavijjā	334	
Chandapāriṇāsiyam	349	Tisamuṭṭhānā	110	
Chandapārisuddhidānānam ānisamso	96	Tuṇhībhūtena ṭhātabbanayo	170	
Chasamuṭṭhānā	111			

Padānukkamo	Pitṭhaṇko	Padānukkamo	Pitṭhaṇko		
<b>[ Ta-Tha ]</b>			<b>[ Dha ]</b>		
Telam	181	Dhaññāni satta	220		
Thāmamajjhimapurisa	91	Dhammasambhoga	249, 250		
Thāvaro	121	Dhammasammukhatā	289		
Theyyasamvāsako tividho	104	Dhammadiko kathinuddhāro	326		
Theyyasattha	248	Dhuranikkhepo	117		
Theyyāvahāro	117	<b>[ Na ]</b>			
<b>[ Da ]</b>			<b>[ Nā ]</b>		
Dakkhiṇeyyasamgho	85	Naccagītādīsu paṭipajji-tabbanayo	317		
Daṇḍa	285	Nadī	90		
Daṇḍakammanāsanā	250	Nadīnimitta	89		
Dassanūpacāra	233, 236	Navanītam	181		
Dānam	257, 258	Nāsanā tisso	250		
Dārubhaṇḍa	261, 263	Nikhādanam	260, 262		
Diṭṭhivipatti	157	Niggaho	258		
Diṭṭhivipattipaccayā paññattā āpattikkhandhā dve	157	Nidāna	110		
Dīpasīmā	160	Nimittakammām	117		
Dukkaṭavatthūni	169	Nirayena abhisapati	321		
Duṭṭhullavācā	129	Nivāsanadosā	276		
Duṭṭhullā āpatti	195, 246	Nisīdana	270		
Dutiyapārājika-vinicchayanayo	120	Nissaggiyavatthūni cattāri	169		
Duddhoto patto	225	Nissaggiyo	117, 121		
Durupaciṇḍadukkaṭam	230	Nissaṭṭhavatthum appaṭidentassa āpattiyo	157		
Dussapallatthikā	281	Nissāraṇā	156, 257, 258		
Desanā	258	<b>[ Pa ]</b>			
Dvārakosa	207	Pakkhamānattam samādānam	305-7		
Dvisamuṭṭhānā	110	Paccattharaṇam	203		
		Paccasācīvare paṭipajjtabbavidhi	163		

Padānukkamo	Pitṭhaṇko	Padānukkamo	Pitṭhaṇko
[ Pa ]		[ Pa ]	
Paccukkadḍhanā	257	Parasu	260, 262
Paccuddhāro	243	Parikappāvahāro	118
Paññatti navavidhā	110	Paribbājakapārutanā	278
Paṭiggahaṇe vinicchayo	229-230	Parimaṇḍalanivāsanam	276-7
Paṭiggahita-aṅgāni	229	Parimaṇḍalapārupanam	278
Paṭiggaho	257	Pariyesanakkhettam	183
Paṭicchannaparivāso	145-7	Parivāsakammavācākaraṇa-	
Paṭicchannamānattam	148	nayo	146
Paṭicchannāvahāro	118-9	Parivāsadānanayo	145-6
Paṭiññātakaraṇam	291	Parivāse vattasamādānam	
Paṭisamviditatā	274	parivasanam ca	147
Paṇḍakā pañca	104	Parivāso tividho	145
Paññam	260, 263	Parisapārivāsiyam	348
Paññattivajjā	112	Parissāvana	270
Pattakalla-aṅgāni cattāri	87	Palaṇḍuka	313
Pattaggāhāpako	180	Pallaṇko	331
Pattatthavikā	270	Pavattinī	344
Pattavikappanā	243	Pavāraṇaṅgāni pañca	219-220
Pattassa pamāṇam	178	Pavāraṇādivasā	86
Pattā nava	178	Pavāraṇāvinicchayo	220-2
Pattādhārakam	202	Pasayhāvahāro	117-8
Pattānīka	237	Pasākho	341
Patte bandhananayo	179	Pāṇātipātayayogā cha	121
Patto duvidho	178	Pāṇātipātī	121
Pathavī duvidhā	196	Pāṇātipāto	121
Padesapaññatti	110	Pāṇo	121
Pabbatanimitta	89	Pātimokkhavacanattha	84
Pabbājanīyakammakato	144	Pātimokkhabheda	84
Paramparabhojane vikappanā	217	Pātimokkhuddesā duvidhā	93
Parammukhāvikappanā	243	Pādo	261

Padānukkamo	Pitṭhaṇko	Padānukkamo	Pitṭhaṇko	
[ Pa ]				
Pānāni aṭṭha	231	Brahmacariyena abhisapanam	321	
Pāpakā samācārā	143	Brahmacārī	131	
Pārājikāni catuvīsatī	126	Brahmadaṇḍam	256	
Pārivattakam	165	Brāhmaṇapārutam	278	
Pārivāsiyam catubbidham	348	[ Bha ]		
Pārisuddhi-uposathakaraṇa-		Bhañjanaka	313	
nayo	94	Bhaṇḍaparikappo	118	
Pōrisuddhi-uposathabhedā	94	Bhaṇḍukammam	256	
Pārisuddhidānam	96	Bhikkhāpaññattiyā deti	159, 161	
Pāsāṇanimitta	89	Bhikkhunidūsako	106	
Pālikārakapārutam	278	Bhikkhunipātimokkhe		
Piṭṭhisamayamāsa	183	uddesā cattāro	85	
Pitughātako	105	Bhikkhuniyā parivāso natthi	305	
Pīṭham	201	Bhikkhuniyā sannidhi		
Puggala	110	bhikkhussa vaṭṭati	226	
Puggalasammukhatā	289	Bhikkhunīnam pañca cīvarāni	323	
Puggalassa deti	159, 162	Bhikkhunīnam pavāraṇā-		
Puggalassa nissajjananayo	156-7	karaṇavidhi	338-9	
Puñjapathavī	196	Bhikkhunīhi dvikkhattum		
Pubbakaraṇāni	95	āpucchittabbatā	347	
Pubbakiccāni	95	Bhikkhunovādo	96	
Pubbaṇṇam	207	tasmiṁ kattabbavidhi	96-8	
Pubbapayogo	117	Bhikkhupātimokkhe uddesā		
Purāṇacīvaram	163	pañca	84	
Purisattakaro	134	Bhikkhussa sannidhi		
Pesuññakaraṇam	191	bhikkhuniyā vaṭṭati	226	
[ Pha-Ba ]				
Phāṇitam	181	Bhisi	201	
Bimbohanapamāṇa	270	Bhūtagāma	197	
Bījagāmo pañcavidho	198	Bhūta(bīja)gāme kappiya-		
		karaṇanayo	198	

Padānukkamo	Pitṭhaṇko	Padānukkamo	Pitṭhaṇko	
<b>[ Bha-Ma ]</b>			<b>[ Ya ]</b>	
Bhūmattharaṇam	203	Yāmakālika	231	
Bhojanāni pañca	220	Yāvakālika	231	
Magganimitta	89	Yāvajīvaka	231	
Maggā timṣa	109	Yāvatatiyānussāvanāyam		
Macchavālakam	276	nānāvādā	101-2	
Mañcabhisi-ādīsu		Yebhuyyasikā	290	
adhiṭṭhānakiccam natthi	154-5	<b>[ Ra ]</b>		
Mañco	201	Rajataṁ	175	
Mattikā	261, 263	Rajjasīmā	160	
Mattikābhaṇḍa	261, 264	Raṭṭhasīmā	160	
Madhu	181	Rattipārivāsiyam	348	
Manussavasā	181	Rathānīka	237	
Manodvāre āpatti nāma natthi	112	Rasaraso	281	
Mahallakavihāra	136	Rittakapotthako	263	
Mahājeṭṭhapārutam	278	Rukkhanimitta	89	
Mahāphalam navavidham	231	Rūpiyachaṭṭako	176	
Mahāvikaṭāni cattāri	232	Rūpiyanissajjananayo	175	
Mahāsaddo	280	Romaṭṭhaka	225	
Mahāsikkhamānā dve	343, 345	<b>[ La ]</b>		
Mahāsuddhanto	147	Lahukammāni	259	
Mātāpitūnampi veyyāvaccassa		Lābhasīmā	160	
na kattabbatā	332	Lābho	242	
Mātughātako	105	Liṅgatthenako	104	
Mānattarā duvidham	148	Liṅganāsanā	250	
Missakasamodhāno	148	Lokavajjā	112	
Missapathavī	196	Loṇasovīraka	238	
Mukhasannidhi	227	Lohakaṭāham	260, 261	
Musā bhaṇtantassa nānā-		Lohakumbhī	260, 261	
āpattiyo	190			
Musāvādabhaṇanam	190			

Padānukkamo	Pitṭhaṇko	Padānukkamo	Pitṭhaṇko		
[ La ]			[ Va ]		
Lohabhaṇḍa	261-5	Vipattisīmāyo ekādasa	87-8		
Lohabhājanāni	261	Vivādādhikaraṇam	289		
Lohabhāṇakam	260, 261	tassa dvīhi samathehi	289		
Lohavāraka	260, 261	sammanatā	290		
Lohituppādako	106	Visuddhi	125		
[ Va ]			[ Sa ]		
Vajjanīyā puggalā	93	Samkaccikā	353		
Vatthu	110, 121	Samghabhedako	106		
Vatthusandassanā	137	Samghasammukhatā	289		
Vatthūnam parivattane nānā-āpattiyo	176	Samghassa deti	159, 161		
Vananimitta	89	Samghassa nissajjananayo	155-6		
Vammikanimitta	89	Samghāṭiyā pamāṇam lāmakato	153-4		
Valli	260	Samghādisesakarāni akkosavacanāni			
Vassarūvūṭhasarīghassa deti	159, 162	tīṇi	130		
Vasātelam	181	Samgho duvidho pañcavidho	85		
Vācāpamāṇam	194	Samvalliyam	277		
Vāsi	260, 262	Samvāsa	109, 126, 249, 250, 340		
Vāsijaṭa	269	Samvāsatthenako	105		
Vikappanā dve	242	Samvāsanāsanā	250		
Vikappanupagacīvara- pamāṇam	153	Samvāsappaṭikkhepo	137		
Vikāla	225, 268, 320	Samvidhāvahāro	117		
Vikkayam samāpajjati	177				
Vijjāmayo	122				
Vitāna	270				
Vidha	269				
Vinayadukkaṭa	230				
Vinayasammukhatā	289				
Vipatti catubbidhā	110				

Padānukkamo	Pitṭhaṇko	Padānukkamo	Pitṭhaṇko
[ Sa ]		[ Sa ]	
Saṅkappo	122	Savanūpacāra	233
Saṅketakammām	117	Sahajīvinī	328, 344
Saṅghātiṇaŋnaggahaṇām	296	Sahadhammika	143
Saṅghāti = Ticīvaram	323	Sahapayogo	117
Sañcarittasamāpajjanākārā	131	Sahaseyyapahonakavihāra	193
Saññācikā	133	Sājīva	107
Satavalikām	276	Sāpattikena pātimokkhām na sotabbām	99
Sativinaya	290	Samām pakkam	227
Sattabbhantarāsīmā	90	Sāmaggi-uposathadivaso	86
Sattāhakālikā	231	Sāmaggipavāraṇādivaso	86
Sattu	220	Sāmīcippaṭikkhepo	137
Satthusāsanām	295	Sāhatthiko	116-7, 121
Santī āpatti	103	Sikkhamānā	342
Santhatakaraṇanayo	172	Sikkhā	107
Sappi	181	Sikkhāpaccakkhāna-aṅgāni cha	107
Sabbaparicchanna	193	Sikkhāpadasamuṭṭhānāni cha	110
Sabhāgā āpatti	92	Sīmā pannarasavidhā	159
Sabhāgāya āpattiyā sati kattabbavidhi	92	Sīmā	
Samaggo saṅgho	141	abaddhasīmā tividhā	90
Samanubhāsanā	258	kammavācāsampatti	90
Samasūpakaparicchedo	281	nimittāni aṭṭha	88-9
Samānasāmīvāsasīmā	90	baddhasīmālakkhaṇā	87
Samuṭṭhānāni cha	110	bheda	90
Samodhānaparivāso tividho	147-8	sampatti tividhā	88-9
Sammukhāvikappanā dve	242-3	Sīmāya deti	159
Sammukhāvinayo	289	Sīlapātimokkha	84
Sammuti	257, 258	Sīlavanta	131
Sammutisamgho	85	Sōlavipatti-āpattiyo	157
		Sīsappamāṇām	270

Padānukkamo	Pitṭhaṇko	Padānukkamo	Pitṭhaṇko
[ Sa ]		[ Sa ]	
[ Ha ]			
Sugatavidatthiyā pamāṇam	134	Setapaṭapārutam	278
Sutena sāvetabbatā	85	Senaṅgāni cattāri	237
Suttuddesa	93	Seyyā dasavidhā	202-3
Suddhantaparivāso duvidho	147	Sokāvāsa	347
Suddhapathavī	196		
Surāsonḍapārutam	278		
Sekhiyānam sādhāraṇa-		Hatthaggahaṇam	296
vinicchayo	277	Hatthapallatthikā	281
Sekhiyesu āpattināmena		Hatthapāsaminananayo	221
avacane kāraṇam	276	Hatthānīka	237
Sekhiyesu paricchedassa		Hatthisonḍakam	276
akaraṇe kāraṇam	276	Hattho	128
Sekhiyesu		Haritaka	313
samuṭṭhānādīdīpanam	288	Haritabhāvo	287

## Kaṇkhāvitaranī-atiṭṭhakathāya

### Nāmānam anukkamaṇikā

Nāmānukkamo	Pitṭhaṇko	Nāmānukkamo	Pitṭhaṇko	
<b>[ A ]</b>			<b>[ Cha-Ja ]</b>	
Anuruddhatthera	193	Channatthera	136, 143, 199, 208, 239, 251	
Ariṭṭhatthera	249	Chabbaggyā bhikkhuniyo	297, 308, 313, 317, 322, 331, 340, 350-1, 355	
Assajipunabbasukā bhikkhū	144	Chabbaggyā bhikkhū	157, 167, 172-3, 175, 179- 80, 183, 185, 189, 191-2, 196, 204- 5, 209, 211, 213- 4, 216, 229, 236- 8, 240, 244-6, 250- 5, 259-60, 268, 270-1, 273	
<b>[ Ā ]</b>			Jambudīpa	
Ānandatthera	232, 266		160	
Ālavī (Raṭṭha)	110, 135, 172, 193, 197-8, 209	<b>[ Ta-Tha-Da ]</b>		
<b>[ U ]</b>			Tambapaṇṇidīpa	
Udāyitthera	129, 130-2, 151, 164-5, 194, 212, 245	Thullanandā	160 295-6, 298-9, 301, 304, 308-9, 311-3, 319-20, 323-6, 328-9, 332-4, 336, 344, 347-9	
Upanandatthera	166, 168, 171, 176-7, 184, 186, 233-5, 244, 269	Dabbatthera	139-40	
<b>[ Ka ]</b>			Devadatta	
Kāsi	160		106, 142, 214, 217	
Kosambī	110, 136, 143, 199, 208, 238-9, 251			
Kosala (raṭṭha)	160			
<b>[ Ca ]</b>				
Caṇḍakālī	321-2, 346			
Cūḍapanthakatthera	210			

Nāmānukkamo	Pitṭhañko	Nāmānukkamo	Pitṭhañko
<b>[ Dha-Na ]</b>			
Dhaniyatthera	120	Sāgatatthera	238
Nandatthera	271	Sāvatthi	110, 127, 129-
<b>[ Ba-Bha ]</b>			
Bimbisāra	119		32, 144, 151, 158,
Belatṭhasīsatthera	226		163-4, 166-8, 171,
Bhagga (ratṭha)	110, 241		173-4, 177, 179,
			182-4, 186-94,
<b>[ Ma-Ra ]</b>			
Mettiyabhūmajakā bhikkhū	138, 200		196, 202-6, 209-
Rājagaha	110, 120, 138,		10, 212-4, 216,
	142, 165, 176, 185,		219, 223-4, 226,
	200, 214, 217, 225,		229, 233-4, 236-
	235, 241, 247, 260,		40, 242, 244-6,
	273, 317, 329-30, 349		248-255, 259, 266-
			73, 294-9, 301-2,
<b>[ Va-Sa ]</b>			304, 308-29, 331-
Vaggumudā (nadī)	125, 195		4, 336, 337-8, 344,
Vesālī	110, 113, 123,		346-52, 353, 355
	125, 157, 195,		
	218, 231-2, 336		
Sakka (ratṭha)	175, 180, 211,	Sudinnatthera	113
	236, 269, 274,	Sundarīnandā	294, 302
	314, 340	Seyyasaka	127
Sattarasavaggiyā		Soṇatthera	83, 356
(bhikkhū)	203, 225		
<b>[ Ha ]</b>			
Hatthaka (Sakyaputta)			190

## Kaṅkhāvitaranī-attīhakathāya

### Nānāpāṭhā

Pāthamo mūlapāṭho, Sī = Sīhalāpotthakam, Syā = Syāmapotthakam,  
 Kam = Kambojāpotthakam, Ka = kesuci Marammapotthakesu  
 dissamānapāṭho, Mahāṭīkā = Kaṅkhāyojanāmahāṭīkā, Yojanā =  
 Pācityādiyojanā, Tīha = Attīhakathā.

## Kaṅkhāvitaranī-attīhakathāya

Nānāpāṭhā

Piṭṭhaṅkā

### [ A ]

Aññatarena = Aññatarena ākārena (Sī)	99
Attīhuppattiyaṁ = Atthuppattiyaṁ (Ka, Kam)	139
Anunimitte = Anunimitte (Mahāṭīkā)	114
Atthajotakam = Tam atthajotakam (Mahāṭīkā)	239
Atthapaccatthikānam = Attapaccatthikānam (Sī) Mahāṭīkā	289
Atthīti = Mutam atthīti (Sī)	139
Adhiṭṭhetīti = Adhiṭṭhātīti (Sī, Kam, Ka) (Vi 5. 214)	154
Anadhiṭṭhitam avikappitañca = Anadhiṭṭhitam vā avikappitaṁ vā (Syā, Kam)	155
Ananuññātakaraṇam = Ananuññātakāraṇam (Sī, Ka)	267
Anāṇattikam = Sāṇattikam (Sī, Kam)	202-3
Aniggatam = Anībhatarām (Sī, Syā, Kam)	266
Aniggataratanakam = Anībhataratanakam (Sī, Syā, Kam)	266
Aniggataratanake = Anībhataratanake (Sī, Syā, Kam)	266
Anuddhamisanā = Anuddhamisanatā (Ka)	254
Antarāyam karoti = Antarāyakaro (Sī-Ka)	103
Antogadhesu = Antogatesu (Sī)	143
Appaggham = Samaggham (Syā, Kam, Ka)	312
Appacuddhāraṇam = Apacuddhārakam (Sī, Kam)	244
Aphāsu = Aphāsukam (Sī, Kam)	327
Ayam pana anāpatti = Ayam anāpatti (Syā, Kam) Ayam panāpatti (Sī)	114

Nānāpāṭhā

Piṭṭhaṇkā

## [ A ]

Ayathākatikāya = Aññāya katikāya (Kam)	195
Ayoguļampi = Ayagūtham (Sī, Syā, Kam)	
Ayaguļo (Vi-Tṭha 3. 319 piṭṭhe)	89
Avalañjito = Avalañjo (Sī) Avalañjiyamāno (Syā)	89
(Avasiṭṭham) = ( ) (Syā)	178
Avassute = Avassave (Sī-Uparipi)	294
Ahesuñcāti = Ahuvuñcāti (Vi-Tṭha 3. 26)	
Ahuvatthuñcāti (Yojanā)	197

## [ Ā ]

Āgacchamānā = Agacchamānā (Vi-Tṭha 3. 223)	347
(Āñāpakassa) = ( ) Etthantare pāṭho mūlantaresu natthi.	
Vi-Tṭha 3. 21 piṭṭhe pana atthi.	197
Āhaṭam = Ābhataṁ (Sī)	310
Ālavike = Ālavaka (Vi 1. 218)	135

## [ I-U ]

(Idam pana) = ( ) (Sī)	255
Uddissake = Uddesike (Vi-Tṭha 2. 43)	121
Uddissānuddissabhedato = Uddisakānuuddisakabhedato (?)	121
Upadarṁseyya = Upadasseyya (Ka)	335

## [ E ]

Ekakammādikova tividhopi

vidhi samvāso = Ekakammādiko vidhi (Syā, Kam)	
Ekakammādiko tividho (Sī)	109
Ekaccam vā = Ekadesam vā (Sī, Syā, Kam)	147
Ekūnavīsatime = Ekūnavīse (Sī, Ka, Mahāṭīkā 4. 352)	283
Evamevam = Evameva (Ka)	101
.... evāti = .... eva vā (Ka)	86

Nānāpāṭhā	Pitṭhaṇkā	
<b>[ O ]</b>		
Ottharitvā = Otaritvā (Ka)	Osaritvā (Sī, Syā, Kam)	91
Obhujitvā = Obhañjitvā (Sī, Kam)	(Vi-Tṭha 4. 54)	276
<b>[ Ka-Kha ]</b>		
Kaṅkhāvitaraṇatthiko = Kaṅkhānittharaṇatthiko (Sī)	356	
Kammārataṭṭakāra -pa-	kānam = Kammārarathakārataccchakāra -pa-	
	kānam (Sī, Kam)	262
...karaṇīyena vā = ...karaṇīye vā (Sī, Syā, Kam)	235	
Kalisāsanāropane = Kalisāsanārocane (Sī, Kam)	233	
(Kāmañcesa dasāhaparamam -pa- ṭhapitam) = ( ) Pamādapāṭhoti		
Tīkāyam vutto. (Vi-Tṭha 2. 306)	187	
Kātum = Pātetum (Mahāṭīkā 4. 369)	288	
Kālasaññāya = Kālasaññitāya (Syā, Kam)	100	
Kim = Kinti (Ka)	134	
Kīlanagharam = Kīlāgharam (Sī, Kam)	330	
Kuṭhārī = Kudhārī (Ka)	260	
Kulumpasutta = Kulumbasutta (Kam)	192	
Kusam = Īsakam (Kam)	119	
Koṇesu = Kanṇesu (Sī)	115	
Kosiyamissakabhāvo = Kosiyabhāvo (Mahāṭīkā, Sī)	172	
Khajjakaphalāphalehi = Sabbakhajjakaphalāphalehi (Syā, Kam)	283	
<b>[ Ga-Gha-Ca ]</b>		
Gaṇa-ācarinī = Gaṇācariṇī (Sī) (Vi 2. 292)	299	
Ghaṭapiṭharādikulālabhājanam = Ghaṭapidhānādikulālabhājanam		
	(Syā, Ka)	264
Catumāsapavāraṇā vā = Cātummāsappaccayapavāraṇā vā (Kam)	235	
Cātuddaso pannarasoti = Cātuddasiyo pannarasiyo (Sī)	340	
Cimilikāya = Cilimikāya (Sī, Syā, Kam)	270	
<b>[ Ja-Ña ]</b>		
Jānanā = Jananatā (Sī)	Jānanam (Kam)	250
Ñattikammavācādvaye ca = Ñattikammavācāya ca (Sī)	342	

Nānāpāṭhā

Piṭṭhaṇkā

## [ Tha-Ta-Da ]

Thapetvā = Thapetvā puna (Syā, Kam)	118
Tam natthi = Kātabbanti natthi (Syā, Kam, Vi-Tṭha 2. 237)	
Kammam kātabbam natthi (Sī)	158
Taṅkhaṇavijānananti = Taṅkhaṇam vijānananti (Sī, Syā, Kam)	130
Taṅkhaṇūpappannampi = Taṅkhaṇuppannampi (Sī, Syā, Kam)	123
Tālīsapattañca = Tamālapattañca tālīsapattañca (Kam) Tīkā passitabbā.	201
Tuvaṭtanavatthusmīm = Nipajjanavatthusmīm (Sī)	327
Dutiyam = Dutiye (Sī, Mahātīkā 4. 273)	266
Durupaciṇḍadukkaṭañca = Durūpacīṇḍadukkaṭameva (Kam)	230
Dūsito = Dusito (?)	136
Desacārikam = Padese cārikam (Sī)	329

## [ Dha-Na ]

Dhuram = Dhure (Sī, Kam)	340-1
Dhotam = Dhovitam (Syā, Kam)	164
Nappamāṇam = Nappamāṇā (Sī)	119
Nānam = Nānattam (Sī, Syā, Kam)	157
Nāvābhruhanavatthusmīm = Bhikkhuniyā saddhim	
nāvābhruhanavatthusmīm (Kam)	214
Nikkhantam = Anībhatanti anikkhanti (Sī, Syā, Kam)	266
Nikkhittavattena = Nikkhittavattāya tāya (Sī, Kam)	306
Nidānuddeso tāva = Nidānuddeso nāma (Sī)	
Nidānuddeso (Ka)	84
Nisadam = Nisado (Sī) Nisadā (Kam) (Vi-Tṭha 4. 83)	264

## [ Pa ]

Pakkamantena = Pakkamantenapi (Sī) (Vi 2. 213)	267
Paccuddhāraṇasaññissa = Paccuddhārakasaññissa (Sī, Kam)	244
Paccuddhāraṇe appaccuddhāraṇasaññissa = Paccuddhārake	
apaccuddhārakasaññissa (Sī, Kam)	244

## Nānāpāṭhā

## Piṭṭhanikā

## [ Pa-Ba ]

Paṭiggahe = Paṭigghahetvā (Sī, Vi 2. 261)	284
Pana = Ca (Syā, Kam)	182
Pana tassa = Panassa (Syā)	84
Pabbajjākāle = Pabbajanakāle (Sī, Ka)	347
“Parakkamī”ti padena “aṭṭhāsi”ti padena = Parakkamipadena ca aṭṭhāsipadena ca (Sī)	141
Parasu = Pharasu (Sī, Kam)	260
Parājito = Parājitova (Ka)	109
Pariyīṭhimatteyeva = Pariyīṭhamatteneva (Vi-Tīha 2. 41)	122
Paharato = Hanato (Sī)	239
Pāsādikabhāvasaṁvattanikena = Pāsādiyasamaṁvattanikena (Sī)	143
Pesitam = Thapitam (Syā, Kam, Ka, Sī-Tī Abhinava)	165
Balibaddhehi = Balibaddehi (Sī)	135

## [ Bha ]

Bhaṭṭiputtaṇāḍikam = Bhaṭṭiputtaṇāḍikam (Sī, Kam)	299
Bhaṇḍadeyyameva = Bhaṇḍādeyyamevāti (Ka)	118
Bhaṇḍikalasuṇameva = Gaṇḍikalasuṇameva (Pācītyādiyojanā 1. 116)	313
Bhindivālako = Bheṇḍivālako (Sī, Ka) (Vi-Tīha 4. 80)	261
Bhuttāvinā = Bhuttāvināva (Vi-Tīha 3. 96)	223
Bhuttāvītipi saṅkham = Bhuttāti saṅkham (Sī)	219

## [ Ma ]

Mahantampi ekampi bahūnipi vaṭṭanti = Mahantampi vaṭṭati ekampi vaṭṭati bahūnipi vaṭṭanti (Syā, Kam) (Vi-Tīha 2. 227)	154
(Mukhamhi) = ( ) (Sī, Syā, Kam)	283

## [ Ra-La ]

Ratti-andhakāre = Rattimandhakāre (Sī, Kam)	318
Lāmakaparicchedena = Omakaparicchedena (Sī)	153

Nānāpāṭhā

Piṭṭhaṅkā

## [ Va ]

...vacanalāvaṇṇayuttena = ...vacananelavaṇṇayuttena (Ka)	357
(Vi-Tṭha 4. 264)	
Vatāni = Vattāni (Syā, Kam)	105
Vattayissāmi = Kathayissāmi (Sī) Vaṇṇayissāmi (Ka)	82
Vāyāmeyya = Vāyameyya (Ka, Kam)	141
Vikkhittopi = Vikkhittacittopi (Syā, Kam)	151
Viñjhāṭavi-ādīsu = Vijjhāṭavi-ādīsu (Ka)	90
Vivaṇṇane = Vivaṇṇake (Kam)	252
Vissāsam = Vissāsā (Sī)	309
Vebhassiyāti = Vebhassāti (Sī, Kam)	304
Vematikassa ca = Vematikādīnañca (Sī, Yojanā)	225

## [ Sa ]

Samhārimena vālena = Āharimehi vālehi (Vi 2. 393)	331
Sanṭhamānakam = Sanṭhahanakam (Sī)	89
Sannidhikāro = Sannidhimkāro (Ka)	225
Samatittikam = Samatittikam (Ka)	76
(Samāpannoti) = ( ) (Sī)	107
Sayam = Sayañca ummattakādīnañca (sabbattha) (Vi-Tṭha 3. 48,	
Kañkhāmahāṭīkā 3. 383)	205
Sāpattikena = Sāpattikena bhikkhunā (Ka)	99
Sikkhāpadavivaṇṇanañcāti = Sikkhāpadavivaṇṇakañcāti (Kam)	252
Sukkavissaṭṭhīti = Sukkavisaṭṭhīti (Sī, Syā)	127
Sutvā vacanam = Sutvā (Syā, Ka)	191
Suntante = Suttantena (Sī, Vi 2. 460)	352
(Seyyanti) = ( ) (Sī)	202

## Kaṅkhāvitaranī-atiṭṭhakathāya

### Gāthāsūci

Paṭhamapādā	Piṭṭhaṅkā	Paṭhamapādā	Piṭṭhaṅkā
<b>[ A-U-E ]</b>			
Attham hi nātho saraṇam avoca	114	Pāmokkham anavajjānam	83
Anālapanto manujena kenaci	102	Buddham dhammañca saṁghañca	83
Anūpavādo anūpaghāto	94	Bhikkhunīnaṁ hitatthāya	293
Ārabhim yamaham sabbam	356	Mahāvihāravāsīnam	83
Uposatho yāvatikā ca bhikkhū kammappattā	1, 37, 87	<b>[ Pa-Ba-Ma ]</b>	
Evam anantarāyena	356	Yathā ca niṭṭham sampattā	356
<b>[ Kha-Cha ]</b>			
Khantī paramam tapo titikkhā	94	Yasmā tasmā akatvāva	356
Chandapārisuddhi- utukkhānam	1, 37, 95, 99	Yāva “Buddho”ti nāmampi	357
<b>[ Ta-Tha ]</b>			
Tattha sañjātakaṅkhānam	83	Rājadubbhikkhakantāra	105
Tāva tiṭṭhatu lokasmim	357	<b>[ La-Va ]</b>	
Tidhā ekasamuṭṭhānā	111	Lakkhaṇam sattarasadhā	109
Theravaṁsappadīpānam	83	Vaṇṇanam pātimokkhassa	356
<b>[ Na ]</b>			
Na hettha tam padam atthi	356	Vatthu kālo ca okāso	121
Nidānam puggalam vatthum	109	<b>[ Sa ]</b>	
Nissāya sā ayam niṭṭham	356	Samvāsam nādhivāseti	105
		Sañcicca āpattim āpajjati	100
		Sabbapāpassa akaraṇam	94
		Samuṭṭhānavidhim kiriyā	109
		Sammajjanī padipo ca	1, 37, 95
		Sikkhāpadā Buddhavarena vaṇṇitā (Vi 5. 374)	301
		“Suṇātu me”ti-ādīnam	85
		Sūratena nivātena	83